(সনুজ্ পত্ৰ)

अभाश्यम्

প্রীপ্রমথ চৌধুরী সম্পাদিত

--- YTY ---কান্তিক প্রেস ২০, কর্ণপ্রয়ালিস দ্রীট, কলিকাতা



ু কৰ্ওবালিন ক্লট কলিকাতা কান্তিক প্ৰেন হইতে জীহনিচনণ দানা দানা দুলিও ও ২০, ৰূপৰমালিন ট্ৰাট কলিকাতা কান্তিক প্ৰেন হইতে শ্ৰীমুক্ত কালাচাঁদ লাকাল.

100142 89:44.05 5118?

Si va . 666385

সনুজ্ পত্ৰ

মুখপত্ৰ

ওঁ প্রাণায় স্বাহা

৺দিকে দুলাল রায় বাঙ্গালী জাতিকে পরামর্শ দিয়েছিলেন—
"একটা নতুন কিছু করো।" সেই পরামর্শ অনুসারেই যে আমরা
একখানি নতুন মাদিক পত্র প্রকাশ কর্তে উত্তত হয়েছি, এ কথা
বল্লে সম্পূর্ণ সত্য কথা বলা হবে না। এ পৃথিবীটি যথেন্ট পুরোনো,
স্তরাং তাকে নিয়ে নতুন কিছু করা বড়ই কঠিন, বিশেষতঃ এ দেশে।
যদি বহু চেন্টায় নতুন কিছু করে' ভোলা যায়, তা হয় জলবায়ুর গুণে
ছদিনেই পুরোনো হয়ে যায়, নয় ত পুরাতন এসে তাকে প্রাস করে'
ফেলে। এই সব দেখে শুনে, এদেশে কথায় কিন্বা কাজে নতুন
কিছু কর্বার জন্ম যে প্রিমাণ ভরদা ও সাহস চাই—তা যে আমাদের
আহি তা বল্তে পারিনে।

यि কেউ জিজ্ঞানা করেন যে তুর্বে কি উদ্দেশ্য সাধন করবার জন্ম, কি অভাব পূরণ কর্বার জন্ম, এত কাগজ থাক্তে আবার একটি নতুন কাগজ বার করছি--ভাহলেও আমাদের নিরুত্তর থাক্তে হবে; কেন না কথা দিয়ে কথা না রাখতে পারাটা সাহিত্য-সমাজেও ভদ্রতার পরিচায়ক প্রকাশ করবার পূর্বেব নিজের পরিচয় দেওয়াটা,—শুধু পরিচয় দেওয়া নয়, নিজের গুণগ্রাম বর্ণনা করাটা,—যদিও মাসিক পত্রের পক্ষে একটা সর্বলোকমান্য "সাহিত্যিক" নিয়ম হয়ে দাঁড়িয়েছে. তবুও সে নিয়ম ভঙ্গ করতে আমরা বাধ্য। যে কথা মাসে বারো কিস্তিতে রাখ্তে হবে, তার যে মাঝে মাঝে খেলাপ হবার সম্ভাবনা নেই—এ জাঁক করবার মত গ্রঃসাহস আমাদের নেই। তা ছাড়া স্বদেশের কিম্বা স্বজাতির কোনও একটি অভাব পূরণ করা, কোনও একটি বিশেষ উদ্দেশ্য সাধন করা সাহিত্যের কাজও নয়, ধর্ম্মও নয়; সে হচ্ছে কার্যক্ষেত্রের কথা। কোনও বিশেষ উদ্দেশ্যকে অবলম্বন করাতে মনের ভিতর সঙ্কীর্ণতা এসে পড়ে, সাহিত্যের স্ফুর্ত্তির পক্ষে তা অমুকৃল নয়। কাজ হচ্ছে দশে মিলে কর্বার জিনিষ। দলবদ্ধ হয়ে আমরা সাহিত্য গড়তে পারি নে, গড়তে পারি শুধু সাহিত্য-সন্মিলন। কারণ দশের সাহায্যে ও সাহচর্য্যে কোনও কাজ উদ্ধার করতে হলে, নিজের স্বাভন্তাটি অনেকটা চেপে দিতে হয়। যদি আমাদের দশজনের মধ্যে মনের চৌদ্দ-আনা মিল থাকে, তাহলে প্রতিজনে বাকী ত্র-আনা বাদ দিয়ে, একত্র হয়ে স্কলের পক্ষে সমান বাঞ্ছিত কোনও ফললাভের জন্ম চেফ্টা করতে পারি। এক

দেশের এক যুগের, এক সমাজের বহু লোকের ভিতর মনের এই চৌদ্দ-আনা মিল ° থাকলেই সামাজিক কার্য্য স্থসম্পন্ন করা সম্ভব হয়, নচেৎ নয়। কিন্তু সাহিত্য হচ্ছে ব্যক্তিত্বের বিকাশ। স্থুতরাং সাহিত্যের পক্ষে মনের ঐ পড়ে-পাওয়া-চৌদ্দুআনার চাইভে, ব্যক্তিবিশেষের নিজম্ব তু-আনার মূল্য ঢের বেশী। কেননা ঐ ছ-আনা হতেই তার স্থাষ্ট এবং স্থিতি, বাকী চৌদ্দ-আনায় তার লয়। যার সমাজের সঙ্গে যোল-আনা মনের মিল আছে, তার কিছু বক্তব্য নেই। মন পদার্থটি মিলনের কোলে ঘুমিয়ে পড়ে, আর বিরোধের স্পর্শে জেগে ওঠে। এবং মনের এই জাগ্রত ভাব থেকেই সকল কাব্য, সকল দর্শন, সকল বিজ্ঞানের উৎপত্তি।

🗸 এ কথা শুনে অনেকে হয়ত বল্বেন যে, যে দেশে এত দিকে এত অভাব, সে দেশে যে লেখা তার একটি অভাবও পূরণ না করতে পারে, সে লেখা সাহিত্য নয়,—সখ। ও ত কল্পনার আকাশে রঙীণ কাগজের বুড়ি ওড়ানো, এবং সে বুঁড়ি যত শীঘ কাটা পড়ে' নিরুদ্দেশ হয়ে যায় ততই ভাল। অবশ্য ঘুড়ি ওড়াবারও একটা সার্থকতা আছে। ঘুড়ি মানুষকে অন্ততঃ উপুরের দিকে চেয়ে দেখ্তে শেখায়। তবুও একথা সত্য যে মানব-জীবনের সঙ্গে যার ঘনিষ্ঠ সম্বন্ধ নেই, তা সাহিত্য নয়, তা শুধু বাক্-ছল। জীবন অবলম্বন করে'ই সাহিত্য জন্ম ও পুষ্টিলাভ করে, কিন্তু সে জীবন মানুষের দৈনিক জীবন নয়। সাহিত্য হাতে হাতে মাসুষের অন্নবস্ত্রের সংস্থান করে দিতে পারে না। কোনও কথায় চিড়ে ভেজে না. কিন্তু কোনও কোনও কথায় মন ভেজে. এবং সেই জাতির কথারই সাধারণ সংজ্ঞা হচ্ছে সাহিত্য। শব্দের শক্তি অপরিদীর্ম। রাত্রির অন্ধকারের সঙ্গে মশার ত্রন্গুনানি মানুষকে ঘুম পাড়ায়—অবশ্য যদি মশারির ভিতর শোওয়া যায়,—আর দিনের জালোর সঙ্গে কাক কোকিলের ডাক মানুষকে জাগিয়ে তোলে। প্রাণ পদার্থটির গুঢ়তত্ব আমরা না জান্লেও, তার প্রধান লক্ষণটি এতই ব্যক্ত এবং এতই স্পাষ্ট, যে তা সকলেই জানেন। সে হচ্ছে তার জাগ্রতভাব। অপরদিকে নিদ্রা হচ্ছে সহোদরা। কথায় হয় আমাদের জাগিয়ে তোলে, নয় ঘুম পাড়িয়ে দেয়—তাই আমরা কথায় মরি বাঁচি। মন্ত্র সাপকে মুগ্ধ করতে পারে কি না জানিনে, কিন্তু মামুষকে যে পারে তার প্রত্যক্ষ প্রমাণ গোটা ভারতবর্ষ। সংস্কৃত শব্দ যে সংস্কারকে বাধা দিতে পারে তার প্রমাণ বাঙ্গলা সাহিত্য। মানুষ মাত্রেরই মন কতক স্থপ্ত আর কতক জাগ্রত। আমাদের মনের যে অংশটুকু জেগে আছে সেই অংশটুকুকেই আমরা সমগ্র মন বলে ভুল করি,—নিদ্রিত অংশটুকুর অস্তিত্ব আমরা মানিনে, কেন না জানিনে। সাহিত্য মানব-জীবনের প্রধান সহায়, কারণ তার কাজ হচ্ছে মাসুষের মনকে ক্রমান্ত্রয় নিদ্রার অধিকার হতে ছিনিয়ে নিয়ে জাগরক করে' তোলা। আমাদের বাঙ্গলা সাহিত্যের ভোরের পাখীরা যদি আমাদের প্রতিষ্ঠিত সবুজপত্র-মণ্ডিত সাহিত্যের নব শাখার উপর এসে অবতীর্ণ হন, তাহলে আমরা বাঙ্গালীজাতির সব চেয়ে যে বড় অভাব তা কতকটা দূর কর্তে পার্ব। সে অভাব হচ্ছে আমাদের মনের ও চরিত্রের অভাব যে কতটা, তারি জ্ঞান। আমরা যে আমাদের সে অভাব সম্যক্ উপলব্ধি কর্তে পারিনি তার প্রমাণ এই বে, আমরা নিত্য লেখায় ও বক্তৃতায় দৈয়াকে ঐশর্যা বলে', জড়তাকে সান্ত্রিকতা যলে, আলস্যানৈ ওঁদাস্য বলে, শ্মশ্পান-বৈর্মীগ্যকে ভূমানন্দ বলে, উপবাসকে উৎসব বলে, নিক্ষ্মাকে নিজ্জিয় বলে প্রমাণ করতে চাই। এর কারণও স্পাইট। ছল তুর্বলের বল। যে তুর্বল সে অপরকে প্রভারিত করে আত্মরক্ষার জন্ম, আর নিজেকে প্রভারিত করে আত্মপ্রসাদের জন্ম। আত্মপ্রবঞ্চণার মত আত্মঘাতী জিনিষ আর নেই। সাহিত্য, জাতির খোরপোষের ব্যবস্থা করে দিতে পারেনা—কিন্তু আত্মহত্যা থেকে রক্ষা করতে পারে।

আমরা যে দেশের মনকে ঈষৎ জাগিয়ে তুলতে পারব, এত বড় স্পর্দ্ধার কথা আমি বলতে পারিনে, কেননা, যে সাহিত্যের দ্বারা তা সিদ্ধ হয়, সে সাহিত্য গড়বার জন্ম নিজের সদিচছাই যথেষ্ট নয়,—তার মূলে ভগবানের ইচ্ছা থাকা চাই, অর্থাৎ নৈসর্গিকী প্রতিভা থাকা চাই। অথচ ও এখর্য্য ভিক্ষা করে' পাবার জিনিষ নয়। তবে বাঙ্গলার মন যাতে আর বেশি ঘুমিয়ে রা পড়ে, তার চেফা আমাদের আয়ত্তাধীন। মামুষকে ঝাঁকিয়ে দেবার ক্ষমতা অল্পবিস্তর সকলের হাতেই আছে—সে ক্ষমতার প্রয়োগটি কেবলু আমাদের প্রবৃত্তিসাপেক্ষ। এবং আমাদের প্রবৃত্তির সহজ গতিটি যে ঐ নিজেকে এবং অপরকে সজাগ করে' তোলবার দিকে তাও অস্বীকার করবার যো নেই, কারণ ইউরোপ আমাদের মনকে নিত্য যে ঝাঁকুনি দিচেছ তা'তে ঘুমের ব্যাঘাত ঘটে। ইউরোপের সাহিত্য, ইউরোপের দর্শন, মনের গায়ে হাত বুলোয় না, কিন্তু ধাৰু। মারে। ইউরোপের সভ্যতা অমৃতই হোক্, মদিরাই হোক্, আর হলাহলই হোক্. তার ধর্ম্মই হচ্চে মনকে উত্তেজিত করা, স্থির থাক্তে দেওয়া নয়। এই ইংরাজি-শিক্ষার প্রসাদে, এই ইংরাজি-সভ্যতার সংস্পর্শে, আমরা দেশশুদ্ধ লোক যে দিকে হোক্

কোনও একটা দিকে চল্ল্বার জন্ম এবং অন্যকে চালাবার জন্ম আঁকুবাঁকু কর্ছি। কেউ পশ্চিমের দিকে এগোডে চান, কেউ পূর্বের দিকে শিছু হট্তে চান, কেউ আকাশের উপরে দেবতার আত্মার অনুসন্ধান কর্ছেন, কেউ মাটির নীচে দেবতার মূর্ত্তির অনুসন্ধান কর্ছেন। এক কথায় আমরা উন্ধতিশীলই হই, আর অবনতিশীলই হই, আমরা সকলেই গতিশীল,—কেউ স্থিতিশীল নই। ইউরোপের স্পর্শে আমরা, আর কিছু না হোক, গতিলাভ করেছি, অর্থাৎ মানসিক ও ব্যবহারিক সকলপ্রকার জড়তার হাত থেকে কথঞ্চিৎ মুক্তিলাভ করেছি। এই মুক্তির ভিতর যে আনন্দ আছে—সেই আনন্দ হতেই আমাদের নব-সাহিত্যের স্বস্থি। স্থান্দরের আগমনে হীরামালিনীর ভাঙ্গা মালঞ্চে যেমন ফুল ফুটে উঠেছিল, ইউরোপের আগমনে আমাদের দেশে তেমনি সাহিত্যের ফুল ফুটে উঠেছে। তার ফল কি হবে সেকথা না বল্তে পারলেও, এই ফুলফোটা যে বন্ধু করা উচিত নয় এই হচেছ আমাদের দৃঢ় ধারণা। স্থ্তরাং যিনি পারেন ভাঁকেই আমরা ফুলের চাষ কর্বার জন্ম উৎসাহ দেব।

ইউরোপের কাছে আমরা একটি অপূর্বব জ্ঞান লাভ করেছি, সে হচ্ছে এই যে, ভাবের বীজ যে দেশ থেকেই আননা কেন, দেশের মাটিতে তার চাষ কর্তে হবে। চিনের টবে তোলা মাটিতে সে বীজ বপন করা পগুঞাম মাত্র। আমাদের এই নবশিক্ষাই, ভারতবর্ষের অতিবিভ্তে অতীতের মধ্যে আমাদের এই নবভাবের চর্চচার উপযুক্ত ক্ষেত্র চিনে নিতে শিখিয়েছে। ইংরাজী শিক্ষার গুণেই আমরা দেশের লুপ্ত অতীতের পুনরুদ্ধারকল্পে ত্রতী হয়েছি। ভাই আমাদের মন একলক্ষে শুধু বঙ্গ বিহার নয়, সেই সঙ্গে

হাজার দেড়েক বৎসর ডিন্সিয়ে একেবারে অর্থ্যািবর্ত্তে গিয়ে উপস্থিত হয়েছে। এখন আমাদের পূর্বব কবি হচ্ছে কালিদাস, কাশীদাস নয়,— দার্শনিক শঙ্কর, গদাধর নয়,—শাস্ত্রকার মনু, রযুনন্দন নয়,—আলঙ্কারিক দণ্ডী, বিশ্বনাথ নয়। নব্যভায়, নব্যদর্শন, নব্যস্মৃতি আমাদের কাছে এখন অতি পুরাতন, আর যা কালের হিসাবে অতি পুরাতন, তাই আবার বর্ত্তমানে নতুনরূপ ধারণ করে এসেছে। এর কারণ হচ্ছে, ইউরোপের নবীন সাহিত্যের সঙ্গে ভারতবর্ষের প্রাচীন সাহিত্যের আকারগত সাদৃশ্য না থাক্লেও অন্তরের মিল আছে। সে হচ্ছে প্রাণের মিল,— উভয়ই প্রাণবন্ত। গাছের গোলাপের সঙ্গে কাগজের গোলাপের সাদৃশ্য খাকলেও, জীবিত ও মৃতের ভিতর যে পার্থক্য—উভয়ের মধো সেই পার্থক্য বিদ্যমান। কিন্তু স্থলের গোলাপ ও জলের পদ্ম উভয়ে এক জাতীয়, কেননা উভয়েই জীবন্ত। স্থভরাং আমাদের नवजीवरनत नविनेका. (परभव पिक ও विराग्त पिक हुई पिक থেকেই আমাদের সহায়। এই নবজীবন যে লেখায় প্রতিফলিত হয় সেই লেখাই 'কেবল সাহিত্য,--বাদবাকী লেখা হয় কাজের, নয় বাঁজে ।

এই সাহিত্যের বহিন্ত্ তি লেখা আমাদের কাগজ থেকে বহিন্ত্ তি করবার একটি সহজ উপায় আবিন্ধার করেছি বলে, আমরা এই।
নতুন পত্র প্রকাশ কর্তে উন্নত হয়েছি। একটা নতুন কিছু করবার জন্ম নয়, বান্ধালীর জীবনে যে নৃতন্য এসে পড়েছে তাই পরিন্ধার করে প্রকাশ করবার জন্ম।

এই নৃতন জীবনে অমুপ্রাণিত হয়ে বাঙ্গলা সাহিত্য যে কেন পুশিত না হয়ে পল্লবিত হয়ে উঠছে, তার কারণ নির্ণয় করাও কঠিন নয়। কিঞ্চিং বাছানৃষ্টি এবং কিঞ্চিং অন্তর্নৃষ্টি থাকলেই, সে কারণের ছুই পিঠই সহজে মানুষের চোখে পড়ে।

্সাহিত্য এদেশে অত্যাবধি ব্যবসা-বাণিজ্যের অঙ্গ হয়ে ওঠেনি: ভার জগ্য দোষী লেখক কি পাঠক, বলা কঠিন। ফলে আমরা হচ্ছি সব সাহিত্য-সমাজের সথের কবির দল। অব্যবসায়ীর হাতে পৃথিবীর কোন कांकरे एय मर्तवाक्रञ्चन्द्र रुएय अर्छ ना. এ कथा मर्ततालाक-श्रीकृछ। লেখা আমাদের অধিকাংশ লেখকের পক্ষে. কাজও নয় খেলাও নয়. শুধু অকাজ; কারণ খেলার ভিতর যে স্বাস্থ্য ও স্বচ্ছন্দতা আছে, সে লেখায় তা নেই,—অপর দিকে কাজের ভিতর যে বত্ব ও মন আছে, তাও তা'তে নেই। আমাদের রচনার মধ্যে অশুখনকতার পরিচয় পদে পদে পাওয়া যায়; কেননা যে অবসর আমাদের নেই, সেই অবসরে আমরা সাহিত্য রচনা করি। আমরা অবলীলাক্রমে সাহিত্য গড়তে চাই বলে', আমাদের নৈস্পিকী প্রতিভার উপর নির্ভর করা বাতীত উপায়ান্তর নেই। অথচ এ কথা লেখকমাত্রেরই স্মরণ রাখা উচিত, যে যিনি সরস্বতীর প্রতি অমুগ্রহ করে লেখেন, সরস্বতী চাই কি তাঁর প্রতি অমুগ্রহ নাও করতে পারেন ়ৈ এই একটি কারণ যার জত্যে বঙ্গসাহিত্য পুষ্পিত না হয়ে, পল্লবিত হয়ে উঠছে। .ফুলের চাষ করতে হয়, জঙ্গল আপনি হয়। অতিকায় মাসিক পত্র-গুলি সংখ্যাপূরণের জন্ম এই আগাছার অঙ্গীকার কর্তে বাধ্য, এবং সেই কারণে আগাছার বৃদ্ধির প্রশ্রায় দিতেও বাধ্য। এই সব দেখে শুনে, ভয়ে সঙ্কুচিত হয়ে, আমাদের কাগজ ক্ষুদ্র আকার ধারণ করেছে। এই আকারের তারতম্যে, প্রকারেরও কিঞ্চিৎ তারতম্য হওয়া অবশ্যস্তাবী। আমাদের স্বল্লায়তন পত্রে, অনেক লেখা আমরা অগ্রাছ কর্তে বাধ্য হব। জ্রীপাঠ্য, শিশুপাঠ্য, স্কুলপাঠ্য এবং অপাঠ্য প্রবন্ধসকল, অনাহূত কিম্বা রবাহূত হয়ে আমাদের দারস্থ হলেও আমরা তাদের স্বস্থানে প্রস্থান কর্তে বল্তে পার্ব; কারণ, আমাদের বরে স্থানাভাব। এক কথায় শিক্ষাপ্রদ প্রবন্ধ আমাদের প্রকাশ কর্তে ছবে না। এর লাভ যে কি, তিনিই বুঝতে পার্বেন, যিনি জানেন যে, যে কথা একশ বার বলা হয়েছে তারি পুনরাবৃত্তি করাই শিক্ষকের ধর্ম ও কর্ম। যে লেখায় লেখকের মনের ছাপ নেই, তা ছাপালে সাহিত্য হয় না।

তারপর, যে জীবনীশক্তির আবির্ভাবের কথা আমি পূর্বের উল্লেখ করেছি, সে শক্তি আমাদের নিজের ভিতর থেকে উদুদ্ধ হয় নি ;— তা হয় দূরদেশ হতে, নয় দূরকাল হতে, অর্থাৎ বাইরে থেকে এসেছে। সে শক্তি এখনও আমাদের সমাজে ও মনে বিক্ষিপ্ত হয়ে রয়েছে। সে শক্তিকে নিজের আয়ত্তাধীন করতে না পার্লে তার সাহায্যে আমরা সাহিত্যে ফুল কিম্বা জীবনে ফল পাবনা। এই নূতন প্রাণকে সাহিত্যে প্রতিফলিত কর্তে হলে প্রথমে মনে প্রতিবিশ্বিত করা দরকার। অথচ ইউরোপের প্রবল ³কাঁকুনিতে আমাদের অধিকাংশ লোকের মন ঘুলিয়ে গেছে। সেই মনকে স্বচ্ছ কর্তে না পারলে তাতে কিছুই প্রতিবিশ্বিত হবে না। বর্ত্তমানের চঞ্চল এবং বিক্ষিপ্ত মনোভাবসকলকে যদি প্রথমে মনদর্পণে সংক্ষিপ্ত ও সংহত করে প্রতিবিশ্বিত করে' নিতে পারি, তবেই তা পরে সাহিত্যদর্পণে প্রতিফলিত হবে। আমরা আশা করি আমাদের এই স্বল্পরিসর পত্রিকা মনোভাব সংক্ষিপ্ত ও সংহত কর্বার পক্ষে লেখকদের সাহায্য কর্বে। সাহিত্য গড়তে কোনও বাইরের

নিরম চাইনে, চাই প্রুধু আত্মসংযম। লেখার সংযত হবার একমাত্র উপার হচ্চে সীমার ভিতর আবদ্ধ হওয়া। আমাদের কাগজে আমরা তাই দেই সীমা নির্দিষ্ট করে' দেবার চেন্টা করব।

আমার শেষ কথা এই যে, যে শিক্ষার গুণে দেশে নৃতন প্রাণ এসেছে, মনে সাহিত্য গড়বার প্রবৃত্তি জন্মিয়ে দিয়েছে, সেই শিক্ষার দোষেই সে ইচ্ছা কার্য্যে পরিণত করবার অমুরূপ ক্ষমতা আমরা পাই নি। আমরা বর্ত্তমান ইউরোপ ও অতীত ভারতবর্ষ, এ উভয়ের দোটানায় পড়ে', বাঙ্গলা প্রায় ভূলে গেছি। আমরা শিখি ইংরাজি, লিখি বাঞ্গলা, মধ্যে থাকে সংস্কৃতের ব্যবধান। ইংরাজি শিক্ষার বীজ অতীত ভারতের ক্ষেত্রে প্রথমে বপন করলেও, তার চারা তুলে বাঙ্গলার মাটিতে বসাতে হবে, নইলে স্বদেশী সাহিত্যের ফুল ফুটবে না ৷ পশ্চিমের প্রাণবায়ু যে ভাবের বীজ বহন করে আন্ছে, তা দেশের মাটিতে শিকড় গাড়তে পার্ছে না বলে', হয় শুকিয়ে যাচ্ছে, নায় পরগাছা হচেছ। এই কারণেই "মেঘনাদবধ" কাব্য পরগাঁছার ফুল। "অর্কিড"এর মত তার আকারের অপূর্নবতা এবং বর্ণের গৌরব থাক্লেও, তার সৌরভ নেই। খাঁটি স্বদেশী বলে' "অন্নদামস্পল" স্বল্পপ্রাণ হলেও কাব্য : এবং কোন দেশেরই নর্ম বলে' "রুত্রসংহার" মহাপ্রাণ হলেও মহাকাব্য নয়। ুভারতচন্দ্র, ভাষার ও ভাবের একতার গুণে, সংযমের গুণে, তাঁর মনের কথা ফুলের মত সাকার করে' তুলেছেন, এবং সে ফুলে, যতই ক্ষীন হোক্ না কেন, প্রাণও আছে, গন্ধও আছে। দেশের অতীত ও বিদেশের বর্ত্তমান, এই ছুটি প্রাণশক্তির বিরোধ নয়, মিলনের উপর আমাদের সাহিত্যের ও সমাজের ভবিষ্যৎ নির্ভর কর্ছে। আশা করি বাঞ্চলার পতিত জমি সেই মিলনক্ষেত্র হবে। সেই পতিত জমি আবাদ

কর্লেই তা'তে যে সাহিত্যের ফুল ফুটে উঠকে, তাই ক্রমে জীবনের ফলে পরিণত হবে। তার জন্ম আবশ্যক আর্ট, কারণ প্রাণশক্তি একমাত্র আর্টেরই বাধ্য। আমাদের এই ক্ষুদ্র পত্রিকা আশা করি এ বিষয়ে লেখকদের সহায়তা কর্বে। বড়কে ছোটর ভিতর ধরে' রাখাই হচ্ছে আর্টের উদ্দেশ্য। ওস্তাদরা বলে' থাকেন যে "গৌড়-সারক্ষ" রাগিণী ছোট, কিন্তু গাওয়া মুফিল; "ছোটিসে দরওয়াজাকে অন্দর হাতী নিকাল্না থৈসা মুফিল ঐসা মুফিল, দরিয়াকো পাকড়কে কুঁজামে ডাল্না থৈসা মুফিল ঐসা মুফিল।" অবস্থাগুণে যতই মুফিল হোক্ না কেন, বাঙ্গালীজাতিকে এই গৌড়-সারক্ষই গাইতে চেন্টা করতে হবে। আমাদের বাঙ্গালাবেরর থিড়কি-দরজার ভিতর প্রাচীন ভারতবর্ধের হাতী গলাবার চেন্টা করতে হবে, আমাদের গোড়-ভাষার মুৎ-কুস্তের মধ্যে সাভ সমুদ্রকে পাক্রন্থ কর্তে চেন্টা করতে হবে। এ সাধনা অবশ্যু কঠিন, কিন্তু স্বজাতির মুক্তিশ্ব জন্ম অপর কোনও সহজ সাধনপদ্ধতি আমাদের জানা নেই।

সম্পাদক।

সবুজ পত্ৰ

বান্দলা দেশ যে সবুজ, এ কথা বোধ হয় বাহ্যজ্ঞানশৃত্য লোকেও অস্বীকার কর্বেন না। মা'র শস্ত্যভামলরূপ বান্দলার এত গছেপছে এতটা পল্লবিত হয়ে উঠেছে, যে সে বর্ণনার যাথার্থ্য বিশ্বাস করবার জন্ম চোখে দেখবারও আবশ্যক নেই। পুনরুক্তির গুণে এটি সেই শ্রেণীর সত্য হয়ে দাঁড়িয়েছে, যার সম্বন্ধে চক্ষুকর্ণের যে বিবাদ হতে পারে, এরূপ সন্দেহ আমাদের মনে মুহূর্ত্তের জন্মও স্থান পায় না। একেবার চোখ তাকিয়ে দেখলেই দেখা যায় যে, তরাই হতে হন্দরবন পর্য্যস্ত; এক ঢালা সবুজবর্ণ দেশটিকে আদ্যোপান্ত ছেয়ে রেখেছে। কোথায়ও তার বিরোম নেই;—শুধু তাই নয়, সেই রং বাঙ্গলার সীমানা অভিক্রেম করে', উভরে হিমালয়ের উপরে ছাপিয়ে উঠেছে, ও দক্ষিণে বক্ষোপসাগরের ভিতর চারিয়ে গেছে।

সবুজ, বাঙ্গলার শুধু দেশযোড়া রং নয়, বারোমেসে রং। আমাদের দেশে প্রকৃতি বহুরূপী নয়, এবং ঋতুর সজে সজে বেশ পরিকর্ত্তন করে না। বসন্তে বিয়ের কনের মত ফুলের জহরতে আপাদমন্তক সালস্কারা হয়ে দেখা দেয় না; বর্ষার জলে শুচিস্নাতা হয়ে শরতে পূজার তসর ধারণ করে আসে না, শীতে বিধবার মত শাদা সাড়ীও পদ্ধের না। মাধব হতে মধু পর্যান্ত ঐ সবুজের টানা স্কর চলে; ঋতুর প্রভাবে সে স্থরের যে রূপান্তর হয় সে শুধু কড়ি কোমলে। আমাদের দেশে অবশ্য বর্ণের বৈচিত্রোর ক্ষভাব নেই। আকাশে ও জলে, ফুলে ও ফলে, আমরা বর্ণ-গ্রামের সকল স্করেরই খেলা দেখতে পাই। কিস্তু মেঘের রং ও ফুলের রং ক্ষণস্থায়ী; প্রকৃতির ও-সকল রাগরেন্স তার বিভাব ও অমুভাব মাত্র। তার স্থায়ী ভাবের, তার মূল রসের পরিচয় শুধু সবুজে। পাঁচরঙা ব্যাভিচারীভাবসকলের সার্থকতা হচ্ছে বন্ধদেশের এই অখণ্ড-হরিৎ শ্বামীভাবটিকে ফুটিয়ে তোলা।

এরূপ হবার অবশ্য একটা অর্থ আছে। বর্ণ মাত্রেই ব্যঞ্জন বর্ণ,— অর্থাৎ বর্ণের উদ্দেশ্য শুধু বাহ্ছ-বস্তুকে লক্ষণান্বিত করা নয়, কিন্তু সেই স্থোগে নিজৈকেও ব্যক্ত করা। যা হপ্রকাশ নয়, তা অপর কিছুই প্রকাশ কর্তে পারে না। তাই রং রূপও বটে, রূপকও বটে। যৃত্ত্বণ আমাদের বিভিন্ন বর্ণের বিশেষ ব্যক্তিছের জ্ঞান না জন্মায়, তত্ত্বণ আমাদের প্রকৃতির বর্ণপরিচয় হয় না, এবং আমরা ভার বক্তব্য কথা ব্রুতে পারিনে। বাঙ্গলার সবুজ পত্রে যে হুসমাচার লেখা আছে, তা পড়বার জন্ম প্রতুতাত্বিক হবার আবশ্যক নেই—কারণ সে লেখার ভাষা বাঙ্গলার প্রাকৃত। তবে আমরা সকলে যে তার অর্থ বুঝতে পারিনে, তার কারণ হচ্ছে যিনি গুপ্ত জিনিষ আবিষ্কার কর্তে ব্যস্ত, ব্যক্ত জিনিষ তাঁর চোখে পড়ে না।

যাঁর ইন্দ্রধন্মর সম্প্রে চাক্ষ্য পরিচয় আছে আর তার জন্মকথা জানা আছে, তিনিই জানেন যে সূর্য্যকিরণ নানা বর্ণের একটি সমষ্টি মাত্র, এবং শুধু সিধে পথেই সে শাদা ভাবে চলতে পারে। কিন্তু তার সরল গতিতে বাধা পড়লেই সে সমষ্টি ব্যস্ত হয়ে পড়ে, বক্র হয়ে বিচিত্র ভঙ্গী ধারণ করে, এবং তার বর্ণসকল পাঁচ বর্গে বিভক্ত হয়ে যায়। সবুজ হচ্ছে এই বর্ণমালার মধ্যমণি। এবং নিজগুণেই সে বর্ণরাজ্যের কেন্দ্রেল অধিকার করে' থাকে। বেগুনী কিশলয়ের রং',—জীবনের পূর্ববরাগের রং। লাল রক্তের রং,—জীবনের পূর্ণরাগের রং। নীল আকাশের রং,—কনন্তের রং। গীত শুক্ষপত্রের রং,—য়ৃত্যুর রং। কিন্তু, সবুজ হচ্ছে নবীন পত্রের রং,—রসের ও প্রোণের যুগপৎ লক্ষণ ও ব্যক্তি। তার দক্ষিণে নীল আর বামে পীত, তার পূর্ব্ব প্রামায় বেগুনী আর পশ্চিম সীমায় লাল। অনস্ত ও অন্তের মধ্যে, পূর্ব্ব ও পশ্চিমের মধ্যে, শ্বৃত্তি ও আশার মধ্যে মধ্যস্থতা করাই হচ্ছে সবুজের, অর্থাৎ সরস প্রাণের স্বধর্ম।

যে বর্ণ বাঙ্গলার ওধধিতে ও বনস্পতিতে নিত্য বিকশিত হয়ে উঠছে,
নিশ্চয় সেই একই বর্ণ আমাদের হৃদয় মনকেও রক্সিয়ে রেখছে।
আমাদের বাহিরের প্রকৃতির যে রং, আমাদের অন্তরের পুরুষেরও
সেই রং। এ কথা যদি সত্য হয় তাহলে, সজীবতা ও সরসতাই হচ্ছে
বাঙ্গালীর মনের নৈস্গিক ধর্ম। প্রমাণ স্বরূপে দেখান যেতে পারে,
যে আমাদের দেবতা হয় শ্রাম নয় শ্রামা। আমাদের হৃদয়মন্দিরে
রজতগিরিসমিভ কিমা জবাকুহ্নসক্ষাশ দেবতার হান নেই; আমরা
শৈবও নই সৌরও নই।

আমরা হয় বৈহুব নয় শাক্ত। এ উভয়ের মধ্যে বাঁশি ও অসির যা প্রভেদ সেই পার্থক্য বিছমান, তবুও বর্ণসামান্তার গুণে শুাম ও শুামা আমাদের মনের ঘরে নির্বিবাদে পাশাপাশি অবস্থিতি করে। তবে বঙ্গ-সরস্বতীর ছর্বাদলশ্যামরূপ আমাদের চোখে যে পড়ে না, তার জন্ম দোয়ী আমরা নই, দোয়ী আমাদের শিক্ষা। একাঁলের বাণীর মন্দির হচ্ছে বিছালর। সেখানে আমাদের গুরুরা এবং গুরুজনেরা যে জড়ও কঠিন শ্বেতাপী ও শ্বেতবসনা পাষাণ মূর্ত্তির প্রতিষ্ঠা করেছেন, আমাদের মন তার কায়িক এবং বাচিক সেবার, দিন দিন নীরস ও নিজ্জীব হয়ে পড়ছে। আমরা যে নিজের আত্মার সাক্ষাৎকার লাভ করিনে, তার কারণ আমাদের নিজের সঙ্গে আমাদের কেউ পরিচয় করিয়ে দেয় না। আমাদের সমাজ ও শিক্ষা ছই আমাদের ব্যক্তিত্বের বিরোধী। সমাজ শুধু একজনকে আর-পাঁচজনের মত হতে বলে না। সমাজের ধর্ম্ম হচ্ছে প্রত্যেকের স্বধর্ম্ম নই্ট করা। সমাজের যা মন্ত্র, তারি সাধন-পদ্ধতির নাম শিক্ষা। তাই শিক্ষার বিধি হচ্ছে "অপরের মত হও", আর তার

নিষেধ হচ্ছে "নিজের মত হয়ো না।" এই শ্বিক্ষার কুপায় আমাদের মনে এই অদ্ভূত সংস্কার বন্ধমূল হয়ে গেছে যে, আমাদের স্বধর্ম এতই ভয়াবহ যে তার চাইতে পরধর্মে নিধনও শ্রেয়। স্থতরাং কাজে ও কথায়, লেখায় ও পড়ায়, আমরা আমাদের মনের সরস সতেজ ভাবটি নফ করতে সদাই উৎস্থক। এর কারণও স্পষ্ট,---সবুজ রং, ভালমন্দ দুই অর্থেই কাঁচা। তাই আমাদের কর্দ্মযোগীরা আর জ্ঞানযোগীরা. অর্থাৎ শাস্ত্রীর দল, আমাদের মনটিকে রাতারাতি পাকা করে' তুলতে চান। তাঁদের বিশাস যে কোনরূপ কর্ম্ম কিম্বা জ্ঞানের চাপে আমাদের হৃদয়ের রসটুকু নিংড়ে ফেলতে পারলেই—আমাদের মনের রং পেকে উঠবে ৮ তাঁদের রাগ এই যে, সবুজ বর্ণমালার অন্তস্থ বর্ণ নয়, এবং ও त्रः कि हूतरें चारछ जारम ना,—कीवरनत्र धनश, त्वरामत्र धनश, कर्त्मात्र ध নয়, জ্ঞানেরও নয়। এঁদের চোখে সবুজ-মনের প্রধান দোষ, যে সে মন পূর্বরমীমাংসার অধিকার ছাড়িয়ে এসেছে, এবং উত্তর মীমাংসার দেশে গিয়ে পৌছর নি। এঁরা ভুলে যান্যে, জোর করে পাকাতে গিয়ে আমরা শুধু হারিৎকে পীতের ঘরে টেনে আনি,—প্রাণকে মৃত্যুর দ্বারম্থ করে। অপর দিকে এদেশের ভক্তিযোগীরা, অর্থাৎ কবিরুদল, কাঁচাকে কচি করতে চান। এঁরা চান যে আমরা শুধু গদগদ ভাবে আধ-আধ কথা কই। এঁদের রাগ সবুজের সজীবতার উপর। এঁদের ইচ্ছা সবুজের তেজটুকু বহিষ্ণত করে' দিয়ে, ছাঁকা রস্টুকু রাখেন। এঁরা ভুলে যান যে, পাতা কখনও আর কিশলয়ে ফিরে যেতে পারে না। প্রাণ পশ্চাৎপদ হতে জানে না, তার ধর্ম হচ্ছে এগোনো, তার লক্ষ্য হচ্ছে হয় অমৃতত্ব নয় মৃত্যু। যে মন একবার কর্মের তেজ ও জ্ঞানের ব্যোমের পরিচয় লাভ করেছে, সে এ উভয়কে অন্তরঙ্গ করবেই,—

কেবলমাত্র ভক্তির শান্তিজলে সে তার সমস্ত হৃদয় পূর্ণ করে' রাখতে পারে না। আসল কথা হচ্ছে, তারিখ এগিয়ে কিম্বা পিছিয়ে দিয়ে বৌবনকে ফাঁকি দেওয়া যায় না। এ উভয়ের সমবেত চেফার ফল দাঁড়িয়েছে এই যে, বাঙ্গালীর মন এখন অর্দ্ধেক অকাল-পক্ক, এবং অর্দ্ধেক অযথা কচি। আমাদের আশা আছে যে সবুজ ক্রমে পেকে লাল হয়ে উঠবে। কিন্তু আমাদের অন্তরের আজকের সবুজরস কালকের লালরক্তে তবেই পরিণত হবে, যদি আমরা স্বধর্মের পরিচয় পাই এবং প্রাণপণে তার চর্চচা করি। আমরা তাই দেশী কি বিলাতী পাথরে-গড়া সরস্বতীর মূর্ত্তির পরিবর্ত্তে, বাঙ্গলার কাব্যমন্দিরে দেশের মাটির ঘটস্থাপনা করে', তার মধ্যে সবুজ পত্রের প্রতিষ্ঠা কর্তে চাই।• কিন্তু এ মন্দিরের কোনও গর্ভ-মন্দির থাক্বে না, কারণ সর্বুজের পূর্ণ অভিব্যক্তির জন্ম আলো চাই, আর বাতাস চাই। অন্ধকারে সবুজ ভয়ে নীল হয়ে যায়। বন্ধ ঘরে সবুজু ছঃখে ৽পাণ্ডু হয়ে যায়। আমাদের নব-মন্দিরের চারিদিকের অবারিত দ্বার দিয়ে প্রাণবায়ুর সঙ্গে সঙ্গে বিশ্বের যত আলো অবাধে প্রবেশ কর্তে পার্ধে। শুধু তাই नग्न, এ मन्मिर्दत नकल वर्त्त প্রবেশের সমান অধিকার থাক্বে। উষার (गानाभी, व्याकारभंत नीन, प्रमुहात नान, त्यरपत नीन-लाहिछ, বিরোধালক্ষারম্বরূপে সবুজ পত্রের গাত্রে সংলগ্ন হয়ে তার মরকতত্মতি कथन७ উष्प्रत, कथन७ कामन करत' जूनरा। रम मन्मिरत ञ्चान शरक না কেবল শুষ্ক পত্রের।

वीववन ।

সবুজের অভিযান

ওরে নবীন, ওরে আমার কাঁচা !

ওরে সবুজ, ওরে অবুঝ,

আধ-মরাদের ঘা মেরে তুই বাঁচা !
রক্ত আলোর মদে মাতাল ভোরে

আজকে যে যা বলে বলুক তোরে !

সকল তর্ক হেলায় তুচ্ছ করে

পুচ্ছটি তোর উচ্চে তুলে নাচা !

আয় তুরস্ক, আয়রে আমার কাঁচা !

থাঁচাখানা তুলচে মৃতু হাওয়ায়।
আর ত কিছুই নড়েনা রে
ওদের ঘরে, ওদের ঘরের দাওয়ায়।
ঐ যে প্রবীণ, ঐ যে পরম পাকা,
চক্ষু কর্ণ তুইটি ডানায় ঢাকা,
ঝিমায় যেন চিত্রপটে আঁকা

অন্ধকারে বন্ধ-করা থাঁচায় ! আয় জীবন্ত, আয়রে আমার কাঁচা !





বাহির পাঁনে তাকায় না যে কেউ !

দেখে না যে বান ডেকেছে.

জোয়ার জলে উঠছে প্রবল ঢেউ।
চলতে ওরা চায়না মাটির ছেলে
মাটির পরে চরণ ফেলে ফেলে,
আছে অচল আসনখানা মেলে

যে যার আপন উচ্চ বাঁন্দের মাচায়,
আয় অশান্ত, আয়রে আমার কাঁচা!

তোরে হেথায় করবে সবাই মানা।
হঠাৎ আলো দেখ্বে যথন
ভাববে একি বিষম কাণ্ডখানা!
সংঘাতে ভারে উঠবে ওরা রেগে,
শয়ন ছেড়ে আসবে ছুটে বেগে,
সেই স্থযোগে ঘুমের থেকে জেগে
লাগবে লড়াই মিথ্যা এবং সাঁচায়!
আয় প্রচণ্ড, আয়রে আমার কাঁচা!

শিকল দেবীর ঐ যে পূজাবেদী
চিরকাল কি রইবে খাড়া ?
পাগলামি তুই আয়রে ছুয়ার ভেদি' !
বড়ের মাতন ! বিজয়-কেতন নেড়ে
অট্রাম্থে আকাশখানা ফেড়ে.

ভোলানাথের ঝোলাঝুলি ঝেড়ে
ভূলগুলো সব আন্রে বাছা বাছা !
• আয় প্রমত্ত, আয়রে আমার কাঁচা !

আন্রে টেনে বাঁধা-পথের শেষে !
বিবাগী কর্ অবাধ-পানে,
পথ কেটে যাই অজানাদের দেশে।
আপদ আছে জানি আঘাত আছে,
তাই জেনে ত বক্ষে পরাণ নাচে,
ঘুচিয়ে দে ভাই পুঁথি-পোড়োর কাছে
পথে চলার বিধি-বিধান যাচা'!
আয় প্রমুক্ত, আয়রে আমার কাঁচা!

চিরযুবা তুই যে চিরজীবী !

• জীর্ণ জরা ঝরিয়ে দিয়ে
প্রাণ অফুরাণ ছড়িয়ে দেদার্ দিবি ।

সবুজ নেশায় ভোর করেছিস ধরা,
ঝড়ের মেঘে তোরি তড়িৎ ভরা,
বসস্তেরে পরাস আকুল-করা
আপন গলার বকুল মাল্যগাছা,
আয়রে জমর, আয়রে আমার কাঁচা !

১৫ই বৈশাধ ১৩১৫

শীরবীক্রনাথ ঠাকুর ।

বিবেচনা ও অবিবেচনা

থাংলা দেশে একদিন স্বদেশপ্রেমের বান ডাকিল; আমাদের প্রাণের ধারা হঠাৎ অসম্ভব রকম ফুলিয়া উঠিয়া পাড়ি ছাপাইয়া পড়ে আর কি। সেই বেগটা যে সত্য তাহার প্রমাণ এই যে, তাহার চাঞ্চল্যে কেবল আমাদের কাগজের নৌকাগুলাকে দোলা দেয় নাই, কেবল সভাতলেই করতালির তুফান উঠিয়া সমস্ত চুকিয়া গেল না।

সেদিন সমাজটাও যেন আগাগোড়া নড়িয়া উঠিল এমনতর বোধ হইয়াছিল। এক মুহূর্ত্তেই তাঁতের কাজে ব্রাক্ষণের ছেলের বাধা ছুটিয়া গেল; ভদ্রসম্ভান কাপড়ের মোট বহিয়া রাস্তায় বাহির হইয়া পড়িল, এমন কি, হিন্দুমুসলমানে একত্রে বিসয়া আহার করার আয়োজনটাও হয়-হয় করিতে লাগিল।

এসব তর্ক করিয়া হয় নাই—কেই বিধান লাইবার জন্ম অধ্যাপকপাড়ায় যাতায়াত করে নাই। প্রাণ জাগিলেই কাহারো পরামর্শ না
লাইয়া আপনি সে চলিতে প্রবৃত্ত হয়; তথন সে চলার পথের সমস্ত
বাধাগুলাকৈ কোলের কাছে টানিয়া লাইয়া তাহাতে গন্তীরভাবে সিঁ দূর
চন্দন মাখাইতে বসে না, কিম্বা তাহাকে লাইয়া বসিয়া বসিয়া স্থানিপুণ
তত্ব বা স্থাচারু কবিত্বের সূক্ষ্ম বুনানি বিস্তার করিতেও তাহার প্রবৃত্তি
হয় না। যেমনি চলিতে যায় অমনি সে আপনিই বুঝিতে পারে
কোন্গুলা লাইয়া তাহার চলিবে না; তথন যাহা গায়ে ঠেকে তাহাকেই
সমস্ত গা দিয়া সে ঠেলা দিতে স্থক্ত করে। সেই সাবেক পাথরগুলা
যখন ঠেলার চোটে টলিতে থাকে তখন বোঝা যায় প্রাণ জাগিয়াছে
বটে, ইহা মায়া নহে স্বপ্ন নহে।

সেই বন্সার বেগ কমিরা আসিয়াছে। সমাজের মধ্যে যে চলার কোঁক আসিয়াছিল সেটা কাটিয়া গিয়া আজ আবার বাঁধি বোলের বেড়া বাঁধিবার দিন আসিয়াছে।

আজ আবার সমাজকে বাহবা দিবার পালা আরম্ভ হইল। জগতের মধ্যে কেবলমাত্র ভারতেরই জলবাতাসে এমন একটি অস্তুওঁ জাতু আছে যে এখানে রীতি আপনিই নীতিকে বরণ করিয়া লয়, আচারের পক্ষে বিচারের কোনো প্রয়োজনই হয় না। আমাদের কিছুই বানাইবার দরকার নাই কেবল মানিয়া গেলেই চলে, এই বলিয়া নিজেকে অভিনন্দন করিতে বসিয়াছি।

যে লোক কাজের উৎসাহে আছে, স্তবের উৎসাহে তাহার প্রয়োজনই থাকে না। ইহার প্রামাণ দেখ, আমরাও পশ্চিম সমূদ্র-পারে গিয়া সেখানকার মানুষদের মুখের উপর বলিয়া আসিয়াছি, "তোমরা মরিতে বসিয়াছ! আজা বলিয়া পদার্থকে ক্লেবলি বস্ত-চাপা দিয়া তাহার দম বন্ধ করিবার জো করিয়াছ,—তোমরা স্থলের উপাসক।" এসব কঠোর কথা শুনিয়া তাহারা ত মারমূর্ত্তি ধরে নাই। বরঞ্চ ভাল-মানুষের মত মানিয়া লইয়াছে; মনে মনে বলিয়াছে, "হবেও বা! আমাদের বয়স অল্প, আমরা কাজ বুঝি—ইহারা অত্যন্ত প্রাচীন, অতএব কাজ কামাই করা সন্বন্ধে ইহারা যে তত্ত্বকথাগুলা বলে নিশ্চয় সেগুলা ইহারা আমাদের চেয়ে ভালই বোঝে।" এই বলিয়া ইহারা আমাদিগকে দক্ষিণা দিয়া খুসি করিয়া বিদায় করিয়াছে এবং তাহার পরে আস্তিন গুটাইয়া যেমন কাজ করিতেছিল তেমনিই কাজ করিতে লাগিয়াছে।

কেননা, হাজারই ইহাদিগকে নিন্দা করি আর ভয় দেখাই ইহারা

বে চলিতেছে; ইহারা যে প্রাণবান তাঁহার প্রমাণ 'যে ইহাদের নিজেরই মধ্যে। মরার বাড়া গালি নাই, একথা ইহাদের পক্ষে খাটে না। কেননা সে গালিকে সম্পূর্ণ বিশ্বাসের সক্ষে ইহারা গ্রহণ করিতে পারে না। ইহাদের জীবনযাত্রায় সঙ্কটের সীমা নাই, সমস্থার গ্রন্থিও বিস্তর কিন্তু সকলের উপরে ইহাদিগকে ভরসা দিতেছে ইহাদের প্রাণ। এইজত্য ইহারা নিন্দা অনায়াসে সহিতে পারে এবং নৈরাশ্যের কথাটাকে লইয়া ক্ষণকালের জন্ম খেলা করে মাত্র, তাহাতে তাহাদের প্রাণের বেগে আর একটু উত্তেজনার সঞ্চার করে।

আমরাও তেমনি নিন্দা সহজে সহিতে পারিতাম যদি পূরাদমে কাজের পথে চলিতাম। কারণ তাহা হইলে আপনিই বুঝিতে গারিতাম প্রাণের গতিতে সমস্ত গ্লানিকে ভাসাইয়া লইয়া যায়। পক্ষ যথন অচল হইয়া থাকে তথন সেটা নিন্দিত, কিন্তু জোয়ারের গন্ধাকে পঙ্কিল বলিয়া দোষ দিলেও যাহারা স্লান করে তাহাদের তাহাতে নাধা হয় না।

এই জন্ম, নিকর্মণ্য যে তাহারই অহোরাত্র স্তবের দরকার হয়। যে ধনীর কীর্ত্তিও নাই, হাতে কোনো কর্ম্মও নাই, চাটুকারের প্রয়োজন সব চেয়ে তাহারই অধিক, নহিলে সে আপনার জড়ত্বের বোঝা বহিবে কেমন করিয়া ? তাহাকে পরামর্শ দেওয়া উচিত যে, তোমার এই বনেদী স্থাবরত্ব গোরব করিবার জিনিষ নয়, যেমন করিয়া পার একটা কর্মে লাগিয়া যাও। কিন্তু এস্থলে পরামর্শনাতার কাজটা নিরাপদ নহে, বাবুর পারিষদবর্গ তথনি হাঁ হাঁ করিয়া আসিবে। স্ক্তরাং বক্শিসের প্রত্যাশা থাকিলে বলিতে হয় "হজুর, আপনি যে সনাতন তাকিয়া ঠেসান দিয়া বিসয়াছেন উহার তুলার স্তৃপ জগতে অতুল, জ্বত্রব বংশের গোরব যদি রাখিতে চান ত নড়িবেন না।"

আমাদের' সমাজে যে পরিমাণে কর্ম্ম বন্ধ ছইয়। আসিয়াছে সেই পরিমাণে বাহবার ঘটা বাড়িয়া উঠিয়াছে। চলিতে গেলেই দেখি সকল বিষয়েই পদে পদে কেবলি বাধে। এমন স্থলে হয় বলিতে হয় খাঁচাটাকে ভাঙ, কারণ ওটা আমাদের ঈশ্বরদত্ত পাখারুটাকে অসাড় করিয়া দিল; নয় বলিতে হয় ঈশ্বরদত্ত পাখার চেয়ে খাঁচার লোহার শলাগুলো পবিত্র, কারণ, পাখা ত আজ উঠিতেছে আবার কাল পড়িতেছে কিন্তু লোহার শলাগুলো চিরকাল স্থির আছে। বিধাতার স্প্তি পাখা নৃতন, আর কামারের স্প্তি খাঁচা সনাতন; অভএব ঐ খাঁচার সীমাটুকুর মধ্যে যতটুকু পাখাঝাপট সম্ভব সেইটুকুই বিধি, স্থাহাই ধর্ম্ম, আর তাহার বাহিরে অনন্ত আকাশভরা নিষেধ। খাঁচার মধ্যে যদি নিতান্তই থাকিতে হয় তবে খাঁচার স্তব করিলে নিশ্চয়ই মন ঠাণ্ডা থাকে।

আমাদের সামাজিক কামারে যে শলাটি যেমন করিয়া বাঁনাইয়াছে
শিশুকাল হইতে তাহারই স্তবের বুলি পড়িয়া পড়িয়া আমারা জন্ত সকল গান ভূলিয়াছি, কেননা অন্তথা করিলে বিপদের অন্ত নাই।
আমাদের এখানে সকল দিকেই ঐ কামারেরই হইল জয়, জার সব চেয়ে বিড়ম্বিত হইলেন বিধাতা, যিনি আমাদিগকে কর্ম্মশক্তি দিয়াছেন, যিনি মামুষ বলিয়া আমাদিগকে বুদ্ধি দিয়া গৌরবাহিত করিয়াছেন।

যাঁহারা বলিতেছেন যেখানে যাহা আছে সমস্তই বজায় থাক্, তাঁহারা সকলেই আমাদের প্রণম্য,—কারণ, তাঁহাদের বয়স জল্পই হউক্ আর বেশিই হউক্ তাঁহারা সকলেই প্রবীণ। সংসারে তাঁহাদের প্রয়োজন আমরা অস্বীকার করি না। পৃথিবীতে এমন সমাজ নাই যেখানে তাঁহার। দণ্ড ধরিয়া বসিয়া নাই। কিন্তু বিধাতার বরে যে সমাজ বাঁচিয়া থাকিবে সে সমাজে তাঁহাদের দণ্ডই চরম বলিয়া মান পায় না।

সেদিন একটি কুকুরছানাকে দেখা গেল, মাটির উপর দিয়া একটি কীট চলিতেছে দেখিয়া তাহার ভারি কোতৃহল। সে তাহাকে শুঁকিতে শুঁকিতে তাহার অমুসরণ করিয়া চলিল। বেমনি পোকাটা একটু ধড়ফড় করিয়া উঠিতেছে অমনি কুকুরশাবক চমকিয়া পিছাইয়া আসিতেছে।

দেখা গেল তাহার মধ্যে নিষেধ এবং তাগিদ চুটা জিনিষই আছে। প্রাণের স্বাভাবিক প্রবৃত্তি এই যে, সমস্তকেই সে পরথ করিয়া দেখে। নূতন নূতন অভিজ্ঞতার পথ ধরিয়া সে আপনার অধিকার বিস্তার করিয়া চলিতে চায়। প্রাণ ছঃসাহসিক—বিপদের ঠোকর খাইলেও সে আপনার জয়যাত্রার পথ হইতে সম্পূর্ণ নিরস্ত হইতে চায় না। কিন্তু তাহার মধ্যে একটি প্রবীণও আছে, বাধার বিকট চেহারা দেখিবামাত্রই সে বলে, কাজ কি! বহু পুরাতন যুগ হইতে পুরুবামুক্রমে যত কিছু বিপদের তাড়না আপনার ভর্মের সংবাদ রাখিয়া গিয়াছে তাহাকে পুঁথির আকারে বাঁধাইয়া রাখিয়া একটি বৃদ্ধ তাহারি খবরদারী করিতেছে। নবীন প্রাণ এবং প্রবীণ ভয়, জীবের মধ্যে উভয়েই কাজ করিতেছে। ভয় বলিতেছে, "রোস রোস," প্রাণ বলিতেছে, "দেখাই যাক্ না!"

অতএব এই প্রবীণতার বিরুদ্ধে আমরা আপত্তি করিবার কে ? আপত্তি করিও না। তাঁহার বৈঠকে তিনি গদীয়ান হইয়া থাকিবেন, সেখান হইতে তাঁহাকে আমরা নড়িয়া বসিতে বলি এমন বেআদব আমরা নই। কিন্তু প্রাণের রাজ্যে তাঁহাকেই এক্লেশ্বর করিবার যখন ষড়বন্ধ্র হয় তখনই বিদ্রোহের ধ্বজা তুলিয়া বাহির হইবার দিন আদে। তুর্ভাবনা এবং নির্ভাবনা উভয়কেই আমরা খাতির করিয়া চলিতে রাজি আছি।

প্রাণের রাজ্যাধিকারে এই উভয়েই সরিক বটে কিন্তু উভঁরের অংশ যে সমান তাহাও আমরা মানিতে পারি না। নির্ভাবনার অংশটাই বেশি হওয়া চাই নহিলে স্রোত এতই মন্দ বহে যে শেওলা জমিয়া জলটা চাপা পড়ে। মৃত্যুসংখ্যার চেয়ে জন্মসংখ্যা বেশি হওয়াই কল্যাণের লক্ষণ।

পৃথিকীতে বারো আনা জল চার আনা স্থল। এরপ বিভাগ না হইলে বিপদ ঘটিত। কারণ জলই পৃথিবীতে গতি সঞ্চার করিতেছে, প্রাণকে বিস্তারিত করিয়া দিতেছে। জলই খাছ্যকে সচল করিয়া গাছপালা পশুপক্ষীকে স্থন্য দান করিতেছে। জলই সমুদ্র হইতে আকাশে উঠিতেছে, আকাশ হইতে পৃথিবীতে নামিতেছে, মলিনকে ধোঁত করিতেছে, পুরাতনকে নৃতন ও'শুক্ষকে সরস করিয়া তুলিতেছে। পৃথিবীর উপর দিয়া যে জীবের প্রবাহ নব নব ধারায় চলিয়াছে তাহার মূলে এই জলেরই ধারা। স্থলের একাধিপত্য যে কি ভয়ঙ্কর তাহা মধ্য-এসিয়ার মরুপ্রান্তরের দিকে তাকাইলেই বুঝা যাইবে। তাহার অচলতার তলে কত বড় বড় সহর লুপ্ত হইয়া গিয়াছে। যে পুরাতন পথ বাহিয়া ভারতবর্ষ হইতে চীনে জাপানে পণ্য ও চিত্ত বিনিময় চলিত, এই রুদ্র মরু সে পথের চিষ্ক মৃছিয়া দিল; কত যুগের প্রাণচঞ্চল ইতিহাসকে বালুচাপা দিয়া সে কঙ্কালসার করিয়া দিয়াছে। উলঙ্গ ধূর্জ্কটী সেখানে একা স্থাণু হইয়া উদ্ধনেত্রে বসিয়া আছেন; উমা নাই। দেবতারা তাই প্রমাদ

গণিতেছেন,—কুমারের জন্ম হইবে কেমন করিয়া ? ন্তন প্রাণের বিকাশ হইবে কি উপায়ে ?

কোর করিয়া চোখ বুজিয়া যদি না থাকি তবে নিজের সমাজের দিকে তাকাইলেও এই চেহারাই দেখিতে পাইব। এখানে স্থলের স্থাবঁরতা ভয়য়র হইয়া বসিয়া আছে—এ যে পককেশের শুজ মরুভূমি। এখানে এককালে যখন প্রাণের রস বহিত তখন ইতিহাস সজীব হইয়া সচল হইয়া কেবল যে এক প্রদেশ হইতে আর এক প্রদেশে ব্যাপ্ত হইত তাহা নহে,—মহতী স্রোতম্বিনীর মত দেশ হইতে দেশান্তরে চলিয়া যাইত। বিশের সঙ্গে সেই প্রাণ বিনিময়ের সেই পণ্য বিনিময়ের ধারা ও তাহার বিপুল রাজপথ কবে কোন্কালে বালুচাপা পড়িয়া গেছে। এখানে সেখানে মাটি খুঁড়িয়া বাহনদের কন্ধাল খুঁজিয়া পাওয়া য়য়, পুরাতত্ববিদের খনিত্রের মুখে পণ্যসামগ্রীর ছটো একটা ভাঙাটুক্রা উঠিয়া পড়ে। গুহাগহ্বরে ম্বংব পণ্যসামগ্রীর ছটো একটা ভাঙাটুক্রা উঠিয়া পড়ে। গুহাগহ্বরে ম্বংব পণ্যসামগ্রীর ছটো একটা ভাঙাটুক্রা উঠিয়া পড়ে। গুহাগহ্বরে ম্বংব পণ্যসামগ্রীর ছটো একটা ভাঙাটুক্রা উঠিয়া পড়ে। গুহাগহ্বরে মহনে সেকালের শিল্পপ্রাহিনীর কিছু কিছু অংশ আটকা পড়িয়া গেছে, কিন্তু আজ তাহা স্থির, তাহার ধারা নাই। সমস্ত স্বপ্রের মত মনে হয়়। আমাদের সঙ্গে ইহাদের সম্বন্ধ কি ? সমস্ত স্বপ্রির স্রোত বন্ধ। যাহা জাছে তাহা আছে, যাহা ছিল তাহা কেবলি তলাইয়া যাইতেছে।

চারিদিক এমনি নিস্তব্ধ নিশ্চল বে মনে ভ্রম হয় ইহাই সনাতন।
কখনই নহে, ইহাই নৃতন। এই মরুভূমি সনাতন নহে, ইহার বহুপূর্বের এখানে প্রাণের নব নব লীলা চলিত—সেই লীলায় কত বিজ্ঞান
দর্শন, শিল্প সাহিত্য, রাজ্য সাম্রাজ্য, কত ধর্ম্ম ও সমাজবিপ্পব তর্ম্পিত
হইয়া উঠিয়াছে। কিছু না করিয়া একবার মহাভারতটা পড়িয়া
দেখিলেই দেখা যাইবে, সমাজ্ঞটা কোনো সংহিতার কারখানাঘরের

ঢালাই-পেটাইকরা ও কারিগারের ছাপমারা সামগ্রী ছিল না—তাহাতে বিধাতার নিজের স্থান্তির সমস্ত লক্ষণ ছিল, কেননা তাহাতে প্রাণ ছিল। তাহা নিখুঁৎ নয়, নিটোল নয়; তাহা সজীব, তাহা প্রবল, তাহা কোতৃহলী, তাহা ছঃসাহসিক।

ইজিপ্টের প্রকাণ্ড কবরগুলার তলায় যে সমস্ত "মমি" মৃত্যুকে অমর করিয়া দাঁত মেলিয়া জীবনকে ব্যঙ্গ করিতেছে তাহাদিগকেই কি বলিবে সনাতন ? তাহাদের সিন্ধুকের গায়ে যত প্রাচীন তারিখের চিহ্নই খোদা থাক্ না কেন, সেই ইজিপ্টের নীল-নদীর পলিপড়া মাঠে আজ যে "ফেলাহীন্" চাষা চাষ করিতেছে তাহারই প্রাণ যথার্থ সনাতন। ullet মৃত্যু যে প্রাণের ছোট ভাই ; আগে প্রাণ তাহার পরে মৃত্যু। যাহা কিছু চলিতেছে তাহারই সঙ্গে জগতের চিরস্তন চলার যোগ আছে — যাহা থামিয়া বসিয়াছে তাহার সঙ্গে সনাতন প্রাণের বিচ্ছেদ ঘটিয়াছে। আজ ক্ষুদ্র ভারতের প্রাণ একেবারে ঠাণ্ডা হইয়া স্থির হইয়া গেছে, তাহার মধ্যে সাহসূ নাই, স্মপ্তির কোনো উত্তম নাই, এই জয়ই মহাভারতের সনাতন প্রাণের সঙ্গে তাহার যোগই নাই। যে যুগ দর্শন চিন্তা করিয়াছিল, যে যুগ শিল্প স্তি করিয়াছিল, যে যুগ রাজা বিস্তার করিয়াছিল তাহার সঙ্গে ইহার সম্বন্ধ বিচ্ছিন্ন। অথচ আমরা তারিখের হিসাব করিয়া বলিতেছি জগতে আমাদের মত সনাতন আর কিছুই নাই ;—কিন্তু তারিখ ত কেবল অঙ্কের হিসাব, তাহাত প্রাণের হিসাব নয়। তাহা হইলে ত ভক্মও অঙ্ক গণনা করিয়া বলিতে পারে সেই সকলের চেয়ে প্রাচীন অগ্রি।

পৃথিবীর সমস্ত বড় বড় সভ্যতাই ছঃসাহসের স্বস্তি। শক্তির ছঃসাহস, বৃদ্ধির ছঃসাহস, আকাজ্মার ছঃসাহস। শক্তি কোথাও বাধা মানিতে চায় নাই বলিয়া মানুষ সমুদ্র প্রবিত লঙ্ঘন করিয়া চলিয়া গিয়াছে, বুদ্ধি আপাতপ্রতীয়মানকে ছাড়াইয়া,অন্ধ্যংসারের মোহজালকে ছিয় বিচ্ছিয় করিয়া মহৎ হইতে মহীয়ানে, অণু হইতে অণীয়ানে, দূর হইতে দূরাস্তরে, নিকট হইতে নিকটতমে সগৌরবে বিহার করিতেছে; ব্যাধি দৈশ্য অভাব অজ্ঞতা কিছুকেই মানুষের আকাজ্জা অপ্রতিহার্য মনে করিয়া হাল ছাড়িয়া বিসিয়া নাই, কেবলি পরীক্ষার পর পরীক্ষা করিয়া চলিতেছে। যাহাদের সে তুঃসাহস নাই তাহারা আজ্ঞও মধ্য আফ্রিকার অরণ্যতলে মূঢ়তার স্বকপোলকল্পিত বিভীষিকার কাঁটার বেড়াটুকুর মধ্যে যুগমুগান্তর গুঁড়িমারিয়া বিসয়া আছে।

এই ছঃসাহসের মধ্যে একটা প্রবল অবিবেচনা আছি। আজ বাহারা আকাশবানে উভিতে উভিতে আকাশ হইতে, পভিয়া চুরমার হইয়া মরিতেছে তাহাদের মধ্যে সেই ছুরস্ত অবিবেচনা কাজ করিতেছে। এমনি করিয়াই একদিন বাহারা সমুদ্র পার হইবার সাধনা করিতে করিতে হাজার হাজার জলে ডুবিয়া মরিয়াছে সেই অবিবেচনাই তাহাদিগকে তাড়া করিয়াছিল। সেই ছুর্ম্বর্য অবিবেচনার উত্তেজনাতেই আজও মানুষ তুষারদৈত্যের পাহারা এড়াইয়া কখনো উত্তর মেরু কখনো দক্ষিণ মেরুতে কেবলমাত্র দিখিজয় করিবার জন্ম ছুটিয়া চলিয়াছে। এমনি করিয়া বাহারা নিতান্ত লক্ষীছাড়া ভাহারাই লক্ষীকে ছুর্গম অন্তঃপুর হইতে হরণ করিয়া আনিয়াছে।

এই ত্বঃসাহসিকের দল নিজের সমাজের মধ্যেও যে লক্ষ্মীছেটে হইয়া ঠাণ্ডা হইয়া বসিয়া আছে তাহা নহে। যাহা আছে তাহাই যে চূড়ার একথা কোনো মতেই তাহাদের মন মানিতে চায় না। বিজ্ঞ মামুষদের নিয়ত ধমকানি খাইয়াও এই অশান্তের দল জীর্ণ বেড়া ভাডিয়া পুরাত বেড়া সরাইয়া কত উৎপাত করিতেছে তাহার ঠিকানা নাই। প্রাণের চাঞ্চল্য তাহাদের স্বভাবতই প্রবল বলিয়াই, তাহাদের সাহসের অস্ত নাই বলিয়াই, সেই বিপুল বেগেতেই তাহারা সমস্ত সীমাকে কেবলি ধাকা মারিয়া বেড়ায়। ইহা তাহাদের স্বভাব। এমনি করিয়াই আবিষ্কৃত হইয়া পড়ে যেখানে সীমা দেখা যাইতেছিল বস্তুতই সেখানে সীমা নাই। ইহারা তুঃখ পায়, তুঃখ দেয়, মামুষকে অস্থির করিয়া তোলে এবং মরিবার বেলায় ইহারাই মরে। কিন্তু বাঁচিবার পথ ইহারাই বাহির করিয়া দেয়।

আমাদের দেশে সেই জন্ম-লক্ষীছাড়া কি নাই ? নিশ্চরই আছে। কারণ তাঁহারাই যে প্রাণের স্বাভাবিক স্বস্টি, প্রাণ যে আপনার গরজেই তাহাদিগকে জন্ম দেয়। কিন্তু পৃথিবীতে যে-কোন শক্তিই মামুষকে দম্পূর্ণ আপনার তাঁবেদার করিতে চায় সে প্রাণের লীলাকেই সব চেরেই ভয় করে—সেই করেণেই আমাদের সমাজ ঐ সকল প্রাণবহুল তুরস্ত ছেলেকে শিশুকাল হইতে নানাপ্রকার শাসনে এমনই ঠাণ্ডা করিতে চায় যাহাতে তাহাদের ভালমামুষি দেখিলে একেবারে চোখ জুড়াইয়া যায়। মানা, মানা, মানা; শুইতে বসিতে কেবলি তাহাদিগকে মানা মানিয়া সলিতে হইবে। যাহার কোনো কারণ নাই যুক্তি নাই তাহাকে মানাই ঘাহাদের নিয়ত অভ্যাস, মানিয়া চলা তাহাদের এমনি আশ্চর্য্য তুরস্ত হইয়া উঠে, যে, যেখানে কাহাকেও মানিবার নাই সেখানে তাহারা চলিতেই পারে না। এইপ্রকার হতবুদ্ধি হতোগ্রম মামুষকে আপন ভর্জ্জনি দক্ষেতে ওঠ বোস্ করানো সহজ। আমাদের সমাজ সমাজের মামুষ-গুলাকে লইয়া এই প্রকারের একটা প্রকাণ্ড পুতুলবাজির কারখানা খুলিয়াছে। তারে তারে আপাদমন্তক কেমন করিয়া বাঁধিয়াছে, কি

আশ্চর্য্য তাহার কৌশ্দ। ইহাকে বাহবা দিতে হয় বটে। বিধাতাকে এমন সম্পূর্ণরূপে হার মানানো, প্রাণীকে এমন কলের পুতুল করিয়া তোলা জগতে আর কোথায় ঘটিয়াছে!

ত্বু হাজার হইলেও যাহাদের মধ্যে প্রাণের প্রাচুর্য্য আছে তাহাদিগকে সকল দিক হইতে চাপিয়া পিষিয়াও তাহাদের তেজ একেবারে
নফ্ট করা যায় না। এইজন্ম আর কোনো কাজ না পাইয়া সেই উল্পম
সেই তেজ তাহারা সমাজের বেড়ি গড়িবার জন্মই প্রবলবেগে খাটাইতে
থাকে। সভাবের বিকৃতি না ঘটিলে যাহারা সর্ব্বাগ্রে চলার পথে ছুটিও
তাহারাই পথের মধ্যে প্রাচীর তুলিবার জন্ম সব চেয়ে উৎসাহের সঙ্গে
লাগিয়া থাকে। কাজ করিবার জন্মই তাহাদের জন্ম, কিন্তু কাজের
ক্ষেত্র বন্ধ বলিয়া কাজ বন্ধ করিবার কাজেই তাহারা কোমর বাঁধিয়া
উঠিয়া পড়িয়া লাগে।

ইহার। কুন্তীহৃত কর্ণের মত। পাগুবের দলৈ কর্ণের যথার্থ স্থান ছিল কিন্তু সেখানে অদৃষ্টক্রমে কোনো অধিকার না পাওয়াতে পাগুব-দিগকে উচ্ছেদ করাই ভাঁহার জীবনের ত্রত হইয়া উঠিয়াছিল। আমরা যাঁহাদের কথা বলিতেছি ভাঁহারা সভাবতই চলিফু, কিন্তু এদেশে জন্মিয়া সে কথাটা ভাঁহারা একেবারেই ভুলিয়া বসিয়াছেন—এই জন্ম যাঁহারা ঠিক ভাঁহাদের একদলের লোক, ভাঁহাদের সঙ্গেই অহরহ হাভাহাতি করিতে পারিলে ইহারা আর কিছু চান না।

এই শ্রেণীর লোক আজকাল অনেক দেখা যায়। ইঁহারা তাল ঠুকিয়া বলেন, "স্বাধীনতা-হীনতায় কে বাঁচিতে চায় রে," আক্ষেপ করিয়া বলেন, আমাদের প্রাভুদের মানা আছে বলিয়াই আমরা পৌরুষ দেখাইতে পারি না। অথচ সমাজের চোখে ঠুলি দিয়া তাহাকে সরু মোটা হাজার বাঁধনে বাঁধিয়া মানার প্রকাণ্ড ঘানিতে জুড়িয়া একই চক্রপথে যুরাইবার সব চেয়ে বড় ওস্তাদ ইঁহারাই। বলেন, এ ঘানি সনাতন, ইহার পবিত্র স্নিশ্ন তৈলে প্রকুপিত বায়ু একেবারে শান্ত হইয়া যায়। ইঁহারা প্রচণ্ড তেজের সঙ্গেই দেশের তেজ নির্ভির জন্ম লাগিয়াছেন; সমাজের মধ্যে কোথাও কিছু ব্যস্ততার লক্ষণ না দেখা দেয় সেজন্ম ইঁহারা ভয়ন্কর বাঁস্ত।

কিন্তু পারিয়া উঠিবেন না। অস্থিরতার বিরুদ্ধে যে চাঞ্চল্য ইঁহাদিগকে এমন অস্থির করিয়া তুলিয়াছে সেটা দেশের নাড়ীতে প্রবেশ করিয়াছে তাহার প্রমাণ তাঁহারা নিজেই। সকাল বেলায় জাগিয়া উঠিয়া যদি কেহ কেহ ঘরে আলো আসিতেছে বলিয়া বিরক্ত হইয়া ছড়্দাড় শব্দে ঘরের দরজা জানলাগুলো বন্ধ করিয়া দিতে চায় তবে নিশ্চয় আরো অনেক লোক জাগিবে যাহারা দরজা খুলিয়া দিবার জন্ম উৎস্ক হইয়া উঠিবে। জাগরণের দিনে ছই দলই জাগে এইটেই আমাদের সকলের চেয়ে আশার কথা।

যাঁহারা দেশকে ঠাণ্ডা করিয়া রাখিয়াছিলেন তাঁহারা অনেকদিন একাধিপত্য করিয়াছেন। তাঁহাদের সেই একেশর রাজত্বের কীর্ত্তিগুলি চারিদিকেই দেখা যাইতেছে; তাহা লইয়া আলোচনা করিতে গেলেই রাগারাগি হইবার সম্ভাবনা আছে। কিন্তু দেশের নবর্যোবনকে তাঁহারা আর নির্বাসিত করিয়া রাখিতে পারিবেন না। তাঁহারা চণ্ডীমণ্ডপে বসিয়া থাকুন, আর বাকি সবাই পথে ঘাটে বাহির হইয়া পড়ুক। সেখানে তারুণ্যের জয় হউক্! তাহার পায়ের তলায় জয়ল মরিয়া যাক্, জঞ্জাল সরিয়া যাক্, কাঁটা দলিয়া যাক্, পথ খোলসা হোক, তাহার অবিবেচনার উদ্ধৃত বেগে অসাধ্যসাধন হইতে থাক্।

চলার পদ্ধতির মধ্যে অবিবেচনার বেগও দরকার, বিবেচনার সংযমও

আবশ্যক; কিন্তু স্থাবিবেচনার বেগও বন্ধ করিব আবার বিবেচনা করিতেও অধিকার দিব না,—মামুষকে বলিব, তুমি শক্তিও চালাইয়ো না, কুদ্ধিও চালাইয়ো না, কুদ্ধিও চালাইয়ো না, তুমি কেবলমাত্র ঘানি চালাও, এ বিধান কখনই চিরদিন চলিবে না। যে পথে চলাফেরা বন্ধ, সে পথে ঘাস জন্মায় এবং ঘাসের মধ্যে নানা রঙের ফুলও ফোটে। সে ঘাস সে ফুল স্থান্দর একথা কেহই অস্বীকার করিবে না কিন্তু পথের সৌন্দর্য্য ঘাসেও নহে ফুলেও নহে, তাহা বাধাহীন বিচ্ছেদহীন বিস্তারে; তাহা ভ্রমরগুঞ্জনে নহে কিন্তু পথিকদলের অক্লান্ত পদংধনিতেই রমণীয়।

শ্রীরবীক্রনাথ ঠাকুর।

হালদার-গোষ্ঠী

এই পরিবারটির মধ্যে কোন রকমের গোল বাধিবার কোন পক্ষত কারণ ছিল না। অবস্থাও সক্ষল, মানুষগুলিও কেহই মন্দ নহে কিস্তু তবুও গোল বাধিল।

কেননা সঙ্গত কারণেই যদি মানুষের সব কিছু ঘটিত তবে ত লোকালয়টা একটা অঙ্কের খাতার মত হইত, একটু সাবধানে চলিলেই ইসাবে কোথাও কোনো ভুল ঘটিত না; যদি বা ঘটিত সেটাকে রবার দিয়া মুছিয়া সংশোধন করিলেই চলিয়া যাইত।

কিন্তু-মানুষের ভাগ্যদেবতার রসবোধ আছে ;—গণিত শাস্ত্রে তাঁহার পাণ্ডিতা আছে কি না জানিনা কিন্তু অনুরাগ নাই ; মানবজীবনের যোগবিয়োগের বিশুদ্ধ অঙ্কফলটি উদ্ধার করিতে তিনি মনোযোগ করেন না। এই জন্য-তাঁহার ব্যুবস্থার মধ্যে একটা পদার্থ তিনি সংযোগ করিয়াছেন সেটা অসম্পতি। যাহা হইতে পারিত সেটাকে সেহঠাৎ আসিয়া লণ্ডভণ্ড করিয়া দেয়। ইহাতেই নাট্যলীলা জমিয়া উঠে, সংসারের তুইকূল ছাপাইয়া হাসিকাশার তুফান চলিতে থাকে।

এ ক্ষেত্রেও তাহাই ঘটিল,—বেখানে পল্মবন সেখানে মত্তহস্তী আসিয়া উপস্থিত। পঙ্কের সঙ্গে পঙ্কজের একটা বিপরীত রকমের মাথামাথি হইয়া গেল। তা না হইলে এ গল্পটির স্পৃত্তি হইতে পারিত না।

যে পরিবারের কথা উপস্থিত করিয়াছি তাহার মধ্যে সব চেয়ে যোগ্য মানুষ যে বনোগারিলান, তাহাতে সন্দেহ নাই। সে নিজেও ছাহা বিলক্ষণ জ্ঞানে, এবং সেইটেতেই, তাহাকে অস্থির করিয়া তুলিয়াছে। যোগ্যতা এঞ্জিনের ষ্টামের মত তাহাকে ভিতর হইতে ঠেলে। সামনে যদি সে রাস্তা পায় ত ভালই, যদি না পায় তবে যাহা পায় তাহাকে ধাকা মারে।

্তাহার বাপ মনোহরলালের ছিল সাবেককেলে বড়মানুষি চাল। যে সমাজ তাঁহার, সেই সমাজের মাথাটিকেই আশ্রায় করিয়া তিনি তাহার শিরোভূষণ হইয়া থাকিবেন এই তাঁহার ইচ্ছা। স্থতরাং সমাজের হাত পায়ের সঙ্গে তিনি কোনো সংস্রব রাখেন না। সাধারণ লোকে কাজকর্ম্ম করে, চলে ফেরে; তিনি কাজ না-করিবার ও না-চলিবার বিপুল আয়োজনটির কেন্দ্রন্থলে শ্রুব হইয়া বিরাজ করেন।

প্রায় দেখা যায় এই প্রকার লোকেরা বিনাচেন্টায় আপনার কাছে অন্ততঃ ছুটি একটি শক্ত এবং খাঁটি লোককে যেন চুম্বকের মত টানিয়া আনেন। তাহার কারণ আর কিছু নয়, পৃথিবীতে একদল লোক জন্মায় সেবা করাই তাহাদের ধর্ম। তাহারা আপন প্রকৃতির চরিতার্থতার জন্মই এমন অক্ষম মামুষকে চায়, যে লোক নিজের ভার যোলো আনাই তাহাদের উপর ছাড়িয়া দিতে পারে। এই সহজ্ঞ সেবকেরা নিজের কাঁজে কোনো স্থখ পায় না, কিন্তু আর একজনকে নিশ্চিত্ত করা, তাহাকে সম্পূর্ণ আরামে রাখা, তাহাকে সকল প্রকার সঙ্কট হইতে বাঁচাইয়া চলা, লোকসমাজে তাহার সম্মান বৃদ্ধি করা ইহাতেই তাহাদের পরম উৎসাহ। ইহারা যেন এক প্রকারের পুরুষ মা, তাহাও নিজের ছেলের নহে, পরের ছেলের।

মনোহরলালের যে চাকরটি আছে রামচরণ, তাহার শরীররক্ষা ও শরীরপাতের একমাত্র লক্ষ্য বাবুর দেহরক্ষা করা। যদি সে নিখাগ লইলে বাবুর নিখাস লইবার প্রয়োজনটুকু বাঁচিয়া যায় তাহা হইলে সে স্বাহোরাত্র কামারের হাপরের মত হাঁপাইতে রাজ্বি আছে। বাহিরের লোকে অনেক সময় ভাবে মনোহরলাল বুঝি তাঁহার সেবককে অনাবশ্যক খাটাইয়া অন্যায় পীড়ন করিতেছেন। কেননা, হাত হুইতে গুড়গুড়ির নলটা হয় ত মাটিতে পড়িয়াছে, সেটাকে তোলা কঠিন কাজ নহে, অথচ সেজন্য ডাক দিয়া অন্য ঘর হইতে রামচরণকে 'দোড় করানো নিতান্ত বিসদৃশ বলিয়াই বোধ হয়; কিন্তু এই সকল ভূঁরি ভূরি অনাবশ্যক ব্যাপারে নিজেকে অত্যাবশ্যক করিয়া তোলাতেই রামচরণের প্রভূত আননদ।

বেমন তাঁহার রামচরণ, তেমনি তাঁহার আর একটি অমুচর নীলকে । বিষয়রক্ষার ভার এই নীলকঠের উপর। বাবুর প্রসাদ-পরিপুষ্ট রামচরণটি দিব্য স্থাচিকণ কিন্তু নীলকঠের দেহে তাহার অস্থি-কঙ্কালের উপর কোনো প্রকার আক্র নাই বলিলেই হয়। বাবুর ঐশ্বর্যা ভাণ্ডারের দ্বারে সে মূর্ত্তিমান তুর্ভিক্ষের মত পাহারা দেয়। বিষয়টা মনোহরলালের কিন্তু তাহার মমতাটা সম্পূর্ণ নীলকঠের।

নীলকণ্ঠের সঙ্গে বনোয়ারিলালের খিটিমিটি অনেক দিন হইতে বাধিয়াছে। মনে কর, বাপের কাছে দরবার করিয়া বনোয়ারি,বড় বোয়ের জন্ম একটা নৃতন গহনা গড়াইবার হুকুম আদায় করিয়াছে। তাহার ইচ্ছা টাকটো বাহির করিয়া লইয়া নিজের মনোমত করিয়া জিনিষ্টা ফরমাস করে। কিন্তু সে হইবার জো নাই। খরচপত্রের সমস্ত কাজই নীলকণ্ঠের হাত দিয়াই হওয়া চাই। তাহার ফল হইল এই, গহনা হইল বটে কিন্তু কাহারও মনের মত হইল না। বনোয়ারির নিশ্চয় বিশাস হইল আকরার সঙ্গে নীলক্ঠের ভাগবাটোয়ারা চলে। কড়া লোকের শক্রের অভাব নাই। তের লোকের কাছে বনোয়ারি ঐ কংট

শুনিয়া আসিয়াছে **ষে নীলকণ্ঠ অহ্যকে যে পরিমাণে বঞ্চিত করিতেছে**। নিজের ঘরে তাহার ততোধিক পরিমাণে সঞ্চিত হইয়া উঠিতেছে।

অথচ ছুই পক্ষে এই যে সব বিরোধ জমা হইয়া উটিয়াছে তাহা সামাশ্য পাঁচ দশটাকা লইয়া। নীলকণ্ঠের বিষয়বৃদ্ধির অভাব নাই— একথা তাহার পক্ষে বৃঝা কঠিন নহে যে বনোয়ারির সঙ্গে বনাইয়া চলিতে না পারিলে কোনো না কোনো দিন তাহার বিপদ ঘটিবার সস্তাবনা। কিন্তু মনিবের ধন সন্থক্ষে নীলকণ্ঠের একটা কৃপণতার বায়ু আছে। সে যেটাকে অন্যায্য মনে করে মনিবের হুকুম পাইলেও কিছুতেই তাহা সে খরচ করিতে পারে না।

এদিকে বনোয়ারির প্রায়ই অন্থায় খবচের প্রয়োজন ফিল্ডেছ।
পুরুষের অনেক অন্থায় ব্যাপারের মূলে যে কারণ থাকে সেই কারণটি
এখানেও খুব প্রবলভাবে বর্ত্তমান। বনোয়ারির স্ত্রী কিরণলেখার
সৌন্দর্য্যসম্বন্ধে নানা মত থাকিতে পারে, তাহা লইয়া আলোচনা করা
নিষ্প্রয়োজন। তাহার মধ্যে যে মতটি বনোয়ারির, বর্ত্তমান প্রসঙ্গে
একমাত্র সেইটেই কাজের। বস্তুত স্ত্রীর প্রতি বনোয়ারির মনের যে
পরিমাণ টান সেটাকে বাড়ির অন্থান্থ মেয়েরা বাড়াবাড়ি বলিয়াই
মনে করে। অর্থাৎ তাহারা নিজের স্বামীর কাছ হইতে যতটা
আদর চায় অ্থচ পায় না, ইহা ততটা।

কিরণলেখার বয়স যতই হোক্ চেহারা দেখিলে মনে হয় ছেলে-মানুষটি। বাড়ির বড় বোয়ের যেমনতর গিন্ধিবান্নিধরণের আকৃতি-প্রকৃতি হওয়া উচিত সে তাহার একেবারেই নহে। সবস্থন্ধ জড়াইয়া সে যেন বড় স্বল্প।

বনোয়ারি তাহাকে আদর করিয়া অণু বলিয়া ডাকিত। যখন

াহাতেও কুলাইত ন। তখন, বলিত পরমাণু। রসায়ন শাস্ত্রে ঘাঁহাদের বিচফণতা আছে তাঁহার। জানেন বিশ্বটনায় অণুপরমাণুগুলির শক্তি বড় কম নয়।

কিরণ কোনোদিন স্বামীর কাছে কিছুর জন্ম আবদার করে নাই। তাহার এমন একটি উদাসীন ভাব যেন তাহার বিশেষ কিছুতে প্রয়োজন নাই। বাড়িতে তাহার অনেক ঠাকুরিঝ অনেক ননদ; তাহাদিগকে লইয়া সর্ববদাই তাহার সমস্ত মন ব্যাপৃত;—নবযৌবনের নবজাপ্রত প্রেমের মধ্যে যে একটা নির্জ্জন তপস্থা আছে তাহাতে তাহার তেমন প্রয়োজনবোধ নাই। এই জন্ম বনোয়ারির সঙ্গে ব্যুক্তারে তাহার বিশেষ একটা আগ্রহের লক্ষণ দেখা যায় না। যাহা সে বনোয়ারির কাছ হইতে পায় তাহা সে শাস্তভাবে গ্রহণ, করে, অগ্রসর হইয়া কিছু চায় না। তাহার ফল হইয়াছে এই যে, নীটি কেমন করিয়া খুসি হইবে সেই কথা বনোয়ারিকে নিজে ভাবিয়া বাহির করিতে হয়। দ্রী যেখানে নিজের মুখে ফরমাস করে সেখানে সেটাকে তর্ক করিয়া কিছুনা-কিছু খর্বে করা সম্ভব হয় কিন্তু নিজের সঙ্গেত দরক্ষাক্ষি চলে না। এমন স্থলে অ্যাচিত্ত দানের চেয়ে খর্মচ বেশি পড়িয়া যায়।

তাহার পরে স্বামীর সোহাগের উপহার পাইয়া কিরণ যে ক**তথানি**খুসি হইল তাহা ভাল করিয়া বুঝিবার জো নাই। এ সম্বন্ধে প্রশ্ন
করিলে সে বলে, বেশ, ভাল;—কিন্তু বনোয়ারির মনের খট্কা
কিছুতেই মেটে না; ক্ষণে ক্ষণে ভাহার মনে হয়, হয় ত পছন্দ হয়
নাই। কিরণ স্বামীকে ঈষৎ ভর্ৎসনা করিয়া বলে—"ভোমার ঐ
স্বভাব! কেন এমন খুঁৎখুঁৎ করচ ? কেন, এ ত বেশ হয়েছে!"

বনোয়ারি পাঠ্যপুস্তকে পড়িয়াছে সন্তোষগুণটি মানুষের মহৎ প্তণ। কিন্তু স্ত্রীর স্বভাবে এই মহৎ গুণুটি তাহাকে পীড়া দেয়। তাহার স্ত্রী ত তাহাকে কেবলমাত্র সম্ভুফ্ট করে নাই, অভিভূত করিয়াছে, সেও স্ত্রীকে অভিভূত করিতে চায়। তাহার স্ত্রীকে ত বিশেষ কোনো চেন্টা করিতে হয় না—যৌবনের লাবণ্য আপনি উছলিয়া পড়ে. সেবার নৈপুণ্য আপনি প্রকাশ হইতে থাকে: কিন্তু পুরুষের ত এমন সহজ স্থযোগ নয়: পৌরুষের পরিচয় দিতে হইলে ভাহাকে কিছু একটা করিয়া তুলিতে হয়। তাহার যে বিশেষ একটা শক্তি আছে ইহা প্রমাণ করিতে না পারিলে পুরুষের ভালবাসা ম্লান হইয়া থাকে। আর কিছু নাও যদি থাকে প্রেন যে একটা শক্তির নিদর্শন—ময়ুরের পুচেছর মত জ্রীর্র কাছে সেই ধনের সমস্ত বর্ণচ্ছটা বিস্তার করিতে পারিলে ভাহাতে মন সাস্তনা পায়। নীলকণ্ঠ বনোয়ারির প্রেমনাট্যলীলার এই আয়োজনটাতে ৰারন্বার ব্যাঘাত ঘটাইয়াছে। বনোয়ারি বাড়ির বড়বাবু তবু কিছতে ভাহার কর্ত্তর নাই, কর্তার প্রশ্রেয় পাইয়া ভূত্য হইয়া নীলকণ্ঠ ভাহার উপরে আধিপত্য করে ইহাতে বনোয়ারির যে অস্থবিধা ও অপমান সেটা আর কিছুর জন্ম তত নহে, যতটা পঞ্চশরের ক্তুণে মনের মত শর যোগাইবার অক্ষমতাবশত।

একদিন এই ধনসম্পদে তাহারই অবাধ অধিকার ত জন্মিবে। কিন্তু বোবন কি চিরদিন থাকিবে ? বসস্তের রঙীন পেয়ালায় তখন এ স্থধারস এমন করিয়া আপনা আপনি ভরিয়া ভরিয়া উঠিবে না; টাকা তখন বিষয়ীর টাকা হইয়া খুব শক্ত হইয়া জনিবে, গিরিশিখরের তুষার-সঙ্গাতের সত;—ভাহাতে কথায় কথায় অসাবধানের অপব্যয়ের টেউ ধেলিতে থাকিবে, না। টাকার দরকার ত এখনি, যখন আনদেদ তাহা নয়-ছয় করিবার শক্তি নক্ত হয় নাই।

বনোয়ারির প্রধান সথঁ তিনটি, —কৃন্তি, শিকার এবং সংস্কৃত চর্চা।
তাহার খাতার মধ্যে সংস্কৃত উদ্ভট কবিতা একেবারে বোঝাই করা।
বাদলার দিনে, জ্যোৎসারাত্রে, দক্ষিণা হাওয়ায় সেগুলি বড় কাঁজে
লাগে। স্থবিধা এই, নীলকণ্ঠ এই কবিতাগুলির অলঙ্কারবাহুল্যকে
খর্বব করিতে পারে না। অতিশয়োক্তি যতই অতিশয় হউক্
কোনো খাতাঞ্চি-সেরেস্তায় তাহার জন্য জবাবদিহি নাই।
কিরণের কানের সোনায় কার্পণ্য ঘটে কিন্তু তাহার কানের
কাছে ক্রে মন্দাক্রান্ত। গুঞ্জরিত হয় তাহার ছন্দে একটি মাত্রাও
কম পড়ে না এবং তাহার ভাবে কোনো মাত্রা থাকেনা বলিলেই
হয়।

লম্বাচওড়া পালোমানের চেহার। বনোয়ারির। যখন সে রাগ করে তখন তাহার ভয়ে লোকে অস্থির। কিন্তু এই জোয়ান লোকটির মনের ভিতরটা ভারি কোমল। তাহার ছোট ভাই বংশীলাল যখন ছোট ছিল তখন সে তাহাকে মাতৃত্মেহে লালন করিয়াছে। তাহার ফ্রদরে যেন একটি লালন করিবার ক্ষুধা আছে।

তাহার স্ত্রীকে সে যে ভালবাসে তাহার সঙ্গে এই জিনিষটিও জড়িত,
—এই লালন করিবার ইচ্ছা। কিরণলেখা তরুচছায়ার মধ্যে পথহার।
রশ্মিরেখাটুকুর মতই ছোট—ছোট বলিয়াই সে তাহার স্বামীর মনে ভারী
একটা দরদ জাগাইয়া রাখিয়াছে; এই স্ত্রীকে বসনেভূষণে নানারকম
করিয়া সাজাইয়া দেখিতে তাহার বড় আগ্রহ। তাহা ভোগ করিষার
আননদ নহে, তাহা রচনা করিবার আননদ্ধ; তাহা এককৈ বছ

করিবার আনন্দ, কিরণলেথাকে নানা বর্ণে নানা আবরণে নানা রকম করিয়া দেখিবার আনন্দ।

কিন্তু কেবলমাত্র সংস্কৃত শ্লোক আর্ত্তি করিয়া বনোয়ারির এই সথ কোনোমতেই মিটিতেছে না। তাহার নিজের মধ্যে একটি পুরুষোচিত প্রভূশক্তি আছে তাহাও প্রকাশ করিতে পারিল না, আর প্রেমের সামগ্রীকে নানা উপকরণে ঐশ্বর্যাবান করিয়া তুলিবার যে ইচ্ছা তাহাও তার পূর্ণ হইতেছে না।

এমনি করিয়াই এই ধনীর সন্তান তাহার মানমর্যাদা, তাহার স্বন্দরী ত্রী, তাহার ভরা যৌবন,—সাধারণত লোকে যাহা কামনা করে তাহা সমস্ত লইয়াও সংসারে একদিন একটা উৎপাতের মত হইয়া উঠিল।

স্থাদা মধুকৈবর্ত্তের স্ত্রী, মনোহরলালের প্রজা। সে একদিন সম্ভঃপুরে আসিয়া কিরণলেখার পা জড়াইয়া ধরিয়া কান্না জুড়িয়া দিল। ব্যাপারটা এই, বছর কয়েক পূর্বেব নদীতে বেড়জাল ফেলিবার আয়োজন উপলক্ষে অস্তাস্ত বারের মত জেলেরা মিলিয়া একযোগে খৎ লিখিয়া ম্নোহরলালের কাছারিতে হাজার টাকা ধার লইয়াছিল। ভাল মত মাছ পড়িলে স্থাদে আসলে টাকা শোধ করিয়া দিবার কোনো অস্ত্রবিধা ঘটে না; এইজন্ম উচচ, স্থাদের হারে টাকা লইতে ইহারা চিন্তামাত্র করে না। সে বৎসর তেমন মাছ পড়িল না, এবং ঘটনাক্রমে উপরি উপরি তিন বৎসর নদীর বাঁকে মাছ এত কম আসিল যে, জেলেদের খরচ পোষাইল না, অধিকন্ত তাহারা ঋণের জালে বিপরীত রকম জড়াইয়া পড়িল। যে সকল জেলে ভিন্ন এলকার তাহাদের আর দেখা পাওয়া যায় না; কিন্তু মধুকৈবর্ত্ত

ভিটাবাড়ির প্রক্ষা, তাহার পলাইবার জো নাই বলিয়া সমস্ত দেনার দায় তাহার উপরেই চাঁপিয়াছে। সর্ববনাশ হইতে রক্ষা পাইবার অমুরোধ লইয়া সে কিরণের শরণাপন্ন হইয়াছে। কিরণের শাশুর্যভূর কাছে গিয়া কোনো ফল নাই তাহা সকলেই জানে; কেননা, নীলকঠের ব্যবস্থায় কেহ যে আঁচড়টুকু কাটিতে পারে একথা তিনি কল্পনা করিতেও পারেন না। নীলকঠের প্রতি বনোয়ারির খুব একটা আক্রোশ আছে জানিয়াই মধুকৈবর্ত্ত তাহার স্ত্রীকে কিরণের কাছে পাঠাইয়াছে।

বনোয়ারি যতই রাগ এবং যতই আস্ফালন করুক্, কিরণ নিশ্চয় জানে যে নীলকণ্ঠের কাজের উপর হস্তক্ষেপ করিবার কোনো অধিকার তাহার নাই। এই জন্ম কিরণ স্থখনাকে বারবার করিয়া বুঝাইবার চেন্টা করিয়া বলিল, "বাছা, কি করব বল! জানই ত এতে আমাদের কোনো হাত নেই। কর্ত্তা আছেন, মধুকে বল তাঁকে পিয়ে ধরুক।"

সে চেফা ত পূর্বেই হইয়াছে। মনোহরলালের কাছে কোনো বিষয়ে নালিশ উঠিলেই তিনি তাহার বিচারের ভার নীলকণ্ঠের পরেই অর্পণ করেন, কখনই তাহার অগ্যথা হয় না। ইহাতে বিচারপ্রার্থীর বিপদ আরো বাড়িয়া উঠে। দ্বিতীয়বার কেহ যদি তাঁহার কাছে আপিল করিতে চায় তাহা হইলে কর্তা রাগিয়া আগুন হইয়া উঠেন,—বিষয়-কর্ম্মের বিরক্তিই যদি তাঁহাকে পোহাইতে হইল তবে বিষয় ভোগ করিয়া তাঁহার মুখ কি!

স্থাদা যথন কিরণের কাছে কান্নাকাটি করিতেছে তথন পাশের ঘরে বসিয়া বনোয়ারি তাহার বন্দুকের চোঙে তেল মাথাইতেছিল। বনোয়ারি সব কথাই শুনিল। কিরণ করুণকঠে যে বারবার করিয়। বলিতেছিল যে তাহারা ইহার কোনো প্রতিকার ক্রিতে অক্ষম সেটা বনোয়ারির বুকে শেলের মত বিঁধিল।

েদেদিন মাঘী পূর্ণিমা ফান্তুনের আরস্তে আসিয়া পড়িয়াছে। দিনের বেলাকার গুমট ভাঙিয়া সন্ধ্যাবেলায় হঠাৎ একটা পাগুলা হাওয়া মার্তিয়া উঠিল। কোকিল ত ডাকিয়া ডাকিয়া অস্থির :--বারবার এক স্থুরের আঘাতে সে কোথাকার কোন ওদাসীন্সকে বিচলিত করিবার চেফা করিতেছে! আর আকাশে ফুলগন্ধের মেলা বসিয়াছে— যেন ঠেলাঠেলি ভিড়। জানলার ঠিক পাশেই অন্তঃপুরের বাগান হইতে মুচুকুন্দফুলের গন্ধ বসস্তের আকাশে নিবিড় নেশা ধরাইয়া দিল। কিরণ সেদিন লট্কানের রংকরা একখানি সাড়ি এবং থোঁশুসু বেল ফুলের মালা পরিয়াছে। এই দম্পতির চিরনিয়ম অনুসারে সেদিন বনোয়ারির জন্মও ফাল্পনঞ্জুযাপনের উপযোগী একখানি লটুকানে রঙীন চানর ও বেলফুলের গড়ে' মালা প্রস্তুত। রাত্রির প্রথম প্রহর কাটিয়া গেল তবু বনোয়ারির দেখা নাই। যৌবনের ভরা পোয়ালাটি আজ তাহার কাছে কিছুতেই রুচিল না। প্রেমের বৈকুপ্রলোকে এত বড় কুষ্ঠা লইয়া সে প্রবেশ করিবে কেমন করিয়া ? মধুকৈবর্ত্তের চুঃখ দূর করিবার ক্ষমতা তাহার নাই, সে ক্ষমতা আছে নীলকঠের ! এমন কাপুরুষের কঠে পরাইবার জন্মালা কে গাঁথিয়াছে 🕈

প্রথমেই সে তাহার বাহিরের ঘরে নীলকণ্ঠকে ডাকাইয়া আনিল এবং দেনার দায়ে মধুকৈবর্ত্তকে নফ্ট করিতে নিষেধ করিল। নীলকণ্ঠ কহিল মধুকে যদি প্রশ্রেয় দেওয়া হয় তাহা হইলে এই তামাদির মূখে বিস্তর টাকা বাকি পড়িবে; সকলেই ওজর করিতে আরম্ভ করিবে। বনোয়ারি তর্কে যখন পারিল না তখন যাহা মুখে আসিল গাল দিতে

লাগিল। বলিল, ছোটলোক,—নীলকণ্ঠ কহিল, ছোটলোক না হইলে বড় লোকের শরণাপন্ন হইব কৈন। বলিল, চোর,-নীলকণ্ঠ বলিল, সে ত বটেই. ভগবান যাহাকে নিজের কিছুই দেন নাই. পরের ধনেই ত সে প্রাণ বাঁচায়। সকল গালিই সে মাথায় করিয়া লইল—শেষকালে বলিল, উকিল-বাবু বসিয়া আছেন, তাঁহার সঙ্গে কাজের কথাটা সারিয়া লই। যদি দরকার বোধ করেন ত আবার আসিব।

বনোয়ারি ছোট ভাই বংশীকে নিজের দলে টানিয়া তথনি বাপের কাছে যাওয়া স্থির করিল। সে জানিত একলা গেলে কোনো ফল হইবে না—কেননা এই নীলকণ্ঠকে লইয়াই তাহার বাপের সঙ্গে পূর্বেবইন্তাহার খিটিমিটি হইয়াছে। বাপ তাহার উপর বিরক্ত হইয়াই আছেন। একদিন ছিল যখন সকলেই মনে করিত মনোহরলাল তাঁহার বড় ছেলেকেই সব চেয়ে ভালবাসেন। কিন্ত এখন মনে ¹হয় বংশীর উপরেই তাঁহার পক্ষপাত। এই জন্মই বনোয়ারি বংশীকেও তাহার নালিশের পক্ষভুক্ত করিতে চাহিল।

বংশী, যাহাকে বলে, অত্যন্ত ভাল ছেলে। এই পরিবারের মধ্যে সেই^{*}কেবল চুটো একজামিন পাস করিয়াছে। এবার সে আইনের পরীক্ষা দিবার জন্ম প্রস্তুত হইতেছে। দিন রাত জাগিয়া পড়া করিয়া করিয়া তাহার অন্তরের দিকে কিছু জমা হইতেছে কি না অন্তর্যামী জানেন কিন্তু শরীরের দিকে খরচ ছাড়া আর কিছুই নাই।

এই ফাল্পনের সন্ধ্যায় তাহার ঘরে জালনা বন্ধ। ঋতু পরিবর্ত্তনের সময়টাকে তাহার ভারি ভয়। হাওয়ার প্রতি তাহার শ্রন্ধাদাত্র নাই। টেবিলের উপর একটা কেরোসিনের ল্যাম্প জ্বলিভেছে। কতক বই মেজের উপরে চাকির পাশে রাশীকৃত, কতক টে্বিলের উপরে;
—দেয়ালে কুলুঙ্গিতে কতকগুলি ঔষধের শিশি।

কনোয়ারির প্রস্তাবে সে কোনোমতেই সম্মত হইল না। বনোয়ারি রাগ করিয়া গর্জিয়া উঠিল, "তুই নীলকণ্ঠকে ভয় করিস্!" বংশী তাহার কোনো উত্তর না দিয়া চুপ করিয়া রহিল। বস্তুতই নীলকণ্ঠকে অমুকূল রাখিবার জন্ম তাহার সর্ববদাই চেফা। সে প্রায়্ম সমস্ত, বংসর কলিকাতার বাসাতেই কাটায়—সেখানে বরাদ্দ টাকার চেয়ে তাহার বেশি দরকার হইয়াই পড়ে। এই সূত্রে নীলকণ্ঠকে প্রসন্ধ রাখাটা তাহার অভ্যস্ত।

বংশীকে ভীরু, কাপুরুষ, নীলকণ্ঠের চরণ-চারণ-চক্রবর্ত্তী. বুলিয়া খুব এক চোট গালি দিয়া বনোয়ারি একলাই বাপের কাছে গিয়া উপস্থিত। মনোহরলাল তাঁহাদের বাগানে দীঘির ঘাটে তাঁহার নধর শরীরটি উদ্ঘাটন করিয়া আরামে হাওয়া খাইতেছেন। পারিষদগণ কাছে বিসিয়া কলিকাতার বারিষ্টারের জেরায় জেলাকোর্টে অপর পল্লীর জমিদার অথিল মজুমদার যে কিরূপ নাকাল হইয়াছিল তাহারই কাহিনী কর্ত্তাবাবুর শ্রুতিমধুর করিয়া রচনা করিতেছিল। সেদিন বসস্তমন্দ্র্যার স্থান্ধ বায়ুসহযোগে সেই বৃত্তাস্তটি তাঁহার কাছে অত্যন্ত রমণীয় হইয়া উঠিয়াছিল।

হঠাৎ বনোয়ারি তাহার মাঝখানে পড়িয়া রসভক্ষ করিয়া দিল।
ভূমিকা করিয়া নিজের বক্তব্য কথাটা ধীরে ধীরে পাড়িবার মত অবস্থা
তাহার ছিল না। সে একেবারে গলা চড়াইয়া স্থরু করিয়া দিল নীলকণ্ঠের ঘারা তাহাদের ক্ষতি হইতেছে। সে চোর, সে মনিবের টাকা
ভাঙিয়া নিজের পেট ভরিতেছে। কথাটার কোনো প্রমাণ নাই

এবং তাহা সত্যও নহে। নীলকণ্ঠের দ্বারা বিষয়ের উন্নতি হইয়াছে এবং সে চুরিও করে না । বনোয়ারি মনে করিয়াছিল নীলকঠের সংস্বভাবের প্রতি অটল বিশ্বাস আছে বলিয়াই কর্ত্তা সক্রল বিষয়েই তাহার পরে এমন চোখ বুজিয়া নির্ভর করেন। এটা তাহার ভ্রম। মনোহরলালের মনে নিশ্চয় ধারণা যে নীলকণ্ঠ স্থাযোগ পাইলে চুরি করিয়া থাকে। কিন্তু সে জন্ম তাহার প্রতি তাঁহার কোন অশ্রদ্ধা নাই। কারণ আবহমানকাল এমনি ভাবেই সংসার চলিয়া আসিতেছে। অন্যুচরগণের চুরির উচ্ছিষ্টেই ত চিরকাল বড়-ঘর পালিত। চুরি করিবার চাতুরী যাহার নাই মনিবের ক্রিয় রক্ষা করিবার বুদ্ধিই বা তাহার জোগাইবে কোথা হইতে ? ধর্মপুত্র যুধিষ্ঠিরকে দিয়া ত জমিদারীর কাজ চলে না। মনোহর অত্যন্ত বিরক্ত হইয়া উঠিয়া কহিলেন, আচ্ছা, আচ্ছা, নীলকণ্ঠ কি করে, না করে সে কথা তোমাকে ভাবিতে হইবে না। সেই সঙ্গে ইহাও বলিলেন. দেখ দেখি বংশীর ত কোনো বালাই নাই। সে কেমন পড়াশুনা করিতেছে, ঐ ছেলেটা তবু একটু মানুধের মত।

ইহার পরে অখিল মজুমদারের চুর্গতিকাহিনীতে আর রস জমিল না। স্থতরাং মনোহরলালের পক্ষে সেদিন বসস্তের বাতাস রুখা বহিল এবং দীঘির কালো জলের উপর চাঁদের আলোর ঝক্ঝক করিয়া উঠিবার কোনো উপযোগিতা রহিল না। সেদিন সন্ধ্যাটা কেবল वर्ण रुप्र नारे रःभी এবং नीलकर्छत्र कारह। जानला वन्न कतिया वःभी অনেক রাত পর্য্যন্ত পড়িল এবং উকিলের সঙ্গে পরামর্শ করিয়া নীলকণ্ঠ অর্ছেক রাভ কাটাইয়া দিল।

কিরণ ঘরের প্রাণি নিবাইয়া দিয়া জানলার কাছে বসিয়া। কাজকর্ম আজ সে সকাল সকাল সারিয়া লইয়াছে। রাত্রের আহার বাকি কিন্তু এখনো বনোয়ারি খায় নাই তাই সে অপেক্ষা করিতেছে। মধুকৈবর্ত্তের কথা তাহার মনেও নাই। বনোয়ারি যে মধুর তঃখের কোনো প্রতিকার করিতে পারে না এ সম্বন্ধে কিরণের মনে ক্ষোভের লেশমাত্র ছিল না। তাহার স্বামীর কাছ হইতে কোনো দিন সে কোনো বিশেষ ক্ষমতার পরিচয় পাইবার জন্ম উৎস্থক নহে। পরিবারের গৌরবেই তাহার স্বামীর গৌরব। তাহার স্বামী তাহার শশুরের বড় ছেলে, ইহার চেয়ে তাহাকে যে আরো বড় হইতে হইবে এমন কথা কোনো দিন তাহার মনেও হয় নাই। ইহারা খেড্রের স্ববিখ্যাত হালদার বংশ।

বনোয়ারি অনেক রাত্রি পর্যান্ত বাহিরের বারাণ্ডায় পায়চারি সমাধা করিয়া ঘরে আসিল। সে ভুলিয়া গিয়াছে যে তাহার খাওয়া হয় নাই। কিরণ যে তাহার অপেক্ষায় না খাইয়া বসিয়া আছে এই ঘটনাটা সেদিন যেন তাহাকে বিশেষ করিয়া আঘাত করিল। কিরণের এই কয়্টশ্বীকারের সঙ্গে তাহার নিজের অকর্দ্মণ্যতা যেন খাপ খাইল না। অয়ের গ্রাস তাহার গলায় বাধিয়া যাইবার জো হইল। বনোয়ারি অভ্যন্ত উত্তেজনার সহিত জ্রীকে বলিল, যেমন করিয়া পারি মধু কৈবর্ত্তকে আমি রক্ষা করিব!—কিরণ তাহার এই অনাবশ্যক উগ্রতায় বিশ্বিত হইয়া কহিল, শোন একবার! তুমি তাহাকে বাঁচাইবে কেমন করিয়া ?

মধুর দেনা বনোয়ারি নিজে শোধ করিয়া দিবে এই তাহার পণ, কিন্তু রনোয়ারির হাতে কোন দিন ত টাকা জমে না। স্থির করিল তাহার তিনটে ভাল বন্দুকের মধ্যে একটা বন্দুক এবং একটা দামী হীরার আংটি বিক্রয় করিয়া সৈ অর্থ সংগ্রহ করিবে। কিন্তু গ্রামে এসব জিনিষের উপযুক্ত মূল্য জুটিবে না এবং বিক্রয়ের চেটা করিলে চারিদিকে লোকে কানাকানি করিবে। এই জন্ম কোনো একটা ছুতা করিয়া বনোয়ারি কলিকাতায় চলিয়া গেল। যাইবার সময় মধুকে ডাকিয়া আখাস দিয়া গেল ভাহার কোনো ভয় নাই।

এদিকে বনোয়ারির শরণাপন্ন হইয়াছে বুঝিয়া নীলকণ্ঠ মধুর উপরে রাগিয়া আগুন হইয়া উঠিয়াছে। পেয়াদার উৎপীড়নে কৈবর্ত্তপাড়ার আর মানসম্ভ্রম থাকে না।

কলিকাতা হইতে বনোয়ারি যেদিন ফিরিয়া আসিল সেই দিনই
মধুর ছেলে স্বরূপ হাঁপাইতে হাঁপাইতে ছুটিয়া আসিয়া একেবারে
বনোয়ারির পা জড়াইয়া ধরিয়া হাউ হাউ করিয়া কালা জুড়িয়া দিল।
"কি রে কি, ব্যাপারখানা কি!" স্বরূপ বলিল, তাহার বাপকে
নীলকণ্ঠ কাল রাত্রি হইতে কাছারিতে বন্ধ করিয়া রাখিয়াছে।
বনোয়ারির সর্ববশরীর রাগে কাঁপিতে লাগিল। কহিল, এখনি গিয়া
থানার ধবর দিয়া আয় গে।

কি সর্ববনাশ ! থানায় খবর ! নীলকণ্ঠের বিরুদ্ধে ! তাহার পা উঠিতে চায় না। শেষকালে বনোয়ারির তাড়নায় থানায় গিয়া সে খবর দিল। পুলিস হঠাৎ কাছারিতে আসিয়া বন্ধনদশা হইতে মধুকে খানাস করিল এবং নীলকণ্ঠ ও কাছারির কয়েকজন পেয়াদাকে আসামী করিয়া ম্যাজিষ্ট্রেটের কাছে চালান করিয়া দিল।

মনোহর বিষম ব্যতিব্যস্ত হইয়া পড়িলেন। তাঁহার মকদ্দমার মন্ত্রীরা যুষের উপলক্ষ্য করিয়া পুলিসের সঙ্গে ভাগ করিয়া টাকা **লুটি**তে লাগিল। কলিকাতা হইতে এক বারিন্টার আসিল; সে একেবারে কাঁচা, নৃতন পাসকরা। স্থবিধা এই, যত ফি তাহার নামে খাতায় খরচ পাছে, তত ফি তাহার পকেটে উঠে না। ওদিকে মধুকৈবর্তের পক্ষে জেলা-আনালতের একজন মাতব্বর উকিল নিযুক্ত হইল। কে যে তাহার খরচ জোগাইতেছে বোঝা গেল না। নীলকণ্ঠের ছয়মাস মেয়াদ হইল। হাইকোর্টের আপিলেও তাহাই বহাল বহিল।

ঘড়ি এবং বন্দুকটা যে উপযুক্ত মূল্যে বিক্রয় হইয়াছে তাহা ব্যর্থ হইল না।—আপাতত মধু বাঁচিয়া গেল এবং নীলকণ্ঠের জেল হইল। কিন্তু এই ঘটনার পরে মধু তাহার ভিটায় টি কিবে কি করিয়া ? বনোয়ারি তাহাকে আখাস দিয়া কহিল, তুই থাক্ তোর কৈননো ভয় নাই। কিসের জোরে যে আখাস দিল তাহা সেই জানে—বোধ করি দিছক নিজের পৌরুবের স্পর্দ্ধায়।

বনোয়ারি যে এই ব্যাপারের মূলে আছে তাঁহা সে লুকাইয়া রাখিতে বিশেষ চেফা করে নাই। কথাটা প্রকাশ হইল ; এমন কি, কর্তার কানেও গেল। তিনি চাকরকে দিয়া বলিয়া পাঠাইলেন, বনোয়ারি যেন কর্দাচ আমার সম্মুখে না আসে। বনোয়ারি পিতার আঁদেশ অমাত্য করিল না।

ি কিরণ তাহার স্বামীর ব্যবহার দেখিয়া অবাক্। একি কাণ্ড!
বাড়ির বড়বাবু—বাপের সঙ্গে কথাবার্তা বন্ধ! তার উপরে নিজেদের
আমলাকে জেলে পাঠাইয়া বিশের লোকের কাছে নিজের পরিবারের
মাথা হেঁট করিয়া দেওয়া! তাও এই এক সামাত্য মধুকৈবর্ত্তকে
লইয়া!

্ অন্ত্তুবটে। এ বংশে কতকাল ধরিয়া কত বড়বাবু জন্মিয়াছে

এবং কোনো দিন নীলকঠেরও অভাব নাই। নীলকঠেরা বিষয়-ব্যবস্থার সমস্ত দায় নিজের৷ লইয়াছে আর বড়বাবুরা সম্পূর্ণ নিশ্চেট-ভাবে বংশগোরব রক্ষা করিয়াছে। এমন বিপরীত ব্যাপার ত কোনো দিন ঘটে নাই।

আজ এই পরিবারের বড়বাবুর পদের অবনতি ঘটাতে বড় বোয়ের সম্মানে আঘাত লাগিল। ইহাতে এতদিন পরে আজ স্বামীর প্রতি কিরণের যথার্থ অশ্রন্ধার কারণ ঘটিল। এতদিন পরে তাহার বসন্তকালের লটকানে রংয়ের সাড়ি এবং থোঁপার বেলফুলের মালা লঙ্জায় মান হইয়া গেল।

কিরণের বয়স হইয়াছে অথচ সন্তান হয় নাই। এই নীলকণ্ঠই একদিন কর্ত্তার মত করাইয়া পাত্রী দেখিয়া বনোয়ারির আর একটি বিবাহ প্রায় পাকাপাকি স্থির করিয়াছিল। বনোয়ারি হালদার বংশের বড় ছেলে, সকল কথার আগে একথা ত মনে রাখিতে হইবে। সে অপুত্রক থাকিবে ইহা ত হইতেই পারে না। এই ব্যাপারে কিরণের বুক তুরতুর করিয়া কাঁপিয়া উঠিয়াছিল। কিন্তু ইহা সে মনে মনে না স্বীকার করিয়া থাকিতে পারে নাই যে, কথাটা সঙ্গত। তথনো সে নীলকণ্ঠের উপরে কিছুমাত্র রাগ করে নাই, সে নিজের ভাগ্যকেই দোষ দিয়াছে। তাহার স্বামী যদি নীলকণ্ঠকে রাগিয়া মারিতে না যাইত এবং বিবাহসম্বন্ধ ভাঙ্কিয়া দিয়া পিতামাতার সঙ্গে রাগারাগি না করিত তবে কিরণ সেটাকে অস্তায় মনে করিত না। এমন কি, বনোয়ারি যে তাহার বংশের কথা ভাবিল না ইহাতে অতি গোপনে কিরণের মনে বনোয়ারির পৌরুষের প্রতি একটু অশ্রদ্ধাই হইয়াছিল। বড়গরের দাবী কি সামাশ্র দাবী! তাহার যে

নিষ্ঠুর হইবার অধিকার আছে। তাহার কাছে কোনো তরুণী দ্রীর কিম্বা কোনো দ্বঃখী কৈবর্ত্তের স্থত্যুংখের কডটুকুই বা মূল্য।

সাধারণত যাহা ঘটিয়া থাকে এক-একবার তাহা না ঘটিলে কেহই তাহা ক্ষমা করিতে পারে না একথা বনোয়ারি কিছুতেই বুঝিতে পারিল না। সম্পূর্ণরূপে এ বাড়ির বড়বাবু হওয়াই তাহার উচিত ছিল—অন্য কোনো প্রকারের উচিত অমুচিত চিন্তা করিয়া এখানকার ধারাবাহিকতা নয়্ট করা যে তাহার অকর্ত্তব্য তাহা সে ছাড়া সকলেরই কাছে অত্যন্ত স্কম্পন্ট।

এ লইয়া কিরণ তাহার দেবরের কাছে কত তুঃখই করিয়াছে। বংশী বুদ্ধিমান; তাহার খাওয়া হজম হয় না এবং একটু হাওয়া লাগিলেই সে হাঁচিয়া কাশিয়া অন্থির হইয়া উঠে, কিন্তু সে স্থির ধীর বিচক্ষণ। সে তাহার আইনের বইয়ের যে অধ্যায়টি পড়িতেছিল সেইটেকে টেবিলের উপর খোলা অবস্থায় উপুড় করিয়া রাখিয়া কিরণকে বলিল, এ পাগলামি ছাড়া আর কিছুই নহে। কিরণ অত্যন্ত উদ্বেগের সহিত মাথা নাড়িয়া কহিল, জান ত ঠাকুরপো, ভোমার দাদা যখন ভাল আছেন তখন বেশ আছেন কিন্তু একবার যদি ক্ষ্যাপেন তবে তাঁহাকে কেহ সামলাইতে পারে না। আমি কি করি বল ত ?

পরিবারের সকল প্রকৃতিস্থ লোকের সঙ্গেই যখন কিরণের মতের সম্পূর্ণ মিল হইল তখন সেইটেই বনোয়ারির বুকে সকলের চেয়ে বাজিল। এই একটুখানি দ্রীলোক, অনতিস্ফুট চাঁপা ফুলটির মত পেলব, ইহার হৃদয়টিকে আপন বেদনার কাছে টানিয়া আনিতে পুরুষের সমস্ত শক্তি পরাস্ত হইল। আজকের দিনে কিরণ যদি বনোয়ারির

সহিত সম্পূর্ণ মিলিতে পারিত তবে তাহার হাদয়ক্ষত দৈখিতে দেখিতে এমন করিয়া বাডিয়া উঠিত না।

মধুকে রক্ষা করিতে হইবে এই অতি সহজ কর্ত্ব্যের কথাটা, চার্নি কহতে ভাড়নার চোটে, বনোয়ারির পক্ষে সত্য সত্যই একট ক্যাপামির ব্যাপার হইয়া উঠিল। ইহার তুলনায় অন্য সমস্ত কথাই ভাহার কাছে তুচ্ছ হইয়া গেল। এদিকে জেল হইতে নীলকণ্ঠ এম কুছভাবে ফিরিয়া আসিল যেন সে জামাইষ্ঠীর নিমন্ত্রণ রক্ষা করিছে গিয়াছিল। আবার সে যথারীতি অমানবদনে আপনার কারে লাগিয়া গেল।

মধুকে ভিটাছাড়া করিতে না পারিলে প্রজাদের কাছে নাঁলকণ্ঠে: মান রক্ষা হয় না। মানের জহ্ম সে বেশি কিছু ভাবে না, ক্লির প্রজারা তাহাকে না মানিলে তাহার কাজ চলিবে না এই জহ্মই তাহাবে সাবধান হইতে হয়। তাই মধুক্লে তৃণের মত উৎপাটিত করিবার জং তাহার নিড়ানিতে সান দেওয়া স্কুরু হইল।

এবার বনোয়ারি আর গোপনে রহিল না। এবার সে নীলকণ্ডবে স্পর্ফ ই জানাইয়া দিল যে, যেমন করিয়া হউক্ মধুকে উচ্ছেদ হইটে সে দিবে না। প্রথমত মধুর দেনা সে নিজে হইতে সমস্ত শোকরিয়া দিল—তাহার পরে আর কোনো উপায় না দেখিয়া সে নিটে গিয়া ম্যাজিট্রেটকে জানাইয়া আসিল যে নীলকণ্ঠ অন্তায় করিঃ মধুকে বিপদে ফেলিবার উচ্ছোগ করিতেছে।

হিতৈধীরা বনোয়ারিকে সকলেই বুঝাইল যেরূপ কাণ্ড ঘটিতো ভাহাতে কোন্দিন মনোহর তাহাকে ত্যাগ ক্রিবে। ত্যাগ করি গোলে যে সব উৎপাত পোহাইতে হয় তাহা যদি না থাকিত তা এতদিনে মনোহর তাহাকে বিদায় করিয়া দিত। কিন্তু বনোয়ারির মা আছেন, এবং আত্মীয় স্বজনের নানা লােকের নানা প্রকার মত, এই লইয়া একটা গোলমাল বাধাইয়া তুলিতে তিনি অত্যন্ত অনিচ্ছুক বলিয়াই এখনাে মনোহর চুপ করিয়া আছেন।

এমনি হইতে হইতে একদিন সকালে হঠাৎ দেখা গেল মধুর ঘরে তালা বন্ধ। রাতারাতি সে যে কোথায় গিয়াছে তাহার খবর নাই। ব্যাপারটা নিতান্ত অশোভন হইতেছে দেখিয়া নীলকণ্ঠ জমিদার-সরকার হইতে টাকা দিয়া তাহাকে সপরিবারে কাশী পাঠাইয়া দিয়াছে। পুলিস তাহা জানে এজন্য কোনো গোলমাল হইল না। অথচ নীলকণ্ঠ কোশলে গুজব রটাইয়া দিল যে মধুকে তাহার দ্রীপুত্রকন্যাসমেত অমাবস্থা রাত্রে কালীর কাছে বলি দিয়া মৃতদেহগুলি ছালায় পুরিয়া মাঝগঙ্গায় ডুবাইয়া দেওয়া হইয়াছে। ভয়ে সকলের শরীর শিহরিয়া উঠিল এবং নীলকণ্ঠের প্রতি জনসাধারণের শ্রান্ধা পূর্বেরর চেয়ে অনেক পরিমাণে বাডিয়া গেল।

বনোয়ারি যাহা লইয়া মাতিয়া ছিল উপস্থিতমত তাহার শান্তি
হইল। কিন্তু সংসারটি তাহার কাছে আর পূর্বের মত রহিল না।
বংশীকে একদিন বনোয়ারি অত্যন্ত ভালবাসিত আজ দেখিল বংশী
তাহার কেহ নহে; সে হালদার-গোন্ঠার! আর তাহার কিরণ, যাহার
ধ্যানরপটি যৌবনারস্তের পূর্বে হইতেই ক্রমে ক্রমে তাহার হাদয়ের
লতাবিতানটিকে জড়াইয়া জড়াইয়া আচ্ছয় করিয়া রহিয়াছে, সেও সম্পূর্ণ
তাহার নহে, সেও হালদার-গোন্ঠার। একদিন ছিল, যখন নীলকঠের
ফরমাসে গড়া গহনা তাহার এই হাদয়-বিহারিশী কিরণের গায়ে ঠিকমত
মানাইত না বলিয়া বনোয়ারি খুঁৎ খুঁৎ করিত। আজ দেখিল

কালিদাস হইতে আরম্ভ করিয়া অমরু ও চৌর কবির যে সমস্ত কবিতার সোহাগে সে প্রেয়সীকে মণ্ডিত করিয়া আসিয়াছে আজ তাহা এই হালদার-গোষ্ঠীর বড় বউকে কিছুতেই মানাইতেছে না।

হায়রে, বসস্তের হাওয়া তবু বছে, রাত্রে শ্রাবণের বর্ষণ তবু মুখুরিত হইয়া উঠে এবং অতৃপ্ত প্রেমের বেদনা শৃহ্য হৃদয়ের পথে পথে কাঁদিয়া কাঁদিয়া বেড়ায় !

প্রেমের নিবিড্তায় সকলের ত প্রয়োজন নাই; সংসারের ছোট কুন্কের মাপের বাঁধাবরাদ্দে অধিকাংশ লোকের বেশ চলিয়া যায়। সেই পরিমিত ব্যবস্থায় বৃহৎ সংসারে কোনো উৎপাত ঘটে না। কিন্তু এক-একর্জনের ইহাতে কুলায় না। তাহারা অজাত পদ্দিশাবকের মত কেবল মাত্র ডিমের ভিতরকার সঙ্কীর্ণ খাত্তরসটুকু লইয়া বাঁচেনা, তাহারা ডিম ভাঙিয়া বাহির হইয়াছে, নিজের শক্তিতে খাত্ত আহরণের বৃহৎক্ষেত্র তাহাদের চাই। বনোয়ারি সেই ক্ষুধা লইয়া জন্মিয়াছে—নিজের প্রেমকে নিজের পোরুষের ছারা সার্থক করিবার জন্ম তাহার চিত্ত উৎস্কক—কিন্তু ঘেদিকেই সে ছুটিতে চায় সেই দিকেই হালদার-গোষ্ঠীর পাকা ভিত; নড়িতে গেলেই তাহার মাথা ঠুকিয়া যায়।

দিন আবার পূর্বের মত কাটিতে লাগিল। আগের চেয়ে বনোয়ারি
শিকারে বেশি মন দিয়াছে ইহা ছাড়া বাহিরের দিক হইতে তাহার
জীবনে আর বিশেষ কিছু পরিবর্ত্তন দেখা গেল না। অন্তঃপুরে সে
আহার করিতে যায়,—আহারের পর স্ত্রীর সঙ্গে যথাপরিমাণে বাক্যালাপও হয়। মধু কৈবর্ত্তকে কিরণ আজও ক্ষমা করে নাই, কেননা,
এই পরিবারে তাহার স্বামী যে আপন প্রতিষ্ঠা হারাইয়াছে, তাহার
মূল কারণ মধু। এই জন্ম কণে কেমন করিয়া সেই মধুর কথা

অত্যন্ত তীত্র হইয়া কিরণের মুখে আসিয়া পড়ে । মধুর যে হাড়ে হাড়ে বজ্জাতি, সে যে সয়তানের অগ্রগণ্য, এবং মধুকে দয়া করাটা যে নিতান্তই একটা ঠকা, এ কথা বারবার বিস্তারিত করিয়াও কিছুতে তাহার শ্রান্তি হয় না। বনোয়ারি প্রথম ছই এক দিন প্রতিবাদের চেন্টা করিয়া কিরণের উত্তেজনা প্রবল করিয়া তুলিয়াছিল, তাহার পর হইতে সে কিছুমাত্র প্রতিবাদ করে না। এমনি করিয়া বনোয়ারি তাহার নিয়মিত গৃহধর্ম্ম রক্ষা করিতেছে; কিরণ ইহাতে কোনো অভাব অসম্পূর্ণতা অমুভব করে না কিন্তু ভিতরে ভিতরে বনোয়ারির জীবনটা বিবর্ণ, বিরস এবং চির অভুক্ত।

এমন সময় জানা গেল, বাড়ির ছোট বৌ, বংশীর স্ত্রী গভিণী।
সমস্ত পরিবার আশায় উৎফুল্ল হইয়া উঠিল। কিরণের দ্বারা এই
মহদ্বংশের প্রতি যে কর্তুব্যের ক্রটি হইয়াছিল এতদিন পরে তাহা
পূরণের সম্ভাবনা দেখা যাইতেছে—এখন ষষ্ঠীর কুপায় কন্যা না হইয়া
পুত্র হইলে রক্ষা।

পুত্রই জন্মিল। ছোটবাবু কলেজের পরীক্ষাতে উত্তীর্ণ, বংশের পরীক্ষাতেও প্রথম মার্ক পাইল। তাহার আদর উত্তরোত্তর বাড়িয়া উঠিতেছিল, এখন তাহার আদরের সীমা রহিল না।

সকলে মিলিয়া এই ছেলেটিকে লইয়া পড়িল। কিরণ ত তাহাকে এক মূহূর্ত্ত কোল হইতে নামাইতে চায় না। তাহার এমন অবস্থা বে, মধু কৈবর্ত্তের স্বভাবের কুটিলভার কথাও সে প্রায় বিশ্বত হইবার জো হইল।

বনোয়ারির ছেলে-ভালবাসা অত্যন্ত প্রবল। যাহা কিছু ছোট, অক্ষম, শ্রুকুমার, তাহার প্রতি তাহার গভীর স্নেহ এবং করুণা। সকল নাসুষেরই প্রকৃতির মধ্যে বিধাতা এমন একটা কিছু দেন যাহা তাহার প্রকৃতিবিরুদ্ধ: নহিলে বনোয়ারি যে কেমন করিয়া পাখী শিকার করিতে পারে বোঝা যায় না।

কিরণের কোলে একটি শিশুর উদয় দেখিবে এই ইচ্ছা বনোয়ারির মনে বহুকাল হইতে অতৃপ্ত হইয়া আছে। এই জন্ম বংশীর ছেলৈ হইলে প্রথমটা তাহার মনে একটু ঈর্য্যার বেদনা জন্মিয়াছিল কিন্তু সেটাকে দূর করিয়া দিতে তাহার বিলম্ব হয় নাই। এই শিশুটিকে বনোয়ারি খুবই ভালবাসিতে পারিত কিন্তু ব্যাঘাতের কারণ হইল এই যে যত দিন যাইতে লাগিল কিরণ তাহাকে লইয়া অত্যন্ত বেশি বাাপুত হইয়া পড়িল। জ্রীর সঙ্গে বনোয়ারির মিলনে বিস্তর ফাঁক পড়িতে লাগিল। বনোয়ারি স্পর্টাই বুঝিতে পারিল, এতদিন পরে কিরণ এমন একটা কিছু পাইয়াছে যাহা তাহার হৃদয়কে সত্যসত্যই পূর্ণ করিতে পারে। বনোয়ারি যেন তাহার স্ত্রীর হৃদয়হর্ম্ম্যের একজন ভাড়াটে— যতদিন বাড়ির কর্ত্তা অনুপস্থিত ছিল ততদিন সমস্ত বাড়িটা সে ভোগ ক্রিত, কেহ বাধা 'দিত না—এখন গৃহস্বামী আসিয়াছে তাই ভাড়াটে শব ছাড়িয়া তাহার কোণের ঘরটি মাত্র দখল করিতে অধিকারী। কিরণ স্নেহে যে কতদূর তন্ময় হইতে পারে, তাহার আত্মবিসর্জ্জনের শক্তি যে কত প্রবল তাহা বনোয়ারি যখন দেখিল তখন তাহার মন মাথা নাড়িয়া বলিল,-এই হৃদয়কে আমি ত জাগাইতে পারি নাই, অথচ আমার যাহা সাধ্য তাহা ত করিয়াছি।

তথু তাই নয়, এই ছেলেটির সূত্রে বংশীর ঘরই যেন কিরণের কাছে বেশি আপন হইয়া উঠিয়াছে। তাহার সমস্ত মন্ত্রণা আলোচনা বংশীর সঙ্গেই ভাল করিয়া জমে। সেই সৃক্ষাবৃদ্ধি সৃক্ষাশরীর রসরক্তহীন ক্ষীণজীবী ভীরু মানুষ্টার প্রতি বনোয়ারির অবজ্ঞা ক্রুমেই গভীরতর হইতেছিল। সংসারের সকল লোকে তাহাকেই বনোয়ারির চেয়ে সকল বিষয়ে যোগ্য বলিয়া মনে করে তাহা বনোয়ারি সহিয়াছে কিন্তু আজ সে যখন বারবার দেখিল মানুষহিসাবে তাহার জ্রীর কাছে বংশীর মূল্য বেশী তখন নিজের ভাগ্য এবং বিশ্বসংসারের প্রতি তাহার মন প্রসন্ম হইল না।

এমন সময়ে পরীক্ষার কাছাকাছি কলিকাতার বাসা হইতে খবর আসিল বংশী দ্বরে পড়িয়াছে, এবং ডাক্তার আরোগ্য অসাধ্য বলিয়া আশক্ষা করিতেছে। বনোয়ারি কলিকাতায় গিয়া দিনরাত জাগিয়া বংশীর সেবা করিল কিন্তু তাহাকে বাঁচাইতে পারিল না।

মৃত্যু বনোয়ারির স্মৃতি হইতে সমস্ত কাঁটা উৎপাটিত করিয়া লইল। বংশী যে তাহার ছোট ভাই, এবং শিশুবয়সে দাদার কোলে যে তাহার স্মেহের আশ্রয় ছিল এই কথাই তাহার মনে অশ্রুধীত হইয়া উচ্ছল হইয়া উঠিল।

এবার ফিরিয়া আসিয়া তাহার সমস্ত প্রাণের যত্ন দিয়া শিশুটিকে
মাতুষ করিতে সে কৃতসঙ্কল্প হইল। কিন্তু এই শিশু সম্বন্ধে •কিরণ
তাহার প্রতি বিশাস হারাইয়াছে। ইহার প্রতি তাহার স্বামীর বিরাগ
সে প্রথম হইতেই লক্ষ্য করিয়াছে। স্বামীর সম্বন্ধে কিরণের মনে
কেমন একটা ধারণা হইয়া গেছে যে, অপর সাধারণের পক্ষে যাহা
স্বাভাবিক তাহার স্বামীর পক্ষে ঠিক তাহার উল্টা। তাহাদের বংশের
এই ত একমাত্র কুলপ্রদীপ, ইহার মূল্য যে কি তাহা আর সকলেই
বোঝে, নিশ্চয় সেই জন্মই তাহার স্বামী তাহা বোঝে না। কিরণের
মনে সূর্বেদাই ভয় পাছে বনোয়ারির বিদ্বেষ্দৃষ্টি ছেলেটির অমঙ্কল ঘটায়।

তাহার দেবর বাঁচিয়া নাই, কিরণের সন্তানসম্ভাবনা আছে বলিয়া কেইছ আশা করে না, অতএব এই শিশুটিকে কোনোমতে সকল প্রকার অকল্যাণ হইতে বাঁচাইয়া রাখিতে পারিলে তবে রক্ষা। এইরূপে বংশীর ছেলেটিকে যত্ন করিবার পথ বনোয়ারির পক্ষে বেশ স্বাভাবিক হইল না।

বাড়ীর সকলের আদরে ক্রমে ছেলেটি বড় হইয়া উঠিতে লাগিল। তাহার নাম হইল হরিদাস। এত বেশি আদরের আওতায় সে যেন কেমন ক্ষীণ এবং ক্ষণভঙ্গুর আকার ধারণ করিল। তাগা তাবিজ মাছলিতে তাহার সর্ববাঙ্গ আচ্ছন্ন, রক্ষকের দল সর্ববদাই তাহাকে ঘিরিয়া। °

ইহার ফাঁকে ফাঁকে মাঝে মাঝে বনোয়ারির সঙ্গে তাহার দেখা হয়।
জ্যাঠামশায়ের ঘোড়ায় চড়িবার চাবুক লইয়া আম্ফালন করিতে সে বড়
ভালবাসে। দেখা হইলেই বলে 'চাবু'। বনোয়ারি ঘর হইতে চাবুক
বাহির করিয়া আনিয়া বাতাসে গাঁই গাঁই শব্দ করিতে থাকে, তাহার
ভারী আনন্দ হয়। বনোয়ারি এক একদিন তাহাকে আপনার ঘোড়ার
উপর বঁসাইয়া দেয় তাহাতে বাড়িস্তদ্ধ লোক একেবারে হাঁ হাঁ করিয়া
ছুটিয়া আসে। বনোয়ারি কখনো কখনো আপনার বন্দুক লইয়া তাহার
সঙ্গে খেলা করে, দেখিতে পাইলে কিরণ ছুটিয়া আসিয়া বালককে
সরাইয়া লইয়া যায়। কিন্তু এই সকল নিষিদ্ধ আমোদেই হরিদাসের
সকলের চেয়ে অনুরাগ। এই জন্য সকল প্রকার বিদ্ধ-সত্তে জ্যাঠামশায়ের
সকলের তাহার পুব ভাব হইল।

ব্ছকাল অব্যাহতির পর এক সময়ে হঠাৎ এই পরিবারে মৃত্যুর আনাগোনা ঘটিল ;—প্রথমে মনোহরের স্ত্রীর মৃত্যু হইল। তাহার পরে নীলকণ্ঠ যখন কণ্ডার জন্ম বিবাহের পরামর্শ ও পাত্রীর সন্ধান করিতেছে এমন সময় বিবাহের লগ্নের পূর্বেই মনোহরের মৃত্যু হইল। তখন হিরিনাসের বয়স আট। মৃত্যুর পূর্বে মনোহর বিশেষ করিয়া তাঁহার ক্ষুদ্র এই বংশধরকে কিরণ এবং নীলকণ্ঠের হাতে সমর্পণ করিয়া গেলেন—বনোয়ারিকে কোনো কথাই বলিলেন না।

বাক্স হইতে উইল যখন বাহির হইল তখন দেখা গেল মনোহর
টাহার সমস্ত সম্পত্তি হরিদাসকে দিয়া গিয়াছেন। বনোয়ারি
যাবজ্জীবন চুইশত টাকা করিয়া মাসহারা পাইবেন। নীলকণ্ঠ উইলের
একজিকুটের, তাহার উপরে ভার রহিল সে যতদিন বাঁচে হালদার
পরিবারের বিষয় এবং সংসারের ব্যবস্থা সেই করিবে।

বনোয়ারি বুঝিলেন, এ পরিবারে কেহ তাঁহাকে ছেলে দিয়াও ভরসা পায় না, বিষয় দিয়াও না। তিনি কিছুই পারেন না, সমস্তই নয় করিয়া দেন এ সম্বন্ধে এ বাড়িতে কাহারে ছই মত নাই। অতএব জিনি বরাদ্দমত আহার করিয়া কোণের ঘরে নিদ্রো দিবেন তাঁহার পক্ষে এইরূপ বিধান। তিনি কিরণকে বলিলেন, আমি নীলকণ্ঠের পেন্সন শাইয়া বাঁচিব না—এবাড়ি ছাড়িয়া চল আমার সক্ষে কলিকাতায় !

"ওমা! সে কি কথা! এ ত তোমারি বাপের বিষয়—আর হরিদাস ত তোমারি আপন ছেলের তুল্য i ওকে বিষয় লিখিয়া দেওয়া হইয়াছে বলিয়া তুমি রাগ কর কেন ?"

হার হার, তাহার স্বামীর হৃদয় কি কঠিন ! এই কচি ছেলের উপরেও ঈর্ব্যা করিতে তাহার মন ওঠে ? তাহার শশুর যে উইলটি লিখিয়াছে কিরণ মনে মনে তাহার সম্পূর্ণ সমর্থন করে। তাহার নিশ্চয় বিশ্বাস রুনোয়ারির হাতে যদি বিষয় পড়িত তবে রাজ্যের যত ছোটলোক, যত যতু, মধু, য়ত কৈবর্ত্ত এবং আগুরির দল তাহাকে ঠকাইয়া কিছু আর বাকি রাখিত না এবং হালদার-বংশের এই ভাবী আশা একদিন অকূলে ভাসিত। শশুরের কুলে বাতি জ্বালিবার দীপটি ত ঘল্নে আসিয়াছে এখন তাহার তৈলসঞ্চয় যাহাতে নফ না হয় নীলকণ্ঠই ত তাহার উপযুক্ত প্রহরী।

বনোয়ারি দেখিল নীলকণ্ঠ অন্তঃপুরে আসিয়া ঘরে ঘরে সমস্ত জিনিষপত্রের লিফ্ট করিতেছে এবং যেখানে যত সিন্দুক বাক্স আছে তাহাতে তালা চাবি লাগাইতেছে। অবশেষে কিরণের শোবার ঘরে আসিয়া সে বনোয়ারির নিত্যব্যহার্য্য সমস্ত দ্রব্য ফর্দিভুক্ত করিতে লাগিল। নীলকণ্ঠের অন্তঃপুরে গতিবিধি আছে স্ত্তরাং কিরণ তাহাকে লঙ্জা করে না। কিরণ শুশুরের শোকে ক্ষণে ক্ষণে অশ্রুষ্ট্রার অবকাশে বাপ্পরুদ্ধ কঠে বিশেষ করিয়া সমস্ত জিনিষ বুঝাইয়া দিতে লাগিল। বনোয়ারি সিংহ্গর্জ্জনে গর্জ্জিয়া উঠিয়া নীলকণ্ঠকে বলিল, তুমি এখনি আমার ঘর হইতে বাহির হইয়া যাও!

নীলকণ্ঠ নম্র হইরা কহিল, বড়বাবু, আমার ত কোনো দোষ নাই। কর্ত্তার উইল অনুসারে আমাকে ত সমস্ত বুঝিয়া লইতে 'হইবে। আসবাবপত্র সমস্তই ত হরিদাসের।

কিরণ মনে মনে কহিল, দেখ একবার, ব্যাপারখানা দেখ! হরিদাস কি আমাদের পর ? নিজের ছেলের সামগ্রী ভোগ করিছে আবার লঙ্চা কিসের ? আর, জিনিষপত্র মামুষের সঙ্গে ঘাইবে না কি ? আজ না হয় কাল ছেলেপুলেরাই ত ভোগ করিবে!

এ বাড়ির মেঝে বনোয়ারির পায়ের তলায় কাঁটার মত বিঁধিতে লাগিল, এ বাড়ির দেয়াল ভাহার ছুই চক্ষুকে যেন দক্ষ করিল। তাহার বেদনা যে কিসের তাহা বলিবার লোকও এই বৃহৎ পরিবারে কেহ নাই।

• এই মুহূর্তেই বাড়িঘর সমস্ত ফেলিয়া বাহির হইয়া যাইবার জন্ম রনোয়ারির মন ব্যাকুল হইয়া উঠিল। কিন্তু তাহার রাগের স্থালা যে থামিতে চায় না। সে চলিয়া যাইবে আর নীলকণ্ঠ আরামে একাধিপত্য করিবে এ কল্পনা সে সহ্থ করিতে পারিল না। এখনি কোনো একটা গুরুতর অনিষ্ট করিতে না পারিলে তাহার মন শাস্ত হইতে পারিতেছে না। সে বলিল, নীলকণ্ঠ কেমন বিষয় রক্ষা করিতে পারে আমি তাহা দেখিব।

বাহিরে তাহার পিতার ঘরে গিয়। দেখিল সে ঘরে কেহই নাই।
সকলেই অস্তঃপুরের তৈজসপত্র ও গহনা প্রভৃতির খবরদারি করিতে
গিয়াছে। অত্যন্ত সাবধান লোকেরও সাবধানতায় ত্রুটি থাকিয়া যায়।
নীলকঠের হুঁস ছিলনা যে কর্তার বাক্স খুলিয়া উইল বাহির করিবার
পরে বাক্সয় চাবি লাগানো হয় নাই। সেই বাক্সয় তাড়াবাঁধা মূল্যবান
সমস্ত দলিল ছিল। সেই দলিলগুলির উপরেই এই হালদার-বংশের
সম্পত্তির ভিত্তি প্রতিষ্ঠিত।

বনোয়ারি এই দলিলগুলির বিবরণ কিছুই জানেনা কিন্তু এগুলি যে অত্যন্ত কাজের, এবং ইহাদের অভাবে মামলা মকদ্দমায় পদে পদে ঠকিতে হইবে তাহা সে বোঝে। কাগজগুলি লইয়া সে নিজের একটা রুমালে জড়াইয়া তাহাদের বাহিরের বাগানে চাঁপাওলার বাঁধানো চাতালে বিদিয়া অনেকক্ষণ ধরিয়া ভাবিতে লাগিল।

পরদিন আক্ষসম্বন্ধে আলোচনা করিবার জন্ম নীলকণ্ঠ বনোয়ারির কাছে উপস্থিত হইল। নালকণ্ঠের দেহের ভঙ্গী অত্যন্ত বিনম্র, কিন্তু তাহার মুখের মধ্যে এমন একটা কিছু ছিল, অথবা ছিল না, যাহা দেখিয়া অথবা কল্পনা করিয়া বনোয়ার্বির পিত্ত জ্বলিয়া গেল। তাহার মনে হইল নম্রতার দ্বারা নীলকণ্ঠ তাহাকে ব্যঙ্গ করিতেছে। নীলকণ্ঠ বলিল, কর্তার শ্রাদ্ধসন্থাক্ষ—

বনোয়ারি তাহাকে কথা শেষ করিতে না দিয়াই বলিয়া উঠিল — আমি তাহার কি জানি ?

নীলকণ্ঠ কহিল, সে কি কথা ? আপনিই ত শ্রাদ্ধাধিকারী ।

মস্ত অধিকার ! শ্রাদ্ধের অধিকার ! সংসারে কেবল ঐটুকুতে আমার প্রয়োজন আছে—আমি আর কোনো কাজেরই না। বনোয়ারি গর্জিয়া উঠিল, যাও, যাও, আমাকে বিরক্ত করিয়ো না।

নীলকণ্ঠ গেল কিন্তু তাহার পিছন হইতে বনোয়ারির মনে হইল সে হাসিতে হাসিতে গেল। বনোয়ারির মনে হইল বাড়ির সমস্ত চাকরবাকর এই অশ্রান্ধিত এই প্রিত্যক্তকে লইয়া আপনাদের মধ্যে হাসিতামাসা করিতেছে। যে মামুষ বাড়ির অথচ বাড়ির নহে তাহার মত ভাগ্যকর্ত্ব পরিহসিত আর কে আছে! পথের ভিক্ক্কও নহে।

বনোয়ারি সেই দলিলের তাড়া লইয়া বাহির হইল। হালদার পরিবারের প্রতিবেশী ও প্রতিযোগী জমিদার ছিল প্রতাপপুরের বাঁড়ুয্যে জমিদারেরা। বনোয়ারি স্থির করিল এই দলিল দস্তাবেজ তাহাদের হাতে দিব, বিষয় সম্পত্তি সমস্ত ছারখার হইয়া যাক্।

বাহির হইবার সময় হরিদাস উপরের তলা হইতে তাহার স্থমধুর বালককঠে চীৎকার করিয়া উঠিয়া কহিল, জ্যাঠামশায় তুমি বাহিরে বাইতেছ আমিও তোমার সঙ্গে বাহিরে যাইব!

বনোয়ারির মনে হইল বালকের অশুক্তগ্রহ এই কথা তাহাকে

দিরা বলাইয়া লইল, ত্থামি ত পথে বাহির হইয়াছি, উহাকেও আমার সঙ্গে বাহির করিব। যাবে যাবে, সব ছারখার হইবে!

• বাহিরের বাগান পর্য্যন্ত ষাইতেই বনোয়ারি একটা বিষম গোলমাল শুনিতে পাইল। অদূরে হাটের সংলগ্ন একটি বিধবার কুটীরে আগুন লাগিয়াছে। বনোয়ারির চিরাভ্যাসক্রমে এ দৃশ্য দেখিয়া সে আর স্থির থাকিতে পারিল না। তাহার দলিলের তাড়া সে চাঁপাতলায় রাখিয়া আগুনের কাছে ছুটিল।

যখন ফিরিয়া আসিল দেখিল তাহার সেই কাগজের তাড়া নাই।
মূহুর্ত্তের মধ্যে হৃদয়ে শেল বিঁধাইয়া এই কথাটা মনে হইল, নীলকঠের
কাছে আবার আমার হার হইল। বিধবার ঘর জ্বলিয়া ছাই ছইয়া গেলে
ভাহাতে ক্ষতি কি ছিল! তাহার মনে হইল, চতুর নীলকঠাই ওটা
পুনর্ববার সংগ্রহ করিয়াছে।

একেবারে ঝড়ের মত সে কাছারিঘরে আসিরা উপস্থিত। নীলকণ্ঠ ভাড়াভাড়ি বান্ধ বন্ধ করিয়া সসম্ভ্রমে দাঁড়াইয়া উঠিয়া বনোয়ারিকে প্রণাম করিল। বনোয়ারির মনে হইল ঐ বাক্ষের মধ্যেই সে কাগন্ধ লুকাইল। কোনো কিছু না বলিয়া একেবারে সেই বান্ধটা খুলিয়া ভাহার মধ্যে কাগন্ধ ঘাঁটিতে লাগিল। তাহার মধ্যে হিসাবের খাতা এবং ভাহারই জোগাড়ের সমস্ত নথী। 'বান্ধ উপুড় করিয়া ঝাড়িয়া কিছুই মিলিল না। রুদ্ধপ্রায় কণ্ঠে বনোয়ারি কহিল, তুমি চাঁপাতলায় সিমেছিলে ?

নীলকণ্ঠ বলিল, আজ্ঞা হাঁ, গিয়াছিলাম বইকি। দেখিলাম আপনি ব্যস্ত হইয়া ছুটিভেছেন, কি হইল তাহাই জানিবার জন্ম বাহির হ**ইয়াছিলান**। বনোয়ারি। . আমার রুমালে বাঁধা কাগজগুলা তুমিই লইয়াছ। নীলকণ্ঠ নিতান্ত ভালমানুষের মত কহিল, আজ্ঞা না।

বনোয়ারি। মিথ্যা কথা বলিতেছ ! তোমার ভাল হইবে না এখমি ফিরাইয়া দাও !

বনোরারি মিথা। তর্জ্জন গর্জ্জন করিল। কি জিনিষ তাহার হারাইরাছে তাহাও সে বলিতে পারিল না এবং সেই চোরাই মান্দ সম্বন্ধে তাহার কোন জোর নাই জানিয়া দে মনে মনে অসাবধান মৃঢ় স্থাপনাকেই যেন ছিন্ন ছিন্ন করিতে লাগিল।

কাছারিতে এইরূপ পাগলামি করিয়া সে চাঁপাতলায় আবার থোঁজাথুঁজি করিতে লাগিল। মনে মনে মাতৃদিব্য করিয়া সে প্রতিজ্ঞা করিল যে-করিয়া হউক্ এ কাগজগুলা পুনরায় উদ্ধার করিব তবে আমি ছাড়িব। কেমন করিয়া উদ্ধার করিবে তাহা চিন্তা করিবার সামর্থ্য তাহার ছিলনা, কেবল জুদ্ধ বালুকের মত বারবার মাটিতে পদাঘাত করিতে করিতে বলিল, উদ্ধার করিবই, করিবই, করিবই!

শ্রান্ত দেহে সে গাছতলায় বসিল। কেহ নাই, তাহার কেহ
নাই, এবং তাহার কিছুই নাই। এখন হইতে নিঃসন্ধলে আপন ভাগ্যের
সঙ্গে এবং সংসারের সজে তাহাকে লড়াই করিতে হইবে। তাহার
পক্ষে মানসন্ত্রম নাই, ভদ্রতা নাই, প্রেম নাই, স্কেহ নাই, কিছুই নাই।
আছে কেবল মরিবার এবং মারিবার অধ্যবসায়।

এইরূপ মনে মনে ছট্ফট্ করিতে করিতে নিরতিশয় ক্লান্তিতে চাতালের উপর পড়িয়া কখন সে খুমাইয়া পড়িয়াছে। যখন জাগিয়া উঠিল তখন হঠাৎ বুঝিতে পারিল না কোথায় সে আছে! ভাল করিয়া সজাগ হইয়া উঠিয়া বসিয়া দেখে তাহার শিয়রের কাছে হরিদাস বসিয়া।

বনোয়ারিকে জাগিতে দেখিয়া হরিদাস বলিয়া উঠিল, জ্যাঠাম**হাশ**য়, তোমার কি হারাইয়াছে বল দেখি ?

বনোয়ারি ন্তর হইয়া গেল—হরিদাসের এ প্রশ্নের উত্তর করিতে
পারিল না। হরিদাস কহিল, আমি যদি দিতে পারি আমাকে কি দিবে ?
 বনোয়ারির মনে হইল, হয়ত আর কিছু। সে বলিল, আমার
যাহা আছে সব ভাকে দিব।—এ কথা সে পরিহাস করিয়াই বলিল.

সে জানে তাহার কিছুই নাই।

তখন হরিদাস আপন কাপড়ের ভিতর হইতে বনোয়ারির রুমালেনাড়া সেই কাগজের তাড়া বাহির করিল। এই রঙীন রুমালটাতে বাঘের ছবি জাঁকা ছিল—সেই ছবি তাহার জ্যাঠা তাহাকে অনেকবার দেখাইয়াছে। এই রুমালটার প্রতি হরিদাসের বিশেষ লোভ। সেইজ্বন্তই অগ্নিদাহের গোলমালে ভৃত্যেরা যথন বাহিরে ছুটিয়াছিল সেই অবকাশে বাগানে আসিয়া হরিদাস চাঁপাতলায় দূর হইতে এই রুমালটা দেখিয়াই চিনিতে পারিয়াছিল।

হরিদাসকে বনোয়ারি বুকের কাছে টানিয়া লইয়া চুপ করিয়া বসিয়া রহিল—কৈছুক্ষণ পরে তাহার চোখ দিয়া ঝর ঝর করিয়া জল পড়িতে লাগিল। তাহার মনে পড়িল অনেকদিন পূর্বের সে তাহার এক নৃতনকেনা কুকুরকে শায়েন্তা করিবার জন্ম তাহাকে বারন্থার চাবুক মারিতে বাধ্য হইয়াছিল। একবার তাহার চাবুক হারাইয়া গিয়াছিল, কোথাও সে খুঁজিয়া পাইতেছিল না। যথন চাবুকের আশা পরিত্যাগ করিয়া সেবিসায়া আছে এমন সময় দেখিল সেই কুকুরটা কোথা হইতে চাবুকটা মুখে করিয়া মনিবের সম্মুখে আনিয়া পরমানন্দে ল্যাজ নাড়িতেছে। আর কোনোদিন কুকুরকে সে চাবুক মারিতে পারে নাই।

বনোয়ারি ভাড়াভাড়ি চোথের জন মুছিয়া ফেলিয়া কহিল, হরিদাস তুই কি চান আমাকে বল্।

হরিদাস কহিল, আমি তোমার ঐ রুমালটা চাই জ্যাঠামশায়। বনোয়ারি কহিল, আর হরিদাস, তোকে কাঁধে চড়াই।

হরিদাসকে কাঁধে তুলিয়া লইয়া বনোয়ারি তৎক্ষণাৎ অন্তঃপুরে চলিয়া গেল। শয়নঘরে গিয়া দেখিল, কিরণ সারাদিন রোদ্রে-দেওয়া কম্বলখানি বারান্দা হইতে তুলিয়া আনিয়া ঘরের মেজের উপর পাতিতেছে। বনোয়ারির কাঁধের উপর হরিদাসকে দেখিয়া সেউদিয় হইয়া বলিয়া উঠিল—নামাইয়া দাও, নামাইয়া দাও—উহাকে তুমি ফেলিয়া দিবে।

বনোয়ারি কিরণের মুখের দিকে স্থির দৃষ্টি রাখিয়া কহিল, আমাকে আর ভয় করিয়োনা, আমি ফেলিয়া দিবনা !

এই বলিয়া সে কাঁধ ইইতে নামাইয়া হরিদাসকে কিরণের কোলের কাছে অগ্রসর করিয়া দিল। তাহার পরে সেই কাগজগুলি লইয়া কিরণের হাতে দিয়া কহিল, এগুলি হরিদাসের। বিষয় সম্পত্তির দলিল। যতু করিয়া রাখিয়ো।

কিরণ আশ্চর্য্য হইয়া কহিল, তুমি কোথা হইতে পাইলে ? বনোয়ারি কহিল, আমি চুরি করিয়াছিলাম।

তাহার পর হরিদাসকে বুকে টানিয়া কহিল, এই নে বাবা, তোর জ্যাঠামশায়ের যে মূল্যবান সম্পত্তিটির প্রতি তোর লোভ পড়িয়াছে এই নে!—বলিয়া রুমালটি তাহার হাতে দিল।

তাহার পর আর একবার ভাল করিয়া কিরণের দিকে তাকাইয়া ^{দেখিল}। দেখিল সেই তম্বী এখন ত তম্বী নাই—কখন মোটা হইয়াছে সে তাহ্শ লক্ষ্য করে নাই। এতদিনে হালদার-গোষ্ঠীর বড় বৌয়ের উপযুক্ত চেহারা তাহার ভরিয়া উঠিয়াছে। আর কেন, এখন "আমক্র শতকের কবিতাগুলাও বনোয়ারির অন্য সমস্ত সম্পত্তির সঙ্গে বিসর্জ্জন দেওয়াই ভাল।

সেই রাত্রেই বনোয়ারির স্থার দেখা নাই। কেবল সে একছত্র চিঠি লিখিয়া গেছে যে, সে চাকরি খুঁজিতে বাহির হইল।

বাপের শ্রাদ্ধ পর্য্যস্ত সে অপেক্ষা করিল না—দেশস্থদ্ধ লোক তাই লইয়া তাহাকে ধিক্ ধিক্ করিতে লাগিল।

এীরবীন্দ্রনাথ ঠাকুর।

সবুজ পাতার গান

মুক্ত হাওয়া মুক্ত আলোর যুক্ত-বেণী-সন্ধমে রঙীন্ হয়ে উঠ্ছি মোরা সবুজ-শোভা-বিভ্রমে। সত্যিকালের বৃক্ষ ওগো! বনের বনস্পতি গো! আমরা তোমার প্রাণের আলো স্লেছ-সরস জ্যোতি গো।

হুখ নাহিক স্বস্তি নাহি আনন্দ নাই আওতাতে, সোনার রোদে সবুজ মোরা আলোক-মদের মোতাতে। মেতেছে মন—প্রাণ মেতেছে না জানি কোন সন্ধানে, পল্লবিত বনের হিয়া যৌবনেরি জয়-গানে।

রবির আলোর গোপন কথা—আমরা চির-তারুণ্য, গুপ্ত আশার ব্যক্ত নিশান, কঠিন কাঠের কারুণ্য ! স্তর পড়েছে পঞ্চরে যার থর পড়েছে বন্ধলে মোদের তরে পথ সে করে কোন্ রভসের কোন্ ছলে !

আদিম রসের আমরা রসিক আমরা নব-ঘন-খ্যাম,
ফাগুন হাওয়ার দাদ্রা তালে নৃত্য মোদের অবিশ্রাম।
হিমের রাতে আমরা জাগি, আমরা কভু ঝিমাই নে,
সবুজ দীপের দীপান্বিতা একেবারে নিবাই নে।

পানরা সবুজ অসক্ষোচে, আমরা তাজা,—গৌরবে, আমোদ করি সবুজ মোহে উশীর-ঘন-সৌরভে; আমরা কাঁচা আমরা সাঁচা মরাবাঁচার নাই খেয়াল, আমরা তরুণ ভয় করিনে ঝোড়ো হাওয়ার রুদ্রভাল।

বুক পেতে নিই হাস্তমূথে রোজ খর বৈশাখী,
স্লিগ্ধ-মধুর শ্ঠামল সরস মদির ছায়ার হই সাকী,
ভাঙা মেঘ আর ঝরা পাতায় সাজায় রবি গৈরিকে,
আমরা তপে পেলাম সবুজ—গৈরিকেরি বৈরীকে।

মুক্ত হাওয়া দীপ্ত আলো ছায় গো কানে মন্ত্রণা,
শুন্দ্ধ কথা ?—বল্ছে "জগৎ মোক্ষ লাভের যন্ত্র না।
নয় সে শুধুই তত্ত্বকথা, নয় সে মাত্র মত্ত্রা,
তরুণ যাহা তাহাই তথ্য,—শুন্ছে সবুজ পত্র তা'।"

জামরা সবৃজ, আমরা সবৃজ—আলো-ছায়ার আলিক্ষন, ক্লান্ত আঁখির সঞ্চীবনী, নিরঞ্জনের প্রেমাঞ্জন। রসের রঙের ধাত্রী ধরা! গানের প্রাণের মাতৃকা! এই সবুজের ছত্রতলে যোর্বনে দাও রাজটীকা।

শ্ৰীসভোক্তনাথ দত্ত।

সনুজ্ পত্ৰ

সম্পাদক :— শ্রীপ্রমথ চৌধুরী

সনুজ্ পত্ৰ

সাহিত্য-সম্মিলন

গত সাহিত্য-সন্মিলনে একটি নৃতন স্থরের পরিচয় পাওয়া গেছে,—
সে হচ্ছে সত্যের স্থর। এ স্থর যে বন্ধ-সাহিত্যে পূর্বের কখনও শোনা
নায়নি তা নয়; তবে নৃতনত্বের মধ্যে এইটুকু যে, আর পাঁচটি বিবাদী
সন্ধানী ও অমুবাদী স্থরের মধ্যে এবারকার পালায় এইটিই ছিল স্থায়ী
স্থর। এবং সে স্থর যে অতি স্থাপান্ট হয়ে উঠেছিল, তার কারণ তা
কোমল নয়—তীব্র।

এবারকার ব্যাপারের কর্ম্মকর্ত্তারা নিমন্ত্রিত অভ্যাগত সাহিত্যিকদের, প্রচলিত প্রথা মত—"আস্থন বস্থন" বলে' সম্ভাষণ করেননি ; "উঠুন চলুন" বলে' অভিভাষণ করেছেন! এঁরা সকলেই গলার আওয়াজ আধস্মর চৃড়িয়ে মুক্তকণ্ঠে একবাক্যে বলেছেন যে—"এ দেশের সেকাল সভ্যযুগ হতে পারে, কিন্তু একাল হচ্ছে মিথার যুগ।" এই দেশবাপী

মিথ্যার হাত হতে কি করে উদ্ধার পাওয়া যায়, তারি সন্ধান বলে' দেওয়াটাই ছিল সাহিত্যাচার্য্যদের মুখ্য উদ্দেশ্য।

মিথার চর্চা লোকে ছু'ভাবে করে,—এক জেনে, আর এক না জেনে। সত্য যে কি, তা জেনেও কেউ কেউ কথার ও কাজে তা নিত্য উপেক্ষা করেন। এ রোগের ঔষধ কি, বলা কঠিন,—অন্ততঃ ওর কোন টোট্কা আমার জানা নেই। অপর পক্ষে অনেকে কেবল মাত্র মানসিক জড়তাবশতঃ, ও-বস্তু যে কি, তার সন্ধান জানেনও না, নেনও না। তাই সন্মিলনের মুখপাত্রেরা, যাদের মনের সর্ব্বাক্ষে আলম্ম ধরেছে, সেই শ্রেণীর লোকদের উপদেশ দিয়েছেন—"উতিষ্ঠত, জাগ্রত।"

এঁরা আমাদের জাগিয়ে তুলতে চান,—সত্যের জ্ঞানে; আমাদের উঠে চল্তে বলেন, সত্যের অমুসন্ধানে। কার্ণ, যে সত্য চোথের স্বমুখে রয়েছে সেটিকে দেখাও আমাদের পক্ষে যেমন কর্ত্তব্য, যে সত্য লুকিয়ে আছে তাকে খুঁজে বার করাও আমাদের পক্ষে তেমনি কর্ত্তব্য। কোনও জিনিষ দেখতে হলে, জাগা অর্থাৎ চোখ-খোলা দরকার, আর কোন জিনিষ খুঁজতে হলে, ওঠা এবং চলা দরকার। তাই এঁরা আমাদের "উত্তিষ্ঠত, জাগ্রত" এই মন্ত্রে দীক্ষিত কর্তে চান্। তবে আমরা এ মন্ত্রে দীক্ষিত হতে রাজি হব কিনা জানিনে; কেননা এ মন্ত্রের সাধনায় আমরা অভ্যস্ত নই।

লোকপ্রবাদ যে, পুরুতে যখন মন্তর পড়ে পাঁঠা তাতে কর্ণপাত করে না। পাঁঠা যে ওসব কথা কানে তোলে না, তার কারণ, উৎসর্গের মন্ত্র পড়া হয় ছাগকে বলি দেবার জন্ম। কিন্তু এই সাহিত্য-যজ্ঞের পুরুধিহিতেরা যে মন্ত্র পড়েছেন তা বলির মন্ত্র নয়, বোধনের মন্ত্র,—স্তরাং তাতে কর্ণপাত করার আমাদের বিশেষ আপত্তি হওয়া উচিত নয়। আমরা মানি আর না মানি, এঁরা যে-কথা বলেছেন তা যে মন দিয়ে শোনবার মত কথা, এই বিশাসে আমি সাহিত্য-সন্মিলনের অভিভাষণ-চতুষ্টয়ের আলোচনা কর্তে প্রস্তুত্ত হচছি।

())

পৃজ্যপাদ শ্রীযুক্ত দিজেন্দ্রনাথ ঠাকুর মহাশয় তাঁর অভিভাষণের উপসংহারে বলেছেন যে—

"বিজ্ঞান যদি বৃদ্ধ ভারত-মন্ত্রীর কথা শোনেন, তবে ভারতে ফিরিয়া আহন।"
এ কথা বলবার উদ্দেশ্য এই যে, তাঁর মতে ভারতবর্ধই হচ্ছে
বিজ্ঞানের জন্মভূমি, কিন্তু পুরাকালে বালক অবস্থাতেই বিজ্ঞান সমাজের
প্রতি অভিমান করে', দেশতাগা হয়ে ইউরোপে চলে যান। এবং
সেখানে তদ্দেশবাসীর যত্নে লালিত পালিত হয়ে, এখন যথেষ্টর
চাইতেও বেশি হুইউপুই হয়ে উঠেছেন। এমন কি, ইউুরোপবাসীরা
এখন আর তাঁকে সাম্লে উঠতে পার্ছে না। এই কারণেই, যিনি
স্থলপথে বিলেত চলে গেছ্লেন, তাঁকে আবার জলপথে দেশে ফিরে
আস্তে অমুরোধ করা হয়েছে। ঘরের ছেলে আবার ঘরে ফিরে
এলে দেশের যে কোনও অকল্যাণ হবে, এ আশক্ষা ঠাকুরমহাশয়
করেন না। বরং তিনি এতে মঙ্গলেরই আশা করেন। কেন ? ভা
তিনি স্পাই করে' ব্যাখ্যা করেন নি। তবে তিনি বিজ্ঞানের রূপগুণের
যে শাক্তমক্ষত বর্ণনা করেছেন, তার থেকেই আমরা অমুমান কর্তে
গারি যে, কি কারণে বিজ্ঞানের আবার দেশে ফেরটা দরকার।

ঠাকুরমহাশয় বলেছেন যে.—

বৈদাস্তিক আচার্য্যেরা বলেন সত্য তিন প্রকার :—

- (>) পারমার্থিক সত্য = তত্ত্তান = পরাবিছা।
- (২) ব্যাবহারিক সত্য=বিজ্ঞান=অপরাবিছা।
- (৩) প্রাতিভাসিক সত্য = লমজান = অবিছা।

বিজ্ঞান বল্তে একালে আমরা যা বুঝি, সে বিষয়ে বেদান্তের পরিভাষায় সম্যক আলোচনা করা কঠিন; কারণ জ্ঞানের এই ত্রিবিধ জাতিভেদ আধুনিক দার্শনিকেরা স্বীকার করেন না। নব্যমতে জ্ঞান এক,—শুধু ভ্রমই বহুবিধ। তবুও আমার বিশাস যে বেদান্তের পরিভাষা অবলম্বন করে'ও, জ্ঞানের রাজ্যে বিজ্ঞানের স্থান কোথায় এবং কতখানি তা দেখান যেতে পারে। স্কৃতরাং আমি এ প্রবন্ধে উক্ত পরিভাষাই ব্যবহার করব।

ঠাকুরমহাশয় পূর্বেরাক্ত তিন সত্যের নিম্নলিখিত রূপে ব্যাখ্যা করেছেন :---

"বিজ্ঞান বাটিজ্ঞান বা শাথাজ্ঞান; তত্ত্ত্জান সমষ্টিজ্ঞান বা মোট জ্ঞান। পারমার্থিক সত্য মোট জ্ঞানের মোট সত্য; ব্যাবহারিক সত্য বিভিন্ন জ্ঞানের বিভিন্ন সত্য।"

অর্থাৎ যে জ্ঞানের দারা এক অখণ্ড-সত্য লাভ করা যায়, সেই হচ্ছে তবজ্ঞান,— আর যার দারা বহু খণ্ড-সত্যের জ্ঞান লাভ করা যায়, সেই হচ্ছে বিজ্ঞান। এক কথায়, তত্বজ্ঞানের উদ্দেশ্য হচ্ছে পুরুষকে জানা; বিজ্ঞানের উদ্দেশ্য হচ্ছে প্রকৃতিকে চেনা। বিজ্ঞানের নামে অনেকে ভয় পান, এই মনে করে' যে তা তত্বজ্ঞানের বিরোধী; এবং তত্বজ্ঞান যেহেতু ভারতবর্ষের প্রাণ, অতএব সেটিকে নিরাপদে

রাখবার জন্ম এঁদের মতে বিজ্ঞানকে পরিহার কঁরা কর্ত্তর । এরপ কথা অবস্থা বেদবেদান্তে নেই; বরং উপনিষৎ-কারেরা বলেছেন যে, অপরাবিছ্যা আয়ত্ত্ব কর্তে না পারলে, পরাবিছ্যায় কারও অধিকার জন্মায় না। উপরোক্ত মছটি যে সম্পূর্ণ সত্য, সে বিষয়ে কোনও সন্দেহ নেই। কেন না, বিজ্ঞানের চর্চ্চা ত্যাগ করলে, বহু সম্বন্ধে আমাদের জন-জ্ঞান হওয়া অবস্মস্থাবা, কারণ বিজ্ঞান হচ্ছে পরীক্ষিত জ্ঞান;—বৈজ্ঞানিকেরা সত্যের টাকা না বাজিয়ে নেন না। বহু খণ্ড-সত্যের উপর যদি এক মোট-সত্যের প্রতিষ্ঠা না করা যায়, তাহলে বহু খণ্ড-মিথ্যার উপর সে সত্যের যে প্রতিষ্ঠা করা যেতে পারে, এরূপ মিছা আশা শুধু পাগলে কর্তে পারে।

আসল কথা এই বে, দর্শনে আমরা ব্যপ্তি ও সমপ্তি এই চুইটি ভাবকে পৃথক করে নিলেও,—এ বিশ্ব ব্যন্তসমস্ত । তাই সমপ্তির জ্ঞানের ভিতর ব্যপ্তির জ্ঞান প্রচ্ছের থাকে, এবং ব্যপ্তির জ্ঞান সমপ্তির জ্ঞানের অপেক্ষা রাখে; কেন না বস্তুতঃ ও-ছুই একসঙ্গে জড়ানো । তরজ্ঞানে ও বিজ্ঞানে প্রভেদ এই বে, সমপ্তিজ্ঞান পরাবিত্যার এক ভাবে পাওয়া যায়, আর অপরাবিত্যায় আর-একভাবে পাওয়া যায় । পরাবিত্যার সমপ্তিজ্ঞান হচ্ছে মূলতঃ একহের জ্ঞান । অপরপক্ষে বছকে যোগ দিয়ে যে সমপ্তি পাওয়া যায়, তারি জ্ঞান হচ্ছে বিজ্ঞানামুনাদিত সমপ্তিজ্ঞান । তরজ্ঞানী এক জেনে সব জানতে চান, আর বৈজ্ঞানিক সবকে একত্র করে জান্তে চান । এ ছুয়ের ভিতর পার্থক্য আছে, কিন্তু বিরোধ নেই । স্কুরাং বিজ্ঞানের চর্চ্চার পারমার্থিক সত্যের নাশের জয় বেরেখ নেই; ভয় আছে শুধু মিথ্যাজ্ঞানের উচ্ছেদের । যায় মিথ্যাকে জাক্তে ধরে থাক্তে চান, তারাই শুধু বিজ্ঞানকে ভরান ।

পূর্নেব বলা হর্ষেছে যে, প্রাভিভাসিক সত্য হচ্ছে ভ্রমজ্ঞান। এ কথা শুনে লোকের এই ধোঁকা লাগ্তে পারে যে, কি করে' একই জ্ঞান যুগপৎ সত্য ও ভ্রম হতে পারে। প্রাভিভাসিক সত্য যে এক হিসাবে সত্য, আর এক হিসাবে মিথ্যা,—এর স্পন্ট প্রমাণ আছে। সন্মিলনের সভাপতি মহাশয় যে ছুটি উদাহরণ দিয়েছেন, তারি সাহায্যে প্রাভিভাসিক সত্যের স্বরূপ নির্ণয় করতে চেন্টা করব।

সূর্য্য পৃথিবীর চারদিকে যুরছে, এটি হচ্ছে প্রাতিভাসিক সত্য; সার পৃথিবী যে সূর্য্যের চারদিকে ঘুরছে, এটি হচ্ছে বৈজ্ঞানিক সত্য। পৃথিবী চেপ্টা, এটি হচ্ছে প্রাতিভাসিক সতা; আর পৃথিবী গোলাকার, এটি হচ্ছে বৈজ্ঞানিক সত্য। পৃথিবী চেপ্টা ও সূর্য্যের যে উদয়াস্ত হয়, এ ছটিই হচ্ছে প্রত্যক্ষ সত্য ; সর্থাৎ আমাদের চোখের পক্ষে ও আমাদের চলাফেরার পক্ষে সম্পূর্ণ সত্য। ্যতথানি জমি বাঙ্গলা দেশে চোখে দেখা যায়, তা যে সদতল, এর চাইতে খাঁটি সত্য আর নেই। স্কুতরাং পৃথিবীর যে খণ্ডদেশ আমাদের কাছে প্রত্যক্ষ. তা চেপ্টা —গোলাকার নয়। সমগ্র পৃথিবীটি গোলাকার, কিন্তু সুমগ্র পৃথিবীটি প্রত্যক্ষ নয়। আমরা যখন প্রত্যক্ষের সীম। লঞ্জন করে, অপ্রত্যক্ষের বিষয় প্রত্যক্ষ-জ্ঞানের সাহায্যে জ্ঞানতে চাই, তখনই আমরা ভ্রমে পড়ি। কারণ বৈজ্ঞানিক জ্ঞান হচ্ছে সমষ্ট্রির জ্ঞান —অসংখ্য খণ্ড খণ্ড প্রত্যক্ষ-জ্ঞানের যোগাযোগ করে' সে জ্ঞান পাওয়া যায়। অসংখ্য চেপ্টা-খণ্ডকে ঠিক দিলে ভা গোল হয়ে ওঠে। এক মুহূর্ত্তে একদেশদর্শিতাই হচ্ছে এতাশ্বজ্ঞানের ধর্মা, সুতরাং কোনও একটি বিশেষ প্রত্যক্ষজ্ঞানের উপর নির্ভয়ে বৈজ্ঞানিক সভ্যকে দাঁড कत्रान याग्र रहे।

ইন্দ্রিয় বাহ্নবস্তুর যে পরিচয় দেয়, সাধারণতঃ শামুষে তাই নিয়েই সম্বন্ধ থাকে—কারণ তাতেই তার কাজ চলে যায়। কিন্তু বৈজ্ঞানিক, ব্রহ্মাণ্ডকে একটি প্রকাণ্ড সমষ্টি হিসেবে দেখ্তে চায়; বিখে একঈ নিয়ম আছে এই বিশ্বাদে, দে দেই নিয়মের সন্ধানে ফেরে। বস্তু সকলকে পৃথকভাবে না দেখে, যুক্তভাবে দেখ তে গিয়ে, বিজ্ঞান দেখতে পায় যে, প্রাতিভাসিক সত্য সমগ্র সত্য নয়। পৃথিবী যে চেপ্টা, ও সূর্য্য যে পৃথিবীর চারদিকে ঘুরছে, প্রত্যক্ষজ্ঞানের হিসেবে এ ছু'টি হচ্ছে সম্পূর্ণ পৃথক এবং সম্পর্করহিত সত্য। কিন্তু বিজ্ঞানের কাছে এ ত্র'টি হচ্ছে এক সত্যের তুইটি বিভিন্ন রূপ। পৃথিবী নামক মৃৎ পিণ্ডটি যে কারণে সূর্য্যের চারপাশে ঘুরপাক খাচ্ছে, সেই কারণেই সেটি তাল পাকিয়ে গেছে। ত্রিকোণ, বা চতুকোণ কিম্বা চেপ্টা ছ'লে, ও-ভাবে ঘোর। তার পক্ষে অসাধ্য হ'ত। স্কুতরাং প্রত্যক্ষজ্ঞানের সঙ্গে বিজ্ঞানের কোনও বিরোধ নেই : কারণ এ উভয়ের অধিকার স্বত্ত্ব। বিজ্ঞানের সাহায্যে আমর। জানতে চাই বস্তুজগতের সামাত্ত গুণ, আর প্রত্যক্ষজ্ঞানের সাহায্যে আমরা দেখতে চাই বস্তুর বিশেষ রূপ। অতএব, বিজ্ঞানের চর্চচা করলে আমাদের তব্বজ্ঞান মারা যাবে না, অর্থাৎ আমাদের ধর্ম্ম নষ্ট হবে না : এবং আমাদের বাহ্যজ্ঞানও নষ্ট হবে না, অর্থাৎ কাব্য শিল্পও মারা যাবে না। যা' তবজ্ঞানও নয়, বিজ্ঞানও নয়, প্রত্যক্ষজ্ঞানও নয়,—তাই হচ্ছে যথার্থ মিথা। এবং তারি চর্চ্চ৷ করে' আমরা ধর্ম্ম, সমাজ, কাব্য, শিল্প,—এক কথায় সমগ্র মানবজীবন সমূলে ধ্বংস করতে বসেছি।

(\(\)

🝷 বিজ্ঞান শুধু একপ্রকার বিশেষ জ্ঞানের নাম নয় ;—একটি বিশেষ প্রণালী অবলম্বন করে' যে জ্ঞান লাভ করা যায়, আসলে তারি নাম হচ্ছে বিজ্ঞান। আমরা বিজ্ঞানকে যতই কেন সাধাসাধি করিনে, সে কখনই এদেশে ফিরে আসবে না, যদি না আসরা তার সাধনা করি। স্ততরাং সেই সাধনপদ্ধতিটি আমাদের জানা দরকার। বৈজ্ঞানিক পদ্ধতিটি যে কি. সে সম্বন্ধে আমি চুই একটি কথা বলতে চাই। বিজ্ঞানের উদ্দেশ্য থেকেই তার উপায়েরও পরিচয় পাওয়া যাবে। তত্ত-জ্ঞানের জিজ্ঞান্য বিষয় হচ্ছে—"এক সত্য",—অথচ প্রত্যক্ষ-জ্ঞানের বহুর অস্ত্রিত্ব তব্বজ্ঞানীরাও অস্বীকার করতে পারেন না। তাই বৈদান্তিকেরা বলেন—যা পুর্বের এক ছিল, তাই এখন বহুতে পরিণত হয়েছে। সাংখ্যের মতে স্বস্থি একটি বিকার মাত্র, কেননা ত্রিগুণের সাম্যাবস্থাই প্রকৃতির সুস্থ অবস্থা। স্থিকে বিকার হিসেবে দেখা আশ্চর্যা নয়. কেননা আপাতস্থলভ জ্ঞানে এ বিশ্ব একটি ভাঙ্গাচোরা, ছাড়ানো ও ছড়ানো ব্যাপার। বিজ্ঞানের উদ্দেশ্য হচ্ছে, এই অসংখ্য পৃথক পৃথক বস্তুর পরস্পরের সম্বন্ধ নির্ণয় করা,—জড়-জগতের ভগ্নাংশগুলিকে যোগ দিয়ে, একটি মন দিয়ে ধরবার-ছোঁবার মত সমষ্টি গড়ে' তোলা। এই ভগ্নাংশগুলিকে পরস্পরের সঙ্গে যোগ করতে হলে আঁকযোখ চাই। স্তুতরাং চুইয়ে চুইয়ে চার করার নামই হচ্ছে বৈজ্ঞানিক পদ্ধতি। দুইয়ে দুইয়ে পাঁচ আর-যে-দেশেই হোক, বিজ্ঞানের রাজ্যে হয় না। विड्डात्नत्र कात्रवात रध्यू वरहत्र मःश्रा नित्र नय़-भित्रमाग नित्रछ। স্থুতরাং বিজ্ঞানে মাপযোখও করা চাই। বিনা মাপে, বিনা আঁকে যে সত্য পাওয়া যায়, তা বৈজ্ঞানিক সত্য নয়। বিজ্ঞানের যা-কিছু ময়্যাদা, গোরব ও মৃল্য,—তা সৃবই এই পদ্ধতির দরণ। আমাদের কাছে কোনও বৈজ্ঞানিক সত্যের বিশেষ কিছু মূল্য নেই, যদি আমরা কিউপায়ে সেটি পাওয়া গেছে, তা না জানি। পৃথিবী কমলালেবুর মত,—এটি হচ্ছে বৈজ্ঞানিক সত্য; কিন্তু কি মাপ্যোথের, কি যুক্তির সাহায্যে এই সত্য নির্ণীত হয়েছে, সেটি না জানলে, ও-সত্য আমাদের মনের হাতে কমলালেবু নয়, ছেলের হাতে মোয়া,—অর্থাৎ তা আমাদের এতই কম করায়ত্ত যে, যে-খুসি-সেই কেড়ে নিতে পারে। বৈজ্ঞানিক সিদ্ধান্তসকলের ক্রমান্বয়ে ভুল বেরছে, আবার তা সংশোধন করা হচ্ছে। কিন্তু সে ভুলের আবিহ্বার ও সংশোধন ঐ একই বৈজ্ঞানিক পদ্ধতির সাহায্যে সাধিত হচ্ছে।

ঐতিহাসিক শাখার নেতা শ্রীযুক্ত অক্ষয়কুমার মৈত্র মহাশয়, ঐতিহাসিক সত্য নির্ণয় করবার পদ্ধতিটি যে কি, তারই বিস্তৃত ব্যাখ্যা করেছেন; কারণ ইতিহাস ঠিক বিজ্ঞান না হলেও, একটি উপ-বিজ্ঞানের মধ্যে গণ্য। এক্ষেত্রে মৈত্রমহাশয়ের মতে ঐতিহাসিকদের প্রধান কর্ত্বর্গ হচ্ছে অনুসন্ধান করে' অতীতের দলিল সংগ্রহ করা। সেদলিল, নানা দেশে নানা স্থানে ছড়ানো আছে। হত্রাং সেই সব হারামণির অস্বেষণের জন্ম ঐতিহাসিকদের দেশদেশান্তরে ঘুরতে হবে। শুধু তাই নয়। ঐতিহাসিক তত্ত্ব সকল-সময়ে মাটির উপর পড়ে'-পাওয়া যায় না। ও হচ্ছে বেশির ভাগ কয় করে' উদ্ধার কর্বার জিনিষ; কারণ অতীত প্রত্যক্ষ নয়,— বর্ত্বমানে তা ঢাবা পড়ে' থাকে। ঐতিহাসিক তত্ত্ব আবিদ্ধার কর্বার অর্থ হচ্ছে অদুষ্টকে দৃষ্ট করা, ভার হুল্ম পুরুষকার চাই। ভাই মৈত্রমহাশয়, কেবলমাত্র ভক্তি-করা, ভার হুল্ম পুরুষকার চাই। ভাই মৈত্রমহাশয়, কেবলমাত্র ভক্তি-করা, ভার হুল্ম পুরুষকার চাই। ভাই মৈত্রমহাশয়, কেবলমাত্র ভক্তি-করা, ভার হুল্ম পুরুষকার চাই। ভাই মৈত্রমহাশয়, কেবলমাত্র ভক্তি-

ভরে অতীতের নাম কীর্ত্তন না করে, তার সাক্ষাৎকার লাভ কর্বার পরামর্শ আমাদের দিয়েছেন। তাঁর পরামর্শ,ত কাজ কর্ত্তে হলে, আমাদের করতাল ভেঙ্গে কোদাল গড়াতে হবে। ভূগর্ভে ও কালগর্ভে যে, সকল ঐতিহাসিক রত্ন নিহিত আছে, আগে তা খুঁড়ে বার কর্তে হবে, পরে তার কাটাই-ছাঁটাই করে' সাহিত্য-সমাজে প্রচলন কর্তে হবে। এ কথা অবশ্য স্বীকার্য্য যে, আগে আসে খনিকার, তার পরে মণিকার। মৈত্রমহাশয় তাই ঐতিহাসিকদের কলম ছাড়িয়ে খন্তা ধরাতে চান। তাঁর বিশাস যে, ঐতিহাসিকদের হাতের খন্তা নিয়ত ব্যবহারে ক্ষয়ে গিয়ে ক্রেমশঃ কলমের আকার ধারণ করবে, এবং সেই কলমে ইতিহাস লিখতে হবে। ইতিহাসের আবিদ্ধন্তা ও রচয়িতার মধ্যে যে অধিকারভেদ আছে— হৈত্রমহাশয় বোধ হয় সেটি মানেন না। অগচ এ কথা সত্য যে, একজনের পক্ষে কলম ছেড়ে খন্তা ধরা যত কঠিন, আর একজনের পক্ষে খন্তা ছেড়ে কলম ধরা তার চাইতে কিছ কম কঠিন নয়।

সে যাই হোক, মৈত্রমহাশয় জামাদের জার একটি বিশেষ আবশ্যকীয় কথা স্মরণ করিয়ে দিয়েছেন। সে হচ্ছে এই যে, ত্যাগ স্থীকার না কর্তে পারলে, কোনোরূপ সাধনা করা যায় না। কেননা ত্যাগের অভ্যাস থেকেই সংযমের শিক্ষা লাভ করা যায়। ইতিহাসের বৈজ্ঞানিক সাধনা কর্তে হলে, আমাদের অসংখ্য মানসিক আলম্খ-প্রস্তু বিশাস ত্যাগ কর্তে হবে। আমাদের পুরাণের মায়া, কিম্বদন্তীর মোহ কাটাতে হবে।

শুধু রূপকথা নয়, সেই সঙ্গে কথার মোহও আমাদের ভ্যাগ করতে হবে, অর্থাৎ য়থার্থ ইতিহাস রচনা করতে হলে সে রচনায়, "শব্দের লালিতা, বর্ণনার মাধুর্ঘা, ভাষার চাতুর্গা" পরিহার কর্তে হবে। এক কথায় শ্রীহর্ণচরিত আর' কাদম্বরীর ভাষায় লেখা চল্বে না। এ কথা অবশ্য অক্ষরে অক্ষরে সত্য। কিন্তু কি কারণে অক্ষয়বাবু, অপরকে যে উপদেশ দিয়েছেন নিজে সে উপদেশ অনুসরণ করেন নি, তা'ঠিক বুঝতে পারলুম না। কারণ তাঁর অভিভাষণের ভাষা যে "অক্ষর-ডম্বর". এ কণা টাউনহলে সশরীরে উপস্থিত গাক্লে স্বয়ং বাণভট্টও স্বীকার কর্তেন। সম্ভবতঃ অক্ষয়বাবুর মতে ইতিহাসের আখ্যান হচ্ছে বিজ্ঞান, আর বৈজ্ঞানিক পদ্ধতির ব্যাখ্যান হচ্ছে কাব্য।

(0)

যে লোভ অক্ষয়বাবু সংবরণ করতে পারেননি, এীযুক্ত হরপ্রসাদ শান্ত্রী মহাশয় তা সম্পূর্ণ উপেক্ষা করেছেন। শান্ত্রীমহাশয় আগাগোডা মশাস্ত্রীয় ভাষা ব্যবহার করায়, তাঁর অভিভাষণ এতই জলের সত সহজ হয়েছে যে, তা এক-নিশ্বাসে নিঃশেষ করা যায়। এ শ্রেণীর লেখা যে বিহতা নদীর জলের মতই স্বচ্ছ ও ঠাণ্ডা হওয়া উচিত, সে বিষয়ে কোনই সন্দেহ নেই। জলের মত ভাষার বিশেষ গুণ এই যে, তা জ্ঞান-পিপাস্থদের তৃষ্ণা সহজেই নিবারণ করে। বর্ণগন্ধ চাই শুধু কাব্যের ভাষায়,—কেননা তা হয় অমূত, নয় স্থুরা।

আমি বহুকাল হতে এই কথা বলে আদুছি যে, বাঙ্গলা সাহিত্য বাঙ্গলা ভাষাতেই রচিত হওয়া উচিত। কিন্তু এই সহজ কথাটি অনেকের কাছে এতই দুর্বেবাধ ঠেকে যে, তাঁরা এরূপ আজগুবি কথা ৺নে বিরক্ত হন্। এঁদের মতে, বাঙ্গলা হচ্ছে আমাদের আটপৌরে

ভাষা, তাতে সাহিত্যের ভদ্রতা রক্ষা হয় না ; ইত্রবাং সাহিত্যের জন্ম সাধুভাষা নামক একটি পোষাকী ভাষা তৈরি করা চাই। পোষাক যথন চাইই, তখন তা যত ভারি আর যত জমকালো হয়. তত্তই ভাল। তাই সাহিত্যিকরা সংস্কৃত ভাষার চোরা জরিতে কিংখাব বুন্তে এতই ব্যগ্র ও এতই ব্যস্ত যে, সে জরি সাচচা কি ঝুঁটা, তা দিয়ে ভারা কিংখাব দূরে থাক্ দোস্থতিও বুন্তে পারেন কি না,— পারলেও সে বুনানিতে ঐ জরি খাপ খায় কি না,—এ সব বিচার ক্রবার তাঁদের সময় নেই। স্বতরাং বাঞ্লা লিখ্তে বল্লে তাঁরা মনে করেন যে, আমরা তাঁদের কাব্যের বস্ত্রহরণ করতে উত্তত হয়েছি। কিন্তু আমরা যে ওরূপ কোনও গর্হিত আচরণ করতে চাইনে তার প্রমাণ,—ভাষা ভাবের লজ্জা নিবারণ করবার জিনিষ নয়। ভাষা বস্ত্র নয়, ভাবের দেহ,—আলঙ্কারিকদের ভাষায় যাকে বলে "কাব্যশরীর"। বাঙ্গালীর ভাষা বাঙ্গালী চৈতত্তের 'অধিষ্ঠান। বাঙ্গালীর আত্মাকে সংস্কৃত ভাষার দেহে কেহ প্রবেশ করিয়ে দিলে, ব্যাড়ীর আত্মা নন্দ ভূপতির দেহে প্রবেশ করে' যেরূপ চুর্দ্দশাগ্রস্ত হয়েছিল,—সেইরূপ হবারই সন্থাবনা। দহিন্দে ভাকাণের আতা রাজার দেহে প্রবেশ করায় তার যে কি পর্য্যন্ত চুর্গতি হয়েছিল, তার বিস্তৃত ইতিহাস কথাসরিৎসাগরে দেখতে পাবেন! বাঙ্গালীর স্কলে-পড়ানো আজা কেন যে নিজের দেহপিঞ্চর হতে নিজ্ঞমণ করে' পরের পঞ্চরে প্রবেশ লাভ করবার জন্ম ছটফট করছে, তার কারণ শান্ত্রীমহাশয়ই নির্দেশ করে দিয়েছেন। তিনি বলেছেন---

"আমার বিশ্বাস বাঙ্গালী একটি আত্মবিশ্বত জাতি। বিষ্ণু যথন রামরূপে অবতীর্ণ হইয়াছিলৈন, তথন কোনও ঋষির শাপে তিনি আত্মবিশ্বত ছিলেন।"

আমরাও তেমনি বাঙ্গালী জাতির অজ্ঞান অবতার,—সম্ভবতঃ গুরু-পুরোহিতের শাপে। 'মুক্তির জন্ম আমাদের এই শাপমুক্ত হতে হবে. অর্থাৎ জাতিমার হতে হবে :—কেননা সত্য লাভের জন্য যেমন বাছজ্ঞান চাই, তেমনি আত্মজ্ঞানও চাই। এই জাতিম্মরতা লাভ করবার একমাত্র উপায় হচ্ছে ইতিহাস। একমাত্র ইতিহাসই জাতির পূর্বজন্মের কথা স্মরণ করিয়ে দেয়। এই জাতীয় পূর্বজন্মের জ্ঞান হারিয়েই আমর। নিজের ভাষার, মনের ও চরিত্রের জ্ঞান হারিয়েছি।

শাস্ত্রীমহাশয়ের মোদা কথা হচ্ছে এই যে, এক "আর্য্য" শদ্দের উপর জীবন প্রতিষ্ঠা করতে গেলে, বাঙ্গালীর ইহকাল পরকাল চুই নট হবে: কেন না আমরা মোক্ষমূলারের আবিষ্কৃত গাঁটি আর্য্য নই। আমরা একটি মিশ্র জাতি। প্রথমতঃ দ্রবিড ও মংগলের মিশ্রণে বাঙ্গালী জাতি গঠিত হয়। তারপর সেই জাতির দেহে মনে ও সমাজে কতক পরিমাণ আর্য্যঃ আরোপিত হয়েছে। কিন্তু তাই বলে' আমরা একেবারে আর্যামিশ্র হয়ে উঠিনি। শাস্তীমহাশয়ের মতে শার্যাংসভ্যতা, আবর্ত্তে আবর্ত্তে বাঙ্গলায় এসে পৌছেছে। তিনি বলেন---

"এই সকল আবর্ত্ত ঘুরিতে ঘুরিতে যথন বাঙ্গলায় আসিয়া উপনীত হয়, তথন দেখা যায় আর্য্যের নাত্রা বড়ই কম. দেশীর মাত্রা অনেক বেশী"।

এ সত্য আমি নিরাপত্তিতে স্বীকার করি, যদিচ সম্ভবতঃ আমি এই ক্রমাগত আর্য্য আবর্ত্তের একটি ক্ষুদ্র বুদ্বুদ ;—কেন না আমি ত্রাক্ষণ।

বাঙ্গলা ভাষা, আর্য্য ভাষা নয়,---উক্ত ভাষার একটি স্বতম্ব ^{শাখা},—এক কথায় এক**টি** নবশাখ ভাষা। বাঙ্গালী জাতিও আৰ্য্যজাতি নয়, —একটি নবশাখ জাতি। আজকাল শিক্ষিত-সন্প্রদায়ের প্রধান
চেন্টা হয়েছে সামাদের মন ও ভাষার মধ্যে থেকে তার দেশীখাঁদটুকু বাদ দিয়ে তার স্বার্গ্য-সোনাটুকু বার করে নেওয়া।
প্রথমতঃ ওরূপ খাদ বাদ দেওয়া সম্ভব নয়; দিতীয়তঃ সম্ভব হলেও,
বড় বেশি য়ে সোনা মিলবে তাও নয়। কিন্তু আসল প্রশা হচ্ছে,
দেশী অংশটুকু বাদ দেবার এত প্রাণপণ চেন্টা কেন ? ও ত খাদ
নয়, —ওই ত হচ্ছে বাঙ্গালীজাতির মূল ধাতু! এবং সে ধাতু য়ে অবজ্ঞা
কিন্তা উপেক্ষা করবার জিনিষ নয়, তা মিনিই বাঙ্গালীর প্রাচীন
ইতিহাসের সন্ধান রাখেন, তিনিই মানেন। কাঁঠাল আমে নয় বলে'
ছঃখ কর্বারও লারণ নেই, এবং কাঁঠালের ডালে আমের কলম বসাবার
চেন্টা কর্বারও দরকার নেই। আমরা এই বাঙ্গলার গায়ে হয়
ইংরাজি, নয় সংস্কতের কলম বসিয়ে, সাহিত্যে ও জীবনে শুধু কাঁঠালের
আমসত্ত তৈরি করবার র্থা চেন্টা করছি।

শান্ত্রীমহাশয় বলেছেন যে, বাঙ্গালীজাতির প্রাচীন সিদ্ধা-চার্য্যেরা সব সহজিয়া মতের প্রবর্ত্তক ও প্রচারক ছিলেন। আমরা আত্মত্রনশূতা বলে', যা আমাদের কাছে সহজ তাই বর্জ্জন করি। আমরা সাধুভাষায় সাহিত্য লিখি; আর জীবনে হয় সাহেবিয়ানা নয় আর্য্যামী করি। জাতীয় আত্মজ্ঞান লাভ কর্তে পারলে, আমরা আবার সহজ অর্থাৎ natural হতে পারব। মনের এই সহজ-সাধন অতি কঠিন ব্যাপার; কেননা আমাদের সকল শিক্ষা দীক্ষা হচ্ছে কৃত্রিমতার সহায় ও সম্পদ। (8)

সাহিত্য-শাখার সভাপতি শ্রীযুক্ত যাদবেশ্বর তর্করত্নমহাশয়ও আমাদের বলেছেন যে---

''সালভের প্রশায় দিলে হইবে না। নিদ্রিত সমাজকে জাগাইতে হইবে। শ্যাশ্যান সমাজের স্বথস্থপ্তি ভাঙ্গাইতে হইবে।"

এ যে শুধু কথার কথা নয় তার প্রমাণ, কি করে' সাহিত্যের সাহায্যে সমাজকে জাগিয়ে তুল্তে পার। যায়, তার পম্থা তিনি দেখিয়ে দিয়েছেন। হার মোট কথা এই যে, দর্শন বিজ্ঞানের চর্চচা না করলে সাহিত্য শক্তিহীন ও শ্রীহীন হয়ে পড়ে। তর্করত্বমহাশয়ের মতে "সাহিত্য" শব্দের অর্থ সাহচর্যা। যদি কেউ জিজ্ঞাসা করেন কিসের সাহচর্য্য १ তার উত্তর—সকলপ্রকার জ্ঞানের সাহচর্য্য : কারণ মতি প্রবৃদ্ধ অজ্ঞতার গর্ভে যে সাহিত্য জন্মগ্রহণ করে তা স্কুকুমার সাহিত্য নয়, তা শুধু কুমার-সাহিত্য, অর্থাৎ ছেলেমান্ষি লেখা। তিনি দেখিয়েছেন যে কালিদাস প্রভৃতি বড় বড় সংস্কৃত কবিরা সে যুগের সর্ববশাস্ত্রে স্পণ্ডিত ছিলেন। প্রমাণ শকুন্তলা.— অভিজ্ঞান, অবিজ্ঞান নয়। সংস্কৃত সাহিত্যের নানা যুক্ত শাস্ত্রের জ্ঞানের অভাববশতঃ আমরা সংস্কৃত কাব্য আধ বুঝি, সংস্কৃত দর্শন ভুল বুঝি, পুরাণকে ইতিহাস বলে' গণ্য করি, আর ধর্ম্মশাস্ত্রকে বেদবাক্য বলে মান্য করি।

সে যাই হোক, পাণ্ডিত্য কন্মিন্কালেও সাহিত্যের বিরোধী ^{নয়।} তার প্রমাণ কালিদাস, দান্তে, মিল্টন, গেটে প্রভৃতি। তবে পণ্ডিত অর্থে যদি বিভার চিনির বলদ বোঝায়, তাহলে সে স্বতম্ব ^{কথা।} জ্ঞানই হচ্ছে কাব্যের ভিত্তি; কারণ সত্যের উপরেই সাহিত্য

প্রতিষ্ঠিত। তর্করত্বমহাশয়ের বক্তব্য এই যে, ইংরাজি ভাষায় যাকে বলে Synthetic Culture, তাই হচ্ছে সাহিত্যের পরম সহায়। এ কথা সম্পূর্ণ সতা। ইউরোপের দর্শন, বিজ্ঞান, ইতিহাস, অর্থনীতি, সমাজতত্ত্ব, রাজনীতির সঙ্গে কতকটা পরিচয় না থাক্লে. কোনো বড় ইংরাজ কবি কিম্বা নভেলিষ্টের লেখা সম্পূর্ণ বোঝাও যায় না, তার রসও আস্বাদন করা যায় না। সাহিত্য হচ্ছে প্রবৃদ্ধ চৈতত্তের বিকাশ ; এবং চৈতত্তকে জাগিয়ে তুলতে হলে আর পাঁচজনের মনের আর পাঁচ রকমের জ্ঞানের ধান্ধা চাই। যাঁর মন সত্যের স্পর্শে সাড়া দেয় না—সে সত্য আধ্যাজ্মিকই হোকু আর আধিভৌতিকই হোক-তিনি কবি নন। স্ততরাং দর্শন বিজ্ঞানকে অম্প্রশা করে' তোলায় কাব্যের পবিত্রতা রক্ষা হয় না। এই কারণেই তর্করত্বমহাশয় আমাদের দেশী বিলাতি সকল প্রকার দর্শন বিজ্ঞান অমুবাদ করতে পরামর্শ দিয়েছেন। তাঁর মতে আলম্মপ্রিয় বাঙ্গালীমনের পক্ষে বিজ্ঞানচর্চ্চারূপ মানসিক অত্যাবশ্যক। আমাদের অলস মনের আরাম-জনক বিশাসসকল বিজ্ঞানের অগ্নিপরীক্ষায় পরিশুদ্ধ না হলে সত্যের খাঁটি সোনাতে তা পরিণত হবে না,—আর যা খাঁটি সোনা নয়, তার অলঙ্কার ধারণ করলে কাব্যের দেহও কলঙ্কিত হয়।

(()

এবারকার সাহিত্য-সন্মিলনের ফলে যদি বিজ্ঞানের সঙ্গে সাহিত্যের মিলন হয়,—তা হলে বঙ্গসাহিত্যের দেহ ও কান্তি হুই পুষ্ট হবে।

সে মিলন যে করে হবে ত। জানিনে। কিন্তু সত্যের সঙ্গে আমাদের ় ভাবের ও ভাষার বিচ্ছেদটি যে বহু লোকের নিকট অসহু হয়ে উঠেছে, 🦸 —এইটি ইচ্ছে মহা আশার কথা। মিথ্যার প্রতি আগে বিরাগ না জন্মালে কেউ সত্যের উদ্দেশে তীর্থযাত্রা করেন না: কারণ সে পথে কফ্ট আছে। বিজ্ঞানের মন্দিরে, অর্থাৎ সত্যের মান-মন্দিরে পোঁছতে হলে আগাগোড। সিঁডি ভান্ধা চাই।

আমি বৈজ্ঞানিক নই,—কাজেই প্রত্যক্ষ-জ্ঞানই আমার মনের প্রধান সম্বল। সেই প্রত্যক্ষ-জ্ঞানের সম্বন্ধে সাহিত্যাচার্য্যের। কেউ ছটি ভাল কথা বলেননি। তাই আমি তার স্বপক্ষে কিছু বল্তে বাধ্য হচ্ছি।

বিজ্ঞান প্রত্যক্ষ-জ্ঞানের সতিরিক্ত হলেও ঐ মূল জ্ঞানের উপারেই প্রতিষ্ঠিত। বাহ্য বস্তুকে ইন্দ্রিয়গোচর কর্তে হলে, ইন্দ্রিয়েরও একটা শিক্ষা চাই। অনেকেশ্চোখ থাকতেও কাণা, কান থাকতেও কালা,--- স্থাচ মুখ না থাক্লেও মুক নন। এই শ্রেণীর লোকের ^{বাচাল্}তার গুণেই আজ বাঙ্গলা-সাহিত্যের কোন মর্য্যাদা নেই। কাব্যকে আবার সাহিত্যের শীর্ষস্থান অধিকার করতে হলে, ইন্দ্রিয়কে আবার মন্ত্রাগ করে' তোলা চাই। চোখও বাছবস্তুসম্বন্ধে আমাদের ^{ঠকাতে} পারে, যদি সে চোথ ঘুমে ঢোলে। অপরপক্ষে ফ্যাল্ফ্যাল্ করে' চেয়ে থাকলেও, যা স্পষ্ট তাও আমাদের কাছে ঝাপ্সা হয়ে যায়। চোখে আর মনে এক না করতে পার্লে, কোনও পদার্থ লক্ষ্য ^{করা যায় না।} ইন্দ্রিয় ও মনের এই একীকরণ, সাধনা বিনা সিদ্ধ হয় না। ধাঁরা কাব্যু রচনা কর্বেন, তাঁদের পক্ষে বাহিরের ভিতরের সকল সত্যকে প্রত্যক্ষ করবার ক্ষমতা অর্জ্জন করতে হবে। কারণ

কাব্যে প্রত্যক্ষ ব্যতীত অপর কোনও সত্যের স্থান স্থতরাং প্রত্যক্ষ-জ্ঞানের উপর অবিশাষ এবং তার প্রতি অমনোযোগ হচ্ছে কাব্যে সকল সর্বনাশের মূল। প্রভ্যক্ষ-জ্ঞান অবশ্য নিজের সীমা লঙ্খন করলে মিথা। বিজ্ঞানে পরিণত হয়। বিজ্ঞানও তেমনি নিজের সামা লঙ্গন করলে মিখ্যা পরিণত হয়। তার কারণ, বিজ্ঞান কোনও পদার্থকে এক-হিসেবে **एम्थर** भारत ना। विद्धान रय ममष्टि शीरक, रम शरू সংখ্যার সমষ্টি। বিজ্ঞান চারকে এক করতে পারে না। বিজ্ঞান চারকে পাওয়ামাত্র,—হয় তাকে চুই দিয়ে ভাগ করে, নয় তার থেকে ছুই বিয়োগ করে; পরে আবার হয় ছুই দিগুণে, নয় ছয়ে দ্বয়ে চার করে। অর্থাৎ বিজ্ঞান যার উপর হস্তক্ষেপ করে, তাকে আগে ভাঙ্গে, পরে আবার যোড়াতাড়া দিয়ে গড়ে। উদাহরণস্বরূপ দেখানো যেতে পারে যে, বিজ্ঞাদের হাতে জল হয় বাষ্প হয়ে উড়ে যায়, নয় বরফ হয়ে জমে থাকে,---আর না হয়ত একভাগ অক্সিজেন আর চুভাগ হাইড্রোজেনে বিভক্ত হয়ে পড়ে। তারপর বিজ্ঞান আবার সেই বাষ্পাকে ঠাণ্ডা করে', সেই বরফকে তাতিয়ে জল করে দেয়, এবং অক্সিজেনে হাইড্রোজেনে পুনর্ম্মিলন করে দেয়।

কিন্তু আমরা এক-নজরে যা দেখতে পাই, তাই হচ্ছে প্রত্যক্ষ জ্ঞান ;—এ জ্ঞানও একের জ্ঞান,—সতএব প্রত্যক্ষজ্ঞান হচ্ছে তত্ত্বজ্ঞানের সবর্ণ। "ঈশাবাস্থমিদং সর্বাং যৎকিঞ্চ জগত্যাং জগৎ"— এ কথা তাঁরি কাছে সত্য, যাঁর কাছে এটি প্রত্যক্ষ সত্য। কেন না কোনরূপ জাঁকের সাহায্যে কিন্তু। মাপের সাহায্যে ও-সত্য পাওয়া যায় না। একত্বের জ্ঞান কেবলমাত্র অমুভূতিসাপেক্ষ।

আমি পূর্বের বলেছি প্রভাক্তভানের জন্ম ইন্দ্রিয়গ্রামে মনঃসংযোগ করা চাই,— দেই মনঃসংযোগের জন্ম আন্তরিক ইচ্ছা চাই,—এবং সেই ইচ্ছার মূলে আন্তরিক অমুরাগ চাই। এবং এ অমুরাগ অহৈতৃকী প্রীতি হওয়া চাই। কোনরূপ স্বার্থসাধনের জন্ম যে সত্য আমরা খুঁজি, তা কখনও ফুল্দর হয়ে দেখা দেয় না। যে প্রীতির মূলে আমার সহজ প্রবৃত্তি নেই, তা কখনও অহৈতৃকী হ'তে পারে না। স্বতরাং সত্য যে স্বন্দর, এই জ্ঞানলাভের উপায় হচ্ছে সহজ সাধন অর্থাৎ সর্ববাপেক্ষা কঠিন সাধন :-- কারণ আত্মার উপর বিশাস আমরা হারিয়েছি।

সে যাই হোক, বিজ্ঞানের অবিরোধে যে প্রত্যক্ষ-জ্ঞানের চর্চ্চা করা যায়, এ বিশ্বাস হারালে আমরা কাব্য-শিল্প স্থষ্টি কুরুতে পারি নে। বিজ্ঞান হচেছ পূর্বন-স্ফট পদার্থের জ্ঞান। নৃতন স্তির হিসাব বিজ্ঞানের পাকাখাতায় পাওয়া যায় না। স্তির মূলে যে চির-রহস্থ আছে, তা কোনরূপ বৈজ্ঞানিক যন্তে ধরা পড়ে ন। এই কারণে দেশের লোককে বিজ্ঞানের চর্চ্চা করবার পরামর্শ দেওয়াটা সৎপরামর্শ, কেননা যা স্পষ্ট তাতে সর্ব্বসাধারণের সমান অধিকার আছে। অপরপক্ষে কাব্যে শিল্পে অধিকারীভেদ আছে। সত্যের মৃত্তিদর্শন সকলের ভাগ্যে ঘটে না।

শ্রীপ্রমথ চৌধুরী।

वांश्ना इन्म

* * * আপনি বলিয়াছেন আমাদের উচ্চারণের কোঁকটা বাক্যের আরম্ভে পড়ে;—ইহা আমি অনেক দিন পূর্বের লক্ষ্য করিয়াছি। ইংরাজিতে প্রত্যেক শব্দেরই একটি নিজস্ম ঝোঁক আছে। সেই বিচিত্র ঝোঁকগুলিকে নিপুণভাবে ব্যবহার করার দ্বারাই আপনাদের ছন্দ সঙ্গীতে মুখরিত হইয়া উঠে। সংস্কৃত ভাষার ঝোঁক নাই কিন্তু দীর্ঘ ব্রস্থ সর ও যুক্ত ব্যঞ্জনবর্ণের মাত্রাবৈচিত্র্য আছে, তাহ্মতে সংস্কৃত ছন্দ চেউ খেলাইয়া উঠে। যথা—

অস্তাতরস্থাং দিশি দেবতাত্মা

উক্ত বাক্যের যেখানে যেখানে যুক্ত ব্যঞ্জনবর্ণ বা দীর্ঘসর আছে সেখানেই ধ্বনি গিয়া বাধা পায়। 'সেই বাধার আঘাতে আঘাতে ছন্দ হিল্লোলিত হইয়া উঠে।

যে ভাষায় এইরূপ প্রভ্যেক শব্দের একটি বিশেষ বেগ আছে সে ভাষার মস্ত স্থবিধা এই যে, প্রভ্যেক শব্দটিই নিজেকে জানান দিয়া যায়, কেহই পাশ কাটাইয়া আমাদের মনোযোগ এড়াইয়া যাইতে পারে না। এইজন্ম যখন একটা বাক্য (Sentence) আমাদের সম্মুখে উপস্থিত হয় তখন তাহার উচ্চনীচতার বৈচিত্র্য্যশত একটা স্থুস্পাই চেহারা দেখিতে পাওয়া যায়। বাংলা বাক্যের অস্থবিধা এই যে, একটা ঝোঁকের টানে একসঙ্গে অনেকগুলা শব্দ অনায়াসে আমাদের

কেবুলের বাংলা অব্যাপক জে, ডি, এঙার্মন, আই, রি, এল মহাশয়কে লিখিত পর

ইইতে অব্যাপক্ষহাশলের অকুষ্ডিক্রের মুক্তিত।

কানের উপর দিয়া পিছলাইয়া চলিয়া যায়; তাহাদের প্রত্যেকটার সঙ্গে স্থস্পান্ট পরিচয়ের সময় পাওয়া যায় না। ঠিক যেন আমাদের একান্নবর্তী পরিবারের মত। বাড়ির কর্তাটিকেই স্পান্ট করিয়া অনুভব করা যায় কিন্তু তাঁহার পশ্চাতে তাঁহার কত পোষ্য আছে, তাহারা আছে কি নাই, তাহার হিসাব রাথিবার দরকার হয় না।

এইজন্ম দেখা যায় আমাদের দেশে কথকত। যদিচ জনসাধারণকে শিক্ষা এবং আমোদ দিবার জন্ম তথাপি কথকমহাশয় ক্ষণে ক্ষণে তাহার মধ্যে ঘনঘটাচছন্ত্র সংস্কৃত সমাসের আমদানি করিয়া থাকেন। সে সকল শুন্দ গ্রাম্যলোকেরা বোঝে না কিন্তু এই সমস্ত গন্তীর শব্দের আওয়াজে তাহাদের মনটা ভাল করিয়া জাগিয়া ওঠে। বাংলা ভাষার শব্দের মধ্যে আওয়াজ মৃত্ বলিয়া অনেক সময় আমাদের কবিদিগকে দায়ে পড্রিয়া অপ্রচলিত সংস্কৃত শব্দ ব্যবহার করিতে হয়।

এইজন্মই আমাদের যাত্রার ও পাঁচালির গানে ঘন ঘন অমুপ্রাস ব্যবহারের প্রথা আছে। সে অমুপ্রাস অনেক সময় অর্থহীন এবং ব্যাকরণবিরুদ্ধ; কিন্তু সাধারণ শ্রোভাদের পক্ষে তাহার প্রয়োজন এত অধিক যে, বাছ-বিচার করিবার সময় পাওয়া যায় না। নিরামিষ তরকারি রাঁধিছে হইলে ঝাল-মসলা বেশী করিয়া দিতে হয়, নহিলে সাদ পাওয়া যায় না। এই মসলা, পুষ্ঠির জন্ম নহে; ইহা কেবলমাত্র রসনাকে তাড়া দিয়া উত্তেজিত করিবার জন্ম। সেইজন্ম দাশরথী রায়ের রামচক্র যখন নিম্নলিধিত রীতিতে অমুপ্রাসচ্ছটা বিস্তার করিয়া বিলাপ করিতে থাকেন—

> "অতি অগণ্য কাজে ছি ছি জবন্থ সাজে বোর অরণ্য মাঝে কত কালিলাম।"

তাহাতে শ্রোতার ফর্দর ক্ষ্ক হইয়। উঠে। আমাদের বন্ধু দীনেশবাবু-কর্তৃক পরম-প্রশংসিত কৃষ্ণকমল গোস্বামী মহাশয়ের গানের মধ্যে নিম্নলিখিত প্রকারের আবর্জ্জনা ঝুড়ি ঝুড়ি চাপিয়া আছে। তাহাতে কাস্থাকেও বাধা দেয় না।

> "পুন: যদি কোনকণে দেখা দেয় কমলেকণে যতনে করে রকণে জানাবি তৎকণে।"

এখানে কমলেক্ষণ এবং রক্ষণ শব্দটাতে এ-কার যোগ করা একেবারেই নিরর্থক ; কিন্তু অনুপ্রাসের বন্যার মুখে অমন কত এ-কার উ-কার স্থানে অস্থানে ভাসিয়া বেড়ায় তাহাতে কাহারো কিছু আসে যুগু না।

একটা কথা মনে রাখিতে হইবে, বাংলা রামায়ণ, মহাভারত, অয়দামক্সল, কবিকল্পণচণ্ডী প্রভৃতি সমস্ত পুরাতন-কাব্য গানের স্তরে কীর্ত্তিত হইত। এই জন্ম শব্দের মধ্যে যাহা কিছু ক্ষীণতা ও ছন্দের মধ্যে যাহা কিছু ক্ষীণতা ও ছন্দের মধ্যে যাহা কিছু কাঁক ছিল সমস্তই গানের স্ত্রের ভরিয়া উঠিত; সঙ্গে সঙ্গে চামর ছলিত, করতাল চলিত এবং মৃদক্ষ বাজিতে থাকিত। সেই সমস্ত বাদ দিয়া যখন আমাদের সাধুসাহিত্য-প্রচলিত ছন্দণ্ডলি পড়িয়া দেখি, তখন দেখিতে পাই একে ত প্রত্যেক কথাটিতে সহস্ত কোঁক নাই, ভাহাতে প্রত্যেক তক্ষরটি একম্বানো বলিয়া গণ্য হইয়াতে। যেমন—

"মহাভারতের কণা অমৃত সমান।"

ইহাতে চোদ্দটি জক্ষরে চোদ্দ মাত্রা। সকল শব্দই মাথায় সমান। বাংলা দেশটি যেমন সমভূমি ভাহার পয়ার ত্রিপদী ছন্দগুলিও সেইরূপ;—কোথাও ওঠানামা করিতে হয় না।

গানের পক্ষে ইহাই স্থবিধা। বাংলার সমতল-ক্ষেত্রে নদীর ধারা

যেমন স্বচ্ছন্দে চারিদিকে শাখায় প্রশাখায় প্রদারিত হইয়াছে, তেমনি সম-মাত্রিক ছন্দে স্থর আপন প্রয়োজন মত যেমন-তেমন করিয়া চলিতে পারে। কথাগুলা মাথা হেঁট করিয়া সম্পূর্ণ তাহার অন্মুগত হইয়া থাকে।

কিন্তু স্থর হইতে বিযুক্ত করিয়া পড়িতে গেলে এই ছন্দগুলি
একেবারে বিধবার মত হইয়া পড়ে। এই জন্ম আজ পর্যন্ত বাংলা
কবিতা পড়িতে হইলে আমরা স্থর করিয়া পড়ি। এমন কি, আমাদের
গঘ্য-আবৃত্তিতেও যথেষ্ট পরিমাণে স্থর লাগে। আমাদের ভাষার
প্রকৃতি অনুসারেই এরূপ ঘটিয়াছে। আমাদের এই অভ্যাসবশত
ইংরেজি পড়িবার সময়েও আমরা স্থর লাগাই; ইংরেজের কানে নিশ্চয়ই
তাহা অদ্ভুত লাগে।

কিন্তু আমাদের প্রত্যেক অক্ষরটিই যে বস্তুত একমাত্রার এ কথা সত্য নহে। যুক্ত বর্ণ এবং অযুক্ত বর্ণ কথনই একমাত্রার হইতে পারে না।

" কাশিরাম দাস কহে শুনে পুণ্যবান।"

"পুণ্যবান" শব্দটি "কাশিরাম" শব্দের সমান ওজনের নহে। কিন্তু আমরা প্রত্যেক বর্ণটিকে স্থর করিয়া টানিয়া টানিয়া পড়ি বলিয়া আমাদের শব্দগুলির মধ্যে এতটা ফাঁকথাকে যে, হাল্কা ও ভারি তুই রকম শব্দই সমমাত্রা অধিকার করিতে পারে। যে সভায় চৌকি পাতিয়া মামুষ বসে, সেখানে প্রত্যেক চৌকির পরিমাপ সমান, সেই চৌকিতে যে মামুষগুলি বসে তাহারা মোটাই হউক, আর রোগাই হউক, সমান জায়গা জোড়ে। কিন্তু ফরাসের উপর গায়ে গায়ে যদি বসিতে হয় তবে ভিন্ন ভিন্ন লোক আপনার দেহের ভিন্ন ভিন্ন পরিমাণমত স্থান দখল করে। আমাদের পয়ার ত্রিপদীতে শব্দগুলি অত্যন্ত সভ্য হইয়া চৌকির উপর বসিয়া গেছে।

Equality, Fraternity প্রভৃতি পদার্থগুলি খুব মূল্যবান বটে কিন্তু সেই জন্মই ঝুটা হইলে তাহা ত্যাজ্য হয়। আমাদের সাধুছদেদ বর্ণগুলির মধ্যে যে সাম্য ও সৌজাত্র্য দেখা যায় তাহা গানের স্থুরে সাঁচচা হইতে পারে কিন্তু আর্ত্তি করিয়া পড়িবার প্রয়োজনে তাহা ঝুটা। এই কথাটা অনেকদিন আমার মনে বাজিয়াছে। কোনো কোনো কবি, ছন্দের এই দীনতা দূর করিবার জন্ম বিশেষ জোর দিবার বেলায় বাংলা শক্ষগুলিকে সংস্কৃতের রীতি অনুযায়ী স্বরের ব্রন্থ দীর্ঘ রাধ্যা ছন্দে বসাইবার চেন্টা করিয়াছেন; ভারতচক্ষে তাহার ছুই একটা নমুনা আছে, যথা :---

মহাক্ত বেশে মহাদেব সাজে।

देवस्थव कविरानत तहनाग्न अक्षण जारनक राज्या गांग, राज्यान :---

স্থলরি রাধে, আওয়ে বনি ব্রজনমণীগণ-মুকুটমণি!

কিন্তু এগুলি বাংলা নয় বলিলেই হয়। ভারতচন্দ্র যেখানে সংস্কৃত ছন্দে লিখিয়াছেন, সেখানে তিনি রাংলা শব্দ যতদূর সম্ভব পরিত্যাগ করিয়াছেন এবং বৈষ্ণব কবিরা যে ভাষা ব্যবহার করিয়াছেন তাহা মৈথিলী ভাষার বিকার।

আমার বড়দাদা মাঝে মাঝে এ কাজ করিয়াছেন, কিন্তু তাহা কৌতুক করিয়া। যথা:—

ইচ্ছা সম্যক ভ্ৰমণ গমনে কিন্তু পাথের নান্তি।

গারে শিক্ষী মন উড় উড় এ কি দৈবেরি শান্তি।

বাংলার এ জিনিদ চলিবে না; কারণ বাংলায় ছ্রন্থনির্ধারের পরিমাণভেদ স্থব্যক্ত নহে। কিন্তু যুক্ত ও অযুক্ত বর্ণের মাত্রাভেদ বাংলাতেও না ঘটিয়া থাকিতে পারে না। এই কথা মনে রাখিয়া বছকাল হইল আমি "মানদী" নামক কাব্যগ্রন্থে বাংলা ছন্দে যুক্ত-বর্ণকে ছুইশাত্রা গণ্য করিয়া ছন্দ রচিবার দৃক্টান্ত দেখাইয়াছি; এখন তাহা প্রচলিত হুইয়াছে।

সংস্কৃতের সঙ্গে বাংলার একটা প্রভেদ এই যে, বাংলার প্রায় সর্বত্রই শব্দের অন্তব্হিত অ-ম্বরবর্ণের উচ্চারণ হয় না। যেমন--ফল, कल, मार्ठ, घाँछे, ठाँप, काँप, वाँपत, ञापत हेजापि। कल भक्त वराउ একমাত্রার কথা। অথচ সাধু বাংল। ভাষার ছন্দে ইহাকে তুই মাত্রা विनया धता रया। अर्थाय कना ववर कन वारना इतन वकरे उक्रात्नत । এইরূপে বাংলা সাধছনে হদন্ত জিনিসটাকে একেবারে ব্যবহারে লাগান হয় না। অথচ জিনিসটা ধ্বনি উৎপাদনের কাজে ভারি मकर्९। इमछ भक्ते। खत्रवर्णत वाधा भाग्न ना विनाम भन्नवर्छी শব্দের ঘাডের উপর পডিয়া তাহাকে ধাকা দেয় ও বাঙ্গাইয়া তোলে। "করিতেছি" শব্দটা ভোঁতা। উহাতে কোনো স্থর বাজে না; কিন্তু "কর্চি" শব্দে একটা স্থর আছে। "যাহা হইবার তাহাই হইবে" এই বাক্যের ধ্বনিটা অত্যন্ত ঢিলা: সেই জগ্য ইহার অর্থের মধ্যেও একটা আলস্ত প্রকাশ পায়। কিন্তু যথন বলা যায় "যা হবার তাই হবে" তখন "হবার" শব্দের হদন্ত-"র" "তাই" শব্দের উপর আছাড় খাইয়া একটা জোর জাগাইয়া তোলে: তথন উহার নাকী স্থুর ঘূচিয়া গিয়া ইহা হইতে একটা "মরিয়া" ভাবের আওয়ান্স বাহির হয়। বাংলার হসন্ত-বৰ্চ্জিত সাধু ভাষাটা বাবুদের আছুরে ছেলেটার মত মোটাসোটা গোলগাল ; চর্বিরর স্তরে তাহার চেহারাট। একেবারে ঢাকা পড়িয়া গেছে, এবং তাহার চিক্কণতা যতই থাক, তাহার জোর অতি অল্লই।

কিন্তু বাংলার অসাধু ভাষাট। খুব জোরালো ভাষা—এবং তাহার চেহারা বলিয়া একটা পদার্থ আছে। আমাদের সাধু ভাষার কাব্যে এই অসাধু ভাষাকে একেবারেই আমল দেওয়া হয় নাই; কিন্তু তাই বলিয়া অসাধু ভাষা যে বাসায় গিয়া মরিয়া আছে তাহা নহে। সে আউলের মুখে, বাউলের মুখে, ভক্ত কবিদের গানে, মেয়েদের ছড়ায় বাংলা দেশের চিত্তটাকে একেবারে শ্রামল করিয়া ছাইয়া রহিয়াছে। কেবল ছাপার কালীর তিলক পরিয়া সে ভদ্র-সাহিত্য-সভারু মোড়লি করিয়া বেড়াইতে পারে না। কিন্তু তাহার কঠে গান থামে নাই, তাহার বাঁশের বাঁশী বাজিতেছেই। সেই সব মেঠো-গানের ঝরণার তলায় বাংলা ভাষার হসন্ত-শব্দগুলা মুড়ির মৃত পরস্পরের উপর পড়িয়া ঠুন্ঠুন্ শব্দ করিতেছে। আমাদের ভদ্র সাহিত্য-পল্লীর গন্তীর দীঘিটার স্থির জলে সেই শব্দ নাই;—সেখানে হসন্তর ঝকার বন্ধ।

আমার শেষ বয়সের কাব্য রচনায় আমি বাংলার এই চলতি ভাষার স্থরটাকে ব্যবহারে লাগাইবার চেষ্টা করিয়াছি। কেননা দেখিয়াছি চলতি ভাষাটাই ক্রোতের জলের ,মত চলে—তাহার নিজের একটি কলধ্বনি আছে। "গীভাঞ্জলি" হইতে আপনি আমার যে লাইনগুলি তুলিয়া দিয়াছেন তাহা আমাদের চল্তি ভাষার হসন্ত স্থরের লাইন।

আমার্ সকল্ কাঁটা ধয় করে
ফুট্বেগো ফুল্ ফুট্বে।
আমার্ সকল্ ব্যথা রঙীন্ হয়ে
: গোলাপ্ হয়ে উঠ্বে।

স্থাপনি লক্ষ্য করিয়া দেখিবেন এই ছন্দের প্রত্যেক গাঁঠে গাঁঠে একটি করিয়া হসন্তের ভঙ্গী আহছে। "ধত্য" শব্দটার মধ্যেও একটা হসন্ত আছে। উহা "ধন্ন" এই বানানে লেখা যাইতে.পারে। এইটে সাধুভাষার ছন্দে লিখিলাম—

> যত কাঁটা মম সফল করিয়া ফুটিবে কুস্থম ফুটিবে। সঞ্চল বেদনা অরুণ বরণে গোলাপ হইয়া উঠিবে।

অথবা যুক্ত বর্ণকে যদি একমাত্রা বলিয়া ধরা যায় তবে এমন হইতে পারে—

> ুদুকল কণ্টক সার্থক করিয়া কুস্কুম স্তবক কুটিবে। বেদনা যন্ত্রণা রক্তমূর্ত্তি ধরি গোলাপ ইইয়া উঠিবে।

এমনি করিয়া সাধুভাষার কাব্যসভায় যুক্তবর্ণের মৃদক্ষটা ,আমরা
ফুটা করিয়া দিয়াছি এবং হসন্তর বাঁশীর ফাঁকগুলি শিষা দিয়া ভর্তি
করিয়াছি। ভাষার নিজের অন্তরের স্বাভাবিক স্থরটাকে রুদ্ধ করিয়া
দিয়া বাহির হইতে স্থর যোজনা করিতে হইয়াছে। সংস্কৃত ভাষার
জরি-জহরতের ঝালরওয়ালা দেড় হাত ছই হাত যোমটার আড়ালে
আমাদের ভাষাবধ্টির চোখের জল মুখের হাসি সমস্ত ঢাকা পড়িয়া
গেছে, তাহার কালো চোখের কটাক্ষে যে কত তীক্ষতা তাহা আমরা
ভূলিয়া গেছি। আমি তাহার সেই সংস্কৃত ঘোমটা খুলিয়া দিবার
কিছু সাধনা করিয়াছি, তাহাতে সাধুলোকেরা ছি ছি করিয়াছে। সাধু
লোকেরা জরির আঁচলাটা দেখিয়া তাহার দর যাচাই করুক; আমার
কাছে চোখের চাহনিটুকুর দর তাহার চেয়ে অনেক বেশি; সে যে
বিনামুল্যের ধন, সে ভট্টাচার্য্যপাড়ার হাটে বাজারে মেলে না। * * * *

১৯রবীক্রনাথ ঠাকুর।

আমরা চলি সমুখ পানে

আমরা চলি সমুখ পানে,
কে আমাদের বাঁধবে ?
বৈল যারা পিছুর টানে
কাঁদবে তারা কাঁদবে।
ছিঁড়ব বাধা রক্ত পায়ে,
চলব ছুটে রোদ্রে ছায়ে,
জড়িয়ে ওরা আপন গায়ে
কেবলি ফাঁদ ফাঁদবে।
কাঁদবে ওরা কাঁদবে।

কন্ত মোদের হাঁক দিয়েছে
বাজিয়ে আপন তুর্য।
মাথার পরে ডাক্ দিয়েছে
মধ্যদিনের সূর্যা।
মন ছড়াল আকাশ ব্যেপে,
আলোর নেশায় গেছি ক্ষেপে,
ডক্স ওদের ধাঁধবে।
কাঁদবে ওরা কাঁদবে।

সাগর গিরি করবরে জয় ংযাব তাদের লজ্যি'। একলা পথে করিনে ভয় সঙ্গে ফেরেন সঙ্গী। আপন ঘোরে আপ্নি মেতে আছে ওরা গণ্ডি পেতে, ঘর ছেড়ে আঙিনায় যেতে বাধবে ওদের বাধবে। কাঁদবে ওরা কাঁদবে।

জাগবে ঈশান, বাজ্বে বিষাণ পুড়বে সকল বন্ধ। উড়বে হাওয়ায় বিজয় নিশান যুচবে দ্বিধাদ্বন্দ । মৃত্যুসাগর মথন করে অমৃতরস আনব হরে'. ওরা জীবন আঁকড়ে ধরে মরণ-সাধন সাধবে। काँमरव खत्रा काँमरव।

শ্রীরবীন্দ্রনাথ ঠাকুর।

रिशस्त्री

'কন্মার বাপ সবুর করিতে পারিতেন কিন্তু বরের বাপ সবুর করিতে চাহিলেন না। তিনি দেখিলেন মেয়েটির বিবাহের বয়স পার হইয়া গেছে, কিন্তু আর কিছুদিন গেলে সেটাকে ভদ্র বা অভদ্র কোনো রকমে চাপা দিবার সময়টাও পার হইয়া যাইবে। মেয়ের বয়স সাবৈধ রকমে বাড়িয়া গেছে বটে কিন্তু পণের টাকার আপেক্ষিক গুরুত্ব এখনো তাহার চেয়ে কিঞ্চিৎ উপরে আছে সেই হত্তুই তাড়া।

আমি ছিলাম বর। স্কুতরাং বিবাহ সম্বন্ধে আমার মত যাচাই করা অনাবশুক ছিল। আমার কাজ আমি করিয়াছি; এফ,এ, পাশ করিয়া বৃত্তি পাইয়াছি। তাই প্রজাপতির ছুই পক্ষ, কত্যাপক্ষ ও বরপক্ষ ঘন ঘন বিচলিত হইয়া উঠিল।

আমাদের দেশে যে-মাতুষ একবার বিবাহ করিয়াছে বিবাহ সম্বন্ধে তাহার মনে আর কোনো উদ্বেগ থাকে না। নর-মাংসের স্বাদ পাইলে মাতুষের সম্বন্ধে বাঘের যে দশা হয়, দ্রীর সম্বন্ধে তাহার ভাবটা সেইরূপ হইয়া উঠে। অবস্থা যেমনি ও বয়স ষতই হউক দ্রীর অভাব ঘটিবামাত্র তাহা পূরণ করিয়া লইতে তাহার কোনো দ্বিধা থাকে না। যত দ্বিধা ও চুশ্চিন্তা, সে দেখি আমাদের নবীন ছাত্রদের। বিবাহের পোনঃপুনিক প্রস্তাবে তাহাদের পিতৃপক্ষের পাকা চুল কলপের আশীর্কাদে পুনঃপুনঃ কাঁচা হইয়া উঠে আর প্রথম ঘটকালির আঁচেই ইহাদের কাঁচা চুল ভাবনায় একরাত্রে পাকিবার উপক্রম হয়।

স্ভ্য বলিভেছি আমার মনে এমন বিষম উদ্বেগ জন্মে নাই। বরঞ্চ

বিবাহের কথার আমার মনের মধ্যে যেন দক্ষিণে হাওয়া দিতে লাগিল। কোতৃহলী কল্পনার কিশলয়গুলির মধ্যে একটা যেন কানাকানি পড়িয়া গেল। যাহাকে বার্কের ফ্রেঞ্চ রেভোল্যাশনের নোট পাঁচ সাত খাতা মুখত্ব করিতে হইবে তাহার পক্ষে এ ভাবটা দোষের। আমার এ লেখা যদি টেক্স্ট্বুক্ কমিটির অমুমোদিত তবে সাবধান হইতাম।

কিন্তু এ কি করিতেছি ? এ কি একটা গল্প যে উপত্যাস লিখিতে বসিলাম ? এমন হুরে আমার লেখা হুরু হইবে এ আমি কি জানিতাু মুক্ত মনে ছিল কয় বৎসরের বেদনার যে দেঘ কারো। ইইয়া জমিয়া উঠিয়াছে ভাহাকে বৈশাখসন্ধ্যার ঝোড়ো রপ্তির মাজ্য এবল বর্দণে নিঃশেষ করিয়া দিব। কিন্তু না পারিলাম ঝাংলায় শিশুপাঠ্য বই লিখিতে, কারণ সংস্কৃত মুগ্ধবোধ ব্যাকরণ আমার পড়া নাই; আর না পারিলাম কাব্য রচনা করিতে, কারণ, মাতৃভাষা আমার জীবনের মধ্যে এমন পুলিও হইয়া উঠে নাই য়াহাতে নিজের অন্তরকে বাহিরে টানিয়া আনিতে পারি। সেই জন্তই দেখিতেছি আমার ভিতরকার শাশানচারী সন্তাসীটা অট্টহান্তে আপনাকে আপনি পরিহাস করিতে বসিয়াছে। না করিয়া করিবে কি ? ভাহার যে অশ্রুদ শুকাইয়া গেছে। ক্যৈতের্গর খররের দ্রুহ ত ক্যৈতের অশ্রুদ্যাত রোদন।

আমার সক্ষে যাহার বিবাহ হইয়াছিল তাহার সত্য নামট। দিব না।
কারণ পৃথিবীর ইতিহাসে তাহার নামটি লইয়া প্রত্নতান্তিকদের মধ্যে
বিবাদের কোনো আশক্ষা নাই। যে তাত্রশাসনে তাহার নাম খোদাই
করা আছে সেটা আমার হৃদয়পট। কোনোকালে সে পট এবং সে
নাম বিলুপ্ত হইবে এমন কথা আমি মনে করিতে পারি না। কিন্তু

থে অমূতলোকে তাঁহ। অক্ষয় হইয়া রহিল দেখানে ঐতিহাসিকের আনাগোনা নাই।

আমার এ লেখার তাহার বেমন হউক একটা নাম চাই। আছো, তাহার নাম দিলাম শিশির। কেননা, শিশিরে কান্নাহাসি একেবারে এক হইয়া আছে,—সার শিশিরে ভোরবেলাটুকুর কথা সকাল বেলায় আসিয়া ফুরাইয়া যায়।

শিশির আমার চেয়ে কেবল ছই বছরের ছোট ছিল। অথচ আমার পিতা যে গোরীদানের পক্ষপাতী ছিলেন না তাহা নহে। তাঁহার পিতা ছিলেন উগ্রভাবে সমাজবিদ্রোহী—দেশের প্রচলিত ধর্ম্কুর্ম কিছুতে তাঁহার আত্ম ছিল না; তিনি ক্ষিয়া ইংরাজি পড়িয়াছিলেন। আমার পিতা উগ্রভাবে সমাজের অনুগামী; মানিতে তাঁহার বাধে এমন জিনিষ আমাদের সমাজে সদরে বা অন্দরে, দেউড়ি বা খিড়কির পথে খুঁজিয়া পাওয়া দায়, কারণ ইনিও ক্ষিয়া ইংরাজি পড়িয়াছিলেন। পিতামহ এবং পিতা উভয়েরই মতামত বিদ্রোহের ছই বিভিন্ন মূর্ত্তি। কোনোটাই সরল স্মাজবিক নহে। তবুও বড় বয়সের মেয়ের সঙ্গে বাবা যে আমার বিবাহ দিলেন তাহার কারণ মেয়ের বয়স বড় বলিয়াই পণের অক্ষটাও বড়। শিশির আমার শৃশুরের একমাত্র মেয়ে। বাবার বিশাস ছিল ক্যার পিতার সমস্ত টাকা ভাবী জামাতার ভবিষ্যতের গর্ভ পূরণ করিয়া তুলিতেছে।

আমার শশুরের বিশেষ কোনো একটা মতের বালাই ছিল না। তিনি পশ্চিমের এক পাহাড়ের কোনো রাঙ্গার অধীনে বড় কাজ করিতেন। শিশির যখন কোলে তখন তাহার মার মৃত্যু হয়। মেয়ে বংসর অধ্যে এক এক বছর করিয়া বড় হইতেছে তাহা আমার শশুতরের চোখেই পড়ে নাই। সেখানে তাঁহার সমাজের লোক এমন কেহই ছিল না, যে তাঁহাকে চোখে আঙ্ল দিয়া দেখাইয়া দিবে।

শিশিরের বয়স যথাসময়ে ষোলো হইল; কিন্তু সেটা স্বভাবের যোলো সমাজের যোলো নহে। কেহ তাহাকে আপন বয়সের জন্ম সতর্ক হইতে পরামর্শ দেয় নাই সেও আপন বয়সটার দিকে ফিরিয়াও তাকাইত না।

কলেকে তৃতীয় বৎসরে পা দিয়াছি, আমার বর্ষ উনিশ,—এমন সমর আমার বিবাহ হইল। ব্য়সটা সমাজের মতে বা সমাজসংস্থারকের মতে উপযুক্ত কি না তাহা লইয়া তাহারা ছুই পক্ষ লড়াই করিয়া রক্তারক্তি করিয়া মক্রক কিন্তু আমি বলিতেছি সে ব্য়সটা পরীক্ষা পাস করিবার পক্ষে যত ভালো হউক, বিবাহের সম্বন্ধ আসিবার পক্ষে কিছুমাত্র কম ভালো নয়।

বিবাহের অরুণোদয় হইল একখানি ফোটোগ্রাফের আভাসে।
পড়া মুখস্থ করিতেছিলাম। একজন ঠাটার সম্পর্কের আত্মীয়া আমার
টেবিলের উপরে শিশিরের ছবিখানি রাখিয়া বলিলেন, এইবার
সন্ত্যিকার পড়া পড়—একেবারে ঘাড়মোড় ভাঙিয়া!

কোনো একজন আনাড়ি কারিগরের ভোলা ছবি। মা ছিল না, ত্বতরাং কেহ তাহার চুল টানিয়া বাঁধিয়া, খোঁপায় জরি জড়াইয়া, সাহা বা মল্লিক কম্পানির জবড়জল জ্যাকেট পরাইয়া বরপক্ষের চোখ ভুলাইবার জল্য জালিয়াতির চেষ্টা করে নাই। ভারি একখানি সাদাসিধা মুখ, সাদাসিধা ছুটি চোখ, এবং সাদাসিধা একটি সাড়ি। কিন্তু সমন্তটি লইয়া কি যে মহিমা সে আমি বলিতে পারি না! যেমন-ভেমন একখানি চৌকিতে বসিয়া, পিছনে একখানা ডোরা দাগকাটা

শতরঞ্চ ঝোলানো, পাশে একটা টিপাইয়ের উপরে ফুলদানিতে ফুলের ভোড়া; আর গালিচার উপরে সাড়ির বাঁক। পাড়টির নীচে ছখানি খালি পা।

• পটের ছবিটির উপর আমার মনের সোনার কাঠি লাগিতেই সে আমার জীবনের মধ্যে জাগিয়া উঠিল। সেই কালো ছটি চোখ আমার সমস্ত ভাবনার মাঝখানে কেমন করিয়া চাহিয়া রহিল। আর সেই বাঁকা পাড়ের নীচেকার ছখানি খালি পা আমার হৃদয়কে আপন পল্লাসন করিয়া লাইল।

পঞ্জিকার পাতা উল্টাইতে থাকিল—ছুটা তিনটা বিবাহের লগ্ন পিছাইয়া যায় শশুনের ছুটি আর মেলে না। ওদিকে সামনে একটা অকাল চার পাঁচটা মাস জুড়িয়া আমার আইবড় বয়সের সীমানাটাকে উনিশ বছর হইতে অনর্থক বিশ বছরের দিকে ঠেলিয়া দিবার চক্রান্ত করিতেছে। শশুরের এবং তাঁহার মনিবের উপর রাগ হইতে লাগিল।

যা হউক, অকালের ঠিক পূর্ব্ব লগ্নটাতে আসিয়া বিবাহের দিন ঠেকিল। সেদিনকার সানাইয়ের প্রত্যেক তানটি যে আমার মনে পড়িতেছে। সেদিনকার প্রত্যেক মুহূর্স্তটিকে আমি আমার সমস্ত চৈতন্ত দিয়া স্পার্শ করিয়াছি;—আমার সেই উনিশ বছরের বয়সটি আমার জীবনে অক্ষয় হইয়া থাক্!

বিবাহ-সভায় চারিদিকে হটুগোল-—তাহারি মাঝখানে কন্যার কোমল হাতথানি আমার হাতের উপর পড়িল। এমন আশ্চর্যা আর কি আছে! আমার মন বারবার করিয়া বলিতে লাগিল, আমি পাইলাম, আমি ইহাকে পাইলাম। কাহাকে পাইলাম ? এ যে ফুর্লভ, এ যে মানবী, ইহার রহস্তের কি অন্ত আছে ? আমার শশুরের নাম গৌরীশঙ্কর। যে হিমালয়ে বাস করিতেন সেই হিমালয়ের তিনি যেন মিতা। তাঁহার গান্তীর্য্যের শিখরদেশে একটি স্থির হাস্থান্ত হইয়া ছিল। আর তাঁহার হৃদয়ের ভিতরটিতে স্নেহের যে একটি প্রস্রাবণ ছিল তাহার সন্ধান যাহারা জানিত তাহার। তাঁহাকে ছাড়িতে চাহিত না।

কর্মক্ষেত্রে ফিরিবার পূর্বের আমার খণ্ডর আমাকে ডাকিয়া বলিলেন—বাবা আমার মেয়েটিকে আমি সতেরো বছর ধরিয়া জানি, আর তোমাকে এই ক'টি দিন মাত্র জানিলাম, তবু তোমার হাতেই ও রহিল। য়ে প্রন দিলাম তাহার মূল্য যেন বুঝিতে পার ইহার বেশি আশীর্বাদ আর নাই।

তাঁহার বেহাই বেহান সকলেই তাঁহাকে বারবার করিয়া আব্দাস দিয়া বলিলেন, বেহাই মনে কোনো চিন্তা রাখিয়ো না। তোমার মেয়েটি যেমন বাপকে ছাড়িয়া আসিয়াছে এখানে তেমনি বাপ মা উভয়কেই পাইল।

তারার পরে শশুরমশার মেয়ের কাছে বিদায় লইবার বেলা হাসিলেন, বলিলেন, বুড়ি চলিলাম। তোর একখানি মাত্র এই বাপ, আজ হইতে ইহার যদি কিছু খোওয়া যায় বা চুরি যায় বা নফ্ট হয় আমি ভাহার জন্ম দায়ী নই।

মেয়ে বলিল, তাই বই কি ় কোথাও একটু যদি লোকসান হয় ভোমাকে তার ক্ষতি পুরণ করিতে হইবে।

স্বলেষে নিত্য তাঁহার যে সব বিষয়ে বিভাট ঘটে বাপকে সে সম্বল্পে সে বারবার সতর্ক করিয়া দিল। আহার সম্বল্ধে আমার খণ্ডরের বংগিউ সংযম ছিল না: গুটিক্সেক অপথ্য ছিল তাহার প্রতি তাঁহার বিশেষ আদক্তি; বাপকে সেই সমস্ত প্রলোভন হইতে যথাসম্ভব ঠেকাইয়া রাখা মেয়ের এক কাজ ছিল। তাই আজ সে বাপের হাত ধরিয়া উদ্বেগের সহিত বলিল—বাবা তুমি আমার কথা রেখো—রাখবে ? ' বাবা হাসিয়া কহিলেন, মানুষ পণ করে পণ ভাঙিয়া ফেলিয়া হাঁফ ছাড়িবার জন্ম। অতএব কথা না দেওয়াই সব চেয়ে নিরাপদ।

তাহার পরে বাপ চলিয়া আসিলে ঘরে কপাট পড়িল। তাহার পরে কি হইল কেহ জানে না।

বাপ ও মেয়ের অশ্রুহীন বিদায়ব্যাপার পাশের ঘর হইতে কৌতূহলী অন্তঃপুরিকার দল দেখিল ও শুনিল। অবাক্ ক্লাণ্ড! খোট্টার দেশে থাকিয়া খোট্টা হইয়া গেছে! মায়া মমতা একেবারে নাই!

আমার খশুরের বন্ধু বনমালীবাবুই আমাদের বিবাহের ঘট্কালি করিয়াছিলেন। তিনি আমাদের পরিবারেরও পরিচিত। তিনি আমার খশুরকে বলিয়াছিলেন—সংসারে তোমার ত ঐ এবটি মেয়ে। এখন ইহাদেরি পাশে বাড়ি লইয়া এইখানেই জীবনটা কাটাও!

তিনি বলিলেল, যাথা দিলাম তাথা উজাড় করিয়াই দিলাম। এখন ফিরিয়া তাকাইতে গেলে চুঃখ পাইতে হইবে। অধিকার ছাড়িয়া দিয়া অধিকার রাখিতে যাইবার মত এমন বিড়ম্বনা আর নাই।

সব শেষে আমাকে নিভূতে লইয়া গিয়া অপরাধীর মত সসক্ষোচে বলিলেন—আমার মেয়েটির বই পড়িবার সখ, এবং লোকজনকে খাওয়াইতে ও বড় ভালবাসে। এজন্ম বেহাইকে বিরক্ত করিতে ইচ্ছা করি না। আমি মাঝে মাঝে তোমাকে টাকা পাঠাইব। তোমার বাবা জানিতে পারিলে কি রাগ করিবেন ?

প্রশ্ন শুনিয়া কিছু আশ্চর্যা হইলাম। সংসারে কোনো একটা দিক

হইতে অর্থ সমাগম হইলে বাবা রাগ করিবেন তাঁহার মেজাজ এত খারাপ ত দেখি নাই।.

যেন ঘূষ দিতেছেন এমনি ভাবে আমার হাতে একথানা একশো টাকার নোট গুঁজিয়া দিয়াই আমার খশুর ক্রত প্রস্থান করিলেন; আমার প্রণাম লইবার জন্ম সবুর করিলেন না। পিছন হইতে দেখিতে পাইলাম এইবার পকেট হইতে ক্রমাল বাহির হইল।

আমি স্তব্ধ হইয়া বসিয়া ভাবিতে লাগিলাম। মনে বুঝিলাম, ইহারা অন্য জাতের মানুষ।

বন্ধুদের অনেককেই ত বিবাহ করিতে দেখিলাম। মন্ত্র পড়ার সঙ্গেস সঙ্গেই স্ত্রীটিকে একেবারে একগ্রাসে গলাধঃকরণ করা হয়। পাকযন্ত্রে পৌছিয়া কিছুক্ষণ বাদে এই পদার্থটির নানা গুণাগুণ প্রকাশ হইতে পারে এবং ক্ষণে ক্ষণে আভ্যন্তরিক উদ্বেগ উপস্থিত হইয়াও থাকে, কিন্তু রাস্তাটুকুতে কোথাও কিছুমাত্র বাধে না। আমি কিন্তু বিবাহ-সভাতেই ব্ঝিয়াছিলাম দানের মন্ত্রে স্ত্রীকে যেটুকু পাওয়া যায় তাহাতে সংসার চলে কিন্তু পনেরো আনা বাকি থাকিয়া যায়। আমার সন্দেহ হয় অধিকাংশ লোকে স্ত্রীকে বিবাহমাত্র করে, পায় না, এবং জানেও না যে পায় নাই; তাহাদের স্ত্রীর কাছেও আয়ৃত্যুকাল এ খবর ধরা পড়ে না। কিন্তু সে যে আমার সাধনার ধন ছিল—সে আমার সম্পত্তি নয়, সে আমার সম্পাদ।

শিশির—না, এ নামটা আর ব্যবহার করা চলিল না। একে ত এটা তাহার নাম নয় তাহাতে এটা তাহার পরিচয়ও নহে। সে সূর্য্যের মত ধ্রুব—সে ক্ষণজ্জীবিনী উষার বিদায়ের অশ্রুবিন্দুটি নয়। কি হুইবে গোপন রাখিয়া—তাহার আগল নাম হৈমন্ত্রী। দেখিলাম এই সঠেরো বছরের মেয়েটির উপরে যৌবনের সমস্ত আলো আসিয়া পড়িয়াছে কিন্তু এখনো কৈশোন্তের কোল হইতে সে জাগিয়া উঠে নাই। ঠিক যেন শৈলচ্ড়ার বরফের উপর সকালের আলো ঠিকরিয়া পড়িয়াছে কিন্তু বরফ এখনো গলিল না। আমি জানি, কি অকলক্ষ শুভ্র সে, কি নিবিড় পবিত্র!

আমার মনে একটা ভাবনা ছিল যে, লেখাপড়া-জানা বড় মেয়ে, কি জানি কেমন করিয়া তাহার মন পাইতে হইবে! কিন্তু অতি অল্প দিনেই দেখিলাম মনের রাস্তার সঙ্গে বইয়ের দোকানের রাস্তার কোনো জায়গায় কোনো কাটাকাটি নাই। কবেও যে তাহার শাদা মনটির উপরে একটু রং ধরিল, চোখে একটু ঘোর লাগিল, কবে যে তাহার সমস্ত শরীর মন যেন উৎস্কুক হইয়া উঠিল তাহা ঠিক করিয়া বলিতে পারিব না।

এ ত গেল একদিকের কথা—আবার অন্তদিকও আছে—সেটা বিস্তারিত বলিবার সময় আসিয়াছে।

রাজসংসারে আমার শশুরের চাক্রি,—ব্যাকে যে তাঁহার কেত টাকা জমিল সে সম্বন্ধে জনশ্রুতি নানা প্রকার অঙ্কপাত করিয়াছে কিন্তু কোনো অঙ্কটাই লাখের নীচে নামে নাই। ইহার ফল হইয়াছিল এই যে, তাহার পিতার দর যেমন যেমন বাড়িল, হৈমর আদরও তেমনি বাড়িতে থাকিল। আমাদের ঘরের কাজকর্ম্ম রীতিপদ্ধতি শিখিয়া লইবার জন্ম সে ব্যগ্র, কিন্তু মা তাহাকে অত্যন্ত স্নেহে কিছুতেই হাত দিতে দিলেন না। এমন কি হৈমর সঙ্গে পাহাড় হইতে যে দাসী আসিয়াছিল যদিও তাহাকে নিজেদের ঘরে চুকিতে দিতেন না, তবু তাহার জাত সম্বন্ধে প্রশ্নমান্ত করিলেন না, পাছে বিশ্রী একটা উত্তর শুনিতে হর। এমনিভাবেই দিন চলিয়া যাইতে পারিত কিন্তু হঠাৎ একদিন রাবার
মুখ ঘোর অন্ধকার দ্বেখা গেল। ব্যাপারখানা এই—আমার বিবাহে
আমার শশুর পনেরো হাজার টাকা নগদ এবং পাঁচ হাজার টাকার
গহনা দিয়াছিলেন। বাবা তাঁহার এক দালাল বন্ধুর কাছে খবর
পাইয়াছেন, ইহার মধ্যে পনেরো হাজার টাকাই ধার করিয়া সংগ্রহ
করিতে হইয়াছে—তাহার ফুদও নিতান্ত সামান্য নহে। লাখটাকার
গুজব ত একেবারেই ফাঁকি!

যদিও আমার শ্বশুরের সম্পত্তির পরিমাণসম্বন্ধে আমার বাবার সম্পে তাঁহার কোনোদিন কোনো আলোচনাই হয় নাই তবু বাবা জানি না কোন্ যুক্তিতে ঠিক করিলেন তাঁহার বেহাই তাঁহাকে ইচছা-পূর্বক প্রবঞ্চনা করিয়াছেন।

তার পরে বাবার একটা ধারণা ছিল আমার খণ্ডর রাজার প্রধান মন্ত্রীগোছের একটা কিছু। খবর লইয়া জানিলেন, তিনি সেখানকার শিক্ষাবিভাগের অধ্যক্ষ। বাবা বলিলেন, অর্থাৎ ইন্ধুলের হেডমান্টার; ——সংসারে ভদ্র পদ যতগুলো আছে তাহার মধ্যে সব চেয়ে ওঁচা! বাবার বড় আশা ছিল খণ্ডর আজ বাদে কাল যখন কাজে অবসর লইবেন তখন আমিই রাজমন্ত্রী হইব।

এমন সময়ে রাস উপলক্ষ্যে দেশের কুটুম্বরা আমাদের কলিকাতার বাড়িতে আসিয়া জনা হইলেন। ক্যাকে দেখিয়া ভাঁহাদের মধ্যে একটা কানাকানি পড়িয়া গেল। কানাকানি ক্রমে অক্ষুট হইতে ক্ষুট হইয়া উঠিল। দূরসম্পর্কের কোনো এক দিদিমা বলিয়া উঠিলেন, পোড়া কপাল আমার! নাতবো যে বয়সে আমাকেও হার মানাইল। আর এক দিদিমাশ্রেণীয়া বলিলেন, আমাদেরই মাদি হার না মানাইবে তবে অপু বাহির হইতে বউ আনিতে ফাইবে কেন ?

আমার মা থুব জোরের সঙ্গে বলিয়া উঠিলেন,—ওমা, সে কি কথা ! বোমার বয়স সবে এগারো বই ত নয়, এই আস্চে কান্তনে বারোয় পা দিবে। খোট্টার দেশে ডালরুটি খাইয়া মানুষ, তাই অমন বাডস্ত হইয়া উঠিয়াছে।

দিদিমারা বলিলেন, বাছা, এখনো চোখে এত কম ত দেখি না! কল্যাপক নিশ্চয় তোমাদের কাছে বয়স ভাঁড়াইয়াছে!

मा विलालन, जामता त्य कुछि एम थिलाम।

কথাটা সত্য। কিন্তু কোষ্ঠীতেই প্রমাণ আছে মেয়ের বয়স সতেরো।

প্রবীণারা বলিলেন, কুষ্ঠিতে কি আর ফাঁকি চলে না ? এই লইয়া ঘোর তর্ক, এমন কি, বিবাদ হইয়া গেল।

এমন সময়ে সেখানে হৈম আসিয়া উপস্থিত। কোনো এক দিদিমা জিজ্ঞাসা করিলেন, নাতবো তোমার বয়স কত বল ত।

মা তাহাকে চোখ টিপিয়া ইসারা করিলেন। হৈম তাহার অর্থ বুঝিল না, বলিল, সভেরো।

মা ব্যস্ত হইয়া বলিয়া উঠিলেন, তুমি জান না। হৈম কহিল, আমি জানি আমার বয়স সতেরো।

দিদিমারা পরস্পার গা-টেপাটেপি করিলেন।

বধ্র নির্ব্যন্ধিতায় রাগিয়া উঠিয়া মা বলিলেন, তুমি ত সব জান ! দ তোমার বাবা যে বলিলেন তোমার বয়স এগারো।

হৈম চুণকিয়া কহিল, বাৰ্বা বলিয়াছেন ? কখনো না!

মা কহিলেন, অবাক্ করিল! বেহাই আমার সামনে নিজের মুখে বলিলেন, আর মেয়ে বলে কথনো না!—এই বলিয়া আর একবার চোধ টিপিলেন।

এবার হৈম ইসারার মানে বুঝিল। স্বর আরো দৃঢ় কশ্বিয়া বলিল—বাবা এমন কথা কথনই বলিতে পারেন না।

মা গলা চড়াইয়া বলিলেন, তুই আমাকে মিথ্যাবাদী বলিতে চাস ? হৈম বলিল, আমার বাবা ত কখনোই মিথ্যা বলেন না।

ইহার পরে মা যতই গালি দিতে লাগিলেন কথাটার কালী ততই গড়াইয়া ছড়াইয়া চারিদিকে লেপিয়া গেল।

মা রাগ করিয়া বাবার কাছে তাঁহার বধ্র মূঢ়তা এবং ততােধিক একগুঁয়েমির কথা বলিয়া দিলেন। বাবা হৈমকে ডাকিয়া বলিলেন, আইবড় মেয়ের বয়স সভেরো এটা কি খুব একটা গোরবের কথা তাই ঢাক পিটিয়া বেড়াইতে হইবে ? আমাদের এখানে এ সব চলিবে না বলিয়া রাখিতেছি।

হায়রে তাঁহার বউমার প্রতি বাবার সেই মধুমাখা পঞ্চম হার আজ একেবারে এমন বাজধাঁই খাদে নাবিল কেমন করিয়া ?

হৈম ব্যথিত হইয়া প্রাণ্ন করিল, কেহ যদি বয়স জিজ্ঞাসা করে কি বলিব 📍

বাবা বলিলেন, মিথ্যা বলিবার দরকার নাই, তুমি বলিয়ে। আমি জানি না, আমার শাশুড়ি জানেন।

কেমন করিয়া মিথ্যা বলিতে না হয় সেই উপদেশ শুনিয়া হৈম ,এমনভাবে চুপ করিয়া রহিল যে বাবা বুঝিলেন তাঁহার সদ্পদেশটা একেবারে বাজে খরচ হইল। হৈমর তুর্গতিতে তুঃখ করিব কি, তাহার কাছে আমার মাথা হেঁট হইয়া গেল। সে দিন দেখিলাম শরৎ-প্রভাতের আকাশের মত তাহার চোখের সেই সরল উদার দৃষ্টি একটা কি সংশয়ে মান হইয়া গেছে। ভীত হরিণীর মত সে আমার মুখের দিকে চাহিল। ভাবিল, আমি ইহাদিগকে চিনি না।

সে দিন একখানা সৌখীন বাঁধাই-করা ইংরাজি কবিতার বই তাহার জন্ম কিনিয়া আনিয়াছিলাম। বইখানি সে হাতে করিয়া লইল এবং আস্তে আস্তে কোলের উপর রাখিয়া দিল, একবার খুলিয়া দেখিল না।

আমি তাহার হাতথানি তুলিয়া ধরিয়া বলিলাম, হৈম, আমার উপর রাগ করিয়োনা। আমি তোমার সত্যে কখনো আঘাত করিব না. আমি যে তোমার সত্যের বাঁধনে বাঁধা।

হৈম কিছু না বলিয়া একটুখানি হাসিল। সে হাসি বিধাতা যাহাকে দিয়াছেন তাহার কোনো কথা বলিবার দরকার নাই।

পিতার আর্থিক উন্নতির পর হইতে দেবতার অনুগ্রহকে স্থায়ী করিবার জন্ম নৃতন উৎসাহে আমাদের বাড়িতে পূজার্কনা চলিতেছে। এ পর্যান্ত সে সমস্ত ক্রিয়াকর্ম্মে বাড়ির বধ্কে ডাক পড়ে নাই। নৃতন বধ্র প্রতি একদিন পূজা সাজাইবার আদেশ হইল—সে বলিল, মা, বলিয়া দাও কি করিতে হইবে ?

ইহাতে কাহারো মাথায় আকাশ ভাঙিয়া পড়িবার কথা নয় কারণ সকলেরই জানা ছিল মাতৃহীন প্রবাসে কন্মা মাতুষ। কিন্তু কেবলমাত্র হৈমকে লভ্জিত করাই এই আদেশের হেতু। সকলেই গালে হাত দিয়া বলিল, ওমা, এ কি কাগু! এ কোন্ নাস্তিকের ঘরের মেয়ে! এবার এ সংসার হইতে লক্ষ্মী ছাড়িল, আর দেরি নাই। এই উপলক্ষ্যে হৈমর বাপের উদ্দেশে যাহা-না-বৈলিবার তাহা বলা হইল। যখন হইতে কটুকথার হাওয়া দিয়াছে হৈম একেবারে চুপ করিয়া সমস্ত সহু করিয়াছে। একদিনের জন্ম কাহারও সামনে সে চোখের জলও ফেলে নাই। আজ তাহার বড় বড় ছুই চোখ ভাসাইয়া দিয়া জল পড়িতে লাগিল। সে উঠিয়া দাঁড়াইয়া বলিল, আপনারা জানেন সে দেশে আমার বাবাকে সকলে ঋষি বলে ?

ঋষি বলে ! ভারি একটা হাসি পড়িয়া গেল। ইহার পরে তাহার পিতার উল্লেখ করিতে হইলে প্রায়ই বলা হইড, তোমার ঋষিবাবা ! এই মেয়েটির সকলের চেয়ে দরদের জায়গাটি যে কোথায় তাহা জামাদের সংসার বুঝিয়া লইয়াছিল।

বস্তুত আমার শশুর ব্রাক্ষণ্ড নন্, খৃষ্টানণ্ড নন্, হয় ত বা নাস্তিক্ষণ্ড না হইবেন। দেবার্চ্চনার কথা কোনোদিন তিনি চিন্তাণ্ড করেন নাই। মেয়েকে তিনি অনেক পড়াইয়াছেন শুনাইয়াছেন কিন্তু কোনোদিনের জন্ম দেবতাসম্বন্ধে তিনি তাহাকে কোনো উপদেশ দেন নাই। বনমালী বাবু এ লইয়া তাঁহাকে একবার প্রশ্ন করিয়াছিলেন। তিনি বলিয়াছিলেন, আমি যাহা বুঝি না তাহা শিখাইতে গেলে কেবল কপটতা শেখানো হইবে।

অন্তঃপুরে হৈমর একটি প্রকৃত ভক্ত ছিল—সে আমার ছোট বোন নারাণী। বৌদিদিকে ভালবাসে বলিয়া তাহাকে অনেক গঞ্জনা সহিতে হইয়াছিল। সংসার্থাত্রায় হৈমর সমস্ত অপমানের পালা আমি তাহার কাছেই শুনিতে পাইতাম। একদিনের জন্মও আমি হৈমর কাছে শুনি নাই। এসব কথা সক্ষোচে সে মুখে আনিতে পারিত না। সে সক্ষোচ নিজের জন্ম নছে।

হৈম তাহার বাপের কাছ হইতে যত চিঠি পাইত সমস্ত আমাকে পড়িতে দিত। চিঠিগুলি ছোট কিন্তু রসে ভরা। সেও বাপকে যত চিঠি লিখিত সমস্ত আমাকে দেখাইত। বাপের সঙ্গে তাহার সম্বন্ধটিকে আমার সঙ্গে ভাগ করিয়া না লইলে তাহার দাম্পত্য যে পূর্ণ হইতে পারিত না। তাহার চিঠিতে শশুরবাড়ি সম্বন্ধে কোনো নালিশের ইসারাটুকুও ছিল না। থাকিলে বিপদ ঘটিতে পারিত। নারাণীর কাছে শুনিয়াছি শশুরবাড়ির কথা কি লেখে জানিবার জন্ম মাঝে মাঝে তাহার চিঠি খোলা হইত।

চিঠির মধ্যে অপরাধের কোনো প্রমাণ না পাইয়া উপরওয়ালাদের মন যে শাস্ত হইয়াছিল তাহা নহে। বোধ করি তাহাতে তাঁহারা আশাভক্ষের তুঃখই পাইয়াছিলেন। বিষম বিরক্ত হইয়া তাঁহারা বলিতে লাগিলেন, এত ঘন ঘন চিঠিই বা কিসের জন্ম ? বাপই যেন সব, আমরা কি কেহ নই ? এই লইয়া অনেক অপ্রিয় কথা চলিতে লাগিল। আমি ক্ষ্ক হইয়া হৈমকে বলিলাম—তোমার বাবার চিঠি আর কাহাকেও না দিয়া আমাকেই দিয়ো। কলেজে যাইবার সময় আমি পোইত করিয়া দিব।

হৈম বিন্মিত হইয়া জিজ্ঞাসা করিল, কেন ? আমি লজ্জায় তাহার উত্তর দিলাম না।

বাড়িতে এখন সকলে বলিতে আরম্ভ করিল—এইবার অপূর মাখা খাওয়া হইল। বি, এ, ডিগ্রি শিকায় তোলা রহিল। ছেলেরই বা দোষ কি ?

সে ত বটেই। দোষ সমস্তই হৈমর। তাহার দোষ যে তাহার বয়স সতেজেরা, তাহার দোষ যে আমি তাহাকে ভালবাসি, তাহার

দোষ যে বিধাতার এই বিধি, তাই আমার ফারের রক্ষের রক্ষের সমস্ত আকাশ আজ বাঁশি বাজাইতেছে।

বি, এ, ডিগ্রি অকাতর চিত্তে আমি চুলায় দিতে পারিতাম কিন্তু হৈমর কল্যাণে পণ করিলাম পাস করিবই এবং ভালো করিয়াই পাস করিব। এ পণ রক্ষা করা আমার সে অবস্থায় যে সম্ভবপর বোধ হইয়াছিল তাহার তুইটি কারণ ছিল—এক ত হৈমর ভালবাসার মধ্যে এমন একটি আকাশের বিস্তার ছিল যে, সঙ্কীর্ণ আসক্তির মধ্যে সে মনকে জড়াইয়া রাখিত না, সেই ভালবাসার চারিদিকে ভারি একটি স্বাস্থ্যকর হাওয়া বহিত। দিতীয়, পরীক্ষার জন্ম যে বইগুলি পড়ার প্রয়োজন তাহা হৈমর সঙ্গে একত্রে মিলিয়া পড়া অসম্ভব ছিল না।

পরীক্ষা পাদের উছোগে কোমর বাঁধিয়া লাগিলাম। একদিন রবিবার মধ্যাক্তে বাহিরের ঘরে বসিয়া মার্টিনোর চরিত্রতত্ত্ব বইখানার বিশেষ বিশেষ লাইনের মধ্যপথগুলা ফাড়িয়া ফেলিয়া নীল পেল্সিলের লাঙল চালাইতেছিলাম এমন সময় বাহিরের দিকে হঠাৎ আমার চোথ পড়িল।

আমার ঘরের সমুখে আভিনার উত্তর দিকে অন্তঃপুরে উঠিবার একটা সিঁড়ি। তাহারই গায়ে গায়ে মাঝে মাঝে গায়দে দেওয়া এক একটা জানলা। দেখি তাহারই একটি জানলায় হৈম চুপ করিয়া বসিয়া পশ্চিমের দিকে চাহিয়া। সেদিকে মল্লিকদের বাগানে কাঞ্চন গাছ গোলাপি ফুলে আচ্ছয়।

আমার বুকে ধক্ করিয়া একটা ধারু। দিল—মনের মধ্যে একটা অনবধানতার আবরণ ছিঁড়িয়া পড়িয়া গেল। এই নিঃশব্দ গভীর বেদনার ক্লপটি আমি এতদিন এমন স্পাষ্ট করিয়া দেখি নাই।

কিছু না, আমি কেবল তাহার বসিবার ভঙ্গীটুকু দেখিতে পাইতে-ছিলাম। কোলের উপরে, একটি হাতের উপর আর একটি হাত স্থির পড়িয়া আছে, মাথাটি দেয়ালের উপরে হেলানো, খোলা চুল বাম• কাঁধের উপর দিয়া বুকের উপর ঝুলিয়া পড়িয়াছে। আমার বুকের ভিতরটা হুত্ত করিয়া উঠিল।

আমার নিজের জীবনটা এমনি কানায় কানায় ভরিয়াছে যে, আমি কোথাও কোনো শূহ্মতা লক্ষ্য করিতে পারি নাই। আজ হঠাৎ আমার অত্যন্ত নিকটে অতি বৃহৎ একটা নৈরাখ্যের গহবর দেখিতে পাইলাম। কেমন করিয়া কি দিয়া আমি তাহা পূরণ করিব ?

আমাকে ত কিছুই ছাড়িতে হর নাই। না আত্মীয়, না অভ্যাস, না কিছু। হৈম যে সমস্ত ফেলিয়া আমার কাছে আসিয়াছে। সেটা কতথানি তাহা আমি ভালো করিয়া ভাবি নাই। আমাদের সংসারে অপমানের কণ্টক-শয়নে সে বসিয়া; সে শয়ন আমিও তাহার সম্প্রেভাগ করিয়া লইয়াছি। সেই হুঃখে হৈমর সঙ্গে আমার যোগ ছিল, তাহাতে আমাদিগকে পৃথক করে নাই। কিন্তু এই গিরিনন্দিনী সতেরো বৎসর কাল অন্তরে বাহিরে কত বড় একটা মুক্তির মধ্যে মামুষ হইয়াছে! কি নির্মাল সত্যে এবং উদার আলোকে তাহার প্রকৃতি এমন ঋচ্চু শুভ্রু ও সবল হইয়া উঠিয়াছে। তাহা হইতে হৈম যে কিন্ধপ নিরতিশয় ও নিষ্ঠুররূপে বিচ্ছিন্ন হইয়াছে এতদিন তাহা আমি সম্পূর্ণ অমুভব করিতে পারি নাই, কেননা সেখানে তাহার সক্ষে আমার সমান আসন ছিল না।

হৈম যে অন্তরে অন্তরে মূহূর্তে মূহূর্তে মরিভেছিল। ভাষাক আমি সব দিক্ষে পারি কিন্তু মুক্তি দিতে পারি না,—ভাষা আমার নিজের মধ্যে কোথায় ? সেইজগ্যই কলিকাতার গলিতে ঐ গরাদের ফাঁক দিয়া নির্ববাক্ আকাশের সঙ্গে তাহার নির্ববাক্ মনের কথা হয়; এবং এক একদিন রাত্রে হঠাৎ জাগিয়া উঠিয়া দেখি, সে বিছানায় নাই; হাতের উপর মাথা রাথিয়া আকাশভরা তারার দিকে মুখ ভূলিয়া ছাতে শুইয়া আছে।

মার্টিনো পড়িয়া রহিল। ভাবিতে লাগিলাম কি করি ? শিশুকাল হইতে বাবার কাছে আমার সঙ্কোচের অন্ত ছিল না। কখনো মুখামুখি তাঁহার কাছে দরবার করিবার সাহস বা অভ্যাস আমার ছিল না। সেদিন থাকিতে পারিলাম না। লড্জার মাথা খাইয়া তাঁহাকে বলিয়া বসিলাম, বৌয়ের শরীর ভালো নয় তাহাকে একবার বাপের কাছে পাঠাইলে হয়।

বাবা ত একেবারে হতবৃদ্ধি। মনে লেশমাত্র সন্দেহ রহিল না যে হৈমই এইরূপ অভূতপূর্বব স্পর্দ্ধায় আমাকে প্রবর্ত্তিত করিয়াছে। তথনি তিনি উঠিয়া অন্তঃপুরে গিয়া হৈমকে জিজ্ঞাসা করিলেন—বলি বোমা তোমাুর অনুষ্ঠা কিসের ?

হৈম বলিল, অস্ত্ৰখ ত নাই।

বাবা ভাবিলেন এ উত্তরটা তেজ দেখাইবার জয়ে।

কিন্তু হৈমর শরীরও যে দিনে দিনে শুকাইয়া যাইতেছিল তাহ। আমরা প্রতিদিনের অভ্যাসবশতই বৃঝি নাই। একদিন বনমালীবাবু তাহাকে দেখিয়া চমকিয়া উঠিলেন—আঁয়া, এ কি ? হৈমী, এ কেমন চেহারা তোর ? অস্থুখ করে নাই ত ?

रेश्म कश्लि, ना।

এই घटनात पिनपर्शक शरप्ते वला नारे करा नारे की जामात

শশুর আসিয়া উপস্থিত। হৈমর শরীরের কথাটা নিশ্চয় বনমালীবাবু তাঁহাকে লিখিয়াছিলেন।

বিবাহের পর বাপের কাছে বিদায় লইবার সময় মেয়ে আপনার আঞা চাপিয়া নিয়াছিল। এবার মিলনের দিন বাপ যেমনি তাহার চিবুক ধরিয়া মুখটি তুলিয়া ধরিলেন অমনি হৈমর চোখের জল আর মানা মানিল না। বাপ একটি কথা বলিতে পারিলেন না—জিজ্ঞাসা পর্য্যন্ত করিলেন না, কেমন আছিস ? আমার শশুর তাঁহার মেয়ের মুখে এমন একটা কিছু দেখিয়াছিলেন বাহাতে তাঁহার বুক ফাটিয়া গেল।

হৈম বাবার হাত ধরিয়া তাঁহাকে শোবার ঘরে লইয়া গেল। অনেক কথা যে জিজ্ঞাসা করিবার আছে। তাহার বাবারও যে শরীর ভালো দেখাইতেছে না।

বাবা জিজ্ঞাস। করিলেন—বুড়ি আমার সঙ্গে যাবি ? হৈম কাঙালের মত বলিয়া উঠিল—যাব। বাপ বলিলেন, আচ্ছা সব ঠিক করিতেছি।

শশুর যদি অত্যন্ত উদ্বিগ্ন হইয়া না থাকিতেন তাহা হইলে এবাড়িতে চুকিয়াই বুঝিতে পারিতেন এখানে তাঁহার আর সেদিন নাই। হঠাং তাঁহার আবির্ভাবকে উপদ্রব মনে ক্রিয়া বাবা ত ভালো করিয়া কথাই কহিলেন না। আমার শশুরের মনে ছিল তাঁহার বেহাই একদা তাঁহাকে বারবার করিয়া আশাস দিয়াছিলেন যে, যখন তাঁহার খুসি মেয়েকে তিনি বাড়ি লইয়া যাইতে পারিবেন। এ সত্যের জন্মখা হইতে পারে সে কথা তিনি মনেও আনিতে পারেন নাই।

বাবা তামাক টানিতে টানিতে বলিলেন, বেহাই, আমি ত কিছু বলিতে পান্ধি না, একবার তাহলে বাড়ির মধ্যে— বাড়ির মধ্যের উপর বরাৎ দেওয়ার অর্থ কি আমার জানা ছিল। বুঝিলাম কিছু হইবে না। কিছু হইলও না।

বোমার শরীর ভালো নাই! এত বড় অত্যায় অপবাদ!

শশুরমশার স্বয়ং একজন ভালো ডাক্তার আনিয়া পরীক্ষা করাইলেন। ডাক্তার বলিলেন, বায়ু পরিবর্ত্তন আবশ্যক, নহিলে হঠাৎ একটা শক্ত ব্যামো হইতে পারে।

বাবা হাসিয়া কহিলেন, হঠাৎ একটা শক্ত ব্যামো ত সকলেরই হইতে পারে। এটা কি আবার একটা কথা গ

আমার শশুর কহিলেন, জানেন ত উনি একজন প্রসিদ্ধ ডাক্তার— উঁহার কথাটা কি—

বাবা কহিলেন, অমন ঢের ডাক্তার দেখিয়াছি। দক্ষিণার ক্লোরে সকল পণ্ডিতেরই কাছে সব বিধান মেলে এবং সকল ডাক্তারেরই কাছে সব রোগের সার্টিফিকেট পাওয়া যায়।

এই কথাটা শুনিয়া আমার শশুর একেবারে স্তব্ধ হইয়া গেলেন। হৈম বুঝিল তাহার বাবার প্রস্তাব অপমানের সহিত অগ্রাহ্ম হুইয়াছে। তাহার মন একেবারে কাঠ হইয়া গেল।

আমি আর সহিতে পারিলাম না। বাবার কাছে গিয়া বলিলাম, হৈমকে আমি লইয়া যাইব।

বাবা গৰ্জ্জিয়া উঠিলেন—বটেরে, ইত্যাদি ইত্যাদি !

বন্ধুরা কেহ কেহ আমাকে জিজ্ঞাসা করিয়াছেন, যাহা বলিলাম তাহা করিলাম না কেন—স্ত্রীকে লইয়া জোর করিয়া বাহির হইয়া গোলেই ত হইত। গোলাম না কেন ? কেন! যদি লোকধর্ম্মের কাছে সত্যধর্ম্মকে না ঠেলিব, যদি ঘরের কাছে ঘরের মানুষকে বলি দিতে না পারিব তবে আমার রক্তের মধ্যে বহুযুগের যে শিক্ষা তাহা কি করিতে আছে ? জান তোমরা, যেদিন অযোধ্যার লোকেরা সীতাকে বিসর্জ্জন দিবার দাবী করিয়াছিল তাহার মধ্যে আমিও যে ছিলাম। আর সেই বিসর্জ্জনের গোরবের কথা যুগে যুগে যাহারা গান করিয়া আসিয়াছে আমিও যে তাহাদের মধ্যে একজন। আর আমিই ত সেদিন, লোকরঞ্জনের জন্ম ত্রীপরিত্যাগের গুণ বর্ণনা করিয়া মাসিক পত্রে প্রবন্ধ লিখিয়াছি! বুকের রক্ত দিয়া আমাকে যে একদিন দিতীয় সীতাবিসর্জ্জনের কাহিনী লিখিতে হইবে সে কণা কে জানিত ?

পিতার কন্তার আর একবার বিদারের ক্ষণ উপস্থিত হইল। এই-বারেও তুই জনেরই মুখে হাসি। কন্তা হাসিতে হাসিতেই ভর্ৎসনা করিয়া বলিল, বাবা আর যদি কখনো তুমি আমাকে দেখিবার জন্ত এমন ছটাছটি করিয়া এ বাড়িতে আস তবে আমি ঘরে কপাট দিব।

বাপ হাসিতে হাসিতেই বলিলেন, ফের যদি আসি তবে সিঁধকাটি সঙ্গে করিয়াই আসিব।

ইহার পরে হৈমর মুখে তাহার চিরদিনের সেই স্নিগ্ধ হাসিটুকু আর একদিনের জ্বন্যও দেখি নাই।

তাহারো পরে কি হইল সে কথা আর বলিতে পারিব না।

শুনিতেছি মা পাত্রী সন্ধান করিতেছেন। হয় ত একদিন মার অমুরোধ অগ্রাহ্ম করিতে পারিব না ইহাও সম্ভব হইতে পারে! কারণ, —থাক্ মার কাজ কি!

শ্রীরবীন্দ্রনাথ ঠাকুর।

গমনাগমন

মিশনারি বন্ধু আমার কোণার্ক যাত্রার নাম শুনিয়াই বিচলিত হইয়া উঠিলেন; এবং কিঞ্চিৎ মুখভঙ্গীসহকারে বলিয়া উঠিলেন—"দে স্থানে কি দর্শনীয় আছেঁ!" মিশনারিটি সেই ধরণের লোক, গির্জ্জা তুলিয়া যাহারা জগবন্ধুর মন্দির দমাইতে উগুত, নাচ যাঁহাদের চক্ষুশূল, গান যাঁহাদের কাছে কুরুচি, কদম্বতরু অশ্লীল বৃক্ষ এবং কৃষ্ণলীলা তদপেক্ষা অধিক কিছু! এরপ বন্ধুর সহবাসও যে সময়ে সময়ে আমাদের অরুচিকর হইয়া পড়ে এবং যেটা তাঁহারা দর্শনীয় বলেন না সেটাই আমাদের কাছে আদেরণীয় হইয়া থাকে—এটা আমার বন্ধুকে বুঝাইতে সময়ের বৃথা অপবায় না করিয়া আমি এবারে সতাই কোণার্ক যাইবার আয়োজন করিলাম,—ঠিক সেইগুলাই দেখিতে, পাদরী সাহেবের মতে যেগুলা মোটেই দর্শনীয় নয়।

বছরকতক পূর্বের আমি "পুরীর পত্রে" শ্রীক্ষেত্র সম্বন্ধে যে ভবিষ্যৎ-বাণী করিয়াছিলাম তাহা সফল হইয়াছে। হোটেলে, মোটরগাড়িতে, বৈচ্যাতিক আলোয়, পুরী অন্ধকার হইয়াছেঁ এবং সুরুচিসন্ধত সাহেবী পিয়ানোবান্তের টুং টাং ধ্বনিতে সাগরের কল্লোল চাপা পড়িয়াছে!

স্থতরাং মোগলাই জোববার উপরে প্রকাণ্ড একটা সাহেবী সোলা-টুপি চাপাইয়া, একগাছা মোটা লাঠি ও এক লগুন লইয়া, ছয় ছয় কালা আদ্মি যে পাক্ষী-বেহারা ভাহাদের সঙ্গে একেবারে পূব মূখে দৌড় দিবার বন্দোবস্ত করিলাম—স্কুরুচির এবং ভদ্রভার কোন দোহাই না মানিয়া। কিন্তু যাত্রার পূর্বে মাথার উপরে একখণ্ড মেঘ এমন

ঘনাইয়া আসিল যে, মনে হইল, বুঝিবা পাদরী সাহেবের অভিশাপ ফলিয়া যায়!

আমাদের যাত্রার মুখে মেঘ কাটিয়া পঞ্চমীর চাঁদ প্রকাশ পাইয়াছে। অদূরে চক্রতীর্থ,—বালুকাস্তৃপের ধবলতার উপরে, আধুনিক হইতে দূরে, অতীতের একটি মরীচিকার মত দেখা যাইতেছে।

চক্রতীর্থ পার হইয়া আর অধুনাতনও নাই, পুরাতনও নাই;— রহিয়াছে কেবল চিরস্তন নীরবতা,—অস্তহারা অক্ষুটতাকে আলিম্বন করিয়া। মাসুষের পদশব্দ সেখানে লুপ্ত, সাগরগর্জ্জন স্বপ্নের প্রায়— পাই কি, না পাই। এই শূন্মতা এত বিরাট যে, চাঁদের আলো সেও সেখানে অন্ধকার ঠেকিতেছে। ছায়ার বৈষম্য দিয়া আলো'কে ফুটাইতে, প্রতিঘাত দিয়া শব্দকে জাগাইতে, সেখানে কিছুই নাই :—অথচ মনে হয় না যে একা ! সঙ্গে ছয় ছয় বেহারা চলিয়াছে বলিয়া নয় : কিন্তু এই প্রকাণ্ড শূন্যতা যে নির্জীব নহে সেটা স্পষ্ট অমুভব করিতেছি বলিয়া। এটা যে শাশান নয়, এখানেও যে বিরাট প্রাণের স্পন্দন অবাধে আমার চারিদিকে হিল্লোলিত, তাহা বেশ বুঝিতেছি। স্তব্ধ, রাত্রি জুড়িয়া লক্ষকোর্টি কীটপতঙ্গের ঝিনিঝিনি,—দুরে অদুরে কাহাদের নুপুর-শিঞ্জিনীর মত তালে তালে উঠিতেছে পুড়িতেছে,—তাহা কানে আসিতেছে না সত্য ; অকূল অন্ধকারের ভিতর দিয়া আমাদের সাড়া পাইয়া হরিণের পাল ছুটিয়া চলিয়াছে,—চোখে পড়িতেছে না বটে : কিন্তু মন তাহার সহস্র পরিচয় পাইতেছে এবং আপনাকে নিঃসঙ্গ মানিতেছে না ! লোকালয়ে নিজেকে অনেক সময়ে একাকী বোধ করিয়াছি, কিন্তু কোণার্ক যাত্রার প্রথমেই এই যে শিশুর মত ধরিত্রীর কোলে ঝাঁপাইয়া পড়ার আনন্দ, —নিখিলের সহিত আপনাকে সঙ্গত জানার আনন্দ—ইহাতে প্রাণ যেন

ভুলিতে থাকে,—মনেই আসে না, একা চলিয়াষ্টি! চলার আনন্দ!
নিখিলের সহিত ভুলিয়া, চলার আনন্দ! শৃন্তোর মাঝ দিয়া উড়িয়া
চলার আনন্দ! প্রদীপ নিভাইয়া আলোকের কোনো অপেক্ষা না
রাখিয়া অন্ধকারের ভিতর দিয়া ভাসিয়া চলার আনন্দ!

চক্রতীর্থ হইতে বালুঘাই পর্যান্ত সমস্ত পথটা আনন্দের একটা জাগরণের মধ্য দিয়া যেন উড়িয়া আসিয়াছি। এইখানে আসিয়া প্রাণের ছয়ার সহসা যেন বন্ধ হইয়া গেছে;—মন যেন আপনার ছই ডানা টানিয়া চুপ করিয়া বসিয়াছে। নিশ্চল মেঘে চন্দ্র তারকা আচ্ছন্ন; নীরব অন্ধকারের মাঝে নিস্তরন্ধ বায়ৢরাশি;—কোনোদিকে সাড়া শব্দ নাই! মনে হইতেছে এ কোথায় আসিলাম,—কোন্ মৃত্যুর দেশে পায়ে পায়ে অর্ধরাত্রে আমরা এই কয় ক্ষুদ্র প্রাণী! এসময়ে আলোর জ্ব্যু, ধ্বনির জন্ম, অন্ধকারে কোথাও একটা কিছুকে দেখিবার জন্ম, প্রাণ আকুল হইয়া ওঠে। মন চাহিতেছে চলি কিন্তু সমস্ত শরীর যেন অসাড় হইয়া গেছে!

ল্পিনের ক্ষীণ আলোটির দিকে দৃষ্টি রাখিয়া, পান্ধীবাহকদের করুণ ক্রন্দন-গান শুনিতে শুনিতে চলিয়াছি। কোথায় চলিয়াছি, কেমন করিয়া চলিয়াছি, কেনই বা চলিয়াছি তাহা আর মনে আসিতেছে না;—শুধু বোধ হইতেছে যেন প্রকাণ্ড একটা অন্ধকার গোলকের ভিতর দাঁড়াইয়া, একটি পাও অগ্রসর না হইয়া, আমরা কেবলি তালে তালে পা ফেলিতেছি—"পহর রাতি, পান বিঁড়িটি! পান বিঁড়িটি, পহর রাতি।"

বালুঘাই পার হইয়া চলিয়াছি। পহর রাতি, পান বি'ড়িটি এবংলগুনের বাতি, তিনে মিলিয়া মনকে ঘিরিয়া একটা যেন স্বপ্লের স্কলন করিয়াছে। মাঝে মাঝে এক-একটা তালগাছ অন্ধকারের ভিতর দিয়া হঠাং চোথে পড়িয়া আবার কোথায় লুকাইয়া যাইতেছে ! চারিদিকে যেন একটা লুকোচুরির খেলা চলিতেছে ;—মরীচিকার মায়া দেখা দিতেছে, ঢাকা পাড়িতেছে ! কাছে আসিতেছে সকলি—গাছ পালা গ্রাম নদী ; কিন্তু ধরিতে গেলেই সরিয়া পালাইতেছে,—কিছুই নিরাকৃত হইতে চাহিতেছে না ।

দর্শন আকর্ণন এবং নিরাকরণ—এ তিনের অভাবের মধ্যে 'নিয়াখিয়া' নদীটি শীতল স্পর্শে আমাদের সমস্ত জড়তা দূর করিয়া আপনার স্বচ্ছ হাসির কল্লোলে যখন চকিতের মত রাত্রির গভীরতাকে মুথ্রিত করিয়া তোলে, তখন প্রাণের তুয়ার সহসা যেন থুলিয়া যায়; পাক্ষী হইতে মুখ বাড়াইয়া দেখি,—অদূরে অন্ধকার বনের ছায়ায় ছোট প্রামখানি। মন এখান হইতে, এই চিরপরিচিত গৃহকোণকে ছাড়িয়া, এই• নিয়াথিয়ার খেয়া ঘাট পার হইয়া আর চলিতে চাহে না।

রাত্রিমুখ হইতে রাত্রিশেষের দিকে যাত্রার মধ্যপথে এই হাস্তমরী কল্লোলিনী নিয়াখিয়া। এই মধ্য-পথ অতিক্রম করিয়া মন কেবলি আলোকের জন্য, প্রভাতের জন্য, ব্যাকুল হইতে থাকে। কেবলি মনে হয়—আর কতদূর,—আর কত প্রহর—এমনি করিয়া অন্ধকারে চলিব!

অফুরান পথ চলার, প্রহরের পর প্রহর একটা বৈচিত্র্যহীনভার ভিতর দিয়া বাহিত হইবার স্থবিপূল শ্রান্তি এই সময় আসিয়া মনকে এমনি করিয়া আক্রমণ করে যে, সে কোনোদিকে আর চাহিতে ইচ্ছা করে না,—আপনাকে গুটাইয়াস্টাইয়া একটি কোণে পড়িয়া থাকিতে পারিলে যেন বাঁচে। ঘুমাইয়া পড়িবার—আপনাকে এই বিশ্বজোড়া বিলুপ্তির মধ্যে বিনা আপতিতে নামাইয়া দিবার জন্ম ছুর্দমনীয় খোঁয়ারা আসিয়াছে; যেন একটা শীতল মুঠি, প্রাণের সমস্ত ইচ্ছাকে—জাগিয়া রহিবার সকল চেফাকে—সবলে চাপিয়া অসাড় করিয়া দিতেছে। দারুঁণ অবসাদ! দেখিতেছি যাত্রীদল ফিরিয়া আসিতেছে, তাহাদের কাছে ডাকিয়া শুণাইতে চাই—পণ আর কতথানি, কিন্তু পারি না। কোষের মধ্যে কীটের মত নিশ্চল মন, একটা খট্ ছাড়া আর কোনোরূপ সাড়া দিতেছে না! পান্ধীর তলা দিয়া লগ্ঠনের আলো এবং বাহকদের ক্রত চকল পদক্ষেপের ছায়া, আলো-আধারের স্রোতের মত, অবিশ্রান্থ বহিয়া চলিয়াছে। চোখ এই আলো এবং কালো, কালো এবং তালোর গতাগতির দিকে চাহিয়া চাহিয়া কিমাইয়া পড়িয়াছে।

রানচণ্ডীর বটচ্ছায়ায় পান্ধী নামাইয়া বাহকেরা কখন কে কোণায় সরিয়া গেছে! সমস্ত দেহ মন একটা আগুনের উত্তাপ অমুভব করিছেছে এবং ধীরে ধীরে আপনাকে জড়তার নিপ্পেষণ, হইতে মুক্ত করিয়া আবার সজাগ হইয়া বাস্তবের সঙ্গে যুক্ত হইতে চাহিতেছে;—কিন্তু পারিতেছে না। চারিদিক এমনি নীরব, স্থির ও স্তিমিত যে, মনে হইতেছে একখানা প্রকাণ্ড দৃশ্যপটের ভিতরে তাহায়া আমাকে রাখিয়া গিয়াছে! মন্দিরের পিছনে,—আকাশের নীলের উপরে একটিমাত্র তারার জ্যোতি স্থির হইয়া আছে। সম্মুখে প্রকাণ্ড বটগাছের শিখরে সামাত্যমাত্র কম্পন নাই; তলদেশে,—পাতার গুচ্ছে, শাখার গায়ে, আগুনের রং হলুদের প্রেলেপের মত লাগিয়া আছে — অচঞ্চল। আগুনের তপ্তকাঞ্চনবর্দের সম্মুখে চক্রাকারে সঞ্জিত

মাসুষের ছায়া স্থভীক্ষ, স্থম্পান্ট দেখিতেছি—কিন্তু অবিচল, অবিকল, ছবির মত।

চণ্ডীদেবীকে দর্শন করিলাম, পান্ধীতে আসিয়া বসিলাম, বাহক আসিল, পান্ধী চলিল—এত গভীর নীরবতার মাঝখানে, যে, মনে হইতে লাগিল, সেই সীমাচলে পৌছিয়াছি যেখানে বাস্তবে অবাস্তবে স্থূলে স্ক্রেম গলাগলি ভাব। নিজেই আছি কিনা এ কথাটা জানিতে চারিদিক হাতড়াইতে হাতড়াইতে, কাঁটাবনের ঢালু পথ বাহিয়া, পায়ে পায়ে সম্তর্পণে, একটা অচেনা অন্ধকারের দিকে পুনরায় যখন নামিয়া চলিয়াছি, সেই সময়ে সহসা খোলকরতাল ও সন্ধীর্তনের প্রচণ্ড শব্দতরক্ষের ঘাতপ্রতিঘাত বাস্তবকে আনিয়া মনের উপরে এমনি করিয়া আছড়াইয়া ফেলিল, যে, মনে হইল বুক বুঝি ছিঁড়িয়া পড়িল! অন্ধকারে হঠাৎ আলোর আঘাতে দৃষ্টি যেমন সন্ধুচিত হইয়া যায়, তেমনি শ্বনিবিড় স্তব্ধতার মধ্যে হঠাৎ একসময়ে এই শব্দতরক্ষের ঝনঝনায় প্রাণের তন্ত্রী বিত্যুৎবেগে রণরণ করিয়াই শিথিল হুইয়া পড়ে।

রামচণ্ডী—আমাদের যাত্রাপথের শেষ ঘাট—পিছনে ফেলিয়া বহুদূরে চলিয়া আসিয়াছি। সেখান হইতে এখানেও কীর্ত্তনের স্থর, যেন কোন্ পরিত্যক্ত পার হইতে একটুখানি আক্ষেপের মত, আমাদের নিকটে পৌছিতেছে—অস্পষ্ট, মৃত্র, ক্ষণে ক্ষণে! পাড়ি দিয়াছি যে-ঘাট হইতে, তাহার সংবাদ এখনো পাইতেছি;—পাড়ি দিতেছি যে-পারে, তাহার সংবাদ এখনো পাই নাই;—মাঝগঙ্গায় মন সমস্ত পাল তুলিয়া যেন মন্থর গতিতে ভাসিয়া চলিয়াছে—আলোকরাজ্যের সিংহছারের দিকে।

প্রাতঃসন্ধ্যার ভরপূর অন্ধকার। তারার আলো নিভিয়া গেছে। প্রভাতের আলো—সে এখনো স্থদূরে। এই সাড়াশব্দহীন ধূসরতার মাঝে, ক্ষণেকের জন্ম আমরা থমকিয়া দাঁড়াইয়াছি—কাঁধ বদলাইতে।

হরিণ যেমন বহুপথ দৌড়িয়া হঠাৎ একবার উৎকর্ণ, উদ্প্রীব হইয়া দাঁড়ায়, তারপরে পথের ঠিকানা পাইয়া তীরের মত সেইদিকে চলিয়া যায়, তেমনি আমরা উড়িয়া চলিয়াছি—সিন্ধুতীরের নিন্ধপুষ ধবলতার উপর দিয়া, একটা বিশাল গন্তীর কল্লোলের মুখে—নির্ভয়ে, বাতাসে বুক ফুলাইয়া।

জ্যোতিমন্দিরের সিংহদ্বার অতিক্রম করিতেছি। আলো গলিয়া আমাদের পায়ের নীচে বিছাইয়া যাইতেছে, শব্দ গলিয়া আমাদের আশেপাশে প্রদীপ্ত হইয়া উঠিতেছে। যতদূর দৃষ্টি চলে ততদূর কালো সমুদ্রের সাদা আলো,—মায়ার প্রাচীরের মত, অবিরাম চোথের সম্মুখে জাগিয়া উঠিতেছে, ভাঙিয়া পড়িতেছে!

রাত্রি চুতুর্থ প্রহর। বিশ্বমন্দিরে উত্থান-আরতি বাজিতেছে।
কালোর ছুন্দুভি, আলোর তালে ধ্বনিত হইতেছে,—দিকে দিগন্তে, সীমে
অসীমে! এই জ্যোতির্মায় ঝন্ঝনার ভিতর দিয়া, এই বিগলিত
আলোকের চলায়মান, শন্দায়মান আন্তরণের উপর দিয়া, দ্রুত পদক্ষেপে
ইহারা আমাকে লইয়া চলিয়াছে—বরুণ দেবতার অনুচরগণের মত,
—নীল, নগ্ন, দীর্ঘকায়! আলোকবিধোত সিন্ধুতীরে ইহাদের পদক্ষেপ
ছায়া ফেলিতেছে না, চিহ্ন রাখিতেছে না!

বালুতট ওদিকে গড়াইয়া চন্দ্রভাগার কোলে পড়িয়াছে, এদিকে
গিয়া সমুদ্রজনে নিজেকে হারাইয়া দিয়াছে। রাত্রি—আলো-আঁধারের,
ধ্বনিপ্রতিধ্বনির মরীচিকার পারে প্রহর-শেষের নিশ্চল ধূসরতা

দিয়া গড়া নীরব এই বালুতটে আমাদের ক'টিকে আছড়াইয়া ফেলিয়া, যেন বহুদুরে সরিয়া গেছে।

নূতন দিন জন্ম লইভেছে—অনাবৃত আলোকে, নীরবতার মাঝখানে, অনিন্দময়ী উষার অঙ্কে। বিশ্বব্যাপী প্রাসববেদনার আঘাতে মেঘ ছিঁড়িয়া পড়িতেছে, সমুদ্র আলোড়িত হইতেছে, বাতাস মুহুর্ম্ শিহরিতেছে ! একাকী এই জন্ম-রহস্তের অভিমুখে চাহিয়া দেখিতেছি। একটিমাত্র রক্তবিন্দু! পূর্ববসন্ধ্যার অরুণিমার উপরে বিশ্বজগতের পূর্ববরাগের একটিমাত্র বুদ্বুদ—অখণ্ড অম্লান! অনস্তের পাত্রে টল্টল্ জ্যোতির রথ, মহাচ্যুতি এই প্রাণ-বিন্দুটিকে বহিয়া আমাদের দিকে ছুটিয়া আসিতেছে—সপ্তসিন্ধুর জলোর্ম্মি ভেদ করিয়া, জাগরণের জ্যোতিস্মান চক্রতলে স্ব্যুপ্তিকে নিষ্পেষিত করিয়া! পূর্বব আকাশে এই শোণিতবিন্দুর আভা লাগিয়াছে, সমুদ্র-তরঙ্গ বহিয়া তাহারি প্রভা গড়াইয়া আসিতেছে। পাণ্ডুর তটভূমি দেখিতে দেখিতে রক্তচন্দনের প্রলেপে প্লাবিত হইয়া গেল, রক্তবৃত্তিতে চব্দ্রভাগার তীর্থজন রাডিয়া উঠিল ; মৈত্রবনের শিখরে কোণার্ক মন্দিরের প্রত্যেক কোণ, প্রতি শিলাখণ্ড, আতপ্ত রক্তের সঞ্জীব প্রভা নিঃশেষে পান করিয়া অনক দেবতার উল্লসিত কেলিকদম্বের মত প্রকাশ পাইতে लोशिल ।

মানুষের গড়া কোণার্কের এই বিচিত্র রথ দেখিতেছি—কত যেন কুদ্র ! সূর্য্যের তেজ ধারণ করিয়া, তাহারি শক্তিতে উর্দ্ধে বাড়িয়া আপনাকে চিরশ্যামল, চিরশোভন রাথিয়াছে এই যে বনস্পতি, ইহারও উর্দ্ধে কোণার্কের রথধ্বজা উঠিয়া তিন্ঠিতে পারে নাই ;—আপনার ভারে আপনি ভাঙিয়া পড়িয়াছে! জরাজীর্ণ, বজ্রাহত এই মন্দিরের উপর হইতে অরুণোদয়ের রক্ত আভার মোহ সরিয়া গেছে। দিনের প্রথম আলোয় সে তাহার সমস্ত দীনতা লইয়া বনস্পতিটির আড়ালে আপনাকে যেন গোপন করিতে চাহিতেছে, মিলাইতে চাহিতেছে! দূর হইতে কোণার্কের এই হীন এবং দীন ভাব মনকে যেন লোহার মত শক্ত করিয়া দিয়াছে। উহার দিকে আর এক পাও অগ্রসর হইতে ইচ্ছা নাই। কিন্তু তবু চলিয়াছি—চন্দ্রভাগা উত্তীর্ণ হইয়া, অসমতল কালিয়াইগণ্ড পায়ে পায়ে অতিক্রম করিয়া—মানবশিল্পের একটা স্থবিদিত আকর্ষণ-বশে,—চুম্বকের টানে লোহার মত। মন টানিতেছে! ঐ বটচছায়ায় মন টানিতেছে, ঐ চুড়াহীন মন্দিরের দিকে মনটানিতেছে, ঐ ঝরিয়া-পড়া, ঝুঁকিয়া-পড়া বালুশয়ানে শুইয়াল্পড়ারাদি রাশি পাথরের দিকে মনটানিতেছে!

কোণার্কের বিরাট আকর্ষণে বাধা দেয় ঐ বনস্পতিটির শ্যাম

যবনিকা। সেটি সরাইয়া মৈত্রবনের ছায়ানিবিড় আশ্রমটি পার হইয়া

যে-মুহুর্ত্তে কোণার্কের অস্তঃপুর-প্রাঙ্গণে পা রাখিয়াছি অমিনু দৃষ্টি মন

সকলি, অগ্নিশিখার চারিদিকে পতক্ষের মত, আপনাকে ঘুরাইয়া ঘুরাইয়া
শ্রাস্ত করিয়া ফিরিতেছে,—কিছুতে আর তৃপ্তি মানিতেছে না!

চির্মোবনের হাট বসিয়াছে! চিরপুরাতন অথচ চিরন্তন কেলিকদম্বতলে নিথিলের রাসলীলা চলিয়াছে—কিবা রাত্রি, কিবা দিন—বিচিত্র বর্ণের প্রদীপ ছালাইয়া, মূর্ত্তিহীন অনঙ্গ দেবতার রত্নবেদীটি ঘিরিয়া।

এখানে কিছুই নীরব নাই, নিশ্চল নাই, অমুর্ববর নাই ! পাথর বাজিতেছে মৃদক্ষের মন্দ্রস্থানে, পাথর চলিয়াছে তেজীয়ান্ অশ্বের মত বেগে রথ টানিয়া, উর্বর পাথর ফুটিয়া উঠিয়াছে নিরস্তর-পুষ্পিত কুঞ্জলতার মত,—শ্যাম-স্থন্দর আলিঙ্গনের সহস্রবন্ধে চারিদিক বেড়িয়া! ইহারি শিখরে—এই শব্দায়মান, চলায়মান উর্বরতার চিত্রবিচিত্র শৃষ্পারবেশের চূড়ায়—শোভা পাইতেছে কোণার্কের দ্বাদশ শত শিল্পীর মানস-শতদল,—সকল গোপনতার সীমা হইতে বিচ্ছিন্ন, নির্ভীক, সভেজ, আলোকের দিকে উন্মুখ।

এইবার ফিরিতেছি—উদয়ের পার হইতে আবার সেই অন্তের পারে;—আর একবার সংসারের দিকে, হুরুচি কুরুচি শ্লীল অশ্লীলের দিকে।

কোণার্ক আমাদের নিকটে বিদায় লইতেছে। মরুশয্যায় অর্দ্ধ-নিমগা পড়িয়া আছে সে---পাষাণী অহল্যার মত স্থন্দরী;—নীরব, নিষ্পন্দ,—মণিদর্পণে নিশ্চল দৃষ্টি রাখিয়া, দিগৃন্ত-জোড়া মেঘের মান আলোয় যুগযুগান্তব্যাপী প্রতীক্ষার মত, শতসহস্রের গমনাগমনের একপ্রান্তে, স্থল্প ভ একটি-কণা পদরেণুর প্রত্যাশী!

শ্রীষ্মবনীন্দ্রনাথ ঠাকুর।

"যৌবনে দাও রাজটীকা"

গত মাসের সবৃজ্ঞ পত্তে শ্রীযুক্ত সত্যেন্দ্রনাথ দত্ত যৌবনকে । রাজটীকা দেবার প্রস্তাব করেছেন। আমার কোনও টীকাকার বন্ধু এই প্রস্তাবের বক্ষ্যমাণরূপ ব্যাখ্যা করেছেনঃ—

"যৌবনকে টীকা দেওয়া অবশ্য কর্ত্তব্য,—তাহাকে বসস্তের হস্ত হইতে রক্ষা করিবার জন্ম। এম্মলে রাজটীকা অর্থ-নরাজা অর্থাৎ যৌবনের শাসনকর্তাকর্তৃক তাহার উপকারার্থে দত্ত যে টীকা সেই টীকা। উক্তপদ তৃতীয়াতৎপুরুষ সমাসে সিদ্ধ হইয়াছে।"

উল্লিখিত ভাষ্য আমি রহস্থ বলে মনে করতুম, যদি না আমার জানা থাকত যে, এদেশে জ্ঞানীব্যক্তিদিগের মতে মনের বসস্ত≉াতু ও প্রকৃতির যৌবনকাল—ছুই অসায়েস্তা, অতএব শাসন্যাগ্য। এ উভয়কে জুড়ীতে যুতলে আর বাগ মানান যায় না;—অতএব এদের প্রথমে পৃথক করে, পরে পরাজিত কর্তে হয়।

বসন্তের স্পর্শে ধরণীর সর্ববান্ধ শিউরে ওঠে;—অবশ্য তাই বলে পৃথিবী তার আলিক্ষন হতে মুক্তিলাভ করবার চেফা করে না, এবং পোষমাসকেও বারোমাস পুষে রাখে না! শীতকে অতিক্রম করে বসস্তের কাছে আত্মসমর্পণ করায় প্রকৃতি যে অর্বাচীনতার পরিচয় দেয় না, তার পরিচয় ফলে।

প্রকৃতির যৌবন শাসনযোগ্য হলেও তাকে শাসন কর্বার ক্ষমতা মামুষের হাতে নেই; কেননা প্রকৃতির ধর্ম্ম মানবধর্মশাস্ত্রবহিত্তি। সেই কারণে জ্ঞানীব্যক্তিরা আমাদের প্রকৃতির দৃষ্টাস্ত অমুসরণ কর্তে বারণ করেন, এবং নিতাই আমাদের প্রকৃতির উল্টো টান টানতে পরামর্শ দেন; এই কারণেই মানুষের যৌবনকে বসন্তের প্রভাব হতে দূরে রাখা আবশ্যক। অন্তথা, যৌবন ও বসন্ত এ চুয়ের আবির্ভাব যে একই দৈবীশক্তির লীলা—এইরূপ একটি বিশ্বাস আমাদের মনে স্থানলাভ করতে পারে।

এদেশে লোকে যে, যৌবনের কপালে রাজটীকার পরিবর্তে তার পৃষ্ঠে রাজদণ্ড প্রয়োগ কর্তে সদাই প্রস্তুত, সে বিষয়ে আর কোন সন্দেহ নেই। এর কারণ হচ্ছে যে, আমাদের বিশ্বাস মানবজীবনে যৌবন একটা মস্ত ফাঁড়া—কোনো রকমে সেটি কাটিয়ে উঠতে পারলেই বাঁচা যায়। এ অবস্থায় কি জ্ঞানী, কি অজ্ঞানী সকলেই চান্ যে, একলক্ষে বাল্য হতে বার্দ্ধক্যে উত্তীর্ণ হন। যৌবনের নামে আমরা ভয় পাই, কেননা তার অস্তরে শক্তি আছে। অপর পক্ষে বালকের মনে শক্তি নেই, বৃদ্ধের দেহে শক্তি নেই; বালকের জ্ঞান নেই, বৃদ্ধের প্রাণ নেই। তাই আমাদের নিয়ত চেফা হচ্ছে দেহের জড়তার সঙ্গে মনের জড়তার মিলন করা, অজ্ঞতার সঙ্গে বিজ্ঞতার সঙ্গিস্থাপন করা। তাই আমাদের শিক্ষানীতির উদ্দেশ্য হচ্ছে ইচড়ে পাকানো, আর আমাদের সমাজনীতির উদ্দেশ্য হচ্ছে জাগ দিয়ে পাকানো।

আমাদের উপরোক্ত চেষ্টা যে ব্যর্থ হয় নি, তার প্রমাণ আমাদের সামাজিক জীবন। আজকের দিনে এদেশে রাজনীতির ক্ষেত্রে এক দিকে বালক, অপর দিকে বৃদ্ধ; সাহিত্যক্ষেত্রে এক-দিকে স্কুলবয়, অপর দিকে স্কুলমাষ্টার; সমাজে এক দিকে বাল্য-বিবাহ, অপর দিকে অকালমৃত্য; ধর্মক্ষেত্রে এক দিকে শুধু "ইতি" "ইতি", অপর দিকে শুধু "নেতি" "নেতি";—অর্থাৎ এক দিকে লোপ্ট্রকাষ্ঠও দেবতা, অপর দিকে ঈশরও ব্রহ্ম নন। অর্থাৎ আমাদের জীবনগ্রন্থে প্রথমে ভূমিকা আছে, শেষে উপসংহার আছে;—ভিতরে কিছু নেই। এ বিশের জীবনের আদি নেই, অন্তঃ নেই, শুধু মধ্য আছে; কিন্তু তারি অংশীভূত আমাদের জীবনের আদি আছে, অন্ত আছে;—শুধু মধ্য নেই।

বার্দ্ধক্যকে বাল্যের পাশে এনে ফেল্লেও আমরা তার মিলন সাধন কর্তে পারি নি; কারণ ক্রিয়া বাদ দিয়ে ছটি পদকে জুড়ে এক করা যায় না। তা ছাড়া যা আছে, তা নেই বল্লেও, তার অস্তিহ লোপ হয়ে যায় না। এ বিশ্বকে মায়া বল্লেও তা অস্পৃশ্য হয়ে যায় না। এ বিশ্বকে মায়া বল্লেও তা অস্পৃশ্য হয়ে যায় না। বরং কোনও কোনও সভ্যের দিকে পিঠ ফেরালে তা অনেক সুময়ে আমাদের ঘাড়ে চড়ে বসে। যে যৌবনকে আমরা সমাজে স্থান দেই নি, তা এখন নানা বিকৃত্রপে নানা ব্যক্তির দেহ অবলম্বন করে রয়েছে। যাঁরা সমাজের স্থমুখে জীবনের শুধু নান্দী ও ভরত্বচন পাঠ করেন, তাঁদের জীবনের অভিনয়টা যবনিকার অন্তরালেই হয়ে থাকে। রুদ্ধ ও বদ্ধ করে রাখলে পদার্থমাত্রই আলোর ও বায়ুর সম্পর্ক হারায় এবং সেই জন্ম তার গায়ে কলঙ্ক ধরাও অনিবার্য্য। গুপ্তা জিনিষের পক্ষে ছফ্ট হওয়া স্থাভাবিক।

আমরা যে, যৌবনকে গোপন করে রাখ্তে চাই, তার জন্ম
আমাদের প্রাচীন সাহিত্য অনেক পরিমাণে দায়ী। কোনও বিখ্যাত
ইংরাজ লেখক বলেন যে, literature হচ্ছে criticism of life.
—ইংরাজি-সাহিত্য জীবনের সমালোচনা হতে পারে কিন্তু সংস্কৃত
সাহিত্য হচ্ছে যৌবনের আলোচনা।

সংস্কৃত সাহিত্যে যুবকযুবতা ব্যতাত আর কারও স্থান নেই।
আমাদের কাব্যরাজ্য হচ্ছে সূর্যবংশের শেষ লৃপতি অগ্নিবর্ণের রাজ্য
এবং সে দেশ হচ্ছে অন্টাদশবর্ধদেশীয়াদের স্বদেশ। যৌবনের যেছবি সংস্কৃত দৃশ্যকাব্যে ফুটে উঠেছে, সে হচ্ছে ভোগবিলাসের চিত্র।
সংস্কৃত কাব্যজগৎ, মাল্যচন্দনবনিতা দিয়ে গঠিত এবং সে জগতের
বনিতাই হচ্ছে স্বর্গ এবং মাল্যচন্দন তার উপসর্গ। এ কাব্যক্ত্রীতর
অস্টা কিম্বা ক্রম্টা কবিদের মতে প্রকৃতির কাজ হচ্ছে শুধু রমণীদেহের
উপমা যোগান এবং পুরুষের কাজ শুধু রমণীর মন যোগান।
হিন্দুযুগের শেষ কবি জয়দেব নিজের কাব্যসম্বন্ধে স্পন্টাক্ষরে যে কথা
বলেছেন তাঁর পূর্ববর্তী কবিরাও ইন্সিতে সেই একই কথা বলেছেন।
সে কথা এই যে—"যদি বিলাস কলায় কুতৃহলী হও ত আমার
কোমলকান্ত পদাবলী শ্রবণ করে।" এক কথায়, যে-যৌবন য্যাতি
নিজের পুত্রদের কাছে ভিক্ষা করেছিলেন, সংস্কৃত কবিরা সেই
যৌবনেরই রূপগুণ বর্ণনা করেছেন।

এ কৃথা যে কত সত্য, তা একটি উদাহরণের সাহায্যে প্রমাণ করা যেতে পারে। কৌশান্বির যুবরাজ উদয়ন এবং কপিলবাস্তুর যুবরাজ সিদ্ধার্থ উভয়ে সমসাময়িক ছিলেন। উভয়েই পরম রূপবান্ এবং দিব্য শক্তিশালী যুবাপুরুষ; কিন্তু উভয়ের মধ্যে প্রভেদ এইটুকু যে, একজন হচ্ছেন ভোগের আর একজন হচ্ছেন ত্যাগের পূর্ণ অবতার। ভগবান গোতম-বুদ্ধের জীবনের ত্রত ছিল মানবের মোহনাশ করে তাকে সংসারের সকল শৃঙ্খল হতে মুক্ত করা; আর বৎসরাজ উদয়নের জীবনের ত্রত ছিল ঘোষবতী বীণার সাহায্যে অরণ্যের গক্ষকামিনী এবং অন্তঃপুরের গজগামিনীদের প্রথমে মুদ্ধ

করে, পরে নিজের ভোগের জন্ম তাদের অবরুদ্ধ করা। অথচ সংস্কৃত কাব্যে বুন্ধচরিতের স্থান নেই, কিন্তু উদয়ন-কথায় তা পরিপূর্ণ।

সংস্কৃত ভাষায় যে বুদ্ধের জীবনচরিত লেখা হয়নি, তা নয় :---তবে ললিতবিস্তরকে আর কেউ কাব্য বলে স্বীকার করবেন না: এবং সুখবোষের নাম পর্যান্তও লুপ্ত হয়ে গেছে। অপর দিকে উদয়ন-বাসবদতার কথা অবলম্বন করে যাঁরা কাব্য রচনা করেছেন. যথা, ভাস, গুণাঢ্য, স্থবন্ধ ও এীহর্ষ ইত্যাদি, তাঁদের বাদ দিলে সংস্কৃত সাহিত্যের অর্দ্ধেক বাদ পড়ে যায়। কালিদাস বলেছেন যে. কোশান্বির গ্রামরন্ধেরা উদয়ন-কথা শুন্তে ও বলতে ভালবাসতেন: কিন্তু আমরা দেখতে পাচ্ছি যে, কেবল কৌশাম্বির গ্রামবৃদ্ধ কেন, সমগ্র ভারতবর্ষের আবালবৃদ্ধবনিতা সকলেই ঐ কথাঁ-রসের রসিক। সংস্কৃত সাহিত্য এ সত্যের পরিচয় দেয় না. যে. হৃদ্ধের উপদেশের বলে জাতীয় জীবনে যৌবন এনে দিয়েছিল এবং উদয়নের দৃষ্টান্তের ফলে অনেকের যৌবনে অকালবার্দ্ধক্য এনে দিয়েছিল। 'বৌদ্ধধর্ম্মের অমুশীলনের ফলে-–রাজা অশোক লাভ করেছিলেন সামাজ্য: আর উদয়ন-ধর্ম্মের অনুশীলন করে রাজা অগ্নিবর্ণ লাভ করেছিলেন রাজ্যক্ষা। সংস্কৃত কবিরা এ সত্যটি উপেক্ষা করেছিলেন যে, ভোগের ভায়ে ত্যাগও যৌবনেরি ধর্ম। বার্দ্ধক্য কিছু অর্চ্ছন করতে পারে না বলে, কিছু বর্জ্জনও করতে পারে না। বার্দ্ধকা কিছু কাড়তে পারে না বলে, কিছু ছাড়তেও পারে না :— ফুটি কালো চোখের জন্মও নয়, বিশকোটি কালো লোকের জন্মও নয়।

পাছে লোকে ভুল বোঝেন বলে, এখানে আমি একটি কথা বলে রাখতে চাই। কেউ মনে করবেন না যে, আমি কাউকে সংস্কৃত কাব্য 'বয়কট' কর্তে বলছি কিন্তা নীতি এবং রুচির দোহাই
দিয়ে সে কাব্যের সংশোধিত সংস্করণ প্রকাশ করবার পরামর্শ
শিক্তি। আমার মতে যা সত্য তা গোপন করা স্থনীতি নয় এবং
তা প্রকাশ করাও তুর্নীতি নয়। সংস্কৃত কাব্যে যে-যোবন-ধর্ম্মের
বর্ণনা আছে তা যে সামান্ত মানব-ধর্ম্ম—এ হচ্ছে অতি স্পান্ত সত্য;
এবং মানবজীবনের উপর তার প্রভাব যে অতি প্রবল তাও
অস্বীকার করবার যো নেই।

তবে এই একদেশদর্শিতা ও অত্যুক্তি—ভাষায় যাকে বলে এক-রোথামি ও বাড়াবাড়ি, তাই হচ্ছে সংস্কৃত কাব্যের প্রধান দোষ। যৌবনের স্থূলশরীরকে অত আসারা দিলে তা উত্তরোত্তর স্থূল হতে স্থূলতর হয়ে ওঠে এবং সেই সঙ্গে তার সৃক্ষা শরীরটি সৃক্ষা হতে এত সূক্ষাতম হয়ে ওঠে যে তা খুঁজে পাওয়াই ভার হয়। সংস্কৃত সাহিত্যের অবনতির সময় কাব্যে রক্তমাংসের পরিমাণ এতে বেডে গিয়েছিল যে, তার ভিতর আত্মার পরিচয় দিতে হলে, সেই রক্তমাংসের আধ্যাত্মিক ব্যাখ্যা করা ছাড়া আর আমাদের উপায় নেই। দেহকে অতটা প্রাধান্ত দিলে মন পদার্থ টি বিগড়ে যায়: তার ফলে দেহ ও মন পৃথক হয়ে যায় এবং উভয়ের,মধ্যে আত্মীয়তার পরিবর্ত্তে জ্ঞাতি-শক্রতা জন্মায়। সম্ভবতঃ বৌদ্ধ-ধর্ম্মের নিরামিষের প্রতিবাদস্বরূপ हिन्दू कवित्रा छाँएनत काट्या এতটা আমিষের আমদানি করেছিলেন। কিন্তু যে কারণেই হোক্. প্রাচীন ভারতবর্ষের চিন্তার রাজ্যে দেহমনের পরস্পারের যে বিচ্ছেদ ঘটেছিল তার প্রমাণ—প্রাচীন সমাজের এক **मिरक विनानी, व्यथत मिरक मग्रामी** : এक मिरक পত्তन, व्यथत मिरक বন ; এক দিকৈ রঞ্চালয়, অপর দিকে হিমালয় :--এক কথায় এক

দিকে কামশান্ত্র অপর দিকে মোক্ষণান্ত্র। মাঝামাঝি আর-কিছু, জীবনে থাক্তে পারত, কিন্তু সাহিত্যে নেই। এবং এ ছুই বিরুদ্ধ মনোভাবের পরস্পর মিলনের যে কোনও পদ্মা ছিল না, সে ক্থু/ ভর্করি স্পাফীক্ষরে বলেছেন—-

"একা ভার্য্যা স্থন্দরী বা দরী বা !" এই হচ্ছে প্রাচীন্যুগের শেষ কথা। যাঁরা দরী-প্রাণ তাঁদের পক্ষে যৌবনের নিন্দা, করা যেমন সাভাবিক, যাঁরা স্থন্দরী-প্রাণ তাঁদের পক্ষেও তেমনি স্বাভাবিক। যতির মুথের যৌবন-নিন্দায়, আমার বিশাস, অধিক ঝাঁঝ আছে। তার কারণ, ত্যাগীর অপেক্ষা ভোগীরা অভ্যাসবশতঃ কথায় ও কাজে বেশী অসংযত।

যার। স্ত্রীজাতিকে কেবলমাত্র ভোগের সামগ্রী মনে ধ্বরেন, তারাই যে স্ত্রী-নিন্দার ওস্তাদ—এর প্রমাণ জীবনে ও সাহিত্যে নিত্য পাওয়া যায়। স্ত্রী-নিন্দুকের রাজা হচ্ছেন, রাজকবি ভর্তৃহরি ও রাজকবি Solomon। চরম ভোগবিলাসে পরম চরিতার্থতা লাভ কর্তে না প্রেরে এঁরা শেষবয়সে স্ত্রীজাতির উপর গায়ের ঝাল ঝেড়েছেন। যাঁরা বনিতাকে মাল্যচন্দন হিদাবে ব্যবহার করেন, তাঁরা শুকিয়ে গোলে সেই বনিতাকে মাল্যচন্দনের মতই ভূতলে নিক্ষেপ করেন এবং তাকে পদদলিত কর্তেও সঙ্কুচিত হন না। প্রথমবয়সে মধুর রস অভিমাত্রায় চর্চা করলে শেষবয়সে জীবন তিতো হয়ে উঠে। এ শ্রেণীর লোকের হাতে শৃক্ষার-শতকের পরেই বৈরাগ্য-শতক রচিত হয়।

একই কারণে, যাঁরা যৌবনকে কেবলমাত্র ভোগের উপকরণ মনে करत्रन, তাঁদের মুখে যৌবন-নিন্দা লেগে থাক্বারই কথা। যাঁরা

যৌবন-জোয়ারে গা-ভাসিয়ে দেন, তাঁরা ভাঁটার সময় পাঁকে পড়ে' গত-জোয়ারের প্রতি কটুকাটব্য প্রয়োগ করেন। যৌবনের উপর 'তোঁদের রাগ এই, যে, তা পালিয়ে যায় এবং একবার চলে গেলে আর ফেরে না। যয়াতি য়িদ পুরুর কাছে ভিক্ষা করে যৌবন ফিরে না পেতেন, তাহলে তিনি, যে কাব্য কিন্ধা ধর্ম্মশান্ত রচনা কর্তেন, তাতে যে কি স্থতীত্র যৌবন-নিন্দা থাক্ত তা আমরা কল্পনাও কর্তে পারিনে। পুরু যে পিতৃভক্তির পরিচয় দিয়েছিলেন তার ভিতর পিতার প্রতি কতটা ভক্তি ছিল এবং তাতে পিতারই যে উপকার করা হয়েছিল তা বল্তে পারিনে কিন্তু তাতে দেশের মহা অপকার হয়েছে;—কারণ নীতির একখানা বড় গ্রন্থ মারা গেছে।

ষযাতি-কাঞ্জিত যোবনের বিরুদ্ধে প্রধান অভিযোগ এই যে, তা অনিত্য। এ বিষয়ে ব্রাক্ষণ ও শ্রমণ, নগ্নক্ষপণক ও নাগরিক সকলেই এক-মত।

"যৌবন ক্ষণস্থায়ী"—এই আক্ষেপে এদেশের কাব্য ও সঙ্গীত পরিপূর্ণ.।

> "ফাগুন গেয়ী হয় বছরা ফেরী আয়ী হয় গ্যায় ভো জোবন কেরি আগুত নহি।"

এই গান আজও হিন্দুস্থানের পথে ঘাটে অতি করুণ স্থরে গাওয়া হয়ে থাকে। যৌবন যে চিরদিন থাকে না, এ আপশোষ রাখবার স্থান ভারতবর্ষে নেই।

যা অতি প্রিয় এবং অতি ক্ষণস্থায়ী তার স্থায়িত্ব বাড়াবার চেষ্টা মামুষের পক্ষে স্বাভাবিক। সম্ভবতঃ নিজের অধিকার বিস্তার করবার ্উদ্দেশ্যেই এদেশে যৌবন, শৈশবের উপর আক্রমণ করেছিল। বাল্য-বিবাহের মূলে হয় ত এই যৌবনের মেয়াদ বাড়াবার ইচ্ছাটাই বর্ত্তমান। জীবনের গতিটি উল্টো দিকে ফেরাবার ভিতরও একটা মহা আর্ট্র আছে। পৃথিবীর অপর সব দেশে, লোকে গাছকে কি করে বঁড় করতে হয় তারি সন্ধান জানে, কিন্তু গাছকে কি করে ছোট করতে হয়, সে কৌশল শুধু জাপানিরাই জানে। একটি বটগাছকে তারা চিরজীবন একটি টবের ভিতর পুরে রেখে দিতে পারে। শুনতে পাই. এই সব বামন-বট হচ্ছে অক্ষয় বট। জাপানিদের বিশাস যে, গাছকে ব্রন্ধ করলে তা আর বৃদ্ধ হয় না। সম্ভবতঃ আমাদেরও মনুষ্যত্বের চর্চচা সম্বন্ধে এই জাপানি আর্ট জানা আচে এবং বাল্যবিবাহ হচ্ছে সেই আর্টের একটি প্রধান অঙ্গ।ু এবং উক্ত কারণেই অপর সকল প্রাচীন সমাজ উৎসয়ে গেলেও আমাদের সমাজ আজও টি কৈ আছে। মনুষ্য খৰ্বব করে, মানব-সমাজকে টবে জিইয়ে রাখায় যে বিশেষ কিছু অহঙ্কার করবার আছে এমন ত সামার মনে হয় না। সে যাই হোক, এ যুগে যখন কেউ যৌবনকে রাজটীকা দেবার প্রস্তাব করেন, তখন তিনি সমাজের কথা ভাবেন :---ব্যক্তিবিশেষের কথা নয়।

ব্যক্তিগত হিসেবে জীবন ও যৌবন অনিত্য হলেও মানব-সমাক্তের হিসেবে ও তুই পদার্থ নিত্য বল্লেও অত্যুক্তি হয় না। স্কৃতরাং সামাজিক জীবনে যৌবনের প্রতিষ্ঠা করা মানুষের ক্ষমতার বহিস্ত্ না হলেও না হতে পারে।

কি উপায়ে যৌবনকে সমাজের যৌবরাজ্যে অভিষিক্ত করা যেতে পারে তাই হচেচ বিবেচা ও বিচার্য্য । এ বিচার কর্বার সময়, এ কথাটি মনে রাখা আবশ্যক যে, মানব-জীবনের পূর্ণ অভিব্যক্তি,—যৌবন।

্ মৌবনে মাসুষের বাছেন্দ্রিয় কর্ম্মেন্দ্রিয় ও অন্তরেন্দ্রিয় সব সজাগ ও সবল হয়ে ওঠে এবং স্মন্তির মূলে যে প্রেরণা আছে মাসুষে সেই প্রেরণা তার সকল অক্তে, সকল মনে অনুভব করে।

দেহ ও মনের অবিচ্ছেছ্য সম্বন্ধের উপর মানবজীবন প্রতিষ্ঠিত।
হলেও, দেহ মনের পার্থক্যের উপরেই আমাদের চিন্তারাজ্য প্রতিষ্ঠিত।
দেহের যৌবনের সঙ্গে, মনের যৌবনের একটা যোগাযোগ থাক্লেও,
দৈহিক যৌবন ও মানসিক যৌবন স্বতন্ত্র। এই মানসিক যৌবন
লাভ কর্তে পারলেই আমরা তা সমাজে প্রতিষ্ঠা কর্তে পার্ব।
দেহ সন্ধীর্ণ ও পরিচিছ্ন; মন উদার ও ব্যাপক। একের দেহের
যৌবন, অপরের দেহে প্রবেশ করিয়ে দেবার যো নেই;—কিন্তু একের
মনের যৌবন, লক্ষ লোকের মনে সংক্রেমণ করে দেওয়া যেতে পারে।

পূর্বের বলেছি যে, দেহ ও মনের সম্বন্ধ অবিচ্ছেছ। একমাত্র প্রাণ-শক্তিই জড় ও চৈতত্তের যোগ সাধন করে। যেখানে প্রাণ, নেই, সেখানে জড়ে ও চৈতত্তে মিলনও দেখা যায় না। প্রাণই আমাদের দেহ ও মনের মধ্যে মধ্যস্থতা কর্ছে। প্রাণের পায়ের নীচে হচ্চে জড়জগৎ আর তার মাথার উপরে মনোজগৎ। প্রাণের ধর্মা, যে, জীবনপ্রবাহ রক্ষা করা, নব নব স্প্তির দ্বারা স্প্তি রক্ষা করা,—এটি সর্ববলোকবিদিত। কিন্তু প্রাণের আর একটি বিশেষ ধর্ম্ম আছে যা সকলের কাছে সমান প্রত্যক্ষ নয়। সেটি হচ্চে এই যে, প্রাণ প্রতিমৃহুর্ত্তে রূপান্তরিত হয়। হিন্দু-দর্শনের মতে, জীবের প্রাণময় কোষ, অলম্য়য় কোষ ও মনোময় কোষের মধ্যে অবস্থিত। প্রাণের গতি উভয়মুখী। প্রাণের পক্ষে মনোময় কোষে ওঠা এবং অয়য়য়
কোষে নামা— ছই সম্ভবঁ। প্রাণ অধোগতি প্রাপ্ত হয়ে জড়জগতের
মন্তর্ভূত হয়ে যায়; আর উয়ত হয়ে মনোজগতের অন্তর্ভূত হয়ৢৢৢৢৢ৸নকে প্রাণের পরিণতি এবং জড়কে প্রাণের বিকৃতি বল্লেও অত্যুক্তি
হয় না। প্রাণের স্বাভাবিক গতি হচ্ছে মনোজগতের দিকে;
প্রাণের স্বাধীন স্ফুর্ত্তিতে বাধা দিলেই তা জড়তা প্রাপ্ত হয়়। প্রাণ
নিজের অভিব্যক্তির নিয়ম নিজে গড়ে নেয়;—বাইরের নিয়মে তাকে
বন্ধ করাতেই সে জড়জগতের অধীন হয়ে পড়ে। যেমন প্রাণী-জগতের
রক্ষার জন্ত নিত্তা নূতন প্রাণের স্পষ্টি আবশ্যক এবং সে স্পষ্টির
জন্ত দেহের যৌবন চাই; তেমনি মনোজগতের এবং তদধীন কর্ম্মাজগতের রক্ষার জন্ত সেথানেও নিত্তা নব স্বস্টির আবশ্যক এবং সে
স্বস্টির জন্ত মনের যৌবন চাই। পুরাতনকে আঁকড়ে থাকাই বার্দ্ধকা
অর্থাৎ জড়তা। মানসিক যৌবন লাভের জন্ত প্রথম আবশ্যক—
প্রাণ-শক্তি যে দেবী শক্তি—এই বিশাস।

এই মানসিক যৌবনই সমাজে প্রতিষ্ঠা করা হচ্ছে আমাদের উদ্দেশ্য। এবং কি উপায়ে তা সাধিত হতে পারে তাই হচ্ছে আলোচ্য।

আমরা সমগ্র সমাজকে একটি ব্যক্তিহিসেবে দেখলেও, আসলে মানবসমাজ হচ্ছে বহুব্যক্তির সমপ্তি। যে সমাজে বহু ব্যক্তির মানসিক যৌবন আছে, সেই সমাজেরই যৌবন আছে। দেহের যৌবনের সঙ্গে সঙ্গেই মনের যৌবনের অবির্ভাব হয়। সেই মানসিক যৌবনকে হারী কর্তে হলে, শৈশীব নয়—বাদ্ধক্যের দেশ আক্রমণ এবং অধিবার কর্তে হয়। দেহের যৌবনের অস্তে, বাদ্ধক্যের রাজ্যে যৌবনের অধিকার বিস্তার কর্বার শক্তি আমর। সমাজ হতেই সংগ্রহ কর্তে পারি। ব্যক্তিগত জীবনে ফাল্পন এক'বার চলে গেলে আবার বিরে আসে না; কিন্তু সমগ্র সমাজে ফাল্পন চিরদিন বিরাজ করছে। সমাজে নূতন প্রাণ, নূতন মন, নিত্য জন্মলাভ করছে। অর্পাৎ নূতন স্থাত্যুখ, নূতন আশা, নূতন ভালবাসা, নূতন কর্ত্তব্য ও নূতন চিন্তা, নিত্য উদয় হচেছ। সমগ্র সমাজের এই জীবন-প্রবাহ বিনি নিজের অন্তরে টেনে নিতে পারবেন তাঁর মনের যৌবনের আর ক্ষয়ের আশক্ষা নেই। এবং তিনিই আবার কথায় ও কাজে সেই যৌবন সমাজকে ফিরিয়ের দিতে পারবেন।

এ যৌবনের কপালে রাজটীক। দিতে আপত্তি করবেন, এক জড়বাদী, আর এক মায়াবাদী; কারণ এঁরা উভয়েই এক মত। এঁরা উভয়েই বিশ্ব হতে তার অস্থির প্রাণাটুকু বার করে দিয়ে, যে এক স্থিরতাব লাভ করেন, তাকে জড়ই বল, আর চৈতত্তই বল, সে বস্তু হচ্ছে এক,—প্রভেদ যা, তা নামে।

বীরবল্ট।

সনুত্র পত্র

সম্পাদক— শ্রীপ্রমথ চৌধুরী

সনুজ্ পত্ৰ

. M&

তোমার শব্ধ ধূলায় পড়ে',
কেমন করে সইব ?
বাতাস আলো গেল মরে'
এ কি রে ছুর্দ্দিব !
লড়বি কে আয় ধ্বজা বেয়ে,
গান আছে যার ওঠ্না গেয়ে,
চলবি যারা চল্রে ধ্যেয়,
আয় না রে নিঃশক্ষ !
ধূলায় পড়ে রইল চেয়ে
ঐ যে অভয় শব্ধ!

চলেছিলেম পূজার ঘরে
সাজিয়ে ফুলের' অর্ঘ্য ।
থুঁজি সারাদিনের পরে
কোথায় শান্তি-ফর্গ ।
এবার আমার হৃদয়-ক্ষত
ভেবেছিলেম হবে গত,
ধুয়ে মলিন চিহ্ন যত
হব নিক্ষলক্ষ ।
পথে দেখি ধূলায় নত
ভোমার মহাশক্ষ ।

তারতি-দীপ এই কি জালা ?
এই কি আমার সন্ধ্যা ?
গাথব রক্ত-জবার মালা ?
হার রজনীগন্ধা !
ভেবেছিলেম বোঝাযুঝি
মিটিয়ে পাব বিরাম খুঁজি,
চুকিয়ে দিয়ে ঋণের পুঁজি
লব তোমার অক্ষ।
হৈনকালে ডাকল বুঝি
নীরব তব শশ্বা!

যৌবনেরি পরশমণি
করাও তবে স্পর্শ !
দীপক-তানে উঠুক ধ্বনি'
দীপ্ত প্রাণের হর্ম ।
নিশার বক্ষ বিদার করে'
উদ্বোধনে গগন ভরে'
অন্ধ দিকে দিগস্তরে
জাগাও না আভঙ্ক !
ছুই হাতে আজ তুলব ধরে'
গোমার জয়শস্থ ।

জানি জানি তন্ত্রা মম
রইবে না আর চক্ষে।
জানি শ্রাবণ-ধারাসম
বাণ বাজিবে বক্ষে।
কেউ বা ছুটে আসবে পাশে
,
কাঁদবে বা কেউ দীর্ঘণাসে,
ছঃস্বপনে কাঁপবে ত্রাসে
ফুপ্তির পালস্ক।
বাজবে যে আজ মহোলাসে
ভোমার মহাশশ্ব।

তোমার কাছে আরাম চেয়ে
পোলেম শুধু লজ্জা।
এবার সকল অঙ্গ ছেয়ে
পরাও রণসজ্জা।
ব্যাঘাত আফুক্ নব নব,
আঘাত খেয়ে অটল রব,
বক্ষে আমার ছঃখে, তব
বাজ্বে জয়ডঙ্ক।

স্বৃজ পত্ৰ

দেব সকল শক্তি, লব

অভয় তব শব্ধ !

শ্রীরবীন্দ্রনাথ ঠাকুর।

আযাঢ়

ঋতুতে ঋতুতে যে ভেদ সে কেবল বর্ণের ভেদ নহে, বৃত্তিরও ভেদ বটে। মাঝে মাঝে বর্ণসঙ্কর দেখা দেয়—জৈচেন্ঠর পিঙ্গল জটা শ্রাবণের মেঘস্তৃপে নীল হইয়া উঠে, ফাল্পনের শ্রামলতায় বৃদ্ধ পৌষ লাপনার পীত রেখা পুনরায় চালাইবার চেন্টা করে। কিন্তু প্রকৃতির ধর্মারাজ্যে এ সমস্ত বিপর্যায় টেঁকে না।

গ্রীন্সকে প্রাক্ষণ বলা যাইতে পারে। সমস্ত রসবাহল্য দমন করিয়া, জঞ্জাল মারিয়া, তপস্থার আগুন জ্ঞালিয়া সে নিবৃত্তিমার্গের মন্ত্রসাধন করে। সাবিত্রী-মন্ত্র জপ করিতে করিতে কথনো বা, সে নিখাস ধারণ করিয়া রাখে, তথন গুমটে গাছের পাতা নড়ে না; আবার যখন সে রুদ্ধ নিখাস ছাড়িয়া দেয় তখন পৃথিবী কাঁপিয়া উঠে। ইহার আহারের আয়োজনটা প্রধানত ফলাহার।

বর্ধাকে ক্ষত্রিয় বলিলে দোষ হয় না। তাহার নকীব আগে আগে গুরুগুরু শব্দে দামামা বাজাইতে বাজাইতে আসে,—নেঘের পাগড়ি পরিয়া পশ্চাতে সে নিজে আসিয়া দেখা দেয়। অল্লে তাহার সন্তোষ নাই। দিখিজ্বয় করাই তাহার কাজ। লড়াই করিয়া সমস্ত আকাশটা দখল করিয়া সে দিক্চক্রবর্ত্তী হইয়া বসে। তমালতালীবন-রাজির নীলতম প্রাস্ত হইতে তাহার রথের ঘর্ষরধ্বনি শোনা যায়, তাহার বাঁকা তলোয়ারখানা ক্ষণে ক্ষণে কোষ হইতে বাহির হইয়া দিগ্বক্ষ বিদীর্ণ করিতে থাকে, আর তাহার তুণ হইতে বরুণ-বাণ আর নিঃশেষ হইতে চায় না। এদিকে তাহার পাদপীঠের উপর

मनुक কিংখাবের আন্তরণ বিছানো, মাথার উপরে ঘনপল্লবশ্যামল চন্দ্রাতপে সোনার কদন্তের ঝালর ঝুলিতেছে, আর বন্দিনী পূর্বনিগ্ধ পাশে দাঁড়াইয়া অশ্রুনয়নে তাহাকে কেত্রকীগদ্ধবারিসিক্ত পাখা বীদ্ধন করিবার সময় আপন বিত্যুন্মণিজড়িত কঙ্কণখানি ঝলকিয়া তুলিতেছে।

আর শীভটা বৈশ্য। তাহার পাক। ধান কাটাই-মাড়াইয়ের আয়োজনে চারিটি প্রহর ব্যস্ত, কলাই যব ছোলার প্রচুর আখাদে ধরণীর ডালা পরিপূর্ণ। প্রাঙ্গণে গোলা ভরিয়া উঠিয়াছে, গোষ্ঠে গোরুর পাল রোমস্থ করিতেছে, ঘাটে ঘাটে নৌকা বোঝাই হইল, পথে পথে ভারে মন্থর হইয়া গাড়ি চলিয়াছে; আর ঘরে ঘরে নবান্ন এবং পিঠাপার্ন্বণের উত্যোগে ঢেঁকিশালা মুখ্রিত।

এই তিনটেই প্রধান বর্ণ। আর শূদ্র যদি বল সে শরৎ ও বসস্ত। একজন শীতের, আর একজন গ্রীব্রের তল্পি বহিয়া আনে। মামুমের সঙ্গে এইখানে প্রকৃতির তফাৎ। প্রকৃতির ব্যবস্থায় যেখানে সেবা সেইখানেই সোনদর্যা, যেখানে নম্রতা সেইখানেই ত্রগারব। তাহার সভায় শূদ্র যে, সে কুদ্র নহে, ভার যে বহন করে সমস্ত আভরণ তাহারই। তাই ত শরতের নীল পাগড়ির উপরে সোনার কল্কা, বসস্তের স্থান্ধ পীত উত্তরীয়খানি ফুলকাটা। ইহারা যে পাছুকা পরিয়া ধরণী-পথে বিচরণ করে তাহা রং-বেরঙের সূত্রশিল্পে বুটিদার; ইহাদের অঙ্গদে কুগুলে অঙ্গুরীয়ে জহরতের সীমা নাই।

এই ত পাঁচটার হিসাব পাওয়া গেল। লোকে কিন্তু ছয়টা ঋতুর কথাই বলিয়া থাকে। ওটা নেহাৎ জোড় মেলাইবার জন্ম। তাহারা স্থানেনা বেজোড় লইয়াই প্রকৃতির যত বাহার। ৩৬৫ দিনকে ত্বই দিয়া ভাগ কর—০৬ পর্য্যন্ত বেশ মেলে কিন্তু সব-শেষের ঐ ছোট্রো পাঁচ-টি কিছুতেই বাগ মানিতে চায় না। ত্বইয়ে তুইয়ে মিল হইয়া গেলে সে মিল থামিয়া যায়, অলস হইয়া পড়ে। এই জন্ত কোথা হইতে একটা তিন আসিয়া সেটাকে নাড়া দিয়া তাহার যত রকম সন্ধীত সমস্তটা বাজাইয়া তোলে। বিশ্বসভায় অমিল-সয়ভানটা এই কাজ করিবার জন্তই আছে,—সে মিলের স্বর্গপুরীকে কোনো-মতেই ঘুমাইয়া পড়িতে দিবে না;—সেই ত নৃত্যপরা উর্ব্বনীর নৃপুরে ক্ষণে ক্ষণে তাল কাটাইয়া দেয়—সেই বেতালটি সাম্লাইবার সময়েই স্বর্ব্যায় তালের রস-উৎস উচ্ছ সিত হইয়া উঠে।

ছয় ঋতু গণনার একটা কারণ আছে। বৈশ্যকে তিন বর্ণের মধ্যে সব নীচে ফেলিলেও উহারই পরিমাণ বেশি। সমাজের নীচের বড় ভিত্তি ঐ বৈশ্য। ,এক দিক দিয়া দেখিতে গেলে সম্বংসরের প্রধান বিভাগ শরং হইতে শীত। বংসরের পূর্ণ পরিণতি ঐখানে। ফসলের গোপন আয়েয়লন সকল-ঋতুতেই কিস্তু ফসলের প্রকাশ হয় ঐ সময়েই। এই জন্ম বংসরের এই ভাগটাকে মানুষ বিস্তারিত করিয়া দেখে। এই অংশেই বাল্য যৌবন বার্দ্ধক্যের তিন মূর্তিতে বংসরের সফলতা মানুষের কাছে প্রত্যক্ষ হয়। শরতে তাহা চোথ জুড়াইয়া নবীন বেশে দেখা দেয়, হেমস্তে তাহা মাঠ ভরিয়া প্রবিণ ক্রেম পাকে, আর শীতে তাহা ঘর ভরিয়া পরিণত রূপে সঞ্চিত হয়।

শরৎ-হেমস্ত-শীতকে মানুষ এক বলিয়া ধরিতে পারিত কিস্ত ^{আপনার} লাভটাকে সে থাকে থাকে ভাগ করিয়া দেখিতে ভালবাসে। ^{তাহার স্পৃহনীয় জিনিষ একটি হইলেও সেটাকে অনেকথানি করিয়া} নাড়াচাড়া করাতেই তাহার স্থথ। একখানা নোটে কেবলমাত্র স্থবিধা, কিন্তু সারিবনদী ভোড়ায় যথার্থ মনের তৃপ্তি। এই জন্ম ঋতুর শে অংশে তাহার লাভ সেই অংশে মানুষ ভাগ বাড়াইয়াছে। শরং-হেমস্ত-শীতে মাসুষের ফসলের ভাণ্ডার, সেইজন্ম সেথানে তাহার তিন মহল : এখানে তাহার গৃহলক্ষ্মী। আর যেখানে আছেন বনলক্ষ্মী সেখানে তুই মহল,—বসন্ত ও গ্রীম। এখানে তাহার ফলের ভাঙার বনভোজনের ব্যবস্থা। ফালনে বোল ধরিল, জ্যৈষ্ঠে তাহা পাকিয়া উঠিল। বসন্তে ভ্রাণগ্রহণ, আর গ্রীমে স্বাদগ্রহণ।

ঋতুর মধ্যে বর্ষাই কেবল একা একমাত্র। তাহার জুড়ি নাই। গ্রীত্মের সঙ্গে তাহার মিল হয় না :--গ্রীত্ম দরিদ্র, সে ধনী। শরতের সঙ্গেও তাহার মিল হইবার কোনো সম্ভাবনা নাই। কেননা শর্ৎ ভাহারি সমস্ত সম্পত্তি নিলাম করাইয়া নিজের নদীনালা মাঠঘাটে বেনামি করিয়া রাখিয়াছে। যে ঋণী সে কৃতজ্ঞ নহে।

মাসুষ বর্ষাকে খণ্ড করিয়া দেখে নাই : কেননা বর্ষা-ঋতুটা মানুষের সংসারব্যবস্থার সঙ্গে কোনোদিক দিয়া জড়াইয়া পড়ে নাই। তাহার দাক্ষিণ্যের উপর সমস্ত বছরের ফল-ফসল নির্ভর করে কিন্তু **टम धनी एउमन नग्न एय निएकत्र मार्तित कथा**छ। तछन। कतिया मिरव। শরতের মত মাঠে ঘাটে পত্রে পত্রে সে আপনার বদান্যতা ঘোষণা করে না। প্রত্যক্ষভাবে দেনা-পাওনার সম্পর্ক নাই বলিয়া মাতুষ ফলাকাজ্জা ত্যাগ করিয়া বর্ধার সঙ্গে ব্যবহার করিয়া থাকে। বস্তুত বর্ধার যা-কিছু প্রধান ফল তাহা গ্রীম্মেরই ফলাহার-ভাণ্ডারের উদ্বত।

এই জন্ম বর্ষা-ঋতুটা বিশেষভাবে কবির ঋতু। কেনন^{*} ক^{বি} গীতার উপদেশকে ছাডাইয়া গেছে। তাহার কর্ম্মেও অধিকার

নাই : কলেও অধিকার নাই। তাহার কেবলমাত্র অধিকার ছটিতে ;— কৰ্ম হইতে ছুটি, ফল হইতে ছুটি।

বর্ষা-ঋতুটাতে ফলের চেফা অল্প এবং বর্ষার সমস্ত ব্যবস্থা কর্ম্মের প্রতিকূল। এই জন্ম বর্ষায় হৃদয়টা ছাড়া পায়। ব্যাকরণে হৃদয় যে লিক্সই হউক, আমাদের প্রকৃতির মধ্যে সে যে স্ত্রীজাতীয় তাহাতে সন্দেহ নাই। এই জন্ম কাজ-কর্ম্মের আপিসে বা লাভ-লোকসানের বাজারে সে আপনার পাল্কীর বাহির হইতে পারে ন। সেখানে সে १फ़ी-निमन ।

বাবুরা যখন পূজার ছুটিতে আপনাদের কাজের সংসার হইতে দূরে পশ্চিমে হাওয়া খাইতে যান, তখন ঘরের বধূর পর্দ্ধা উঠিয়া याय । वर्षाय आभारमञ्ज कामय्र-वर्षत श्रम्मा थारक ना । वामलाज कर्माहीन নেলায় সে যে কোথায় বাহির হইয়া পড়ে তাহাকে ধরিয়া রাখা দায় ^{হয়।} একদিন পয়লা আষাঢ়ে উজ্জ্বয়িনীর কবি তাহাকে রামগিরি ^{হইতে} অলকায়, মর্ত্ত্য হইতে কৈলাস পর্য্যন্ত <mark>অমুসরণ করিয়াছেন।</mark>

বর্ষায়ু হৃদয়ের বাধা-ব্যবধান চলিয়া যায় বলিয়াই সে সময়টা বিরহী বি<u>র্</u>থহিনীর পক্ষে বড় সহজ সময় নয়। তথন হৃদয় আপনার সমস্ত বেদনার দাবী লইয়া সম্মুখে আসে। 'এদিক-ওদিকে আপিসের পেয়াদা থাকিলে সে অনেকটা চুপ করিয়া থাকে কিন্তু এখন তাহাকে শানাইয়া রাখে কে ?

- বিশ্ব্যাপারে মস্ত একটা ডিপার্টমেন্ট্ আছে, সেটা বিনা কাজের। সেটা পারিক্ ওয়ার্কস্ ডিপার্ট্মেণ্টের বিপরীত। সেখানে যে-সমস্ত ^{কাণ্ড মটে} সে একেবারে বেহিসাবী। সরকারী হিসাব পরিদর্শক ^{হতাশ} হইয়া সেধানকার খাতাপত্র পরীক্ষা একেবারে ছাড়িয়া দিয়াছে। মনে কর, খামখা এত বড় আকাশটার আগাগোড়া নীল তুলি বুলাইবার কোনো দরকার ছিল না—এই শব্দহীন শৃন্টটাকে বর্ণহীন করিয়া রাখিলে সে ত কোনো নালিশ চালাইত না। তাহার পরে, অরণ্যে প্রান্তরে লক্ষ লক্ষ ফুল একবেলা ফুটিয়া আর-একবেলা ঝরিয়া যাইতেছে, তাহাদের বোঁটা হইতে পাতার ডগা পর্যান্ত এত যে কারিগরি সেই অজ্জ্র অপব্যয়ের জন্ম কাহারো কাছে কি কোনো জ্বাবদিহি নাই ? আমাদের শক্তির পক্ষে এ সমস্তই ছেলেখেলা, কোনো ব্যবহারে লাগে না; আমাদের বৃদ্ধির পক্ষে এ সমস্তই মায়া, ইহার মধ্যে কোনো বান্তবতা নাই।

আশ্চর্য্য এই ষে, এই নিপ্পায়োজনের জারগাটাই হৃদয়ের জারগা।
এই জন্ম ফলের চেয়ে ফুলেই তাহার তৃপ্তি। ফল কিছু কম সুন্দর
নয়, কিন্তু ফলের প্রয়োজনীয়তাটা এমন একটা জিনিষ যাহা লোভীর
ভিড় জমায়; বুদ্ধি-বিবেচনা আসিয়া সেটা দাবী করে; সেই জন্ম ঘোমটা
টানিয়া হৃদয়কে সেখান হইতে একটু সরিয়া দাঁড়াইতে হয়। তাই
দেখা যায় তামবর্গ পাকা আমের ভারে গাছের ডালগুলি, নত হইয়
পড়িলে বিরহিণীর রসনায় যে রসের উত্তেজনা উপস্থিত হয় সেটা
গীতি-কাব্যের বিষয় নহে। সেটা অত্যন্ত বাস্তব, সেটার মধ্যে বে
প্রয়োজন আছে তাহা টাকা-আনা-পাইয়ের মধ্যে বাঁধা বাইতে পারে।

বর্ধা-ঋতু নিপ্রয়োজনের ঋতু। অর্থাৎ তাহার সঞ্চীতে, তাহার সমারোহে, তাহার অন্ধকারে, তাহার দীপ্তিতে, তাহার চাঞ্চল্যে, তাহার গান্তীর্যো তাহার সমস্ত প্রয়োজন কোথার চাকা পড়িরা গেছে। এই ঋতু ছুটির ঋতু। তাই ভারতবর্ষে বর্ষার ছিল ছুটি—কেননা ভারতবর্ষে প্রকৃতির সঙ্গে মানুষের একটা বোঝাপড়া ছিল। ঋতুগুলি ভাহার দ্বারের বাহিরে দাঁড়াইয়া দর্শন না পাইয়া ফিরিড না। °তাহার হৃদয়ের মধ্যে ঋতুর অভ্যর্থনা চলিত ১

ভারতবর্ষের প্রত্যেক ঋতুরই একটা না একটা উৎসব আছে। কিন্তু কোন্ ঋতু যে নিতাস্ত বিনা-কারণে তাহার হৃদয় অধিকার করিয়াছে তাহা যদি দেখিতে চাও তবে সঙ্গীতের মধ্যে সন্ধান কর। কেননা সঙ্গীতেই হৃদয়ের ভিতরকার কথাটা ফাঁস হইয়া পড়ে।

বলিতে গেলে ঋতুর রাগরাগিণী কেবল বর্ষার আছে আর বসস্তের।
সঙ্গীত-শাস্ত্রের মধ্যে সকল ঋতুরই জন্ম কিছু কিছু স্থরের বরাদ্দ থাকা
সম্ভব-—কিন্তু সেটা কেবল শাস্ত্রগত। ব্যবহারে দেখিতে পাই বসস্তের
জন্ম আছে বসন্ত আর বাহার—আর বর্ষার জন্ম মেঘা, মল্লার, দেশ,
এবং আরো বিস্তর। সঞ্চীতের পাড়ায় ভোট লইলে বর্ষারই হয় জিত।

শরতে, হেমস্তে, ভরা-মাঠ, ভরা-নদাতে মন নাচিয়া ওঠে; তথন উৎসবেরও অন্ত নাই, কিন্তু রাগিণীতে তাহার প্রকাশ রহিল না কেন ? তাহার প্রধান কারণ, ঐ ঋতুতে বাস্তব ব্যস্ত হইয়া আসিয়া মাঠঘাট জুড়িয়া বুসে। বাস্তবের সভায় সঙ্গীত মুজরা দিতে আসে না—যেখানে অথও অবকাশ সেখানেই সে সেলাম করিয়া বসিয়া যায়।

বাহার। বস্তুর কারবার করিয়া থাকে তাহার। যেটাকে অবস্তু ও
শৃশু বলিয়া মনে করে সেটা কম জিনিয় নয়। লোকালয়ের হাটে
ভূমি বিক্রি হয়, আকাশ বিক্রি হয় না। কিন্তু পৃথিবীর বস্তু-পিশুকে
যেরিয়া যে বায়ুমগুল আছে, জ্যোতিলোক হইতে আলোকের দৃত সেই
পথ দিয়াই আনাগোনা করে। পৃথিবীর সমস্ত লাবণ্য ঐ বায়ু-মগুলে।
ঐথানেই তাহার জীবন। ভূমি শ্রুব, তাহা ভারি, তাহার একটা হিসাব
পাওয়া বায়। কিন্তু বায়ু-মগুলে যে কত পাগলামি তাহা বিক্ত লোকের

জগোচর নাই। ' তাহার মেজাজ কে বোঝে ? পৃথিবীর সমস্ত প্রয়োজন ধূলির উপরে, কিন্তু পৃথিবীর সমস্ত সঙ্গীত ঐ শৃত্যে,—বেখানে তাহার জপরিচ্ছিন্ন অবকাশ।

মানুষের চিত্তের চারিদিকেও একটি বিশাল অবকাশের বায়্-মণ্ডল আছে। সেইখানেই তাহার নানারতের খেয়াল ভাসিতেছে; সেইখানেই অনস্ত তাহার হাতে আলোকের রাখী বাঁধিতে আসে; সেইখানেই অনস্ত তাহার হাতে আলোকের রাখী বাঁধিতে আসে; সেইখানেই অত্বৃত্তি, সেইখানেই উনপঞ্চাশ বায়ুর উন্মন্ততা, সেখানকার কোনো হিসাব পাওয়া যায় না। মানুষের যে অতিচৈতভালোকে অভাবনীয়ের লীলা চলিতেছে সেখানে যে-সব অকেজো লোক আনাগোনা রাখিতে চায়—তাহারা মাটিকে মাভ্য করে বটে কিন্তু এই বিপুল অবকাশের মধ্যেই তাহাদের বিহার। সেখানকার ভাষাই সঙ্গীত। এই সঙ্গীতে ৰাস্তবলোকে বিশেষ কি কাজ হয় জানি না—কিন্তু ইহারই কম্পামান পক্ষের আঘাত বেগে অতিচৈতভালোকের সিংহদ্বার খুলিয়া যায়।

মামুবের ভাষার দিকে একবার তাকাও। ঐ ভাষাতে মামুবের প্রকাশ; সেই জন্ম উহার মধ্যে এত রহন্ম। শব্দের বস্তুটা ইইডেছে তাহার অর্থ। মামুষ যদি কেবলমাত্র হইত বান্তব, তবে তাহার ভাষার শব্দে নিছক্ অর্থ ছাড়া আর কিছুই থাকিত না। তবে তাহার শব্দ কেবলমাত্র থবর দিত,—হুর দিত না। কিস্তু বিস্তর শব্দ আছে যাহার অর্থ-পিণ্ডের চারিদিকে আকাশের অবকাশ আছে, একটা বায়ু-মণ্ডল আছে। তাহারা যেটুকু জানায় তাহারা তাহার চেয়ে অনেক বেশি—তাহাদের ইসারা তাহাদের বাণীর চেয়ে বড়। ইহাদের পরিচয় তব্দিত প্রতায়ে নহে, চিতপ্রভায়ে। এই সমস্ত অবকাশওয়ালা কথা লইয়া অবকাশ-বিহারী কবিদের কারবার। এই অবকাশের বারু-মণ্ডলেই নানা

র্ত্তিন আলোর রং ফলাইবার স্বযোগ — এই ফাঁকটাতেই ছন্দগুলি নানা ভঙ্গীতে হিল্লোলিত হয়।

এই সমস্ত অবকাশবহুল রঙিন শব্দ যদি না থাকিত তবে বৃদ্ধির কোনো ক্ষতি ইইত না কিন্তু হৃদর বে বিনা প্রকাশে বৃক্ কাটিয়া মরিত। অনির্ব্বচনীরকে লইয়া তাহার প্রধান কারবার; এই জন্য অর্থ তাহার অতি সামাত্ত প্রয়োজন। বৃদ্ধির দরকার গতিতে, কিন্তু হৃদয়ের দরকার নৃত্ত্যে। গতির লক্ষ্য—একাগ্র হইয়া লাভ করা, নৃত্ত্যের লক্ষ্য—বিচিত্র ইইয়া প্রকাশ করা। ভিড়ের মধ্যে ভিড়িয়াও চলা যায় কিন্তু ভিড়ের মধ্যে নৃত্যু করা যায় না। নৃত্যের চারিদিকে অবকাশ চাই। এই জন্য হৃদয় বাবরাশ দাবী করে। বৃদ্ধিমান তাহার সেই দাবীটাকে অবাস্তব এবং ভুচ্ছ বলিয়া উড়াইয়া দেয়।

আমি বৈজ্ঞানিক নহি কিন্তু অনেক দিন ছন্দ লইয়া ব্যবহার করিয়াছি বলিয়া ছন্দের তম্বটা কিছু বুঝি বলিয়া মনে হয়। আমি জানি ছন্দের যে অংশটাকে যতি বলে অর্থাৎ যেটা ফাঁকা, অর্থাৎ ছন্দের বস্তু-অংশ যেখানে নাই সেইখানেই ছন্দের প্রাণ—-পৃথিবীর প্রাণটা যেমন মাটিতে নহে, তাহার বাভাসেই। ইংরাজিতে যতিকে বলে pause —কিন্তু pause শান্দে একটা অভাব সূচনা করে যতি সেই অভাব নহে। সমস্ত ছন্দের ভাবটাই ঐ যতির মধ্যে—কারণ বিভি ছন্দকে নিরস্ত করে না, নিয়মিত করে। ছন্দ যেখানে যেখানে থানে সেইখানেই তাহার ইসারা ফুটিয়া উঠে, সেইখানেই সে নিশাস ছাড়িয়া আপনার পরিচয় দিয়া বাঁচে।

এই প্রমাণটি হইতে আমি বিশ্বাস করি বিশ্বরচনায় কেবলি

বে সমস্ত যতি দেখা যায় সেইখানে শুশুতা নাই, সেইখানেই বিশ্বের প্রাণ কাজ করিতেছে। শুনিয়াছি অণু-পরমাণুর মধ্যে কেবলিছিদ্র,—আমি নিশ্চয় জানি সেই ছিদ্রগুলির মধ্যেই বিরাটের অবস্থান।ছিদ্রগুলিই মুখ্য, বস্তুগুলিই গোণ। যাহাকে শুশু বলি বস্তুগুলি তাহারই অপ্রাপ্ত লীলা। সেই শুশুই তাহাদিগকে আকার দিতেছে, গতি দিতেছে, প্রাণ দিতেছে। আকর্ষণ-বিকর্ষণ ত সেই শুশেরই কুন্তির পাঁয়া। জগতের বস্তুব্যাপার সেই শুশ্যের, সেই মহাযতির, পরিচয়। এই বিপুল বিচ্ছেদের ভিতর দিয়াই জগতের সমস্ত যোগ সাধন হইতেছে—অণুর সজে অণুর, পৃথিবীর সজে সূর্য্যের, নক্ষত্রের। সেই বিচ্ছেদ-মহাসমুদ্রের মধ্যে মানুষ ভাসিতেছে বলিয়াই মানুষের শক্তি, মানুষের স্তর্যান, মানুষের প্রেণ, মানুষের ফত কিছু লীলাখেলা। এই মহাবিচ্ছেদ যদি বস্তুছে নিরেট ইইয়া ভরিয়া যায় তবে একেবারে নিবিড্ একটানা মুষ্ট্য।

মৃত্যু আর কিছু নহে—২স্ত যখন আপনার অবকাশকে হারায় তথন তাহাই মৃত্যু। বস্তু তখন যেটুকু কেবলমাত্র সেইটুকুই, তার বেশি নর। প্রাণ সেই মহা-অবকাশ— যাহাকে অবলম্বন করিয়া বস্তু আপনাকে কেবলি আপনি ছাড়াইয়া চলিতে পারে।

বস্তু-বাদীর। মনে করে অবকাশটা নিশ্চল কিন্তু যাহারা অবকাশরসের রসিক ভাহারা জানে বস্তুটাই নিশ্চল, অবকাশই ভাহারে
গতি দেয়। রণক্ষেত্রে সৈন্তোর অবকাশ নাই; ভাহারা কাঁধে ^{কাঁধ}
মিলাইয়া ব্যুহরচনা করিয়া চলিয়াছে, ভাহারা মনে ভাবে আমরাই বৃদ্ধ
করিভেছি। কিন্তু যে-সেনাপতি অবকাশে নিমগ্ন হইয়া দূর ^{হইডে}
ক্রেজভারে দেখিতেছে, সৈন্তদের সমস্ত চলা ভাহারই মধ্যে। নিশ্চলে

যে ভরঙ্কর চলা তাহার রুদ্রবেগ যদি দেখিতে চাও তবে দেখ ঐ নক্ষত্র-মণ্ডলীর আবর্ত্তনে, দেখ যুগবুগান্তরের তাণ্ডব-নৃত্যে। যে নাচিতেছে না তাহারই নাচ এই সকল চঞ্চলতায়।

এত কথা যে বলিতে হইল তাহার কারণ, কবিশেখর কালিদাস যে আবাঢ়কে আপনার মন্দাক্রাস্তাচ্ছন্দের অমান মালাটি পরাইয়া বরণ করিয়া লইয়াছেন তাহাকে ব্যস্ত-লোকেরা "আধাঢ়ে" বলিয়া স্ববজ্ঞা করে। তাহারা মনে করে এই মেঘাবগুণ্ণিত বর্ষণ-মঞ্জীর-মুখর মাসটি সকল-কাজের বাহির, ইহার ছায়াবৃত প্রহরগুলির পসরায় (क्वल वांट्ज-कथांत श्रा: जागांस मान कांट्ज ना । मकल-कांट्ज न-বাহিরের যে দলটি যে অহৈতুকী স্বর্গসভায় আসন লইয়া বাজে-কথার অমৃত পান করিতেছে, কিশোর আষাঢ় যদি আপন আলোল কুফুলে নবমালতীর মালা জড়াইয়া স্নেই সভার নীলকান্তমণির পেয়ালা ভরিবার ভার লইয়া থাকে, তবে স্থাগত, হে নবঘনশ্যাম, আমরা তোমাকে অভিবাদন করি। এস এস জগতের যত অকর্মাণ্য, এস এস ভাবের ভারুক, রসের রসিক,—আবাঢ়ের মৃদক্ষ ঐ বাজিল, এস সমস্ত ক্যাপার দল, তোমাদের নাচের ডাক পড়িয়াছে। বিশ্বের চির-বিরহ-বেদনার অশ্রু-উৎস আজ খুলিয়া গেল, আজ তাহা আর মানা মানিল না। এস গো অভিসারিকা, কাজের সংসারে কপাট পড়িয়াছে, হাটের পথে লোক নাই, চকিত বিহ্যুতের আলোকে আজ যাত্ৰায় বাহির হইবে—জাতীপুস্পস্থান্ধিবনান্ত হইভে সলল ৰাতালে আহ্বান আসিল—-কোন্ ছায়াৰিতানে বসিয়া আছে ৰহুযুগের চিরজাগ্রত প্রতীকা !

শীরবীন্দ্রনাথ ঠাকুর।

বোষ্ট্ৰমী

জামি লিখিয়া থাকি অথচ লোকরঞ্জন আমার কলমের ধর্ম নয় এইজন্ম লোকেও আমাকে সদাসর্বদা যে রঙে রঞ্জিত করিয়া থাকে তাহাতে কালীর ভাগই বেশি। আমার সম্বন্ধে অনেক কথাই শুনিতে হয়—কপালক্রেমে সেগুলি হিতকথা নয়, মনোহারী ত নহেই।

শেরীরে যেখানটায় ঘা পড়িতে থাকে সে জায়গাটা যত তুচ্ছই বোক্ সমস্ত দেহটাকে বেদনার জোরে সেই ছাড়াইয়া যায়। যে লোক গালি খাইয়া মানুষ হয় সে আপনার সভাবকে যেন ঠেলিয়া এক-ঝোঁকা হইয়া পড়ে। আপনার চারিদিককে ছাড়াইয়া আপনাকেই কেবল তাহার মনে পড়ে—সেটা আরামও নয়, কল্যাণও নয়। আপনাকে ভোলাটাই ত স্বস্তি।

জামাকে তাই ক্ষণে ক্ষণে নির্ভ্জনের খোঁজ করিতে হয়। মামুষের ঠেলা খাইতে খাইতে মনের চারিদিকে যে টোল খাইয়া ক্ষায়, বিশ্বপ্রকৃতির সেবানিপুণ হাতখানির গুণে তাহা ভরিয়া উঠে।

কলিকান্ত হইতে দুরে নিভূতে আমার একটি অজ্ঞাতবাদের আয়োজন আছে; আমার নিজ-চর্চার দৌরাত্ম্য হইতে সেইখানে অন্তর্ধান করিরা থাকি। সেখানকার লোকেরা এখনো আমার সম্বন্ধে কোনো একটা সিদ্ধান্তে আসিয়া পৌছে নাই। তারার দেখিয়াছে আমি ভোগী নই, পানীর রক্তনীকে কলিকান্তার কলুবে আবিল করি না; আবার যোগীও নই, কারণ দুর হইতে আমার বেটুকু, পরিচর পাওয়া বায় ভাহার মধ্যে ধনের জক্ষণ আছে।

আমি পথিক নহি, পল্লীর রাস্তায় ঘুরি বটে কিন্তু কোথাও পৌছিবার দিকে আমার কোনো লক্ষ্যই নাই; আমি যে গৃহী এমন কথা বলাও শক্ত, কারণ ঘরের লোকের প্রমাণাভাব। এইজন্য পরিচিত জীবশ্রেণীর মধ্যে আমাকে কোনো-একটা প্রচলিত কোঠায় না ফেলিতে পারিয়া গ্রামের লোক আমার সম্বন্ধে চিন্তা করা একরকম ছাডিয়া দিয়াছে--আমিও নিশ্চিন্ত আছি।

অব্লদিন হইল খবর পাইয়াছি এই গ্রামে একজন মানুষ আছে যে আমার সম্বন্ধে কিছু-একটা মনে ভাবিয়াছে; অন্তত বোক। ভাবে নাই।

তাহার সঙ্গে প্রথম দেখা হইল তখন আঘাঢ়মাদের বিকালবেলা। ^{কান।} শেষ হইয়া গেলেও চোখের পল্লব ভিজা থাকিলে যেমূন ভাবটা হয়, সকলেবেলাকার বৃদ্ধি-অবসানে সমস্ত লতাপাতা আকাশ ও বাতাদের মধ্যে দেই ভাবটা ছিল। আমাদের পুকুরের উঁচু পাড়িটার উপর দাঁড়াইয়া আমি একটি নধর শ্রামল গাভীর ^{ঘাস} খাওয়া দেখিতেছিলাম। তাহার চিক্কণ দেহটির উপর রৌদ্র পড়িয়াছিল দেখিয়া ভাবিতেছিলাম আকাশের আলো হইতে সভ্যতা ^{আপনার} দেহটাকে পৃথক করিয়া রাখিবার জন্ম যে এত দরজির দৌকান বানাইয়াছে ইহার মত এমন অপব্যয় আর নাই।

এমন সময় হঠাৎ দেখি একটি প্রোঢ়া স্ত্রীলোক আমাকে ভূমিষ্ঠ ^{হইয়া} প্রণাম করিল। ভাহার আঁচলে কতকগুলি ঠোঙার মধ্যে করবী, গন্ধরাজ এবং আরে। তুইচার রকমের ফুল ছিল। তাহারই মধ্যে একটি আমার হাতে দিয়া ভক্তির স**ঙ্গে জো**ড়হাত করিয়া সে ^{বলিল}—আমার ঠাকুরকে দিলাম।—বলিয়া চলিয়া গেল।

আমি এর্মনি আশ্চর্য্য হইয়া গেলাম যে তাহাকে ভালো করিয়া দেখিতেই পাইলাম না।

ব্যাপারটা নিতান্তই সাদা অথচ আমার কাছে তাহা এমন করিয়া প্রকাশ হইল যে, সেই যে গাভীটি বিকালবেলাকার ধৃসররোদ্রে ল্যান্স দিয়া পিঠের মাছি তাড়াইতে তাড়াইতে নববর্ষার রসকোমল ঘাসগুলি বড় বড় নিশ্বাস ফেলিতে ফেলিতে শান্ত আনন্দে খাইয়া বেড়াইতেছে তাহার জীব-লীলাটি আমার কাছে বড় অপরূপ হইয়া দেখা দিল। এ কথা বলিলে লোকে হাসিবে কিন্তু আমার মন ভক্তিতে ভরিয়া উঠিল। আমি সহজ-আনন্দময় জীবনেশ্বরকে প্রণাম করিলাম। বাগানের আমগাছ হইতে পাতা-সমেত একটি কিচি আমের ডাল লইয়া সেই গাভীকে খাওয়াইলাম। আমার মনে হইল আমি দেবতাকে সন্তুষ্ট করিয়া দিলাম।

ইহার পরবৎসর যখন সেখানে গিয়াছি তখন মাঘের শেষ। সে বার তখনো শীত ছিল। সকালের রৌজটি পূবের জানলা দিয়া আমার পিঠে আসিয়া পড়িয়াছিল, তাহাকে নিষেধ ্করি নাই। দোতলার ঘরে বসিয়া লিখিতেছিলাম, বেহারা আসিয়া খবর দিল, আনন্দীবোফমী আমার সঙ্গে দেখা করিতে চায়। লোকটা কেজানি না, অন্তমনন্দ হইয়া বলিলাম, আছো এইখানে নিয়ে আয়!

বোর্টমী পায়ের ধূলা লইয়া আমাকে প্রণাম করিল। দেখিলাম সেই আমার পূর্ব্বপরিচিত স্ত্রীলোকটি। সে স্থন্দরী কি না সেট লক্ষ্যগোচর হইবার বয়স তাহার পার হইয়া গেছে। দোহার, সাধারণ স্ত্রীলোকের চেয়ে লম্বা; একটি নিয়ত ভক্তিতে তাহার শরীরটি নম্র, অথচ বলিষ্ঠ নিঃসক্ষোচ তাহার ভাব। সব চেয়ে চোখে পড়ে তাহার ছুই চোখ। ভিতরকার কি-একটা শক্তিতে তাহার সেই বড় বড় চোখষ্ট্রটি যেন কোন্ দূরের জিনিষকে কাছে করিয়া দেখিতেছে।

তাহার সেই তুই চোখ দিয়া আমাকে যেন ঠেলা দিয়া সে বলিল, এ আবার কি কাণ্ড ? আমাকে তোমার এই রাজসিংহাসনের তলায় আনিয়া হাজির করা কেন ? তোমাকে গাছের তলায় দেখিতাম, সে যে বেশ ছিল !

বুঝিলান গাছ-তলায় এ আমাকে অনেক দিন লক্ষা করিয়াছে কিন্তু মামি ইহাকে দেখি নাই। সর্দির উপক্রম হওয়াতে কয়েক দিন পথে ও বাগানে বেড়ানো বন্ধ করিয়া ছাদের উপরেই সন্ধ্যাকাশের দঙ্গে মোকাবিলা করিয়া থাকি—তাই কিছদিন সে আমাকে দেখিতে পায় নাই।

একটুক্ষণ থামিয়া সে বলিল, গৌর, আমাকে কিছু-একটা উপদেশ मां अ।

আমি মুস্কিলে পড়িলাম। বলিলাম, উপদেশ দিতে পারি না, ^{নিতেও} পারি না। চোখ মেলিয়া চুপ করিয়া যাহা পাই তাহা ^{লইয়াই} আমার কারবার। এই যে তোমাকে দেখিতেছি আমার ^{দেখাও} হইতেচে শোনাও হইতেছে।

বোফামী ভারি খুসী হইয়া গৌর গৌর বলিয়া উঠিল। কহিল, ^{ভগবানে}র ত শুধু রসনা নয় তিনি যে সর্ববাঙ্গ দিয়া কথা কন। আমি বলিলাম, চুপ করিলেই সর্ববাঙ্গ দিয়া তাঁর সেই শর্কাঙ্গের কথা শোনা যায়। তাই শুনিতেই সহর ছাড়িয়া এখানে গাসি।

বোষ্টমী কহিল, সেটা আমি বুঝিয়াছি তাই ত তোমার কাছে আসিয়া বসিলাম।

যাইবার সময় সে আমার পায়ের ধূলা লইতে গিয়া দেখিলাম আমার মোজাতে হাত ঠেকিয়া তাহার বড় বাধা বোধ হইল।

পরের দিন ভোরে সূর্য্য উঠিবার পূর্বের আমি ছাদে আসিয়া বিসিয়াছি। দক্ষিণে বাগানের ঝাউগাছগুলার মাথার উপর দিয়া একেবারে দিক্সীমা পর্য্যন্ত মাঠ ধু ধু করিতেছে। পূর্ববিদিকে বাঁশ-বনে ঘেরা গ্রামের পাশে আখের ক্ষেতের প্রান্ত দিয়া প্রতিদিন আমার সাম্নে সূর্য্য উঠে। গ্রামের রাস্তাটা গাছের ঘনছায়ার ভিতর হইতে হঠাৎ বাহির হইয়া খোলা-মাঠের মাঝখান দিয়া বছদুরের গ্রামগুলির কাজ সারিতে চলিয়াছে।

সূর্য্য উঠিয়াছে কিনা জানিনা। একখানি শুল্র কুয়াশার চাদর বিধবার ঘোমটার মত গ্রামের গাছগুলির উপর টানা রহিয়াছে। দেখিতে পাইলাম বোষ্টমী সেই ভোরের ঝাপ্সা-আলোর ভিতর দিয়। একটি সচল কুয়াশার মূর্ত্তির মত করতাল বাজাইয়া হুরিনাম গান করিতে করিতে সেই পূর্বদিকের গ্রামের সমুখ দিয়া চলিয়াছে।

তন্দ্রাভাঙা চোখের পাতার মত একসময়ে কুয়াশাটা উঠিয়া গেল, এবং ঐ সমস্ত মাঠের ও ঘরের নানা কাজকর্ম্মের মাঝখানে শীতের রৌদ্রটি গ্রামের ঠাকুরদাদার মত আসিয়া বেশ করিয়া জমিয়া বসিল।

আমি তখন সম্পাদকের পেয়াদা বিদায় করিবার জন্ম লি^{থিবার} টেবিলে আসিয়া বসিয়াছি। এমন সময় সিঁড়িতে পায়ের ^{শক্ষের} সজ্বে একটা গানের স্থ্র শোনা গেল। বোন্টমী গুনুগুনু করি^{তে} করিতে আসিয়া আমাকে প্রণাম করিয়া কিছু দূরে মাটিতে বসিল। আমি লেখা হইতে মুখ তুলিলাম।

সে বলিল, কাল আমি তোমার প্রসাদ পাইয়াছি। আমি বলিলাম, সে কি কথা ?

সে কহিল, কাল সন্ধ্যার সময় কখন তোমার খাওয়া হয় আমি সেই আশায় দরজার বাহিরে বসিয়া ছিলাম। খাওয়া হইলে চাকর যখন পাত্র লইয়া বাহিরে আসিল তাহাতে কি ছিল জানিনা কিন্তু আমি খাইয়াছি।

আমি আশ্চর্য্য হইলাম। আমার বিলাত-যাওয়ার কথা সকলেই জানে। সেখানে কি খাইয়াছি, না খাইয়াছি তাহা অনুমান করা কঠিন নহে, কিন্তু গোবর খাই নাই। দীর্ঘকাল মাছমাংসে আমার রুচি নাই বটে কিন্তু আমার পাচকটির জাতিকুলের কথাটা প্রকাশ্য সভায় আলোচনা না করাই সঙ্গত। আমার মুখে বিশ্ময়ের লক্ষণ দেখিয়া বোইটমী বলিল, যদি তোমার প্রসাদ খাইতেই না পারিব তবে তোমার কাছে আসিবার ত কোনো দরকার ছিল না।

আমি বলিলাম, লোকে জানিলে তোমার উপর ত তাদের ভক্তি থাকিবে না।

সে বলিল, আমি ত সকলকেই বলিয়া বেড়াইয়াছি। শুনিয়া উহারা ভাবিল আমার এইরকমই দশা।

বোষ্টমী যে-সংসারে ছিল উহার কাছে তাহার খবর বিশেষ কিছু পাইলাম না। কেবল এইটুকু শুনিয়াছি তাহার মায়ের অবস্থা বেশ ভালো, এবং এখনো তিনি বাঁচিয়া আছেন। মেয়েকে যে বহু লোক ভক্তি করিয়া থাকে সে খবর তিনি জানেন। ভাঁহার

ইচ্ছা মেয়ে তাঁর কাছে গিয়া থাকে কিন্তু আনন্দীর মন তাহাতে সায় দেয় না।

আমি জিজ্ঞাসা করিলাম, তোমার চলে কি করিয়া ?

উত্তরে শুনিলাম তাহার ভক্তদের একজন তাহাকে সামাগ্য কিছু জমি দিয়াছে। তাহারই ফসলে দেও খার, পাঁচজনে খার, কিছতে দে আর শেষ হয় না। বলিয়া একটু হাসিয়া কহিল, আমার ত সবই ছিল-সমস্ত ছাডিয়া আসিয়াছি: আবার পরের কাছে মাগিয়া সংগ্রহ করিতেছি, ইহার কি দরকার ছিল বল ত।

সহরে থাকিতে এ প্রশ্ন উঠিলে সহজে ছাডিতাম না। ভিক্লা-জীবিতায় সমাজের কত অনিষ্ট তাহা বুঝাইতাম। কিন্তু এ জায়গায় আসিলে আমার পুঁথি-পড়া বিভার সমস্ত ঝাঁজ একেবারে মরিয়া যার। বোষ্টমীর কাছে কোনো তর্কই আমার মুখ দিয়া বাহির হইতে চাহিল না—আমি চুপ করিয়া রহিলাম।

আমার উত্তরের অপেক্ষা না রাখিয়া সে আপনিই বলিয়া উঠিল --- ना. ना. এই আমার ভাল। আমার মাগিয়া-খাওয়া অন্নই অমৃত।

তাহার কথার ভাবখানা আমি বুঝিলাম। প্রতিদিনই যিনি নিজে অন্ন জোগাইয়া দেন ভিক্ষার অন্নে তাঁহাকেই মনে পড়ে। আরু ঘরে মনে হয় আমারই অর্গ্ন আমি নিজের শক্তিতে ভোগ করিতেছি।

ইচ্ছা ছিল তাহার স্বামীর ঘরের কথা জিজ্ঞাসা করি কিন্তু সে নিজে বলিল না, আমিও প্রশ্ন করিলাম না।

এখানকার যে-পাডায় উচ্চবর্ণের ভদ্রলোকে থাকে সে পাড়ার প্রতি বোফ্রমীর **প্রদ্ধা** নাই। বলে, ঠাকুরকে উহারা কিছুই দে^র না অথচ ঠাকুরের ভোগে উহারাই সবচেয়ে বেশি করিয়া ভাগ বসায়। গরীবরা ভক্তি করে আর উপবাস করিয়া মরে।

এ পাড়ার ছক্ষতির কথা অনেক শুনিয়াছি তাই বলিলাম, এই সকল ছুর্ম্মতিদের মাঝখানে থাকিয়া ইহাদের মতিগতি ভালো কর তাহা হইলেই ত ভগবানের সেবা হইবে।

এইরকমের সব উঁচুদরের উপদেশ অনেক শুনিয়াছি এবং অন্তকে শুনাইতেও ভালবাসি। কিন্তু বোইনীর ইহাতে তাক লাগিল না। আমার মুখের দিকে তাহার উজ্জ্বল চক্ষু ছুটি রাখিয়া সে বলিল, তুমি বলিতেছ ভগবান পাণীর মধ্যেও আছেন তাই উহাদের সক্ষ করিলেও তাঁহারই পূজা করা হয়। এই ত १

আমি কহিলাম, হাঁ।

সে বলিল, উহারা যুখন বাঁচিয়। আছে তখন তিনিও উহাঁদের
সঙ্গে আছেন বই কি ! কিন্তু আমার তাহাতে কি ? আমার
ত পূজা ওখানে চলিবে না—আমার ভগবান যে উহাদের
মধ্যে নুই। তিনি যেখানে আমি সেখানেই তাঁহাকে খুঁজিয়া
বেড়াই।

বলিয়া সে আমাকে প্রণাম করিল। তাহার কথাটা এই যে, শুধু মত লইয়া কি হইবে ? সত্য যে চাই। ভগবান সর্বব্যাপী এটা একটা কথা—কিন্তু যেখানে আমি তাঁহাকে দেখি সেখানেই তিনি আমার সত্য।

এত বড় বাহুল্য কথাটাও কোনো কোনো লোকের কাছে বল। আবশ্যক যে আমাকে উপলক্ষ করিয়া বোষ্টমী যে ভক্তি করে আমি তাহা গ্রহণ্ও করি না ফিরাইয়াও দিই না। এখনকার কালের ছোঁরাচ আমাকে লাগিরাছে। আমি গীতা পড়িয়া থাকি এবং বিদ্বান লোকদের দ্বারস্থ হইয়া তাহাদের কাছে ধর্ম্মতন্তের অনেক সূক্ষ্ম ব্যাখ্যা শুনিয়াছি। কেবল শুনিয়া শুনিয়াই বয়স বহিয়া যাইবার জো হইল, কোথাও ত কিছু প্রত্যক্ষ দেখিলাম না। এতদিন পরে নিজের দৃষ্টির অহন্ধার ত্যাগ করিয়া এই শাস্ত্রহীনা স্ত্রীলোকের তুই চক্ষ্র ভিতর দিয়া সত্যকে দেখিলাম। ভক্তি করিবার ছলে শিক্ষা দিবার একি আশ্চর্য্য প্রণালী।

পরদিন সকালে বোষ্টমী আসিয়া আমাকে প্রণাম করিয়া দেখিল তখনো আমি লিখিতে প্রবৃত্ত। বিরক্ত হইয়া বলিল, তোমাকে আমার ঠাকুর এত মিগ্যা খাটাইতেছেন কেন ? যখনি আসি দেখিতে পাই লেখা লইয়াই আছ়!

আমি বলিলাম, যে লোকটা কোনো কৃর্ম্মেরই নয় ঠাকুর তাহাকে বসিয়া-থাকিতে দেন না পাছে সে মাটি হইয়া যায়। যত রকমের বাজে কাজ করিবার ভার তাহারই উপরে।

আমি যে কত আবরণে আর্ত তাহাই দেখিয়া সে অধৈগ্য হইয়া উঠে। আমার সঙ্গে দেখা করিতে হইলে অনুমতি লইয়া দোতলায় চড়িতে হয়, প্রণাম করিতে আসিয়া হাতে ঠেকে মোজা-জোড়া, সহজ ছটো কথা বলা এবং শোনার প্রয়োজন কিন্তু আমার মনটা আছে কোনু লেখার মধ্যে তলাইয়া!

হাতজোড় করিয়া সে বলিল, গৌর, আজ ভোরে বিছানায় বেমনি উঠিয়া বসিয়াছি অমনি ভোমার চরণ পাইলাম। আহা সেই ভোমার ছুখানি পা, কোনো ঢাকা নাই—সে কি ঠাণ্ডা! ^{কি} কোমল!ুকতক্ষণ মাথায় ধরিয়া রাখিলাম। সে ত খুব ইইল। তবে আর আমার এখানে আসিবার প্রয়োজন কি ? প্রভু, এ আমার মোহ নয় ত, ঠিক করিয়া বল !

লিখিবার টেবিলের উপর ফুলদানিতে পূর্ববিদনের ফুল ছিল। মালী আসিয়া সেগুলি তুলিয়া লইয়া নূতন ফুল সাজাইবার উচ্চোগ করিল।

বোফ্টমী যেন ব্যথিত হইয়া বলিয়া উঠিল—বাস্ ? এ ফুলগুলি
ইইয়া গেল ? তোমার আর দরকার নাই ? তবে দাও দাও,
সামাকে দাও !

এই বলিয়া ফুলগুলি সঞ্জলিতে লইয়া কতক্ষণ মাথা নত করিয়া একান্ত স্নেহে একদৃষ্টিতে দেখিতে লাগিল। কিছুক্ষণ পরে মুখ তুলিয়া বলিল, তুমি চাহিয়া দেখনা বলিয়াই এ ফুল তোমার কাঢ়ুছ মলিন হইয়া যায়। যখন দেখিবে তখন তোমার লেখাপড়া সব বুচিয়া যাইবে।

এই বলিয়া সে বহু যত্নে ফুলগুলি আপন আঁচলের প্রান্তে বাঁধিয়া

লইয়া মাথাম ঠেকাইয়া বলিল, আমার ঠাকুরকে আমি লইয়া যাই।

কেবল ফুলদানিতে রাখিলেই যে ফুলের আদর হয় না তাহা বুঝিতে আমার বিলম্ব হইল না। আমার মনে হইল, ফুলগুলিকে যেন ইস্কুলের পড়া-না-পারা ছেলেদের মত প্রতিদিন আমি বেঞ্চের উপর দাঁড় করাইয়া রাখি।

সেইদিন সন্ধ্যার সময় যখন ছাদে বসিয়াছি বোষ্টমী আমার পায়ের কাছে আসিয়া বসিল। কহিল, আজ সকালে নাম শুনাইবার সময় গোমার প্রসাদী ফুলগুলি ঘরে ঘরে দিয়া আসিয়াছি। আমার ভক্তি দেখিয়া বেণী চক্রবর্ত্তী হাসিয়া বলিল, পাগ্লি, কাকে ভক্তি করিস্

তুই ? বিখের লোকে যে তাকে মন্দ বলে। হাঁগো, সকলে নাকি তোমাকে গালি দেয় ?

কেবল একমুহূর্তের জন্ম মনটা সঙ্কুচিত হইয়া গেল। কালীর ছিটা এত দূরেও ছড়ায়!

বোষ্টমী বলিল, বেণী ভাবিয়াছিল আমার ভক্তিটাকে এক ফুঁয়ে নিবাইয়া দিবে। কিন্তু এ ত তেলের বাতি নয়, এ যে আগুন! আমার গৌর, ওরা তোমাকে গালি দেয় কেন গো ?

আমি বলিলান, আমার পাওনা আছে বলিয়া। আমি হয় ও একদিন লুকাইয়া উহাদের মন চুরি করিবার লোভ করিয়াছিলান। বোষ্টেমী কহিল, মানুষের মনে বিষ যে কত সে ত দেখিলে।

লোভ আর টি কিবে না।

আমি বলিলাম, মনে লোভ থাকিলেই মারের মুখে থাকিতে হয়। তখন নিজেকে মারিবার বিষ নিজের মনই জোগায়। তাই আমার ওঝা আমারই মনটাকে নির্বিষ করিবার জন্ম এত কড়া করিয়া ঝড়া দিতেছেন।

বোষ্টমী কহিল, দয়াল ঠাকুর মারিতে মারিতে তবে মারকে খেদান। শেষ পর্যান্ত যে সহিতে পারে সেই বাঁচিয়া যায়।

সেই দিন সন্ধ্যার সময় অন্ধকার ছাদের উপর সন্ধ্যা-ভারা উ^{ঠিয়া} আবার অস্ত গেল---বোষ্টমী ভাহার জীবনের কথা আমাকে শুনাইল।

আমার স্বামী বড় সাদা মাসুষ। কোনো কোনো লোকে ^{মনে} করিত তাঁহার বুঝিবার শক্তি কম। কিন্তু আমি জানি যাহারা ^{সাদা} করিয়া বুঝিতে পারে তাহারাই মোটের উপর ঠিক বোঝে।

ইহাও দেখিয়াছি তাঁহার চাষবাস জমিজমার কাজে তিনি ^{বে}

ঠিকতেন তাহা নহে। বিষয়কাজ এবং ঘরের কাজ ছুইই তাঁহার গোছালো ছিল। ধান-চাল-পাটের সামান্ত যে একটু ব্যবসা করিতেন কখনো তাহাতে লোকসান করেন নাই। কেননা তাঁহার লোভ অল্প। যেটুকু তাঁহার দরকার সেটুকু তিনি হিসাব করিয়া চলিতেন; তার চেয়ে বেশি যা তাহা তিনি বুঝিতেনও না, তাহাতে হাতও দিতেন না।

আমার বিবাহের পূর্বেই আমার শ্বশুর মার। গিয়াছিলেন এবং আমার বিবাহের অল্পদিন পরেই শাশুড়ির মৃত্যু হয়। সংসারে আমাদের মাথার উপরে কেহই ছিল না।

আমার স্বামী মাথার উপরে একজন উপরওয়ালাকে না বসাইয়া থাকিতে পারিতেন না। এমন কি, বলিতে লড্ডা হয়, আমাকে যেন তিনি ভক্তি করিতেন। তবু আমার বিশ্বাস তিনি আমার চেয়ে বুলিতেন বেশি, আমি তাঁহার চেয়ে বলিতাম বেশি।

তিনি সকলের চেয়ে ভক্তি করিতেন তাঁহার গুরুঠাকুরকে।
শুধু ভক্তি নয় সে ভালবাসা—এমন ভালবাসা দেখা যায় না।
গুরুঠাকুর তাঁর চেয়ে বয়সে কিছু কম। কি স্থন্দর রূপ তাঁর!
(বলিতে বলিতে বোইটমী ক্ষণকাল থামিয়া তাহার সেই দূরবিহারী
চক্ষু ছটিকে বহু দূরে পাঠাইয়া দিল এবং গুন গুন করিয়া গাহিল—

ৈ অরুণ-কিরণখানি তরুণ অমূতে ছানি কোন্ বিধি নিরমিল দেহা।)

এই গুরুঠাকুরের সঙ্গে বালককাল হইতে তিনি খেলা করিয়াছেন —তখন হইতেই তাঁহাকে আপন মনপ্রাণ সমর্পণ করিয়া দিয়াছেন। তখন আমার স্বামীকে ঠাকুর বোকা বলিয়াই জানিতেন। সেই জন্ম তাঁহার উপর বিস্তর উপদ্রব করিয়াছেন। অন্ম সঙ্গীদের সঙ্গে মিলিয়া পরিহাস করিয়া তাঁহাকে যে কক্ত নাকাল করিয়াছেন ভাহার সীমা নাই।

বিবাহ করিয়া এ সংসারে যখন আসিয়াছি তখন গুরুঠাকুরকে দেখি নাই। তিনি তখন কাশিতে অধ্যয়ন করিতে গিয়াছেন। আমার স্বামীই তাঁহাকে সেখানকার খরচ জোগাইতেন।

গুরুঠাকুর যথন দেশে ফিরিলেন তথন আমার বয়স বোধ করি আঠারো হইবে।

পনেরো বছর বয়সে আমার একটি ছেলে হইয়াছিল। বয়স কাঁচা ছিল বলিয়াই আমার সেই ছেলেটিকে আমি যত্ন করিতে শিথি নাই। পাড়ার সই-সাঙাতীদের সঙ্গে মিলিবার জন্মই তখন আমার মন ছুটিত। ছেলের জন্ম ঘরে বাঁধা থাকিতে হয় ব্লিয়া এক এক সময় তাহার উপরে আমার রাগ হইত।

হায় রে, ছেলে যখন আসিয়া পোঁছিয়াছে, মা তখনো পিছাইয়া পড়িয় আছে, এমন বিপদ আর কি হইতে পারে ? আমার গোপাল আসিয়া দেখিল তখনো তাহার জন্ম ননী তৈরী নাই, তাই সে রাগ করিয়া চলিয়া গেছে—আমি আজও মাঠে ঘাটে তাহাকে পুঁজিয়া বেড়াইতেছি।

ছেলেটি ছিল বাপের নয়নের মণি। আমি তাহাকে যত্ন করি^{তে} শিখি নাই বলিয়া তাহার বাপ কফ্ট পাইতেন। কিন্তু তাঁহার ^{ছন্ম} যে ছিল বোবা—আজ পর্য্যস্ত তাঁহার ছঃখের কথা কাহাকেও ^{কিছু} বলিতে পারেন নাই।

মেয়েমানুষের মত তিনি ছেলের যত্ন করিতেন। রাত্রে ছে^{রে} কাঁদিলে আমার অল্প-বয়সের গভীর ঘুম তিনি ভাঙাইতে চাহিতেন ^{না} নিজে রাত্রে উঠিয়া ছধ গরম করিয়া খাওয়াইয়া কতদিন খোকাকে কোলে লইয়া ঘুম পাড়াইয়াছেন আমি তাহা জানিতে পারি নাই। তাহার সকল কাজই এমনি নিঃশব্দে। পূজাপার্বণে জমিদারদের বাড়িতে যখন যাত্রা বা কথা হইত তিনি বলিতেন, আমি রাত জাগিতে পারি না, তুমি যাও আমি এখানেই থাকি। তিনি ছেলেটিকে লইয়া না থাকিলে আমার যাওয়া হইবে না এই জন্ম তাঁহার ছতা।

আশ্চর্গ্য এই, তবু ছেলে আমাকেই সকলের চেয়ে বেশি ভাল-বাসিত। সে যেন বুঝিত স্থোগ পাইলেই আমি তাহাকে ফেলিয়া চলিয়া যাইব, তাই সে যথন আমার কাছে থাকিত তথনো ভয়ে ভয়ে থাকিত। সে আমাকে অল্প পাইয়াছিল বলিয়াই আমাকে পাইবার আকাঞ্জা তাহার কিছুতেই মিটিতে চাহিত না।

আমি যখন নাহিবার জন্ম ঘাটে যাইতাম তাহাকে সঙ্গে লইবার জন্ম সে আমাকে রোজ বিরক্ত করিত। ঘাটে সঙ্গিনীদের সঙ্গে আমার মিলনের জায়গা, সেখানে ছেলেকে লইয়া তাহার খবরদারি করিতে আমার ভালো লাগিত না। সেইজন্ম পারৎপক্ষে তাহাকে লইয়া যাইতে চাহিতাম না।

সেদিন শ্রাবণ মাস। থাকে থাকে ঘন কালো মেঘে ছুই-প্রহর বেলাটাকে একেবারে আগাগোড়া মুড়ি দিয়া রাথিয়াছে। স্লানে যাইবার সময় খোকা কান্না জুড়িয়া দিল। নিস্তারিণী আমাদের কেঁশেলের কান্ধ করিত, তাহাকে বলিয়া গেলাম, বাছা, ছেলেকে দেখিয়ো আমি ঘাটে একটা ডুব দিয়া আসিগে।

ঘাটে ঠিক সেই সময়টিতে আর কেহ ছিল না। সঙ্গিনীদের ^{আসিবার} অপেক্ষায় আমি সাঁতার দিতে লাগিলাম। দীঘিটা প্রাচীন কালের—কোন্ রাণী কবে খনন করাইয়াছিলেন তাই ইহার নাম রাণীসাগর। সাঁতার দিয়া এই দীঘি এপার-ওপার-করা মেয়েদের ময়ে
কেবল আমিই পারিতাম। বর্ষায় তথন কুলে কুলে জল। দীঘি
যখন প্রায় অর্দ্ধেকটা পার হইয়া গেছি এমন সময় পিছন হইতে
ডাক শুনিতে পাইলাম, মা! ফিরিয়া দেখি খোকা ঘাটের সিঁড়িতে
নামিতে নামিতে আমাকে ডাকিতেছে। চীৎকার করিয়া বলিলাম,
আর আসিস্নে, আমি যাচিচ! নিষেধ শুনিয়া হাসিতে হাসিতে সে
আরো নামিতে লাগিল। ভয়ে আমার হাতে পায়ে যেন খিল ধরিয়া
আসিল, পার হইতে আর পারিই না। চোখ বুজিলাম। পাছে কি
দেখিতে হয়। এমন সময় পিছল ঘাটে সেই দীঘির জলে খোকার
হাসি চিরদিনের মত থামিয়া গেল। পার হইয়া আসিয়া সেই মায়ের
কোলের-কাঙাল ছেলেকে জলের তলা হইতে তুলিয়া কোলে লইলাম
কিন্তু আর সে মা-বলিয়া ডাকিল না।

আমার গোপালকে আমি এতদিন কাঁদাইয়াছি সেই সমস্ত অনাদর আজ আমার উপর ফিরিয়া আসিয়া আমাকে মারিতে লাগিল। বাঁচিয়া থাকিতে তাহাকে বরাবর যে ফেলিয়া চলিয়া গেছি আজ তাই সে দিনরাত আমার মনকে আঁকিডিয়া ধরিয়া রহিল।

আমার স্বামীর বুকে যে কতটা বাজিল সে কেবল তাঁর অন্তর্গামীই জানেন। আমাকে যদি গালি দিতেন ত ভালে হইত কিন্তু তিনি ত কেবল সহিতেই জানেন, কহিতে জানেন না।

এমনি করিয়া আমি যখন একরকম পাগল হইয়া আছি এমন সময় গুরুঠাকুর দেশে ফিরিয়া আসিলেন।

যখন ছেলে-বয়সে আমার স্বামী তাঁহার সঙ্গে একত্রে খেলাধূল

করিয়াছেন তথন সে এক ভাব ছিল। এখন আবার দীর্ঘকাল বিচ্ছেদের পর যখন তাঁর ছেলে-ব্রুসের বন্ধু বিত্যালাভ করিয়া ফিরিয়া আসিলেন তখন তাঁহার পরে আমার স্বামীর ভক্তি একেবারে পরিপূর্ণ ুহইরা উঠিল। কে বলিবে খেলার সাণী, ইহার সাম্নে তিনি যেন একেবারে কথা কহিতে পারিতেন না!

আমার স্বামী আমাকে সাস্ত্রনা করিবার জন্ম তাঁহার গুরুকে অনুরোধ করিলেন। গুরুক আমাকে শাস্ত্র শুনাইতে লাগিলেন। শাস্ত্রের কথার আমার বিশেষ ফল হইয়াছিল বলিয়া মনে ত হয় না। আমার কাছে সে সব কথার যা কিছু মূল্য সে তাঁহারই মুখের কথা বলিয়া। মানুষের কণ্ঠ দিয়াই ভগবান তাঁহার অমৃত মানুষকে পান করাইয়া থাকেন—অমন স্থধাপাত্র ত তাঁর হাতে আর নাই। আবার, এ মানুষের কণ্ঠ দিয়াই ত স্থধা তিনিও পান করেন।

গুরুর প্রতি আমার স্বামীর অজপ্র ভক্তি আমাদের সংসারকে সর্বত্র মৌচাকের ভিতরকার মধুর মত ভরিয়া রাখিয়াছিল। আমাদের আহার-বিহার ধনজন সমস্তই এই ভক্তিতে ঠাসা ছিল, কোথাও ফাঁক ছিল না। আমি সেই রসে আমার সমস্ত মন লইয়া ডুবিয়া তবে সাস্ত্রনা পাইয়াছি। তাই দেবতাকে আমার গুরুর রূপেই দেখিতে পাইলাম।

তিনি আসিয়া আহার করিবেন এবং তারপর তাঁর প্রসাদ পাইব প্রতিদিন সকালে ঘুম হইতে উঠিয়াই এই কথাটি মনে পড়িত, আর সেই আয়োজনে লাগিয়া যাইতাম। তাঁহার জন্ম তরকারি কুটিতাম আমার আঙুলের মধ্যে আনন্দ-ধ্বনি বাজিত। ব্রাহ্মণ নই, তাঁহাকে নিজের হাতে রাঁধিয়া খাওয়াইতে পারিতাম না তাই আমার হৃদয়ের সব ক্ষ্পাটা মিটিত না।

তিনি যে জ্ঞানের সমুদ্র—সেদিকে ত তাঁর কোনো অভাব নাই। আমি সামান্ত রমণী, আমি তাঁহাকে কেবল 'একটু খাওয়াইয়া-দাওয়াইয়া খুসি করিতে পারি তাহাতেও এতদিকে এত ফাঁক ছিল।

আমার গুরুদেবা দেখিয়া আমার স্বামীর মন খুসি হইতে থাকিত এবং আমার উপরে তাঁহার ভক্তি আরো বাড়িয়া যাইত। তিনি যখন দেখিতেন আমার কাছে শাস্ত্র-ব্যাখ্যা করিবার জন্ম গুরুর বিশেষ উৎসাহ তখন তিনি ভাবিতেন গুরুর কাছে বুদ্ধিহীনতার জন্ম তিনি বরাবর অশ্রাদ্ধা পাইয়াছেন, তাঁহার স্ত্রী এবার বুদ্ধির জ্যোরে গুরুকে খুসি করিতে পারিল এই তাঁহার সোভাগ্য।

এমন করিয়া চার পাঁচ বছর কোণা দিয়া যে কেমন করিয়া কাটিয়া গেল তাহা চোখে দেখিতে পাইলাম না।

সমস্ত জীবনই এমনি করিয়া কাটিতে পারিত। কিন্তু গোপনে কোথায় একটা চুরি চলিতেছিল, সেটা আমার কাছে ধরা পড়ে নাই, অন্তর্থামীর কাছে ধরা পড়িল। তারপর একদিনে একটি মুহূর্ত্তে সমস্ত উলটপালট হইয়া গেল।

সেদিন ফাল্পনের সকালবেলায় ঘাটে যাইবার ছায়া-পথে স্নান সারিয়া ভিজ্ঞা-কাপড়ে ঘরে ফিরিতেছিলাম। পথের একটি বাঁকে আম-তলায় গুরুঠাকুরের সঙ্গে দেখা। তিনি কাঁধে একখানি গামছা লইয়া কোন্ একটা সংস্কৃত মন্ত্র আরুত্তি করিতে করিতে স্নানে যাইতেছেন।

ভিজা-কাপড়ে তাঁর সঙ্গে দেখা হওয়াতে লচ্জায় একটু পাশ কাটাইয়া চলিয়া যাইবার চেষ্টা করিতেছি এমন সময়ে তিনি আমার নাম ধরিয়া ডাকিলেন। আমি জড়সড় হইয়া মাথা নীচু করিয়া দাঁড়াইলাম। তিনি আমার মুখের পরে দৃষ্টি রাখিয়া বলিলেন, তোমার দেহখানি স্থলর। ভালে ভালে রাজ্যের পাখী ভাকিতেছিল, পথের ধারে ধারে ঝোপে ঝাপে ভাঁটি ফুল ফুটিয়াছে, ঝামের ভালে বোল ধরিতেছে। মনে হইল সমস্ত আকাশ-পাতাল পাগল হইয়া আলুথালু হইয়া উঠিয়াছে। কেমন করিয়া বাজি গেলাম কিছু জ্ঞান নাই। একেবারে সেই ভিজা কাপড়েই ঠাকুর-ঘরে চুকিলাম, চোখে যেন ঠাকুরকে দেখিতে পাইলাম না—সেই ঘাটের পথের ছায়ার উপরকার আলোর চুম্কিগুলি আমার চোথের উপর কেবলি নাচিতে লাগিল।

সেদিন গুরু আহার করিতে আসিলেন, জিজ্ঞাস৷ করিলেন, আন্দী নাই কেন গ্

সামার স্বামী সামাকে খুঁজিয়া বেড়াইলেন কোগাও দেখিতে পাইলেননা।

ওগো আমার সে পৃথিবী ক্লার নাই, আমি সে সূর্য্যের আলো আর ^{খু জিয়া} পাইলাম না। ঠাকুর-ঘরে আমার ঠাকুরকে ডাকি সে আমার দিকে মুখ ফিরাইয়া থাকে।

দিন কোথায় কেমন করিয়া কাটিল ঠিক জানি না। রাত্রে স্বামীর সঙ্গে দেখা হইবে। তখন যে সমস্ত নীরব এবং অন্ধকার। তখনি আমার স্বামীর মন যেন তারার মত ফুটিয়া উঠে। সেই আঁধারে এক-একদিন তাঁহার মুখে একটা-আধটা কথা শুনিয়া হঠাৎ বুঝিতে পারি এই সাদা মামুষ্টি যাহা বোঝেন তাহা কতই সহজে বুঝিতে পারেন।

সংসারের কাজ সারিয়া আসিতে আমার দেরি হয়। তিনি আমার জন্ম বিছানার বাহিরে অপেক্ষা করেন। প্রায়ই তথন আমাদের গুরুর কণা কিছু-না-কিছ হয়।

অনেক রাত করিলাম। তথন তিন প্রাহর হইবে, ঘরে আসিয়া

দেখি আমার স্বামী তখনে। খাটে শোন নাই, নীচে শুইয়া ঘুমাইয়। পডিয়াছেন। আমি অতি সাবধানে শব্দ না করিয়া তাঁহার পায়েব তলায় শুইয়া পড়িলাম। ঘুমের ঘোরে একবার তিনি পা ছ'ডিলেন আমার বুকের উপর আসিয়া লাগিল। সেইটেই আমি তাঁহার শেষ দান বলিয়া গ্রহণ করিয়াছি।

পরদিন ভোরে যখন তাঁর ঘুম ভাঙিল আমি তখন উঠিয়া বসিয়া আছি। জানলার বাহিরে কাঁঠালগাছটার মাথার উপর দিয়া আঁধারের একধারে অল্প একটু রং ধরিয়াছে--তখনো কাক ডাকে নাই।

আমি স্বামীর পায়ের কাছে মাথা লুটাইয়া প্রণাম করিলাম। তিনি তাড়াতাড়ি উঠিয়া বসিলেন এবং আমার মুখের দিকে অবাক হইয়া চাহিয়া রহিলেন।

আমি বলিলাম, আর আমি সংসার করিব না।

স্বামী বোধ করি ভাবিলেন তিনি স্বপ্ন দেখিতেছেন-কোনো কথাই বলিতে পারিলেন না।

আমি বলিলাম, আমার মাথার দিব্য, তুমি অন্য স্ত্রী বিবাহ কর। আমি বিদায় লইলাম।

স্বামী কহিলেন, তুমি এ কি বলিতেছ ? তোমাকে সংসার ছাড়িতে **(क विनन ?**

আমি বলিলাম, গুরুঠাকুর।

সামী হতবৃদ্ধি হইয়া গেলেন; গুরুঠাকুর! এমন কথা তিনি ^{কখন্} বলিলেন ?

আমি বলিলাম, আজ সকালে যখন স্নান করিয়া ফিরিডেছি^{লাম} তাঁহার সূচ্চে দেখা হইয়াছিল। তখনি বলিলেন।

স্বামীর কণ্ঠ কাঁপিয়া গেল। জিজ্ঞাসা করিলেন—এমন আদেশ কেন করিলেন ?

ন্সামি বলিলাম, জানি না। তাঁহাকে জিজ্ঞাসা করিয়ো, পারেন ত তিনিই বুঝাইয়া দিবেন।

স্বামী বলিলেন, সংসারে থাকিয়াও ত সংসার ত্যাগ করা যায়, আমি সেই কথা গুরুকে বুঝাইয়া বলিব।

আমি বলিলাম, হয় ত গুরু বুঝিতে পারেন কিন্তু আমার মন বুঝিবে ন। আমার সংসার করা আজ হইতে ঘুচিল।

স্বামী চুপ করিয়া বসিয়া রহিলেন। আকাশ যখন ফরসা হইল তিনি বলিলেন, চল না, চুজনে একবার তাঁর কাছেই যাই।

আমি হাত জোড় করিয়া বলিলাম, তাঁর সঙ্গে আর আমার দেখা হইবেনা।

তিনি আমার মুখের দিকে চাহিলেন, আমি মুখ নামাইলাম। তিনি আর কোনো কথা বলিলেন না।

আমি জ্বানি আমার মনটা তিনি একরকম করিয়া দেখিয়া লইলেন।
পৃথিবীতে ছুটি মানুষ আমাকে সব চেয়ে ভালবাসিয়াছিল, আমার
চেলে আর আমার স্বামী। সে ভালবাসা আমার নারায়ণ, তাই সে
নিখা। সহিতে পারিল না। একটি আমাকে ছাড়িয়া গেল, একটিকে
আমি ছাড়িলাম। এখন সভ্যকে খুঁজিতেছি, আর ফাঁকি নয়।

এই বলিয়া সে গড় করিয়া প্রণাম করিল।

শ্রীরবীন্দ্রনাথ ঠাকুর।

খেয়ালের জন্ম

(Terza-Rima)

বাদশা ছিলেন এক পরম খেয়ালী, বিলাদের অবভার, জাতে আফ্গান। দিনে তাঁর নিত্য দোল, রাত্তিরে দেয়ালী॥

জীবন তাঁহার ছিল শুধু নাচ গান,

—শাসন পালন রাজ্য করিতেন মন্ত্রী—
নর্তুকী দ্ববেলা দিত রূপের যোগান।

ঘিরে তারে রেখেছিল শত শত যন্ত্রী, কারো যন্ত্র রুদ্রবীণ, কারো বা রবাব,— স্পর্শে যার কেঁপে ওঠে হৃদয়ের তন্ত্রী॥

কারো হস্তে সপ্তস্বরা, যন্ত্রের নবাব,— ললিত গন্তীর যার প্রসন্ন আওয়াজ, মনের স্থরের দেয় স্থরেতে জবাব॥

সেকালে কেবলি ছিল ধ্রুপদ রেওয়াজ,— ছয় রাগ হয়েছিল এত দরবারি, এক পা নড়িত নাকো, বিনা পাথোয়াজ ॥ সঙ্গীতের ছোট বড় যত কারবারি, বধিতে স্থরের প্রাণ হল অগ্রসর,— হুহাতে উ'চিয়ে ধরে' তাল-তরবারি॥

একদিন বাদশার জাঁকিয়ে আসর, বসেছে ইয়ার যত আমির-ওমরা, সাকীদের তাগিদের নাই অবসর॥

দাড়িগোঁকে কেশেবেশে হোমরা-চোমরা বড় বড় ওস্তাদেরা করে গুলতান্। হেন সভা নাহি দেখি আমরা তোমরা!

সহসা বিরক্তস্বরে কহে স্থলতান্,—
"শুনে কান ঝালাপালা হয়েছে আমার,
রান্তিরে বেহাগ শুধু, দিনে মূলতান!

ভাল আর নাহি লাগে গ্রুপদ ধামার। স্বরু করে দাও যবে রাগের আলাপ, ভূলে যাও শিষ্ট রীতি সময়ে থামার!

বিলম্বিত তালে যবে করগো বিলাপ,
মূর্চ্ছনা ঝিমিয়ে পড়ে মূর্চ্ছাকে জিনিয়ে,—
নয়ত দূনেতে বকো স্থরের প্রলাপ ॥

যে গান ছবেলা গাও ইনিয়ে-বিনিয়ে, সে গানে জমক আছে, নাইকো ভমক। ভাল হতে নারে। নিতে স্থরকে ছিনিয়ে॥

কারিগরি করে' যবে লাগাও গমক,
তা শুনে আমার শুধু এই মনে হয়,—
রাগ যেন রাগিণীকে দিতেছে ধমক !"

গুণীগণে পরস্পরে মুখ চেয়ে রয়, বাদশার কথা শুনে সবে হতভন্ধ। হেন সাধ্য নাহি কারো ছুটি কথা কয়॥

ভয়েতে সবার গায়ে ফুটিল কদম্ব, আকাশ পড়িল যেন শিরেতে ভাঙিক্লা,— মুহূর্ত্তে হইল চূর্ণ ওস্তাদির দম্ভ'॥

নর্ত্তকীগণের মুখ উঠিল রাঙিয়া, লাজে ভয়ে আন্দোলিত তাহাদের বুক, মুক্ত হল ছিন্ন করি জরির আঙিয়া॥

বাদশা কহিল পুনঃ, রাঙা করি মুখ—
"নাহি কি হেথায় হেন সঙ্গীত-নায়ক
যে পারে স্থান্ধতে গীতে নতুন কৌতুক
?

সভাপ্রান্তে ছিল বসে তরুণ গায়ক, মদের নেশার হয়ে একদম চুর,— রূপেতে সাক্ষাৎ দেব কুস্কুম-সায়ক॥

জড়িত কম্পিত স্বরে কহিল "হুজুর ! নাহি মানি ছুনিয়ার কোনই বন্ধন,— সার জানি ছুনিয়ায় স্থরা আর স্থর॥

অজানা স্থারের এক অধীর স্পান্দন, আজিকে হৃদয় মোর করিছে ব্যাকুল,— কি যেন বুকের দ্বারে করিছে ক্রন্দন॥

বাঁধা রাগ, গাঁথা তাল, এই ছই কুল ছাপিয়ে ছোটাব আমি সঙ্গীতের বান, উন্মত্ত উন্মুক্ত হবে স্থর বিলকুল !"

এত বলি আরম্ভিল অর্থহীন গান, তারায় চড়িয়ে স্কর, মহা চীৎকারি, মাকাশে উড়ায়ে দিল পাপিয়ার তান॥

ধ্রুপদেরে পদে পদে দিয়া টিট্কারি, যুবকের কণ্ঠ হতে ঝলকে ঝলক, উপলি উছলি পড়ে ঘন গিট্কারি॥ অবাক বাদশাজাদা, না পড়ে পলক, চোথের স্বমুখে ভাসে স্থরের চেঁহারা— —প্রক্ষিপ্ত চরণ শৃত্যে, বিক্ষিপ্ত অলক!

গায়ক বাদক ছিল সভায় যাহারা,
মনে মনে গণে সবে ঘটিল প্রলয়,—
কোথা সম্কোথা ফাঁক ভেবে আত্মহারা!

শিহরিল নর্ত্তকীর কর-কিশল্য, —
কুরিত স্থরেতে লভি কম্পিত দরদ,
শিঞ্জিত হইল ত্রস্ত মণির বলয়॥

শিকল ছি ড়িয়া স্থর, ভাঙিয়া গারদ, শূত্যে ছুটি আক্রমিল স্বর্গের দেয়াল,— সে গান কৌতুকে শোনে তুম্বুক নারদ॥

জন্মিল স্থরার তেজে স্থরের খেয়াল।
নেশায় বাদশা হাঁকে—"বাহবা বাহবা।"
ধ্রুপদীরা কহে রেগে—"ডাকিছে শেয়াল!"

শ্রীপ্রমথ চৌধুরী।

२०८५ (म. ১৯১৪।

ভারতবর্ষের ঐক্য

শীযুক্ত রাধাকুমূদ মুখোপাধ্যায় উপরোক্ত নামে পুস্তিকা-আকারে ইংরাজি ভাষায় একটি প্রবন্ধ প্রকাশ করেছেন। যাঁরা দিবারাত্র জাতীয় ঐক্যের স্বপ্ন দেখেন তাঁদের পক্ষে, অর্থাৎ শিক্ষিত ব্যক্তিমাত্রেরই পক্ষে, এই ক্ষুদ্র পুস্তকের আলোচ্য বিষয়ের যথেষ্ট মূল্য আছে।

স্বদেশ কিন্দা স্বজাতির নাম উল্লেখ কর্বামাত্রই, একদলের লোক সামাদের মুখ-ছোপ দিয়ে বলেন—ও সব কথা উচ্চারণ কর্বার তোমাদের অধিকার নেই, কেননা ভারতবর্ধ বলে' কোন-একটা বিশেষ দেশ নেই, এবং ভারতবাসী বলে' কোন-একটা বিশেষ জাতি নেই। ভারতবর্দের অর্থ হচ্ছে—ক্ষুদ্র ক্ষুদ্র এবং পরস্পার-সমগ্রুক্ত নানা খণ্ড দেশ, এবং ভারতবাসীর অর্থ হচ্ছে—ক্ষুদ্র ক্ষুদ্র পরস্পার-সম্পর্কহীন নানা ভিন্ন জাতি।

ভারতবর্ষ যে একটি প্রকাণ্ড মহাদেশ, এ সত্য আবিকার কর্বার জন্ম পায়ে হেঁটে তীর্থ-পর্যাটন কর্বার দরকার নেই। একবার এ দেশের মানচিত্রখানির উপর চোথ বুলিয়ে গেলেই আমাদের গ্রান্তি বোধ হয়, এবং শরীর না হোক, মন অবসন্ধ হয়ে পড়ে। এবং ভারতবর্ষের জনসংখ্যা যে অগণ্য, আর এই কোটি কোটি লোক যে জাতি, ধর্ম ও ভাষায় শত শত ভাগে বিভক্ত, এ সত্য আবিকার কর্বার জন্মও সেনস্স্ রিপোর্ট পড়বার আবশ্যক নেই; চোথ কান খোলা থাকলেই তা আমাদের কাছে নিত্য প্রত্যক্ষ হয়ে ওঠে

আমাদের জীবনের যে ঐক্য নেই, এ কথাও যেমন সভ্য-

আমাদের মনে যে ঐক্যের আশা আছে, সে কথাও তেমনি সত্য। এক-ভারতবর্ষ হচ্ছে এ যুগের শিক্ষিত লোকের Utopia, সংস্কৃত ভাষায় যাকে বলে গদ্ধর্বপুরী। সে পুরী আকাশে ঝোলে এবং সকলের নিকট তা প্রত্যক্ষ নয়। কিন্তু যিনি একবার সে পুরীর মর্ম্মর প্রাচীর, মণিময় ভোরণ, রজত সৌধ ও কনকচূড়ার সাক্ষাৎলাভ করেছেন—তিনি আকাশরাজ্য হতে আর চোখ ফেরাতে পারেন ন। এক কথায় তিনি ভারতবর্ষের একতার দিবাস্বপ্ন দেখতে বাধা। অনেকের মতে দিবাস্বপ্ন দেখাটা নিন্দনীয়, কেননা ও-ব্যাপারে শুধু অলীকের সাধনা করা হয়। মানুষে কিন্তু, বাস্তবজগতের অজ্ঞতা-বশতঃ নয়, তার প্রতি অসন্তোষবশতঃই, চোখ-চেয়ে স্বপ্ন দেখে; সে স্বপ্নের মূল মানবহৃদয়ে প্রতিষ্ঠিত। এবং ইতিহাস এ সভ্যের সাক্ষ্য দেয় যে. আজকের কল্পনা-রাজ্য কখন কখন কালকের বাস্তব-জগতে পরিণত হয়. অর্থাৎ দিবাম্বপ্ন কখন কখন ফলে। স্বতরাং ভারতবর্ষের ঐকাসাধন জাতীয়-জীবনের লক্ষ্য করে তোলা—অনেকের পক্ষে স্বাভাবিক. এবং সকলের পক্ষেই আবশ্যক। সমগ্র সমাজের বিশেষ-একটা-কোন লক্ষ্য না থাকায়, দিন দিন আমাদের সামাজিক कीवन निष्कीव, এवः व्यक्तिगठ कीवन मकीर्ग शरा পড়ছে। পূर्स्स যে ঐক্যের কথা বলা গেল, ভা 'অবস্থা ideal unity, এবং অধিকাংশ শিক্ষিত লোকের মনে এক-ভারতবর্ষ একটি বিরাট ideal-রূপেই বিরাজ করছে। আমাদের বাঞ্চিত Utopia ভবিষ্যতের অকত্ রয়েছে।

কিন্তু এই ideal-কে ছটি সম্পূর্ণ বিপরীত দিক থেকে নিডাই আক্রমণ সৃষ্ট কর্তে হয়। এক দিকে ইংরাজি সংবাদপত্র, অপর দিকে

বাদলা সংবাদপত্র, এই ideal-টিকে নিতান্ত উপহাদের পদার্থ মনে করেন। উভয়েই শিক্ষিত-সম্প্রদায়ের উপর বিজ্ঞপবাণ বর্ষণ কাগজওয়ালাদের মতে এই মনোভাবটি বিদেশী-শিক্ষালর, এবং সেই জন্মই স্বদেশী-ভিত্তিহীন—কেননা ভারতবর্ষের অতীতের সঙ্গে তার কোনও যোগ নেই। ইংরাজি সংবাদপত্রের মতে ভারতবর্ষের সভ্যতার মূল এক নয়, বহু ; এবং যা গোড়া হতেই পুথক, তার আর কোনরূপ মিলন সম্ভব নয়। কুকুর আর বেড়াল নিয়ে এক-সমাজ গড়ে তোলা যায় না; ও তুই শ্রেণীর জীব শুধু গৃহস্বামীর চাবুকের ভয়ে একসঙ্গে ঘর করতে পারে। অপরপক্ষে বাঙ্গলা-সংবাদপত্রের মতে হিন্দুসমাজের বিশেষস্বই এই যে, তা বিভক্ত। এ সমাজ সতরঞ্রে ঘরের মত চক-কাটা। এবং কার কোন্চক, তাও অতি স্থনির্দ্ধিষ্ট। এই, সমাজের ঘরে, কে সিধে চল্বে, কে কোণাকুণি চলুবে কে এক-পা চলুবে আর কে আড়াই-পা চলুবে. তারও বাঁধাবাঁধি নিয়ম আছে। এর নাম হচ্ছে বর্ণাশ্রম ধর্ম। নিজের নিজের গণ্ডির ভিতর অবস্থিতি করে নিজের নিজের চাল রক্ষা করাই হচ্ছে ভারতবাসীর সনাতন ধর্ম্ম। স্কুতরাং যাঁরা সেই দাবার ঘরের রেখাগুলি মুছে দিয়ে সমগ্র সমাজকে একঘরে করতে চান, তাঁরা দেশের শত্রু। শিক্ষিত সম্প্রদায় যে ঐক্য চান, তা ভারতবর্ষের ধাতে নেই—ফুতরাং জাতির উন্নতির যে ব্যবস্থা তাঁরা ^{কর্তে} চান, তাতে শুধু সামাজিক অরাজকতার স্ঞ্রি করা হবে। শুমাজের স্থানির্দিষ্ট গণ্ডিগুলি তুলে দিলে সমাজ-তরী কোণাকুণি চলে তীরে আটুকে যাবে, এবং সমাজের ঘোড়া আড়াই-পা'র পরিবর্তে চার পা ভূলে ছুটবে। এ অবশ্য মহা বিপদের কথা। স্থতরাং

ভারতবর্ধের অতীতে এই ঐক্যের ideal-এর ভিত্তি আছে কিনা, সেটা খুঁজে দেখা দরকার। এই কারণেই সম্ভবতঃ রাধাকুমুদবাবু তুহাজার বৎসরের ইতিহাস খুঁড়ে সেই ভিত্ত বার করবার চেন্টা করেছেন, যার উপরে সেই কাম্যবস্তুকে স্কুপ্রতিষ্ঠিত করা যেতে পারে। এ যে অতি সাধু উদ্দেশ্য সে বিষয়ে বোধ হয় ঘিমত নেই।

(\(\)

রাধাকুমুদবাবু জাতীয় জীবনের ঐক্যের মূল যে প্রাচীন যুগের সামাজিক জীবনে আবিষ্কার করতে চেফা করেছেন, তার জন্ম তিনি আমার নিকট বিশেষ ধল্যবাদার্হ। অনেকে, দেখতে পাই, এই ঐক্যের সন্ধান, ঐতিহাসিক সত্যে নয়, দার্শনিক লাভ করেন। এ শ্রেণীর লোকের. মতে সমগ্র ভারতবর্ষ ব্রহ্মসূত্রে গ্রথিত; কেননা অদ্বৈতবাদে সকল অনৈক্য তিরস্কৃত হয়। কিন্তু যে সমস্যা নিয়ে আমরা নিজেদের বিত্রত করে তুলেছি, তার মীমাংসা বেদান্তদর্শনে করা হয়নি: বরং ঐ দর্শন থেকেই অনুমান করা অসক্ষত হবে না যে, প্রাচীন যুগে জাতীয় জীবনে কোনও ঐক্য ছিল না। মানব-জীবনের সঙ্গে মানব-মনের যোগ অতি ঘনিষ্ঠ। কাব্যের মত দর্শনও জীবন-বৃক্ষের ফুল; তবে এ ফুল এত সূক্ষা রক্তে ভর করে' এত উচ্চে ফুটে ওঠে যে, হঠাৎ দেখতে তা আকাশ-কুস্থম বলে ভ্রম হয়। আমার বিশ্বাস একটি কুদ্র দেশের এ^ক রাজার শাসনাধীন জাতির মন একেশ্বর-বাদের অমুকূল। ঐরূপ জাতির পক্ষে, বিশ্বকে একটি দেশ হিসেবে, এবং ভগবানকে ^{ভার} অবিতীয় শাসন ও পালনকর্তা হিসেবে দেখা স্বাভাবিক এবং সহজ।

অপর পক্ষে যে মহাদেশ নানারাজ্যে বিভক্ত, এবং বছ রাজা উপ-রাজার শাসনাধীন, সে' দেশের লোকের পক্ষে আকাশ-দেশে বহু দেবতা এবং উপ-দেবতার অস্তিত্ব কল্পনা করাও তেমনি স্বাভাবিক। সাধারণতঃ মানুষে, মর্ত্ত্যের ভিত্তির উপরেই স্বর্গের প্রভিষ্ঠা করে। যে দেশের পূর্ববপক্ষ একেখরবাদী, সে দেশের উত্তরপক্ষ নাস্তিক,--এবং যে দেশের পূর্ব্ব-পক্ষ বহু-দেবতাবাদী, সে দেশের উত্তর পক্ষ অদৈতবাদী। অদৈতবাদী বহুর ভিতর এক দেথেন না : কিন্তু বহুকে মায়া বলে' তার অস্তিত্ব অস্বীকার করেন। ত্মতরাং উত্তর-মীমাংসার সার-কথা "ব্রহ্ম সত্য, জগৎ মিথ্যা"---এই অর্দ্ধ শ্লোকে যে বলা হয়েছে, তার আর সন্দেহ নেই। এই কারণেই বেদান্তদর্শন সাংখ্যদর্শনের প্রধান বিরোধী। অথচ এ কথা অস্বীকার কর্বার যো নেই যে, সংখ্যা বাদ দিলে অবশিষ্ট থাকে শুধু শৃ্চ্য। ত্তরাং মায়াবাদ যে ভাষান্তরে শূক্তবাদ, এবং শঙ্কর যে প্রচ্ছন্নবৌদ্ধ —এই প্রাচীন অভিযোগের মূলে কতকটা সত্য আছে। যে একাত্ম-জ্ঞান কর্ম্মশুন্মতার উপর প্রতিষ্ঠিত, সে জ্ঞানের চর্চ্চায় সান্মার যতটা চর্চচা করা হয়, বিশ্ব-মানবের সঙ্গে আত্মীয়তার চর্চচা ততটা করাহয় না। আরণ্যক ধর্ম যে সামাজিক, এ কথা শুধু ইংরাজি-শিক্ষিত নাগরিকেরাই বলতে পারেন। সমাজ-ত্যাগ করাই যে সন্ন্যাদের প্রথম সাধনা, এ কথা বিস্মৃত হবার ভিতর যথেষ্ট আরাম আছে।

সোহং হচ্ছে Individualism-এর চরম উক্তি। স্থতরাং বেদান্ত-मञ स्वामार्रापत मरनाकगंश्यक रय शतिमार्ग छेनात ও मूक्क करत **मिरिग़र्ह, व्यामार्मित्र वाुवशित्रक क्षीवनरक स्मर्हे भित्रमार्ग वक्ष छ** সঙ্কীর্ণ করে ফেলেছে। বেদান্তের দর্পণে প্রাচীন যুগের সামাজিক
মন প্রতিফলিত হয় নি,—প্রতিহত হয়েছে। বেদান্তদর্শন সামাজিক
জীবনের প্রকাশ নয়,—প্রতিবাদ। অঘৈতবাদ হচ্ছে সঙ্কীর্ণ কর্ম্মের
বিক্লম্বে উদার মনের প্রতিবাদ, সীমার বিক্লম্বে অসীমের প্রতিবাদ,
বিষয়-জ্ঞানের বিক্লম্বে আত্ম-জ্ঞানের প্রতিবাদ;—এক কথায় জড়ের
বিক্লম্বে আত্মার প্রতিবাদ। সমাজের দিক থেকে দেখলে,
জীবের এই স্বরাট-জ্ঞান শুধু বিরাট অহঙ্কার মাত্র। স্কুতরাং ফে
সূত্রে এ কালের লোকেরা জাতিকে একতার বন্ধনে আবদ্ধ করতে
চান তা ব্রহ্মসূত্র নয়, কিন্তু তার অপেক্ষা চের স্থুল জীবন সূত্র।

কেন যে পুরাকালে অদৈতবাদীরা কোপীন-কমগুলু ধারণ ^{করে} বনে যেতেন, তার প্রকৃত মর্মা উপলব্ধি না কর্তে পারায় এ কালের অদৈতবাদীরা চোগা-চাপকান পরে আপিসে যান। উভয়ের ভিতর মিল এইটুকু যে, একজন হচ্ছেন উদাসী, আর একজন শুধু উদাসীন,—পরের সম্বন্ধে।

রাধাকুমুদবাবুর প্রবন্ধের প্রধান মর্য্যাদা এই যে, তিনি
ভারতের আত্মজ্ঞানের ভিত্তি অভীতের জীবন-ক্ষেত্রে প্রতিষ্ঠা কর্তে
প্রশ্নাদী হয়েছেন। তবে কভদূর কৃতকার্য্য হয়েছেন সেইটেই
বিচার্য্য। ভবিষ্যতের শৃত্যদেশে যা-থুদি-তাই স্থাপনা কর্বার
যে স্বাধীনতা মানুষের আছে, অতীতসম্বন্ধে তা নেই। ভবিষ্যতে
সবই সম্ভব হতে পারে, কিন্তু অতীতে যা হয়ে গেছে তার আর
একচুলও বদল হতে পারে না। কল্পনার প্রকৃত লীলাভূমি
ভূত নয়, ভবিষ্যৎ। আকাশে আশার গোলাপ ফুল অধবা
নৈরাশ্যের সরষের ফুল দেখবার অধিকার আমাদের সকলেরই

আছে; কিন্তু অতীত ফুলের নয়, মুলের দেশ। যে মূল আমরা খুঁজে বার করতে চাই তাঁ সেখানে পাই ত ভালই; না পাই ত, না পাই।

(o)

জীবের অহং-জ্ঞান যেমন একটি দেহ আশ্রয় করে থাকে, জাতির অহং-জ্ঞানও তেমনি একটি দেশ আশ্রয় করে থাকে। মানুষের যেমন দেহাত্ম-জ্ঞান তার সকল বিশিষ্টতার মূল, জাতির পক্ষেও তেমনি দেশাত্ম-জ্ঞান তার সকল বিশিষ্টতার মূল। ভারতবাসীর মনে এই দেশাত্ম-জ্ঞান যে অতি প্রাচীনকালে জন্মলাভ করেছিল, রাধাকুমুদবাবু নানারূপ প্রমাণপ্রয়োগের বলে তাই প্রতিপন্ন করতে চেটা করেছেন।

ভারতবর্ষ মহাদেশ হ'লেও যে একদেশ, এবং ভারতবাসীদের যে সেটি স্থদেশ, এ সত্যটি অন্ততঃ ছু'হাজার বৎসর পূর্বের আবিষ্কৃত হয়েছিল।

উত্তরে অলজ্য্য পর্বতের প্রাকার, এবং পশ্চিম, দক্ষিণ ও পূর্বের ছর্ম জ্যা সাগরের পরিখা যে ভারতবর্ষকে অন্যান্ত সকল ভূভাগ হতে বিশেষরূপে পৃথক ও স্বতন্ত্র করে রেখেছে, এ হচেছ প্রত্যক্ষ সত্য। তারপর, এদেশ অসংখ্য যোজন বিস্তৃত হলেও সমতল; এত সমতল বে, সমগ্রা ভারতবর্ষকে এক-ক্ষেত্র বল্লে অত্যুক্তি হয় না। বিদ্যাচল সম্ভবতঃ এ মহাদেশকে ছটি চিরবিচিছ্ন খণ্ডদেশে বিভক্ত করতে পারত, যদি অগস্ত্যের আদেশে সে চিরদিনের জন্ম নতশির হয়ে থাকতে বাধ্য না হত। রাধাকুমুদবাবু দেখিয়েছেন

বৈ. এই স্বদেশ-জ্ঞান ভারতবাসীর পক্ষে কেবলমাত্র শুক্ষ জ্ঞান নয় কিন্তু তাদের আত্যন্তিক প্রীতি ও ভক্তির সঙ্গে জড়িত। ভারতবাসীর পক্ষে ভারতবর্ষ হচ্ছে পুণ্যভূমি ;—সে দেশের প্রতি ক্ষেত্র—ধর্মক্ষেত্র প্রতি নদী—তীর্থ, প্রতি পর্ববত—দেবতাত্মা। কিন্তু এই ভক্তি-ভাব আর্য্য মনোভাব কি না, সে বিষয়ে সন্দেহ আছে। বেদ হতে পঞ্চ নদের আবাহনস্বরূপ একটিমাত্র শ্লোক উদ্ধৃত করে রাধাকুমুদ বাবু প্রমাণ করতে চান যে, ঋষিদের মনে এই একদেশীয়তার ভাব সর্ববপ্রথমে উদয় হয়েছিল। কিন্ত সেই বৈদিক মনোভাব যে ক্রমে বৃদ্ধি এবং বিস্তার লাভ করে শেষে লৌকিক মনোভাবে পরিণ্ড হয়েছিল, তার কোন প্রমাণ নেই। আমার বিশ্বাস, বৈদিক ধর্ম নয়, লৌকিক ধর্ম্মই ভারতবর্ষকে পুণ্যভূমি করে তুলেছে। ভারত-वर्रात जानिम जिथवांनीरानत धर्मा शुरु लोकिक धर्मा : विरामी বিজেত। আর্যাদের ধর্মা হচ্ছে বৈদিক ধর্মা। ভারতবর্ষের মাটি ও ভারতবর্ষের জলই হচ্ছে লৌকিক ধর্ম্মের প্রধান উপাদান। ধর্ম্ম আকাশ থেকে পডেনি. মাটি থেকে উঠেছে। জনগণ চিরদিন কৃষিজীবী। যে ত্রিকোণ পৃথিবী তাদের চিরদিন অমদান করে. সেই হচ্ছে অমদা. এবং যে জল তাদের শস্তক্ষেত্রে রস-সঞ্চার করে, সেই হচ্ছে প্রাণদা। তাই ভারতবর্ষের অসংখ্য লৌকিক দেবতা সেই অমদার বিকাশ। সীতার মত এ সকল দেবতা হলমূখে ধরণী হতে উত্থিত হয়েছে। তাই এ দেশের প্রতিমা মাটির দেহ ধারণ করে এবং জলে তার বিসর্জ্জন ^{হর ।} "তোমারি প্রতিমা গড়ি মন্দিরে, মন্দিরে" একথা মোটেই বৈদিক মনোভাবের পরিচায়ক নয়। কেননা, পঞ্চনদবাসী আর্য্যেরা মন্দিরও

গড়াতেন না, প্রতিমাও পূজা করতেন না। এই দেশভক্তি পোরাণিক সাহিত্যে অতি পিরিক্ষুট হয়ে উঠেছে। তার কারণ, ণৈদিক যুগ ও পৌরাণিক যুগের মধ্যে যে বৌদ্ধযুগ ছিল, সেই যুগেই এই স্বদেশ-জ্ঞান ও স্বদেশ-প্রীতি ভারতবর্ষময় ব্যাপ্ত হয়ে পড়েছিল। বৌদ্ধর্ম্ম অবৈদিক ধর্ম্ম, এবং সার্বজনীন বলে' তা সার্ব্রভোম ধর্ম। অপর পক্ষে বৈদিক ধর্ম আর্হাদের গৃহধর্ম, বড়-জোর কুলধর্ম্ম। সমগ্র দেশকে একাত্ম করবার ক্ষমতা সে ধর্ম্মের ছিল না। যেমন অস্তরদের সঙ্গে যুদ্ধে স্থরেরা এক ঈশানকোণ ব্যতীত আর সকল-দিকেই পরাস্ত হয়েছিলেন, তেমনি সম্ভবতঃ ইন্দ্র-চন্দ্র-বায়ু-বরুণ-প্রভৃতি সংস্কৃত দেবতারা দেশজ মঙ্গে যুদ্ধে এক গৃহকোণ ব্যতীত আর দর্ববত্রই পরাস্ত হয়েছিলেন। অন্ততঃ আকাশের দেবতারা যে, মাটির দেবতাদের সঙ্গে সন্ধিস্থা⁸ন করতে বাধ্য হয়েছিলেন, তার প্রমাণ পৌরাণিক হিন্দুধর্ম। বৈদিক ও গৌকিক মনোভাবের মিশ্রাণে এই নবধর্ম্মভাবের যে কস্মিনকালেও সমগ্র ভারতবর্ষকে একদেশ বলে স্বীকার ু করতে চাননি, তার প্রমাণ স্মৃতিশাস্ত্রে পাওয়া যায়। বৌদ্ধধর্মের যধঃপতন এবং ব্রাহ্মণাধর্মের পুনরভাূদয়ের সময় মনুসংহিত<u>া</u> লিখিত হয়। এই সংহিতাকারের মতে ব্রহ্মাবর্ত্ত-এবং-আর্য্যাবর্ত্ত-বহিভূতি সমগ্র ভারতবর্ষ হচ্ছে ঘুণ্য মেচ্ছদেশ। মনুর টীকাকার মেধাতিথি বলেন যে, দেশের ফ্লেচ্ছন্থদোষ কিন্তা আর্য্যন্ত্রণ নেই। যে দেশে বেদবিহিত ক্রিয়াকর্ম্মনিরত আর্য্যেরা বাস করেন, সেই হচ্ছে আর্য্যভূমি, —বাদবাকি সব মেচ্ছদেশ। আর্য্যদের এই স্বজাতি-জ্ঞান সমগ্র ভারতবর্ষের সদেশ-জ্ঞানের প্রতিকূল ছিল। পঞ্চনদের পঞ্চনদীর উল্লেখ করে তর্পণের মন্ত্র উচ্চারণপূর্বক বৈদিক ঋষির। যে গণ্ডুষ করতেন, সে কতকটা সেই ভাবে, যে ভাবে একালে বিলাগীআর্য্যেরা মহোৎসবের ভোজনান্তে "The Land we live in"এর নামোচ্চারণ করে স্থরার আচমন করেন। প্রাচীন আর্য্যজাতির
মনে দেশ-প্রীতির চাইতে আজ্ম-প্রীতি ঢের বেশি প্রবল ছিল।
দেশের স্বাতন্ত্র্য রক্ষা নয়, নিজেদের স্বাতন্ত্র্য রক্ষাই ছিল তাঁদের
স্বধর্ম। রাধাকুমুদ্বাবু এমন কোন বিরুদ্ধপ্রমাণ দেখাতে পারেন নি,
যা'তে করে আমার এই ধারণা পরিবর্ত্তিত হতে পারে।

(8)

ইংরাজ যে সর্বব্রথমে ভারতবর্ষের মানচিত্র লালবর্নে চিত্রিত করেছেন তা নয়; আজ ছু-হাজার বৎসরেরও পূর্বের অশোকও একবার ঐ মানচিত্র গেরুয়া-রঙে রঞ্জিত করেছিলেন। একথা শিক্ষিত লোক-মাত্রেরই জানা না থাক্, শোনা আছে। যা স্থপরিচিত তার আর নূতন অবিষ্কার করা চলে না, স্থতরাং রাধাকুমুদ্বাবু প্রাচীন ভারতের এক-রাব্লীয়তার মূল বৈদিক সাহিত্যে অমুসন্ধান করেছেন,—ভাঁর পু্স্তিকার মৌলিকভা এইখানেই। স্থতরাং তিনি অমুসন্ধানের ফলে যে নূতন সত্য আবিষ্কার করেছেন, তা বিনা পরীক্ষায় গ্রাহ্ম করা যায় না।

শাস্ত্রকারেরা বেদকে শ্বৃতির মূল বলে' উল্লেখ করেছেন,—কিন্তু ^{বেদ} যে শুদ্রেরীতি কিন্থা বৌদ্ধনীতির মূল, এ কথা তাঁরা কখন মূ^{ন্থে} আনেননি; বরং বৌদ্ধাচার্য্যেরা যখন বেদের কোন উৎসন্ন শাখা ^{থেকে} বৌদ্ধর্ম উদ্ভূত হয়েছে এই দাবী কর্তেন, তখন বৈদিক ব্রাক্ষণের

কানে হাত দিতেন। অথচ এ কথা অস্বীকার কর্বার যো নেই যে, ইতিহাস যে প্রাচীন সাম্রাজ্যের পরিচয় দেয়, তা বৌদ্ধযুগে ব্রাত্যদেশে শূদ্র-ভূপতিকর্তৃক প্রতিষ্ঠিত হয়েছিল। মগধের নন্দবংশও শূদ্রবংশ, মোর্যাবংশও শূদ্রবংশ ছিল। এবং অশোক, সমগ্র ভারতবর্ষে শুধু রাজচক্র নয়, ধর্ম্মচক্রেরও স্থাপনা করে, সসাগরা বস্তুদ্ধরার সার্বভোম চক্রবর্তীর পদে প্রতিষ্ঠিত হয়েছিলেন। স্কৃতরাং এক-রাধ্রীয়তার মূল বৈদিক-মনে পাওয়া যাবে কি না—সে বিষয়ে স্বতঃই সন্দেহ উপস্থিত হয়।

বৌদ্ধমূণের পূর্বের কোন একরাটের পরিচয় ইতিহাস দেয় না।
কিন্তু ইতিহাসের পশ্চাতে কিন্দদন্তী আছে,—সেই কিন্দদন্তীর সাহায্যে,
দেশের বিশেষ-কোন ঘটনা না হোক্, জাতির বিশেষ মনোভাবের
পরিচয় আমরা পেতে পারি। রাধাকুমুদবাবু ব্রাহ্মণ এবং শ্রোতসূত্র
প্রভৃতি নানা বৈদিক গ্রন্থ থেকে রাজনীতিসন্থন্ধে আর্য্যজাতির মনোভাব
উদ্ধার করবার চেষ্টা করেছেন।

রাধাকুমুদবাবুর দাখিলি বৈদিক-দলিলগুলির কোন তারিখ নেই—স্তরাং তার সবগুলি যে মাগধ-সামাজ্যের প্রতিষ্ঠার পূর্বের লিখিত হয়েছিল, তা বলা যায় না; অতএব কোন বিশেষ ব্রাক্ষণগ্রাস্থ বৈদিক-সাহিত্যের অন্তর্ভূতি হলেও তার প্রতি বাক্য যে বৈদিক মনোভাবের পরিচয় দেয় এ কথা নিঃসন্দেহে বলা চলে না। ওরূপ দলিলের বলে, তর্কিত বিষয়ের চূড়ান্ত নিপ্পত্তি করা অসম্ভব। বিশেষতঃ যখন তাঁর সংগৃহীত দলিল তাঁর মতের বিরুদ্ধেই সাক্ষ্য দেয়। রাধাকুমুদবাবুর প্রধান দলিল হচ্ছে ঐতরেয় ব্রাক্ষণ। ঐ গ্রাম্থেই তিনি সাম্রাজ্য শব্দের সাক্ষাৎ পেয়েছেন, এবং সেই শব্দই হচ্ছে তাঁর মতের মূলভিত্তি। উক্ত ব্রাক্ষণের একথানি বাঙ্গলা অনুবাদ আছে ; তারি সাহায্যে রাধাকুমূদবাবুর মত যাচাই 'করে নেওয়া যেতে পারে। "সম্রাট" কাকে বলে' তার পরিচয় ঐ ব্রাক্ষণে এইরূপ আছে :—-

"পূর্ব্বদিকে প্রাচ্যগণের যে সকল রাজা আছেন, তাঁহারা দেবগণের ঐ বিধান-অন্মারে সাম্রাজ্যের জন্ম অভিষিক্ত হন, অভিষেকের পর তাঁহারা "ন্মাট" নামে অভিহিত হন।"—(ঐতরের ব্রাহ্মণ ৩৮শ অধাায়।)

রাধাকুমুদবাবু বলেন যে, এস্থলে মাগধ-সামাজ্যের উল্লেখ করা হয়েছে। যদি তাঁর উক্ত অনুমান গ্রাহ্ম হয়, তাহলে প্রাচীন ভারত-সামাজ্যের বৈদিক ভিত্তি ঐ এক কথাতেই নষ্ট হয়ে যায়।

ঐতরেয় ব্রাক্ষণে নানারপে রাজ্যের উল্লেখ আছে, যথা—রাজ্য, সাম্রাজ্য, ভৌজ্য, সারাজ্য, বৈরাজ্য, পারমেষ্ঠ্য রাজ্য, মাহারাজ্য ইত্যাদি। রাধাকুমুদ্বাবু প্রমাণ কর্তে চান্ যে, ঐ সকল নাম উচ্চ-নীচ-হিসাবে একরাটের অধীন ভিন্ন ভিন্ন রাজপদ নির্দেশ করে। কিন্তু ঐ ব্রাক্ষণ-গ্রন্থেই প্রমাণ আছে যে, ঐ সকল নাম হচ্ছে পৃথক পৃথক দেশের ভিন্ন ভিন্ন রাজ্যের নাম। তার সকল-দেশই পঞ্চনদের বহিভূতি, কোন কোন দেশ ভারতবর্ষের বহিভূতি, এবং বিশেষ করে একটি দেশ পৃথিবীর বহিভূতি। যথা—

"পূর্ব্বদিকে প্রাচাগণের রাজা—সম্রাট। দক্ষিণদিকে সন্ত্ৎগণের রাজা— ভোজী।
পশ্চিমদিকে নীচ্য ও অপাচ্যদিগের রাজা স্বরাট্। উত্তরদিকে হিমবানের ওপারে
যে উত্তরকুক্ষ ও উত্তরমন্ত্র জনপদ আছে, তাহারা দেবগণের ঐ বিধানাপ্রমারে
বৈরাজ্যের জন্ম অভিষিক্ত হয়, অভিষেকের পরে তাহারা বিরাট নামে অভিষ্ঠি
হয়। মধ্যমদেশে সবশ উশীনরগণের ও কুক্রপাঞ্চালগণের যে সকল রাজা আছেন
তাহারা রাজা নামে অভিহিত হন। এবং উর্দ্ধদেশে (অস্তরীক্ষে) ইক্র পার্মেষ্ঠা
লাভ করিয়াছিলেন।"

উপরোক্ত উদ্ধৃত বাক্যগুলি থেকে দেখা যায় যে, দেশ-ভেদ-অনুসারে সে যুগের রাজাদের নামভেদ হয়েছিল,—পদমর্য্যাদা-অনুসারে নয়। উক্ত ব্রাহ্মণে একরাট শব্দও ব্যবহৃত হ্লয়েছে। কিস্ত দে একরাট, একসঙ্গে স্বরাট, বিরাট, সম্রাট, সব রাট হতে পারতেন,---অর্থাৎ তিনি স্বদেশ বিদেশ এবং আকাশ-দেশের রাজা হতে পারতেন। বলা বাহুল্য, এরূপ একরাটের নিকট ভারতবর্ষের একরাব্রীয়তার সন্ধান নিতে যাওয়া বুথা।

আদল কথা এই যে, রাজনীতি অর্থে আমরা যা বুঝি ও চাণক্য যা বুঝতেন—ত্রাক্ষণ-গ্রন্থে তার নামগন্ধও নেই। রাজপেয়, রাজসূয়, অখ্যেধ, পুনরভিষেক, ঐন্দ্র মহাভিষেক,—এসব হচ্ছে যজ্ঞ। এবং এ সকল যজ্ঞের উদ্দেশ্য রাজ্যস্থাপনা নয়, পুরোহিতকে ভুরি দান করানো এবং ঐরূপ যজ্ঞ স্বারা যজমানের অভ্যুদয় সাধিত হতে ^{পারে}, তাই প্রমাণ করা। রাধাকুমুদবাবু তাঁর পুস্তিকাতে, পুরাকালে ^{যারা} একরাট পদে প্রতিষ্ঠিত হয়েছিলেন, তাঁদের নামের একটি লম্বা ফর্দ ঐতরেয় ব্রাহ্মণ হতে তুলে দিয়েছেন। সম্ভবতঃ তিনি উক্ত রাজাগণের সার্ব্বভৌম সাম্রাজ্য লাভ ঐতিহাসিক ঘটনা বলে মনে ^{করেন}, কিন্তু আমরা তা পারিনে,—কারণ উক্ত ব্রাহ্মণের মতে. ঐন্দ্র মহাভিষেকের বলেই প্রাচীন রাজারা ঐ ইন্দ্র-বাঞ্চিত পদলাভ ^{করে}ছিলেন। মন্ত্রবলে এবং যজ্ঞফলে তাদৃশ বিশাস না থাকার ^{দরুণ} আমরা উক্ত রাজযজমানদের ঐরূপ আত্যন্তিক অভ্যুদয়, এবং রাজপুরোহিতদের তদসুরূপ দক্ষিণালাভের ইতিহাসে যথেষ্ট আস্থা ^{স্থাপন} করতে পারিনে। রাধাকুমুদবাবু নামের ফর্চ্দের পাশাপাশি যদি দানের ফর্দ্ধটি ভুলে দিতেন, তাহলে পাঠকমাত্রেই ঐভরেয়

ব্রান্সণের কথা কতদূর প্রামাণ্য তাহা সহজেই বুঝতে পার্জেন। ঐক্র মহাভিষেক উপলক্ষে নিম্মলিখিতরূপ দান করা হতঃ—

বন্ধ শতকোটী গাভীর মধ্যে প্রতিদিন মাধ্যন্দিন সবনে ছই ছই সংয। আটাশী হাজার পৃষ্ঠবাহনযোগ্য খেত অখ। এদেশ ওদেশ হইতে আনীত নিক্কন্তী আঢ্য ছহিতার মধ্যে দশ সহস্র।

এরপ দানের দাতা ছুর্ল ভ হলেও, গ্রহীতা আরও বেশি ছুর্ল ভ।
এত গরু ঘোড়া ও বনিতা রাখি কোথায় আর খাওয়াই কি, এ প্রশ্ন বোধহয় দরিদ্র প্রাক্ষণের মনে উদর হত। প্রাক্ষণগ্রন্থ এই সত্যেরই পরিচয় দেয় যে, সে মুগে এমন বহু ক্ষব্রিয় ছিলেন যাঁদের নিজেনের কোষ-রৃদ্ধি, এবং অধিকার-রৃদ্ধির প্রতি লোভ ছিল, এবং তাঁয় প্রাক্ষণদের তন্তর-মন্তর-যায়তে বিশাস কর্তেন। ঐতরেয় প্রাক্ষণে যে সামাজ্যের উল্লেখ আছে তা ক্ষব্রিয়ের বাহুবল, বৃদ্ধিবল ও চরিত্রবল ছারা নয়—প্রাক্ষণের মন্তর্বলের ছারা লাভ কর্বার বস্তা। কারণ শক্র নাশের জন্ম তাঁদের মুদ্ধ করা আবশ্যক হত না, প্রক্ষ-পরিমর-কর্ম প্রভৃতি অভিচারের ছারাই সে কামনা সিদ্ধ হত। এই অতীত সাহিত্যের ভিত্তির উপর যদি ভারতবর্ষের ভবিষ্যৎ ঐক্যের প্রতিষ্ঠা কর্তে হয়, ভাহলে আমাদের মনোজগতের গদ্ধবিপুরী চিরকাল আকাশেই মুলবে।

আমর। ইউরোপীয় সভ্যতার নূতন মদ নিত্যই সংস্কৃত সাহিত্যের পুরোনো বোতলে ঢালছি। আমরা Spencer-এর বিলেতি মদ শঙ্করের বোতলে ঢালি, Comte-এর ফরাসি মদ মমুর বোতলে ঢালি, এবং তাই যুগসঞ্চিত সোমরস বলে পান করে, তৃপ্তিও লাভ করি, মোহও প্রাপ্ত ছই। কিন্তু এই ঢালাঢালি এবং ঢলাঢলিরও একটা সীমা আছে। Bismarck-এর জর্ম্মান মদ আক্ষাণের যজ্ঞের চমসে ঢালতে গোলে আমরা সে দীমা পেরিয়ে যাই। ও হাতায় এ জিনিষ
কিছুতেই ধর্বে না। ইংরাজি শিক্ষার প্রানাদে আমরা আকাণসাহিত্যের আধিদৈবিক ব্যাপারসকলের আধ্যাত্মিক ব্যাথ্যার চেন্টা
কর্তে পারি, এবং চাই কি তাতে কৃতকার্যাও হতে পারি,—কিন্তু
শুধু ইংরাজি শিক্ষা নয়, তত্তপরি ইংরাজি ভাষার সাহায্যেও তার
"আধিরাষ্ট্রিক" ব্যাথ্যা করতে পারিনে।

(0)

এতদিন, প্রাচীন ভারতের নাম উল্লেখ কর্বামাত্রই, বর্ণাশ্রম ধর্ম্ম, ধানবারণা নিদিধাসন, এই সকল কথাই আমাদের স্মরণপথে উদিত হত, এবং বঙ্গসাহিত্যে তারি গুণকীর্ত্তন করে আমরা ধর্ম ও খ্যাতি লাভ কর্তুম। Imperialism-নামক আহেল-বিলাতি পদীর্থ পুরাকালে এদেশে ছিল, এরপ কথা পূর্বেক কেউ বল্লে তার উপর আমরা খড়গহস্ত হয়ে উঠতুম, কেননা ওরপ কথা আমাদের দেশ-ভক্তিতে আঘাত কর্ত। বৈরাগ্যের দেশ ঐহিক ঐপর্যাের স্পর্শে কল্মিত হয়ে ওঠে। কিন্তু আজ যে নব দেশভক্তি ঐ Imperialism-এর উপর এত ঝুঁকেছে, তার একমাত্র কারণ কোটিল্যের অর্থ-শাস্ত্রের আবিদার। উক্ত গ্রন্থ থেকেই আমরা এই জ্ঞান লাভ করেছি যে, ইউরোপীয় রাজনীতির যা শেষ কথা ভারতবর্ষের রাজনীতির তাই প্রথম কথা। এই সত্যের সাক্ষাৎকার লাভ করে আমাদের চোধ এতই ঝল্সে গেছে যে, আমরা সকল তল্তে, সকল মল্লে ঐ সামাজ্যেরই প্রতিরূপ দেখছি। এরপ হওয়া স্বাভাবিক, কিন্তু আমাদের চোধ যথন আবার প্রকৃতিন্থ হবে, তথন আমরা এই প্রাচীন

Imperialism-কেও খুঁটিয়ে দেখতে পার্ব, এবং কোটিল্যকেও জেরা করতে শিখব। ইতিমধ্যে এই কথাটি আমি শ্বরণ করিয়ে দিতে চাই যে, চন্দ্রগুপ্ত রাজনীতির ক্ষেত্রে যে মহাভারত রচনা করেছিলেন,—কোটিল্যের অর্থশান্ত্র শুধু তারি ভাষ্য। যে মনোভারের উপর সে সাম্রাজ্য প্রতিষ্ঠিত হয়েছিল, সে মনোভাব বৈদিক নয়, সম্ভবতঃ আর্যান্ত নয়। মন্ত্র প্রভৃতি ধর্ম্মশান্ত্রের সঙ্গে তুলনা করে দেখলে দেখতে পাওয়া যায় যে, উক্ত অর্থশান্ত্রকারের মানসিক প্রকৃতি এবং ধর্ম্মশান্ত্র-কারদের প্রকৃতি এক নয়। সে পার্থক্য যে কোথায় ও কতথানি ভা আমি একটিমাত্র উদাহরণের সাহায়ে দেখিয়ে দেব।

সংস্কৃত ভাষায় ধর্ম্ম শব্দের অর্থ Law, এবং শাস্ত্রকারদের মতে এই lawএর মূল হচেছ বেদ, শ্মৃতি, সদাচার ও আত্মতুষ্টি। রাজশাসন অর্থাৎ legislation যে ধর্ম্মের মূল হতে পারে, এ কথা ধর্ম্মশাস্ত্রে স্থাকৃত হয় নি। রাজা ধর্ম্মের রক্ষক, প্রস্কৌ নন্। অপরপক্ষে কৌটিল্যের মতে রাজশাসন সকল-ধর্ম্মের উপরে। এ কথা বৈদিক ব্রাহ্মণ কথনই মেনে নেন্ নি,—কেননা তাঁদের মতে ধর্ম্মের মূল হছে বেদ; অতএব ধর্ম্ম অপৌরুষেয়। তার পরে আগ্যে মৃতি, অর্থাৎ আর্য্য ঋষিদের শ্মৃতি,—তার পর সদাচার, অর্থাৎ আর্য্য ঋষিদের শ্মৃতি,—তার পর সদাচার, অর্থাৎ আর্য্যুদের কুলাচার,—তার পর আত্মতুষ্টি। এক কথায় ধর্ম্মশাস্ত্রের মতে—"পারম্পর্যক্রমাগত" আর্য্য-আচারই একমাত্র এবং সমগ্র Law। যাঁরা এরূপ মনোভাব পোষণ কর্তেন, তাঁরা চন্দ্রগুপ্ত কর্ম্বৃক প্রতিষ্ঠিত এবং চাণক্যকর্ত্বক ব্যাখ্যাত রাজনীতি কখনই স্বচ্ছন্দ্র্যনে গ্রাহ্ম কর্তেন না। সম্ভবতঃ এই কারণেই, চাণক্য নিজে ব্রাহ্মণ হলেও, সংস্কৃত সাহিত্যে হিংসা প্রতিহিংসা ক্রোধ ঘেষ ক্রুরতা ও

কুটিলতার অবতার-স্বরূপ বর্ণিত হয়েছেন, এবং একই কারণে ব্রাক্ষণ-সমাজে তাঁর অনাদৃত গ্রন্থ লুপ্ত হয়ে গিয়েছিল। বৌদ্ধর্ম্ম এবং সেই সঙ্গে মোর্য্য-সামাজ্যের অধঃপতনের সকল কারণ আমরা অবগত নই। যখন সে ইতিহাস আবিষ্কৃত হবে, তখন সম্ভবতঃ আমরা দেখতে পাব যে, এ ধ্বংস-ব্যাপারে বৈদিক ব্রাক্ষণের যথেষ্ট হাত ছিল।

এ কথা বোধহয় নির্ভয়ে বলা যেতে পারে যে, ভারতবাদী আর্ঘ্যদের কৃতিহ সাগ্রাজ্য-গঠনে নয়—সমাজ-গঠনে: এবং তাঁদের শ্রেষ্ঠত্বের পরিচয় শিল্পে বাণিজ্যে নয়—চিন্তার রাজ্যে। শাস্ত্রের ভাষায় বল্তে হলে "পৃথিবীর সর্ব্ব-মানবকে" আর্ঘ্য-আচার শিক্ষা দেওয়া, এবং সেই গাঢ়ারের সাহায্যে সমগ্র ভারতবাসীকে এক-সমাজভুক্ত করাই ছিল তাদের জীবনের ব্রত। তার ফলে, হিন্দু সমাজের যা-কিছু গঠন মাছে তা আর্যাদের গুণে, এবং যা-কিছু জড়তা আছে তাও তাঁদের দোষে। এই বিরাট সমাজের ভিতর নিজেদের স্বাতন্ত্র্য ও প্রভুত্ব রক্ষা কর্বার জন্ম তাঁরা যে তুর্গ-গঠন করেছিলেন, তাই আজ আমাদের কারাগার হয়েছে। দর্শনে, বিজ্ঞানে, কাব্যে, অলঙ্কারে, অভিধানে, ব্যাকরণে তাঁদের অপূর্বব কীর্ত্তি,—যে ভাষার তুলনা জগতে নেই, সেই সংস্কৃত ভাষায় অক্ষয় হয়ে রয়েছে। এ দেশের প্রাচীন আর্য্যেরা যে. শামাজ্যের চাইতে সমাজকে. এবং সমাজের চাইতেও মামুধের আত্মাকে প্রাধাত্ত দিয়েছিলেন, তার জত্ত সমাজের লক্ষিত হবার কোনও कांत्र (नरे: कांत्र वर्खमारन रेजेरतारभन्न मरने अ थांत्र राहर रय, Political problems-এর অপেক্ষা Social problems-এর মূল্য কিছু কম নয়। এবং শাসনযন্ত্রের চাইতে মামুষের মূল্য ঢের বেশি। শ্রীপ্রমথ চৌধুরী।

বর্ধার কথা

আমি যদি কবি হতুম, তাহলে আর যে বিষয়ই হো'ক বর্ধার সম্বন্ধে কথনো কবিতা লিথতুম না। কেন ? তার কারণগুলি ক্রমান্বরে উল্লেখ করছি।

প্রথমতঃ কবিতা হচ্ছে আর্ট। পাশ্চাত্য পণ্ডিতদের মতে আর্ট জিনিসটি দেশকালের বহিন্তু ত। এ মতের সার্থকতা তাঁরা উদাহরণের সাহায্যে প্রমাণ করতে চান। Hamlet, তাঁদের মতে, কালেতে ক্য প্রাপ্ত হবে না, এবং তার জন্মস্থানেও তাকে আবদ্ধ করে রাখবার যে নেই। কিন্তু, সঙ্গীতের উদাহরণ থেকে দেখানো যেতে পারে যে এদেশে আর্ট, কালের সম্পূর্ণ অধীন। প্রতি রাগ-রাগিণীর ক্ষৃত্তির ঋতু, মাস, দিন, ক্ষণ নির্দ্দিষ্ট আছে। যাঁর স্থবের দৌড় শুধু ঋষভ পর্যান্ত পোঁছায়, তিনিও জানেন যে ভৈরবীর সময় হচ্ছে সকাল, আর পূরবীর বিকাল। যেহেতু কবিতা গান থেকেই উৎপন্ন হয়েছে—সে ^{কারণ} সাহিত্যে সময়োচিত কবিতা লেখবারও ব্যবস্থা আছে। মাসিক-পত্রে পয়লা বৈশাখে নববর্ষের কবিতা, পয়লা আঘাঢ়ে বর্ষার, পয়লা আখিনে পূজার, আর পয়লা ফাল্পনে প্রেমের কবিতা বেরোনো চাইই চাই। এই কারণে আমার পক্ষে বর্ষার কবিতা লেখা অসম্ভব। যে ক^{বিতা} আষাতৃষ্ঠ প্রথম দিবসে প্রকাশিত হবে, তা অন্ততঃ ক্যৈষ্ঠ মাসের মাঝামাঝি রচন। করতে হবে। আমার মনে কল্পনার এত বাষ্পা নেই যা নিদাঘের মধ্যাহ্নকে মেঘাচ্ছন্ন করে তুল্তে পারে। তা ছাড়া ^{যুখন} বাইরে, অহরহ আগুন জ্লছে, তখন মনে বিরহের আগুন জা^{লিয়ে}

রাখ্তে কালিদাসের যক্ষও সক্ষম হতেন কি না, সে বিষয়ে আমার সন্দেহ আছে। আর বিরহ বাদ দিয়ে বর্ষার কাব্য লেখাও যা, হামলেটকে বাদ দিয়ে হামলেট নাটক লেখাও তাই।

দিতীয়তঃ, বর্ষার কবিতা লিখতে আমার ভর্সা হয় না এই কারণ ্য এক ভরসা ছাড়া বরষা আর কোনও শব্দের সঙ্গে মেলে না। বাঙ্গলা কবিতায় মিল চাই, এ ধারণা আমার আজও যে আছে, এ কথা আমি অস্বীকার করতে পারিনে। যখন ভাবের সঙ্গে ভাব না মিল্লে কবিতা হয় না, তখন কথার সঙ্গে কথা মিল্লে কেন যে তা কবিতা না হয়ে পতা হবে, তা আমি বুঝতে পারিনে। তা ছাড়া বাস্তব জীবনে যখন আমাদের কোন কথাই মেলে না. তখন অন্ততঃ একটা জায়গা থাকা চাই যেখানে তা মিলবে, এবং সে দেশ হচ্ছে ক্লনার রাজ্য, অর্থাৎ কবিতার জন্মভূমি। আর এক কথা, অমিত্রাকর্বের কবিতা যদি শ্রাবণের নদীর মত তুকুল ছাপিয়ে না বয়ে যায়, তাহলে তা নিতান্ত অচল হয়ে পড়ে। মিল অর্থাৎ অন্তঃ-অনুপ্রাস বাদ দিয়ে, ^{পছকে} হিল্লোলে ও কল্লোলে ভরপূর করে তুল্তে হলে, মধ্য-^{অনু}প্রাসের ঘনঘটা আবশ্যক। সে কবিতার সঙ্গে সতত সঞ্চরমান ^{নবজলধর}পটলের সংযোগ করিয়ে দিতে হয়, এবং তার চলোর্ম্মির গতি ^{যাদঃপ}তিরোধ ব্যতীত অস্ত কোনরূপ রোধ মানে না। সরম্বতী হচ্ছেন প্রাচীন সরম্বতী,—শুক্ষা না হলেও ক্ষীণা ; দামোদর ^{নন্ বে}, শব্দের বক্সায় বাঙ্গলার সকল ছাঁদবাঁধ ভেঙ্গে বেরিয়ে যাবেন। ^{ষত}এব মিলের অভাববশত:ই আমাকে ক্ষান্ত থাক্তে হচ্ছে। অবশ্য ^{দর্}শ, পরশ, সরস, হরষ প্রভৃতি শব্দকে আকার দিয়ে বরষার ^{সক্ষে} মেলান যায়। কিন্তু সে কাজ রবীন্দ্রনাথ আগেই করে বসে

আছেন। আমি যদি ঐ সকল শব্দকে সাকার করে ব্যবহার করি, তাহলে আমার চুরিবিছে ঐ আকারেই ধরা পড়ে যাবে।

ঐরপ শব্দসমূহ আত্মসাৎ করা চৌর্য্যবৃত্তি কিনা---সে বিষয়ে অবশ্য প্রচণ্ড মতভেদ আছে। নব্য কবিদের মতে, মাতৃভাষা যখন কারও পৈতৃক-সম্পত্তি নয়, তখন তা নিজের কার্য্যোপযোগী করে ব্যবহার কর্বার সকলেরই সমান অধিকার আছে। ঈষৎ বদল-সদল করেছেন বলে' রবীন্দ্রনাথ ও-সব কথার আর কিছ পেটেণ্ট নেন নি যে, আমরা তা ব্যবহার কর্লে চোর-দায়ে ধরা পড়্ব, বিশেষতঃ যখন তাদের কোনও বদ্লি পাওয়া যায় না। যে কথা একবার ছাপা হয়ে গেছে তাকে আর চাপা দিয়ে রাখবার যো নেই: সে যার-তার কবিতায় নিজেকে ব্যক্ত করবে। নব্য কবিদের আর একটি কথা বলবার আছে, যা বিশেষ প্রণিধানুযোগ্য। সে হচ্ছে এই যে, রবীন্দ্রনাথ যদি অনেক কথা আগে না ব্যবহার করে ফেলতেন, তাংলে পরবর্ত্তী কবিরা তা ব্যবহার করতেন। পরে জন্মগ্রহণ করার দরণ সে স্বযোগ হারিয়েছি বলে, আমাদের যে চুপ করে থাকতে ^{হবে}, সাহিত্য-জগতের এমন কোনও নিয়ম নেই। এ মত গ্রাহ্ম কর্^{লেও} বর্ষার বিষয়ে কবিতা লেখার আর একটি বাধা আছে। কলম ধর্^{লেই} মনে হয় মেঘের সম্বন্ধে লিখব আর কি ছাই ?

বর্ষার রূপগুণ সম্বন্ধে যা কিছু বক্তব্য ছিল তা কালিদাস সবই বলে গেছেন;—বাকী যা ছিল তা রবীন্দ্রনাথ বলেছেন। এ বিষয়ে এ^{কচি} নূতন উপমা কিম্বা নূতন অনুপ্রাস খুঁজে পাওয়া ভার। যদি পরিচিত সকল বসন-ভূষণ বাদ দিয়ে বর্ষার নগ্রমূর্ত্তির বর্ণনা কর্তে উছাত ^{হই,} ভাহক্লেও বড় স্থবিধে কর্তে পারা যায় না। কারণ, বর্ষার রূপ ^{কালো,}

রস জোলো, গন্ধ পক্ষজের নয়—পক্ষের, স্পর্শ ভিজে এবং শব্দ বেজায়। সুতরাং যে বর্ষা আমাদের ইন্দ্রিয়ের বিষয়ীভূত, তার যথাযথ বর্ণনাতে বস্তুতন্ত্রতা থাক্তে পারে, কিন্তু কবিত্ব থাক্বে কিনা তা বলা কঠিন।

কবিতার যা দরকার, এবং যা নিয়ে কবিতার কারবার, সেই সব সামুষসন্ধিক উপকরণও এ ঋতুতে বড়-একটা পাওয়া যায় না। এ ঋতু পাথী-ছুট। বর্ষায় কোকিল মৌন, কেননা দর্দ্দুর বক্তা,--চকোর আকাশ-দেশত্যাগী, আর চাতক ঢের হয়েছে বলে' ফটিকজল শব্দ আর মুখেও আনে না। যে সকল চরণ ও চঞুসার পাখী---যথা বক, হাঁস, সারস, হাড়গিলে ইত্যাদি—এ ঋতুতে স্বেচ্ছামত জলে স্থলে ও নভোমগুলে স্বচ্ছদেদ বিচরণ করে, তাদের গঠন এতই অদ্ভুত এবং তাদের প্রকৃতি এতই তামসিক যে, এরা যে বিশামিত্রের স্ঠি সেঃ বিষয়ে আর কোনও সন্দেহ নেই। বস্তুতন্ত্রতার খাতিরে আমরা অনেক দূর অগ্রসর হতে রাজি আছি, কিন্তু বিশ্বামিত্রের জগৎ পর্য্যন্ত নয়। তারপর কাব্যের উপযোগী ফুল, ফল, লতা, পাতা, গাছ, বর্ষায় এতই তুর্লভ যে, মহাকবি কালিদাসও ব্যাঙের ছাতার বর্ণনা করতে বাধ্য হয়েছেন। সংস্কৃত ভাষার ঐশর্য্যের মধ্যে এ দৈগ্য ধরা পড়ে ন!—তাই কালিদাসের কবিতা বেঁচে গেছে। বর্ষার ত্রটি নিজস্ব ফুল হচ্ছে কদম আর কেয়া। অপূর্ববতায় পুষ্পা-জগতে এ চুটির আর তুলনা নেই। অপরাপর সকল ফুল অর্দ্ধ-বিকশিত ও অৰ্দ্ধ-নিমীলিত। রূপের যে অৰ্দ্ধ-প্রকাশ ও অৰ্দ্ধ-গোপনেই তার মোহিনীশক্তি নিহিত, এ সত্য, স্বর্গের অপ্সরারা জান্তেন। মুনি ঋষিদের তপোভঙ্গ করবার জন্ম তাঁরা উক্ত উপায়ই অবলম্বন কর্তেন। কারণ ব্যক্ত-দ্বারা ইন্দ্রিয় এবং অব্যক্ত-দ্বারা কল্পনাকে অভিভূত না

কর্তে পারলে, দেহ ও মনের সমষ্টিকে সম্পূর্ণ মোহিত করা যায় না।
কদম কিন্তু একেবারেই খোলা— আর কেয়া একেবারেই বোজা। একের
ব্যক্তরূপ নেই—অপরের গুপুগন্ধ নেই; অথচ উভয়েই কণ্টকিত।
এ ফুল দিয়ে কবিতা সাজানো যায় না। এ ছুটি ফুল বর্ষার ভূষণ
নয়,—অন্ত্র। গোলা এবং সঙ্গীনের সঙ্গে এদের সাদৃশ্য স্পান্ট।

পূর্বের যা দেখানো গেল, সে সব ত অঙ্গহীনতার পরিচয়। কিন্তু এ ঋতুর প্রধান দোষ হচ্ছে আর পাঁচটি ঋতুর সঙ্গে এর কোনও মিল নেই। আর পাঁচটি ঋতুর সঙ্গে এ ঋতু খাপ খায় না। এ ঋতু বিজাতীয় এবং বিদেশী, অতএব অম্পৃশ্য। এই প্রক্ষিপ্ত ঋতু আকাশ থেকে পড়ে ;—দেশের মাটির ভিতর থেকে আবিভূ ত হয় না। বসন্তের নবীনতা, সজীবতা ও সরসতার মূল হচ্ছে ধরণী। বসস্তের এখগ্য হচ্ছে দেশের ফুলে, দেশের কিশলয়ে। বসস্তের দক্ষিণ-প্রনের জম্মস্থান যে ভারতবর্ষের মলয়-পর্ববত তার পরিচয় তার স্পর্শেই পাওয়া ষায়;—সে পবন আমাদের দেহে চন্দনের প্রলেপ দিয়ে দেয়। বসস্তের আলো,—সূর্য্য ও চন্দ্রের আলো। ও চুটি দেবতা ত সম্পূর্ণ আমাদেরই আত্মীয়; কেননা আমরা হয় সূর্যাবংশীয়,নয় চক্রবংশীয় — এবং ভবলীলা-সম্বরণ করে আমরা হয় সূর্য্যলোকে, নয় চন্দ্রলোকে ফিরে যাই। অপর পক্ষে মেঘ যে কোনু দেশ থেকে আসে তার কোনও ঠিকানা নেই। বর্ষা যে জল বর্ষণ করে সে কালাপানির জল। বর্ষার হাওয়া এতই ত্বরস্ত, এতই অশিষ্ট, এতই প্রচণ্ড এবং এতই স্বাধীন যে, সে যে কোনও অসভ্য দেশ থেকে আসে, সে বিষয়ে কোনও সন্দেহ নেই। তার পর, বর্ষার নিজস্ব আলো হচ্ছে বিদ্যাৎ। বিদ্যাতের আলো এতই হাস্থোব্দল, এতই চঞ্চলু, এতই বক্ত এবং এতই তীক্ষ ষে, এই প্রশান্ত মহাদেশের

এই প্রশান্ত মহাকাশে সে কথনই জন্মলাভ করে নি। আর এক কথা—বসন্ত হচ্ছে কলকণ্ঠ কোকিলের পঞ্চম স্থরে মুখরিত। আর বর্ষার নিনাদ ? তা শুনে শুধু যে কানে হাত দিতে হয় তা নয়, চোধও বুজতে হয়।

বর্ষার প্রকৃতি যে আমাদের প্রকৃতির সম্পূর্ণ বিপরীত তার বিশেষ পরিচয় পাওয়া যায় ও-ঋতুর ব্যবহারে। এ ঋতু শুধু বেখাপ্লা নয়,—অতি বেয়াড়া। বসন্ত যখন আসে. সে এত অলক্ষিতভাবে মাদে যে, পঞ্জিকার সাহায্য ব্যতীত কবে মাঘের শেষ হয়, আর কবে ফান্তুনের আরম্ভ হয় তা কেউ বলতে পারেন না। বসন্ত, বঙ্কিমের রজনীর মত, ধীরে ধীরে অতি ধীরে, ফুলের ডালা হাতে করে, দেশের क्ष्य-मन्दित এएम প্রবেশ করে। তার চরণ-স্পর্শে ধরণীর মূখে, শব-সাধকের শবের স্থায়, প্রথমে বর্ণ দেখা দেয়, তার পরে ক্রকম্পিত হয়, তার পরে চক্ষু উন্মীলিত হয়; তার পর তার নিশাস পড়ে, তার পর তার সর্ববান্ধ শিহরিত হয়ে ওঠে। এ সকল জীবনের লক্ষণ শুধু পর্য্যায়ক্রমে নয়,—ধীরে ধীরে, অতি ধীরে প্রকটিত হয়। কিন্তু বর্ষা ভয়ঙ্কর মূর্ত্তি ধারণ করে একেবারে ঝাঁপিয়ে এসে পড়ে। আকাশে তার চুল ওড়ে, চোখে তার বিহ্যুৎ খেলে, মুখে তার প্রচণ্ড ছঙ্কার;—দে যেন একেবারে প্রমন্ত, উন্মন্ত। ইংরাজেরা বলেন, কে কার সঙ্গ রাখে তার থেকে তার চরিত্রের পরিচয় পাওয়া যায়। বসস্তের স্থা মদন। আর বর্ষার স্থা १—পবননন্দন নন, কিন্তু তাঁর বাবা! ইনি এক লক্ষে আমাদের অশোকবনে উত্তীর্ণ হয়ে ফুল ছেঁড়েন, ডাল ভালেন, গাছ ^{ওপ্ড়ান।} আমাদের সোনার লক্ষা একদিনেই লগুভগু করে দেন, এবং যে সূর্য্য আমাদের ঘরে বাঁধা রয়েছে তাকে বগলদাবা করেন।

আর চন্দ্রের দেহ ভয়ে সঙ্কুচিত হয়ে তার কলঙ্কের ভিতর প্রবিষ্ট হয়ে
যায়। এক কথায়, বর্ষার ধর্ম হচ্ছে জল-স্থল-আকাশ সব বিপর্যস্ত করে ফেলা। এ ঋতু কেবল পৃথিবী নয়, দিবারাত্রেরও সাজানো তাস ভেস্তে দেয়। তা ছাড়া বর্ষা কখন হাসেন, কখন কাঁদেন;—ইনি ক্ষণে রুষ্ট্, ক্ষণে তুষ্ট্! এমন অব্যবস্থিতচিত্ত ঋতুকে ছন্দবদ্ধের ভিতর স্বব্যবস্থিত করা আমার সাধ্যাতীত।

এম্বলে এই আপত্তি উঠতে পারে যে, বর্ষার চরিত্র যদি এই উদ্ভট হয়, তাহলে কালিদাস প্রভৃতি মহাকবিরা কেন ও-ঋতুকে তাঁদের কাব্যে অতথানি স্থান দিয়েছেন ? তার উত্তর হচ্ছে যে, সে কালের বর্ষা আর একালের বর্ষা এক জিনিষ নয় ;---নাম ছাড়া এ উভয়ের ভিতর আর কোনও মিল নেই। মেঘদুতের মেঘ,—শান্ত দান্ত। সে বন্ধুর কথা শোনে এবং যে পথে যেতে বল সেই পথে যায়। সে যে কতদূর রসজ্ঞ তা তার উজ্জ্ঞানী-প্রয়াণ থেকেই জানা যায়। সে রমণীর হৃদয়জ্ঞ, —স্ত্রীজাতির নিকট কোন ক্লেত্রে হুম্বার কর্তে হয় এবং কোন ক্ষেত্রে অল্পভাষে জল্পনা করতে হয়, তা তার বিলক্ষণ জানা আছে। সে করুণ,—সে কনকনিক্ষস্লিগ্ধ বিজুলির বাতি জেলে সূচিভেন্ত অন্ধকারের মধ্যে অভিসারিকাদের পথ দেখায়,—কিন্তু তানের গায়ে জলবর্ষণ করে না। সে সঙ্গীতজ্ঞ ;—তার স্থা অনিল ^{যুখন} কীচক-রন্ধে, মুখ দিয়ে বংশীবাদন করেন, তখন সে মৃদক্ষের সঙ্গ^ত করে। এক কথায় ধীরোদান্ত নায়কের সকল গুণই তাতে বর্ত্তমান। সে মেঘ ত মেঘ নয়,—পুষ্পকরথে আরুত স্বয়ং বরুণদেব। সে রুগ অলকার প্রাসাদের মত ইন্দ্রচাপে সচিত্র, ললিতবনিতাসনাথ, মু^{রজ্ব-} ধ্বনিতে ুমুখরিত। সে মেঘ কখনো শীলার্ম্ভি করে না,—মধ্যে ^{মধ্যে}

পুশার্ষ্টি করে। এছেন মেব যদি কবিভার বিষয় না হয়, ভাহলে দে বিষয় আর কি হতে পারে ?

কিন্তু যেহেতু আমাদের পরিচিত বর্ষা নিতান্ত উদ্প্রান্ত, উচ্ছ্ ঋল; সেই কারণেই তার বিষয় কবিত্ব করা সন্তব হলেও অমুচিত। পৃথিবীতে মানুষের সব কাজের ভিতর একটা উদ্দেশ্য আছে। আমার বিখাস, প্রকৃতির রূপ-বর্ণনার উদ্দেশ্য হচ্ছে তার সৌন্দর্য্যের সাহায্যে মানব-মনকে শিক্ষাদান করা। যদি তাই হয়, তাহলে কবিরা কি বর্ষার চরিত্রকে মানুষ্যের মনের কাছে আদর্শস্বরূপ ধরে দিতে চান ? আমাদের মত শান্ত, সমাহিত, স্থসভ্য জাতির পক্ষে বর্ষা নয়—হেমন্ত হচ্ছে আদর্শ ঝতু। এ মত আমার নয় কিন্তু শান্ত্রের; নিম্নে উদ্ধৃত বাকাগুলির ঘারাই প্রমাণিত হবেঃ—

"ঋতুগণের মধ্যে হেমস্তই স্বাহাকার, কেননা হেমস্ত এই প্রজাসমূহকৈ নিজেব বশীভূত করিয়া রাঝে, এবং সেইজন্ম হেমস্তে ওষধিসমূহ মান হয়, বনপ্রতিসমূহের পত্রনিচয় নিপতিত হয়, পক্ষিসমূহ যেন অধিকতরভাবে ছির হইয়া থাকে ও অধিকতর নীচে উড়িয়া বেড়ায়, এবং নিরুষ্টব্যক্তিদের শোমসমূহ যেন শৌতপ্রভাবে) নিপতিত হইয়া য়য়, কেননা, হেমস্ত এই শম্ত প্রজাকে নিজের বশীভূত করিয়া থাকে। যে ব্যক্তি ইহা এইরূপ জানেন, তিনি যে (ভূমি) ভাগে থাকেন তাহাকেই খ্রী ও শ্রেষ্ঠ অনের জন্ম নিজের করিয়া তোলেন।" (শতপথ ব্রাহ্মণ।)

আমরা যে শ্রীভ্রম্ট এবং শ্রেষ্ঠ-অন্নহীন, তার কারণ আমরা হৈমন্তকে এইরূপে জানিনে; এবং জানিনে যে তার কারণ, কবিরা ^{হেমন্তের} স্বরূপের বর্ণনা করেন না, বর্ণনা করেন শুধু বর্ধার—যে ^{বর্ধা} ওষধিসমূহকে মান না করে, সবুজ করে তোলে।

वीववन ।

আষাঢ়ের গান

কোথাকার ঘোর লেগেছে
আজি ঐ গগন পরে,
ধোঁয়া-ধার ঢেউ ভেঙেছে
মেঘের থরে।
গেছে চোথ জুড়িয়ে গেছে,
দিনে আজ রাত নেমেছে,
সাগরের নীল এনেছে

কাজল করে।

বড়ে আজ ঝুল্নো ঝুলে
তমাল তালে পাতায় শাখায়,
বিজুলী ঘোমটা তুলে
দিনের আলোয় চমকে তাকায়।
বেজেছে তাল মাদলে
নটেশের নৃতন দলে;
আযাঢ়ের মীড় বাদলে
লীলায় সরে।

ঘরে আজ নয় রে থাকা,

় নয় রে থাকা, নয় রে কভু;

পোড়ে তো পুড়বে পাখা,

উড়বে চাতক, উড়বে তবু।

বাহিরে কদম ফুটে

নৃতনের পরশ লুটে

হরষের তুফান উঠে

প্রাণ সায়রে।

শ্রীসত্যেন্দ্রনাথ দত্ত।

সনুজ্ পত্ৰ

সম্পাদক—জ্রীপ্রমথ চৌধুরী

সনুজ্ পত্ৰ

সৰ্বনেশে

এবার যে ঐ এল সর্বনেশে গো!
বেদনায় যে বান ডেকেছে
রোদনে যায় ভেসে গো!
রক্ত-মেঘে ঝিলিক মারে,
বক্ত বাজে গহন-পারে,
কোন্ পাগল ঐ বারে বারে
উঠ্চে অট্ট হেসে গো!
এবার যে ঐ এল সর্বনেশে গো!

জীবন এবার মাতল মরণ-বিহারে !
এই বেলা নে বরণ করে
সব দিয়ে তোর ইহারে !
চাহিস্নে আর আগু-পিছু,
রাখিস্নে তুই লুকিয়ে কিছু,
চরণে কর্ মাথা নীচু
শিক্ত আকুল কেশে গো !
এবার যে. এ এল সর্বনেশে গো !

পণটাকে আজ আপন করে নিয়ো রে !
গৃহ আঁধার হল, প্রদীপ
নিবল শয়ন-শিয়রে ।
কড় এসে তোর ঘর ভরেছে,
এবার যে তোর ভিত নড়েছে,
শুনিস্ নি কি ডাক পড়েছে
নিরুদ্দেশের দেশে গো !
এবার যে ঐ এল সর্বনেশে গো !

ছি ছি রে ঐ চোখের জল জার ফেলিস্মে!

ঢাকিস্ নে মুখ ভয়ে ভয়ে

কোণে খাঁচল মেলিস্ নে!

কিসের তরে চিত্ত বিকল,
ভাঙুক না ভোর ঘারের শিকল,
বাহির পানে ছোট্ না, সকল
দুঃখ স্থাখের শেষে গো!
এবার যে ঐ এল সর্বনেশে গো!

কণ্ঠে কি তোর জয়ধ্বনি ফুট্বে না ?
চরণে তোর রুক্ত তালে
নূপুর বেজে উঠ্বে না ?
এই লীলা তোর কপালে যে
লেখা ছিল,—সকল ত্যেজে
রক্তবাসে আয়রে সেজে
আয় না বধ্ব বেশে গো !
ঐ বুঝি তোর এল সর্বনেশে গো !
জীরবীক্তনাথ ঠাকুর ।

বাস্তব

লোকেরা কিছুই ঠিক-মত করিতেছে না, সংসারে বেমন হওয়া উচিত ছিল তেমন হইতেছে না, সময় খারাপ পড়িয়াছে, এই সমস্ত ছশ্চিন্তা প্রকাশ করিয়া মামুষ দিব্য আরামে থাকে, তাহার আহার-নিদ্রার কিছুমাত্র ব্যাঘাত হয় না, এটা প্রায়ই দেখিতে পাওয়া যায়। ছশ্চিন্তা-আগুনটা শীতের আগুনের মত উপাদেয়, যদি সেটা পাশে থাকে কিন্তু নিজের গায়ে না লাগে।

অতএব যদি এমন কথা কেহ বলিত যে আজকাল বাংলা দেশে কবিরা যে সাহিত্যের ইপ্তি করিতেছে তাহাতে বাস্তবতা নাই, তাহা জনসাধারণের উপযোগী নহে, তাহাতে লোক-শিক্ষার কাজ চলিবে না, তবে খুব সম্ভব আমিও দেশের অবস্থাসম্বন্ধে উদ্বেগ প্রকাশ করিয়া বলিতাম, কথাটা ঠিক বটে; এবং নিজেকে এই দলের বাহিরে ফেলিতাম।

কিন্তু একেবারে আমারি নাম ধরিয়া এই কথাগুলি প্রয়োগ করিলে অন্তের তাহাতে যতই আমোদ হোকু আমি সে আমোদে খোলা ^{মনে} যোগ দিতে পার্রি না।

তবে কিনা, বাসর-ঘরে বর এবং পাঠক-সভায় লেখকের প্রায় এ^{কই}
দশা। কর্ণমূলে অনেক কঠিন কৌতুক উভয়কে নিঃশব্দে সম্থ করি^{তে}
হয়। সম্থ যে করে তাহার কারণ এই, একটা জ্বায়গায় তাহাদের
কিত আছে। যে যতই উৎপীড়ন করুক, যে বর, তাহার কনেটি^{কে}
কেহ হরণক্ষরিবে না: এবং যে লেখক, তাহার লেখাটা ত রইলই।

সতএব নিজের সম্বন্ধে কিছু বলিব না। কিন্তু এই অবকাশে সাধারণভাবে সাহিত্যসম্বন্ধে কিছু বলা যাইতে পারে। তাহা নিভান্ত অপ্রাসন্ধিক হইবে না। কেননা যদিচ প্রথম নম্বরেই আমার লেখাটাকেই সেসনে সোপরদ্দ করা হইয়াছে তবু এ খবরটারও আভাস আছে যে আজকালকার প্রায় সকল লেখকেরই এই একই অপরাধ।

বাস্তবতা না থাক। নিশ্চয়ই একটা মস্ত ফাঁকি। বস্তু কিছুই পাইল না অথচ দাম দিল এবং খুসি হইয়া হাসিতে হাসিতে গেল এমন সব হতর্দ্ধি লোকের জন্ম পাকা অভিভাবক নিযুক্ত হওয়া উচিত। সেই লোকেই অভিভাবকের উপযুক্ত, কবিরা ফস্ করিয়া যাহাদিগকে কলাকোশলে ঠকাইতে না পারে,—কটাক্ষে যাহারা বুঝিতে পারে বস্তু কোথায় আছে এবং কোথায় নাই। অতএব যাঁহারা অবাস্তবসাহিত্যসম্বন্ধে দেশকে সতর্ক ক্রিয়া দিতেছেন, তাঁহারা নাবালক ও নালায়েক পাঠকদের জন্ম কেটি অফ্ ওয়ার্ডস্ খুলিবার কাজ করিতেছেন।

কিন্তু সমালোচক ষত বড় বিচক্ষণ হোন না কেন চিরকালই ভাঁহার। পাঠকদের কোলে তুলিয়া সাম্লাইবেন সেটা ত ধাত্রী এবং ধৃত কাহারে। পক্ষে ভালো নয়। পাঠকদিগকে স্পষ্ট করিয়া সমক্ষাইয়া দেওয়া উচিত কোন্টা বস্তু এবং কোন্টা বস্তু নয়।

মৃকিল এই ষে, বস্তু একটা নহে এবং সব জায়গায় আমর। একই বস্তুর তন্ধ করি না। মাসুষের বহুধা প্রকৃতি, তাহার প্রয়োজন নানা, এবং বিচিত্র বস্তুর সন্ধানে তাহাকে ফিরিতে হয়।

এখন কথা এই, সাহিত্যের মধ্যে কোন্ বস্তুকে আমরা খুঁজি। ওস্তাদেরা বলিয়া থাকেন সেটা রস-বস্তু। বলা বাহল্য এখানে রস- সাহিত্যের কথাই হইতেছে। এই রসটা এমন জিনিষ, যাহার বাস্তবতা সম্বন্ধে তর্ক উঠিলে হাতাহাতি পর্যান্ত গড়ায় এবং একপক অথবা উভয়পক্ষ ভূমিসাৎ হইলেও কোনো মীমাংসা হয় না।

রস জিনিষটা রসিকের অপেক্ষা রাখে, কেবলমাত্র নিজের জোরে
নিজেকে সে সপ্রমাণ করিতে পারে না। সংসারে বিবান, বৃদ্ধিমান,
দেশহিতৈষী, লোকহিতৈষী প্রভৃতি নানা প্রকারের ভালো ভালো লোক
আছেন কিন্তু দময়ন্তী যেমন সকল দেবতাকে ছাড়িয়া নলের গলায়
মালা দিয়াছিলেন ভেমনি রস-ভারতী স্বয়ন্থর-সভায় আর সকলকেই
'বাদ দিয়া কেবল রসিকের সন্ধান করিয়া থাকেন।

সমালোচক বুক ফুলাইয়া তাল ঠুকিয়া বলেন, আমিই সেই রসিক।
প্রতিবাদ করিতে সাহস হয় না কিন্তু অরসিক আপনাকে অরসিক বলিয়া
জানিয়াছে সংসারে এই অভিজ্ঞতাটা দেখা যায় না। আমার কোন্টা
ভালো লাগিল এবং আমার কোন্টা ভালো লাগিল না সেইটেই যে
রসপরীক্ষার চূড়ান্ত মীমাংসা, পনেরো আনা লোক সে সম্বন্ধে নিঃসংশয়।
এই জন্মই সাহিত্য-সমালোচনায় বিনয় নাই। মূলধন না থাকিলেও
দালালীর কাজে নামিতে কাহারো বাধে না তেমনি সাহিত্যসমালোচনায়
কোনো প্রকার পুঁজির জন্ম কেহ সবুর করে না। কেননা
সমালোচকের পদটা সম্পূর্ণ নিরাপদ।

সাহিত্যের যাচাই-ব্যাপারটা এতই যদি অনিশ্চিত, তবে সাহিত্য যাহারা রচনা করে তাহাদের উপায় কি ? আশু উপায় দেখি না। অর্থাৎ তাহারা যদি নিশ্চিত ফল জানিতে চায় তবে সেই জানিবার বরাৎ তাহাদের প্রপৌত্রের উপার দিতে হয়। নগদ-বিদায় যেটা ভাষাদের ভাগেয় জোটে সেটার উপায় অত্যন্ত তর দেওয়া চলিবে না।

রস-বিচারে ব্যক্তিগত এবং কালগত ভুল সংশোধন করিয়া লইবার জন্ম বহু ব্যক্তি ও দীর্ঘ সময়ের ভিতর দিয়া বিচার্য্য পদার্থটিকে বহিরা লইয়া গেলে তবে সম্পেহ মেটে।

কোনো কবির রচনার মধ্যে সাহিত্য-বস্তুটা আছে কি না তাহার উপযুক্ত সমজদার, কবির সমসাময়িকদের মধ্যে নিশ্চয়ই জনেক আছে কিন্তু তাহারাই উপযুক্ত কি না তাহার চূড়ান্ত নিষ্পত্তি দাবী করিলে ঠকা অসম্ভব নয়।

এমন অবস্থায় লেখকের একটা স্থ্রিধা আছে এই বে, তাঁহার লেখা মে-লোক পছন্দ করে সেই যে সমজদার তাহা ধরিয়া লইতে বাধা নাই। অপরপক্ষকে তিনি যদি উপযুক্ত বলিয়া গণাই না করেন তবে এমন বিচারালয় হাতের কাছে নাই যেখানে তাহারা নালিশ কুজু করিতে পারে। অবশ্য কালের আদালতে ইহার বিচার চলিতেছে কিন্তু সেই দেওয়ানী আদালতের মত দীর্ঘসূত্রী আদালত ইংরেজের মূল্লুকেও নাই। এম্বলে কবিরই জিড রহিল, কেননা আপাতত দখল যে তাহারই। কালের পেরাদা যেদিন তাহার খ্যাতি-সীমানার খুঁটি উপড়াইতে আসিবে সেদিন সমালোচক সেই তামাসা দেখিবার জন্য সবুর করিতে পারিবে না।

যাঁহারা আধুনিক বঙ্গসাহিত্যে বাস্তবতার তল্লাস করিয়া একেবারে হতাখাস হইয়া পড়িয়াছেন তাঁহারা আমার কথার উত্তরে বলিবেন— "দাঁড়িপালার চড়াইয়া রস-জিনিষটার বস্ত্ত-পরিমাণ করা যায় না একথা শত্য কিন্তু রস-পদার্থ কোনো একটা বস্তুকে আশ্রায় করিয়া ত প্রকাশ পায়। 'সেইখানেই আমরা বাস্তবতার বিচার করিবার স্থ্যোগ পাইয়া গাঁহি।"

२১७

নিশ্চয়ই রসের একটা আধার আছে। সেটা মাপকাঠির আয়ন্তাধীন সন্দেহ নাই। কিন্তু সেইটেরই বস্তু-পিণ্ড ওজন করিয়া কি সাহিত্যের দর যাচাই হয় 🤊

রসের মধ্যে একটা নিত্যতা আছে। মান্ধাতার আমলে মাফুর রে রসটি উপভোগ করিয়াছে আজও তাহা বাতিল হয় নাই। কিম্ব বন্ধর দর বাজার-অনুসারে এবেলা ওবেলা বদল হইতে থাকে।

আচ্ছা মনে করা যাক কবিতাকে বাস্তব করিবার লোভ আমি আর সামলাইতে পারিতেছি না। পুঁজিতে লাগিলাম দেশে সব চেয়ে িকোনু ব্যাপারটা বাস্তব হইয়া উঠিয়াছে। দেখিলাম ব্রাহ্মণ-সভাটা দেশের মধ্যে রেলোয়ে-সিগ্নালের স্তম্ভটার মত চক্ষু রক্তবর্ণ করিয়া স্থাপনার একটিমাত্র পায়ে ভর দিয়া খুব উঁচু হইয়া দাঁড়াইয়াছে। কারম্বেরা পৈতা লইবেই আর ব্রাহ্মণ-সভা তাহার পৈতা কাড়িবে এই ঘটনাটা বাংলা দেশে विশ্ব-ব্যাপারের মধ্যে সব চেয়ে वर्। সতএব বাঙালী কবি যদি ইহাকে তাহার রচনায় আমল না দেয় ^{তবে} বুঝিতে হইবে বাস্তবতা সম্বন্ধে তাহার বোধ-শক্তি অত্যন্ত ক্ষীণ। ^{এই} বুঝিয়া লিখিলাম পৈতা-সংহার-কাব্য। তাহার বস্তু-পিণ্ডটা ওজনে কম হইল না কিন্তু হায়রে, সরস্বতী কি বস্তু-পিণ্ডের উপরে ^{তাঁহার} আসন দাখিয়াছেন, না পল্লের উপরে 🤊

এই দৃষ্টান্তটি দিবার একটু হেতু আছে। বিচারকদের মতে বাস্ত^{বভা} জিনিষটা কি, তাহার একটা সূত্র ধরিতে পারিয়াছি। সামার বিরুদ্ধে একজন कतियांनी विनयां हिन, जामात नम् तहनात मर्था वाछ वर्णत উপকরণ একটু বেখানে জমা হইরাছে সে কেবল "গোরা" উপদ্যাসে। গোরা উপস্থাসে কি বস্তু আছে না আছে উক্ত উপস্থাসের ^{শেখক}

তাহা সব চেয়ে কম বোঝে। লোকমুখে শুনিয়াছি প্রচলিত হিঁছুয়ানির তালো ব্যাখ্যা তাহার মধ্যে পাওয়া যায়। ইহা হইতে আন্দান্ত করিতেছি ওটাই একটা বাস্তবতার লক্ষণ।

বর্ত্তমান সময়ে কতকগুলি বিশেষ কারণে হিন্দু আপনার হিন্দুছ লইয়া ভয়ঙ্কর রুখিয়া উঠিয়াছে। সেটা সন্ধন্ধে তাহার মনের ভাব বেশ সহজ অবস্থায় নাই। বিশ্ব-রচনায় এই হিন্দুছই বিধাতার চরম কীর্ত্তি এবং এই স্পন্থিতেই তিনি তাঁহার সমস্ত শক্তি নিঃশেষ করিয়া আর কিছুতেই অগ্রসর হইতে পারিতেছেন না এইটে আমাদের বুলি। সাহিত্যের বাস্তবতা ওজনের সময়ে এই বুলিটা হয় বাটখারা। কালিদাসকে আমরা ভালো বলি, কেননা, তাঁহার কাব্যে হিন্দুর আছে। বঙ্কিমকে আমরা ভালো বলি, কেননা, আমীর প্রতি হিন্দু রমণীর বেরূপ মনোভাব হিন্দুশান্ত্রসম্মত তাহা তাঁহার নায়িকাদের মধ্যে দেখা যার, অথবা নিন্দা করি সেটা যথেষ্ট পরিমাণে নাই বলিয়া।

অন্য দেশেও এমন ঘটে। ইংলণ্ডে ইম্পীরিয়ালিজমের স্বরোত্তাপ যখন ঘণ্টায় ঘণ্টায় চড়িয়া উঠিতেছিল তখন একদল ইংরেজ কবির কাব্যে তাহাঁরই রক্তবর্ণ বাস্তবতা প্রলাপ বকিতেছিল।

তাহার সঙ্গে যদি তুলনা করা যায় তবে ওয়ার্ডস্বার্থের কবিতায় বাস্তবতা কোথায় ? তিনি বিশ-প্রকৃতির মধ্যে যে একটি আনন্দময় আবির্ভাব দেখিতে পাইয়াছিলেন তাহার সঙ্গে ব্রিটিশ জনসাধারণের শিক্ষা-দীক্ষা-অভ্যাস-আচার-বিচারের যোগ ছিল কোথায় ? তাঁহার ভাবের রাগিণীটি নির্জ্জনবাসী এক্লা-কবির চিত্ত-বাঁশীতে বাজিয়াছিল—ইংরেজের স্বদেশী হাটে ওজন-দরে যাহা বিক্রি হয় এমনতর বস্তু-পিণ্ড তাহার মধ্যে কি আছে জানিতে চাই।

আর কীট্স্, শেলি,—ইঁহাদের কাব্যের বাস্তবতা কি দিয়া নির্দ্ধারণ করিব ? ইংরেজের জাতীয় চিত্তের স্থর্নের সঙ্গে স্থর মিলাইয়া কি ইঁহারা বক্শিষ ও বাহবা পাইয়াছিলেন ? যে সমস্ত সমালোচক সাহিত্যের হাটে বাস্তবতার দালালী করিয়া থাকেন তাঁহারা ওয়ার্ড- স্বার্থের কবিতার কিরূপ সমাদর করিয়াছিলেন তাহা ইতিহাসে আছে। শেলিকে অস্পৃশ্য অস্ত্যক্রের মত তাঁহার দেশ সেদিন ঘরে চুকিতে দেয় নাই এবং কীট্স্কে মৃত্যুবাণ মারিয়াছিল।

আরে। আধুনিক দৃষ্টাস্ত টেনিসন্। তিনি ভিক্টোরীয় যুগের প্রচলিত লোকধর্মের কবি। তাই তাঁহার প্রভাব দেশের মধ্যে সর্বব্যাপী ছিল। কিন্তু ভিক্টোরীয় যুগের বাস্তবতা যত ক্ষীণ হইতেছে টেনিসনের আসনও তত সন্ধীর্ণ হইয়া আসিতেছে। তাঁহার কাব্য যে গুণে টিঁকিবে তাহা নিত্য-রসের গুণে, তাহাতে ভিক্টোরীয় বিটিশ-বস্তু বহুল পরিমাণে আছে বলিয়া নহে;—সেই ক্ষুল বস্তুটাই প্রতিদিন ধসিয়া পড়িতেছে।

আমাদের কালের লেখকদের মোটা অপরাধটা এই বে, আমরা ইংরেজি পড়িয়াছি। ইংরেজি শিক্ষা বাঙালীর পক্ষে বাস্তব নহে অতএব তাহা বাস্তবতার কারণও নহে, আর সেই জন্মই এখনকার সাহিত্য, দেশের লোকসাধারণকে শিক্ষা ও আনন্দ দিতে পারে না। উত্তম কথা—কিন্তু দেশের বে-সব লোক ইংরেজি শেখে নাই তাহাদের তুলনায় আমাদের সংখ্যা ত নগণ্য। কেহ তাহাদের ত কলম কাড়িয়া লয় নাই। আমরা কেবল আমাদের অবাস্তবতার জোরে দেশের সমস্ত বাস্তবিকদের চেয়ে জিডিয়া যাইব ইহা অভাবের নিয়ম নছে।

হয় ত উত্তরে শুনিব আমরা হারিতেছি। ইংরেজি যাহারা শেখে নাই তাহারাই দেশের বাস্তব-সাহিত্য স্থপ্তি করিতেছে, তাহাই টিঁকিবে এবং ভাহাতেই লোকশিকা হইবে।

তাই যদি হয় তবে আর ভাবনা কিসের ? বাস্তব-সাহিত্যের বিপুল ক্ষেত্র ও আয়োজন দেশ জুড়িয়া রহিয়াছে তাহার মধ্যে ছিটাফোঁটা অবাস্তব মুহূর্ত্তকালও টি কিতে পারিবে না।

কিন্তু সেই বৃহৎ বাস্তব-সাহিত্যকে চোখে দেখিলে কাজে লাগিত, একটা আদর্শ পাওয়া যাইত। যতক্ষণ তাহার পরিচয় নাই ততক্ষণ যদি গায়ের জ্বোরে তাহাকে মানিয়া লই তবে সেটা বাস্কবিক হইবে না, কাল্পনিক হইবে।

অথচ এদিকে ইংরেজি-পোডোরা যে সাহিত্য স্বস্থি করিল, রাগিয়া তাহাকে গালি দিলেও সে বাড়িয়া উঠিতেছে: নিন্দা করিলেও তাহাকে অস্বীকার করিবার জো নাই। ইহাই বাস্তবের প্রকৃত লক্ষণ। এই যে কোনো কোনো মানুষ খামখা রাগিয়া ইহাকে উড়াইয়া দিবার চেষ্টা করিতেছে তাহারও কারণ, এ স্বপ্ন নয়, মায়া নয়, এ বাস্তব। দেখ নাই কি, এংলো-ইণ্ডিয়ান কাগজরা কথায় কথায় বলিয়া থাকে ভারতবর্ষের মধ্যে বাঙালী জাতটা গণাই নহে? তাহাদের কথার भांक प्रिक्षिट वृक्षा याग्न जाशात्रा वाह्यानीरकरे विरमयजारव गण করিয়াছে, কোনো মতেই ভুলিতে পারিতেছে না।

ইংরেজি শিক্ষা সোনার কাঠির মত আমাদের জীবনকে স্পার্শ করিয়াছে. সে আমাদের ভিতরকার বাস্তবকেই জাগাইল। এই वाखवरक रा लाक खरा करत, रा लाक द्वांधा-नित्ररमत्र निकनिर्धारकरे শ্রেয় বলিয়া জানে তাহারা, ইংরেজই হউক্ আর বাঙালীই হউক,

এই শিক্ষাকে শুম এবং এই জাগরণকে অবাস্তব বলিয়া উড়াইয়া দিবার ভান করিতে থাকে। তাহাদের বাঁধা তর্ক এই যে, এক দেশের আঘাত আর-এক দেশকে সচেতন করে না। কিন্তু দূর দেশের দক্ষিণে হাওয়ায় দেশান্তরে সাহিত্যকুঞ্জে ফুলের উৎসব জাগাইয়াছে ইতিহাসে তাহার প্রমাণ আছে। যেখান হইতে যেমন করিয়াই হউক জীবনের আঘাতে জীবন জাগিয়া উঠে, মানব-চিত্ত-তত্ত্বে ইহা একটি চিরকালের বাস্তব ব্যাপার।

কিন্তু লোকশিক্ষার কি হইবে ?

ু সে কথার জবাবদিহি সাহিত্যের নহে।

লোক যদি সাহিত্য হইতে শিক্ষা পাইতে চেষ্টা করে তবে পাইতেও পারে কিন্তু সাহিত্য লোককে শিক্ষা দিবার জন্ম কোনো চিন্তাই করে না। কোনো দেশেই সাহিত্য ইন্ধুল-মাষ্টারির ভার লয় নাই। রামায়ণ মহাভারত দেশের সকল লোকে পড়ে তাহার কারণ এ নয় যে তাহা কৃষাণের ভাষায় লেখা বা তাহাতে ছঃখিকাঙালের ঘরকর্নার কথা বর্ণিত। তাহাতে বড় বড় রাজা, বড় বড় রাক্ষস, বড় বড় বীর এবং বড় বড় বানরের বড় বড় ল্যাজের কথাই আছে। আগাগোড়া সমস্তই অসাধারণ। সাধারণ লোক আগণার গরজে এই সাহিত্যকে পড়িতে শিথিয়াছে।

সাধারণ লোক মেঘদূত, কুমারসম্ভব, শকুস্তলা পড়ে না। প্র সম্ভব দিঙ্নাগাচার্য্য এই ক'টা বইয়ের মধ্যে বাস্তবের অভাব দেখিয়াছিলেন। 'মেঘদূতের ত কথাই নাই। কালিদাস স্বয়ং এই বাস্তব-বানীদের ভয়ে এক জায়গায় নিতান্ত অকবিজনোচিত কৈফিয়ৎ দিতে বাধা, হইয়াছিলেন—কামান্তা হি প্রকৃতিকৃপণাশ্চেতনাচেতনের। আমি অকবিজনোচিত এইজন্ম বলিতেছি যে, কবিমাত্রই চেতন-অচেতনের মিল ঘটাইয়া থাকেন, কেননা তাঁহারা বিখের মিত্র, তাঁহারা নায়ের অধ্যাপক নহেন; শকুন্তলার চতুর্থ অঙ্ক পড়িলেই সেটা বৃথিতে বাকি থাকিবে না।

কিন্তু আমি বলিতেছি যদি কালিদাসের কাব্য ভালো হয় তবে সমস্ত মানুষের জন্মই তাহা সকল-কালের ভাগুারে সঞ্চিত রহিল, — আজকের সাধারণ মানুষ যাহা বুঝিল না কালকের সাধারণ মানুষ হয় ত তাহা বুঝিবে, অন্তত সেইরূপ আশা করি। কিন্তু কালিদাস যদি কবি না হইয়া লোক-হিতেষী হইতেন তবে সেই পঞ্চম শতব্দীর, উজ্জ্মিনীর কুষাণদের জন্ম হয় ত প্রাথমিক শিক্ষার উপযোগী কয়েকখানা বই লিখিতেন,—তাহা হইলে তারপর হইতে এতগুলা শতাব্দীর কি দশা হইত ?

তুমি কি মনে কর লোক-হিতৈবী তখন কেই ছিল না ? লোকসাধারণের নৈতিক ও জাঠিরিক উন্নতি কি করিয়া ইইতে পারে
দে কথা ভাবিয়া কেই কি তখন কোনো বই লেখে নাই ? কিস্ত দে কি সাহিত্য ? ক্লাসের পড়া শেষ ইইলেই বংসর-অন্তর
ইমুলের বইয়ের যে দশা হয় তাহাদেরও সেই দশা ইইয়াছে,
কর্পাৎ স্বেদ-কম্প-রোমাঞ্চর ভিতর দিয়া একেবারেই দশম
দশা।

যাহা ভালো ভাহাকে পাইবার জন্ম সাধনা করিতেই হইবে—
রাজার ছেলেকেও করিতে হইবে, কুষাণের ছেলেকেও। রাজার
ছেলের স্থবিধা এই যে ভাহার সাধনা করিবার সময় আছে কুষাণেব
ছেলের নাই। কিন্তু সেটা সামাজিক ব্যবস্থার তর্ক,—ষদি প্রতিকার

করিতে পার, করিয়া দাও কাহারে। আপত্তি হইবে না।
তানসেন তাই বলিয়া মেঠো-স্থর তৈরি করিতে বসিবেন না। তাঁহার
স্পৃষ্টি আনন্দের স্পৃষ্টি, সে যাহা তাহাই; আর-কোনো মংলবে সে
আর-কিছু হইতে পারেই না। যাহারা রসপিপাস্থ তাহারা বত্ত্ব
করিয়া শিক্ষা করিয়া সেই গ্রুপদগুলির নিগৃঢ় মধুকোষের মধ্যে
প্রবেশ করিবে। অবশ্য লোক-সাধারণ যতক্ষণ সেই মধুকোষের
পথ না জ্ঞানিবে ততক্ষণ তানসেনের গান তাহাদের কাছে সম্পূর্ণ
অবাস্তব একথা মানিতেই হইবে। তাই বলিতেছিলাম কোখায়
কোন্ বস্তার থোঁজ করিতে হইবে, কেমন করিয়া থোঁজ করিতে
হইবে, কে তাহার থোঁজ পাইবার অধিকারী, সেটা ত নিজের
ধ্যাল-মত এককথায় প্রমাণ বা অপ্রমাণ করা যায় না।

তবে কবিদের অবলম্বনটা কি ? একটা-কিছুর পরে জার করিয়া তাঁহারা ত ভর দিয়াছেন। নিশ্চরই দিয়াছেন। সেটা অস্তরের অসুভৃতি এবং আত্মপ্রসাদ। কবি যদি একটি বেদনামর চৈতন্ত লইয়া জন্মিয়া থাকেন, যদি তিনি নিজের প্রকৃতি দিয়াই বিশ্ব-প্রকৃতি ও মানব-প্রকৃতির সহিত আত্মীয়তা করিয়া থাকেন, যদি শিক্ষা, অভ্যাস, প্রথা, শাক্ত প্রভৃতি জড় আবরণের ভিতর দিয়া কেবলমাত্র দশের নিয়মে তিনি বিশ্বের সঙ্গে ব্যবহার না করেন তবে তিনি নিখিলের সংস্রেবে যাহা জমুভব করিবেন তাহার একাপ্ত বাস্তবতাসম্বন্ধে তাঁহার মনে কোনো সন্দেহ থাকিবে না। বিশ্ব-বস্ত ও বিশ্ব-রসকে একেবারে জব্যবহিত ভাবে তিনি নিজের জীবনে উপলব্ধি করিয়াছেন, এইখানেই তাঁহার জোর। পূর্ব্বেই বলিয়াছি বাহিক্সের হাটে বস্তর দর কেবলই উঠা-নামা করিতেছে—সেখানে

নানা মৃনির নানা মত, নানা লোকের নানা ফরমাস, নানা কালের নানা ফেশান্। বাস্তবের সেই হটুগোলের মধ্যে পড়িলে কবির কার্য হাটের কার্য হইবে। তাঁহার অন্তরের মধ্যে যে ধ্রুব আদর্শ আছে তাহারই পরে নির্ভর করা ছাড়া অন্য উপায় নাই। সে আদর্শ হিন্দুর আদর্শ বা ইংরেজের আদর্শ নয়, তাহা লোকহিতের এবং ইয়ুল-মাইারীর আদর্শ নহে। তাহা আনন্দময় স্কুতরাং অনির্বচনীয়। কবি জানেন যেটা তাঁহার কাছে এতই সত্য সেটা কাহারো কাছে মিথ্যা নহে। যদি কাহারো কাছে তাহা মিথ্যা হয় তবে সেই মিথ্যাটাই মিথ্যা;—যে লোক চোখ বুজিয়া আছে তাহার কাছে আলোক যেমন মিথ্যা, এও তেমনি মিথ্যা। কাব্যের বাস্তবতা সম্বন্ধে কবির নিজের মধ্যে যে প্রমাণ, তিনি জানেন বিশের মধ্যেই সেই প্রমাণ আছে। সেই প্রমাণের অনুভূতি সকলের নাই ক্রিরাং বিচারকের আসনে যে-পুসি বসিয়া যেমন-পুসি রায় দিতে পারেন কিস্তু ডিক্রিজারির বেলায় যে তাহা থাটিবেই এমন কোনো কথা নাই।

কবির আত্মামুভূতির যে উপাদানটার কথা বলিলাম এটা সকল কবির সকল সময়েই যে বিশুদ্ধ থাকে তাহা নহে। তাহা নানা কারণে কখনো আরুত হয়, কখনো বিকৃত হয়, নগদ মূল্যের প্রলোভনে কখনো তাহার উপর বাজারে-চলিত-আদর্শের নকলে কৃত্রিম নক্ষা কাটা হয়—এই জয় তাহার সকল অংশ নিত্য নহে এবং সকল অংশের সমান আদর হইতেই পারে না। অতএব কবি রাগই বরুন আর খুসিই হউন তাঁহার কাব্যের একটা বিচার করিতেই হইবে —এবং যে-কেহ তাঁহার কাব্যের প্রভিবে সকলেই তাঁহার বিচার

করিবে—সে বিচারে সকলে একমত হইবে না। মোটের উপরে বদি নিজের মনে তিনি যথার্থ আজাপ্রসাদ পাইয়া থাকেন তবে তাঁহার প্রাপ্যটি হাতে হাতে চুকাইয়া লইয়াছেন। অবশ্য পাওনার চেয়ে উপরি-পাওনায় মামুষের লোভ বেশি। সেইজগ্যই বাহিরে আংশ-পাশে আড়ালে-আবডালে এত করিয়া হাত পাতিতে হয়। এখানেই বিপদ। কেননা লোভে পাপ, পাপে মৃত্যু।

শ্রীরবীন্দ্রনাথ ঠাকুর।

বাংলা ছন্দ*

শাস্তিনিকেতন বোলপুর

প্রিয়বরেষ

এতদিন গ্রীত্মের ছুটি ছিল; এখন আবার কাজে লাগিয়াছি। বাংলা ছন্দসম্বন্ধে আপনাকে আরো কিছু লিখিব আশা দিয়াছিলাম। কিন্তু যাহারা খাঁটি কুঁড়ে মানুষ, ফুর্সৎ পাইলেই তাহারা কোনো কাজ করিতে পারে না। সেই জন্ম এতদিন ছুটির ভিড়ে আপনাকে লিখিতে পারি নাই। যখন নিয়মিত কাজের তাড়া পড়ে তখন কুঁড়ে মানুষরা একটা অনিয়মিত কাজ পাইলে বাঁচিয়া যায়—তাই আমার ইকুল পালাইয়া আপনাকে বাংলা ছন্দসম্বন্ধে চিঠি লিখিতে বসিয়া গেলাম।

"সমুথ সমরে পড়ি বীরচ্ডামণি বীরবাহ,—"

এই ৰাক্যটি আর্ত্তি করিবার সময়ে আমরা "সম্মুখ" শব্দটার উপরে ঝোঁক দিয়া সেই এক-ঝোঁকে একেবারে "বীরবাহু" পর্যান্ত গড়গড় করিয়া চলিয়া যাইতে পারি। আমরা নিখাসটার বাজে-খরচ করিতে নারাজ,—এক নিখাসে যতগুলা শব্দ সারিয়া লইতে পারি ছাড়িনা।

আপনাদের ইংরাজি বাক্যে সেটা সম্ভব হয় না—কেননা আপনাদের শব্দগুলা বেজায় বোখা মেজাজের। তাহারা প্রত্যেকেই ঢুঁ মারিয়া

^{*} এই পত্র কেবি জের বাংলা-অধ্যাপক এবৃক্ত এতার্সন সাহেবকে লিখিত।

নিশাসের শাসন ঠেলিয়া বাহির হইতে চায়। She was absolutely authentic, new, and inexpressible,—এই বাক্যে যতগুলি বিশেষণপদ আছে সব কটাই উঁচু হইয়া উঠিয়া নিশাসের বাতাসটাকে ফুটবলের গোলার মত এক মাথা হইতে আর এক মাথায় ছুঁড়িয়া ছুঁড়িয়া চালান করিয়া দিতেছে।

প্রত্যেক ভাষারই একটা স্বাভাবিক চলিবার ভঙ্গী আছে। সেই ভঙ্গীটারই অনুসরণ করিয়া সেই ভাষার নৃত্য অর্থাৎ তাহার ছন্দ রচনা করিতে হয়। এখন দেখা যাক্ আমাদের ভাষার চাল চলনটা কিরকম।

আপনি বলিয়াছেন, বাংলা-বাক্য উচ্চারণে বাক্যের আরস্তে আমরা ঝোঁক দিয়া থাকি। এই ঝোঁকের দোড়টা যে কতদূর পর্য্যন্ত হইবে ভাহার কোনো বাঁধা নিয়ম নাই,—সেটা আমাদের ইচ্ছা। যদি জোর দিতে না চাই তবে সমস্ত বাক্যটা একটানা বলিতে পারি — যদি জোর দিতে চাই তবে বাক্যের পর্বেব পর্বেবই ঝোঁক দিয়া থাকি। "আদিম মানবের তুমুল পাশবতা মনে করিয়া দেখ"—এই বাক্যটা আমরা এমনি করিয়া পড়িতে পারি যাহাতে উহার সকল শব্দই 'একেবারে মাধায় মাধায় সমান হইয়া থাকে। আবার উত্তেজনার বেগে নিম্নলিখিত মত করিয়াও পড়া যাইতে পারে,—আদিম মানবের ভুমুল পাশবতা মনে করিয়া দেখ। এই বাংলা-শব্দগুলির নিব্দের করিয়া দেখ। এই বাংলা-শব্দগুলির নিব্দের "কোনো বিশেষ দাবী নাই—আমাদের মর্চ্জির উপরেই নির্ভর। কিন্তু শক্ষেই বাক্যে প্রায় প্রতেক শব্দই নিজ্ব-নিজ এক্সেণ্টের ধ্বজা গাড়িয়া বসিয়া আছে বলিয়া নিশাস ভাহাদিগকে খাডির করিয়া চলিতে বাধ্য।

বাংলা ছন্দে যে পদবিভাগ হয় সেই প্রত্যেক পদের গোড়াভেই ্রকটি করিয়া ঝোঁকালো শব্দ কাপ্থেনি করে এবং তাহার পিছন পিছন কয়েকটি অনুগত শব্দ সমান-তালে পা ফেলিয়া কুচ করিয়া চলিয়া যায়। এইরূপ একএকটি ঝেঁাক-কাপ্তেনের অধীনে কয়টা করিয়া মাত্রা-সিপাই থাকিবে ছন্দের নিয়ম-অনুসারে তাহার বরাদ্দ হইয়া থাকে।

প্রারের রীতিটা দেখা যাক্। প্রারটা চতুপ্পদ ছন্দ। আমার বিখাস, পয়ার শব্দট। পদ-চার শব্দের বিকার। ইহার এক-একটি পদ এক একটি ঝোঁকের শাসনে চলে।

> মহাভারতের কথা 🏿 অমৃত সমান 🗟 কাশিরামদাস কহে 🗆 শুনে পুণ্যবান 🖔

"অমৃত সমান" ও "শুনে পুণাবান" এই ছুই অংশে ছয়টি ^{*}সক্ষর দেখা যাইতেছে বটে কিন্তু মাত্রাগণনায় ইহারা আট। ঐখানে লাইন শেষ হয় বলিয়া ছুটি মাত্রা-পরিমাণ জায়গা ফাঁক থাকে। যাহারা স্থুর করিয়া পড়ে তাহারা "মান" এবং "বান" শব্দের আকারটিকে দীর্ঘাকার করিয়া ঐ ফাঁক ভরাইয়া দেয়।

এক<u>একটি</u> ঝোঁকে কয়টি করিয়<u>া মাত্রা আগলাইতেছে তাহা</u> দেখিয়াই ছল্দের বিচার করিতে হয়। নতুবা যদি মোটা করিয়া বলি বে, একএক লাইনে চোদ্দটা করিয়া অক্ষর থাকিলে তাহাকে পয়ার বলে তবে নানা ভিন্ন প্রকারের ছন্দকে পয়ার বলিতে হয়। নিম্নলিখিত ছন্দে প্রত্যেক লাইনে চোদ্দটা অক্ষর আছে :—

> काश्वन वामिनी, श्रेमीश जनिए पदि । দ্ধিৰ বাতাস মরিছে বুকের পরে।

ইহাকে যে পয়ার বলিনা তাহার কারণ ইহার একএকটি ঝোঁকের দখলে ছয়টি করিয়া মাত্রা। ইহার ভাগ নীচে লিখিলাম :—

ফাগুন-যামিনী !! প্রদীপ জলিছে !! ঘরে-- !!

চোদ্দ-অক্ষরী লাইনের আরো দৃষ্টান্ত আছে —

পূরব মেঘমুথে | পড়েছে রবি-রেথা ||
অরুণ-রথচুড়া || আধেক গেল দেখা ||

এখানে স্পর্টই একএক ঝেঁাকে সাতটি করিয়া মাত্রা। স্থতরাং পয়ারের তুলনার প্রত্যেক পদে ইহার একমাত্রা কম।

তবেই দেখা যাইতেছে, আটমাত্রার ছন্দকেই পরার বলে। আট
মাত্রাকে ছুখানা করিয়া চারমাত্রায় ভাগ করা চলে কিন্তু সেটাতে
পরারের চাল খাটো করা হয়। বস্তুত লম্বা নিখাসের মন্দগতি
চালেই পরারের পদমর্য্যাদা। চার চার মাত্রায় পা ফেলিয়া পয়ার
যখন তুল্কি চালে চলে তখন তাহার পায়ে পায়ে মিল থাকে।
বেমন—

বাব্দে তীর, পড়ে বীর ধরণীর পরে।

এরপ ছন্দ হাল্কা কাজে চলে, ইহা যুক্ত-অক্ষরের ভার সয় না এবং সাতকাণ্ড বা অফীদশ পর্বব জুড়িয়া লম্বা দৌড় ইহার পক্ষে অসাধ্য। চৌপদীটা পয়ারের সহোদর বোন্। আটমাত্রায় তাহার পা পড়ে—কেবল তাহার পায়ে মিলের মল-জোড়ার ঝঙ্কারটা কিছু বেশি।

বাহিরের চেহারা দেখিয়া ছন্দের জাতিনির্ণয় করায় যে প্রমাদ ঘটিতে পারে তাহার একটা দৃষ্টাস্ত এইখানে দিই। একদিন আমার মাথায় একটা ছয়মাত্রার ছন্দ আসিয়া হাজির হুইয়াছিল। তাহার চেহারাটা এই রকম—

> প্রথম শীতের মাসে, শিশির লাগিল ঘাসে, হুছ করে হাওয়া আসে, হিহি করে কাঁপে গাত্র।

গোটাকয়েক শ্লোক যথন লেখা হইয়া গেছে তখন হঠাৎ হুঁস হইল যে আকারে আয়তনে চৌপদীর সঙ্গে ইহার কোনো তফাৎ নাই অতএব পাঠকেরা আটমাত্রার ঝোঁক দিয়াই ইহা পড়িবে—তখন আমি হাল ছাড়িয়া দিয়া চৌপদীর দস্তরেই লিখিতে লাগিলাম। এই ছন্দটিকে ছয়মাত্রার কায়দায় পড়িতে হইলে নিম্নলিখিত মত ভাগ হয়ঃ—

> । প্রথম শীতের । মাসে— !! । । শিশির লাগিল !! ঘাসে— !!

আমাদের দেশের সঙ্গীতের তাল যদি আপনার জানা থাকে তবে এককথায় বলিলেই বুঝিবেন চৌপদীতে কাওয়ালির লয়ে ঝোঁক দিতে হয় এবং আমি যে ছন্দটা লক্ষ্য করিয়া লিখিতেছিলাম তাহার তাল একতালা। কাওয়ালি ত্বইবর্গ মাত্রার তাল, এবং একতালা তিন-বর্গ মাত্রার।

ত্রিপদীরও মোটের উপর আটমাত্রার চাল। যথা—

। ভবানীর কটুভাষে | লজ্জা হৈল ক্বন্তিবাদে | দুধানলে কলেবর | দহে |

তৃতীয় পদে ছূটামাত্রা বেশি আছে, তাহার কারণ, যে চতুর্থ পদটি পাকিলে এই ছন্দের ভার-সামঞ্জস্য থাকিত সেটি নাই। ^{*}কুধার্মলে কলেবর" পর্যান্ত আসিয়া থামিতে গেলে ছন্দটা কাৎ হইয়া পড়ে এই জন্ম "দহে" একটা যোগ করিয়া ছোট একটি ঠেকা দিয়া উহাকে খাড়া রাখা হইয়াছে। চতুষ্পদ জন্তুর পায়ের তেলোটা চওড়া হয় না, কিন্তু মানুষের খাড়া শরীরের টল-টলে ভারটা ছুই পায়ের পকে বেশি হওয়াতেই তাহার পদতলটা গোড়ালি ছাড়াইয়া সাম্নের দিকে খানিক্টা বিস্তার্ণ; সেইটুকুই ত্রিপদীর ঐ শেষ ছুটো অতিরিক্ত মাত্রা।

এইরূপ অনেকগুলি ছন্দ দেখা যায় যাহাতে খানিকটাকরিয়া বড় মাত্রাকে একটিকরিয়া ছোট মাত্রা দিয়া বাধা দিবার কায়দা দেখা যায়। দশ মাত্রার ছন্দ তাহার দৃষ্টাস্ত—ইহার ভাগ আট+ ছুই, অথবা, চার + চার + ছুই।

।

মোর পানে | চাহ মুখ | তুলি |

।

গরশিব | চরণের | ধুলি |

ছয়মাত্রার ছন্দেও এরূপ বড়-ছোটোর ভাগ চলে। সেই ভাগ ছয় + ছুই, অথবা, তিন + তিন + ছুই। যেমন—

> আঁথিতে | মিলিল | আঁথি | হাসিল | বদন | ঢাকি | মরম-বারতা সরমে মরিল কিছু না রহিল বাকি।

উক্ত ছন্দে তিনের দল বুক ফুলাইয়া জুড়ি মিলাইয়া চলিতেছিল,
—হঠাৎ মাঝে মাঝে একটা খাপছাড়া হুই আসিয়া তাহাদিগকে বাধা
দিয়াছে। এইরূপে গতি ও বাধার মিলনে ছন্দের সঙ্গীত একটু
কিলেক্ষ্ণবৈ বাজিয়া উঠিয়াছে। এই বাধাটি গতির অনুস্পাতে ছোট

হওয়া চাই। কারণ, বড় হইলে সে বাধা সত্য হয় এবং গতিকে আবদ্ধ করে, সেটা ছন্দের পক্ষে তুর্ঘটনা। তাই উপরের তুইটি দৃষ্টান্তে দেখিয়াছি চারের দল ও তিনের দলকে তুই আসিয়া রোধ করিয়াছে,— সেই জন্ম ইহা বন্ধনের অবরোধ নহে, ইহা লীলার উপরোধ। ভুইয়ের পরিবর্ত্তে এক হইলেও ক্ষতি হয় না।

যেমন--

। প্রতিদিন হায় ¦ এসে ফিরে যায় | কে ?

অথবা.

। মূখে তার | নাহি আর | রা। । । লাজে লীন | কাপে ক্ষীণ | গা।

বাংলা ছন্দকে তিন প্রধান শ্রেণীতে ভাগ করা যায়। ছুই বর্গের মাত্রা, তিন বর্গের মাত্রা এবং অসমান মাত্রার ছন্দ।

ছুই বর্গ মাত্রার ছন্দ, ষেমন পয়ার, ত্রিপদী, চৌপদী। এই সমস্ত ছন্দ বড় বড় বোঝা বহিতে পারে, কেননা ছুই, চার, আট মাত্রাগুলি বেশ চৌকা। এই জন্ম পৃথিবীতে পা-ওয়ালা জীবমাত্রেরই, হয় ছুই, নয় চার, নয় আট পা। বাংলা-সাহিত্যে ইহারাই মহাকাব্যের বাহন।

চাকার গুণ এই যে একবার ধানা পাইলে সেই ঝোঁকে সে গড়াইয়া চলে, থামিতে চায় না। তিন মাত্রার ছন্দ সেই চাকার মত। ছুই সংখ্যাটা স্থিতিপ্রবণ, তিন সংখ্যাটা গতিপ্রবণ।

নবীন | কিশোরী | মেণের | বিজ্বী | চমকি | চলিরা | গেল॥ এখানে ভিন মাত্রার শব্দগুলি একটা জার-একটার গায়ের উপর গড়াইর। পড়িয়া ঠেলা দিয়া চলিয়াছে—থামানো দায়। অবশেষে একটি চুইমাত্রা আসিয়া তাহাকে ক্ষণকালের জন্ম ঠেকাইয়াছে।

তুই মাত্রার সঙ্গে তিনমাত্রার মিলনে অসম-মাত্রার ছল্দের উৎপত্তি। ৩+২,৩+৪,৫+৪ মাত্রার ছন্দ তাহার দৃষ্টাস্ত।

৩+২, যথা,---

কাঁপিলে পাতা, নড়িলে পাখী চমকি উঠে চকিত আঁথি।

9+8

তরল জলধর বরিথে ঝরঝর অশনি গরগর হাঁকে।

4+8

বচন বলে আধো-আধো, চরণ চলে বাধো-বাধো, নয়ন তলে কাদো-কাদো চাহনী।

তিন মাত্রার ছন্দের ন্থায় অসম-মাত্রার ছন্দও স্বভাবত চঞ্চল। মাত্রার অসমানতাই তাহাকে কেবল টলাইতে থাকে। প্রত্যেক ^{পদ} পরবর্ত্তী পদের উপর ঠেস দিয়া আপনাকে সামলাইতে চেন্টা ^{করে।} বস্তুত তিনমাত্রাও অসম-মাত্রা, তাহার উপাদান হুই + এক।

কারণ ছন্দের মূল মাত্রা ছুই, তাহা এক নহে। নি^{র্মিও} গতিমাত্রই ছুই সংখ্যাকে অবলম্বন করিয়া। তাই স্তম্ভ, যাহা থা^{মিরা} থাকে, তাহা এক হইতে পারে, কিন্তু জন্তুর পা বল, পাখীর পাখা বল, মাছের পাখনা বল, ছুইয়ের যোগে তবে চলে। সেই ছুই^{রের} নির্মিত গতির উপরে যদি একটা একের অতিরিক্ত ভার চাপা^{নো} যায় তীবে সেই গতিতে একটা অনির্মের বেগ পড়ে—সেই

সনির্দের ঠেলায় নির্মিত গতির বেগ বাড়িয়া যায় এবং তাহার বৈচিত্র্য ঘটে। মাসুষের শরীর তাহার দৃষ্টান্ত। চারপেয়ে মাসুষ যথন সোজা হইয়া দাঁড়াইল তথন তাহার কোমর হইতে মাথা পর্যান্ত টলমলে এবং কোমর হইতে পদতল পর্যান্ত মজবুং হওয়াতে এই ভূইভাগের মধ্যে অসামঞ্জস্য ঘটিয়াছে। এই সসামঞ্জস্তকে ছন্দে সামলাইবার জত্য মাসুষের গতিতে মাথা হাত কোমর পা বিচিত্র হিল্লোলে হিল্লোলিত হইতেছে। চার পায়ের ছন্দ ইহার চেয়ে অনেক সরল।

অতএব বাংলা ছন্দকে সমমাত্রা, অসমমাত্রা এবং বিষমমাত্রার শ্রেণীবন্ধ করা যাইতে পারে। শুধু বাংলা কেন, কোনো ভাষার ছেন্দের আর কোনো প্রকার ভাগ হইতে পারে বলিয়া মনে কুরিতে পারিনা। তবে প্রভেদ হয় কিন্সে গুমাত্রাগুলির চেহারায়।

সংস্কৃত ভাষায় অসমান স্বর ও ব্যপ্তনগুলিকে কৌশলে মিলাইয়। সমান মাত্রায় ভাগ করিতে হয়, তাহাতে ধ্বনির বৈচিত্র্য ও গাস্তীর্য্য ঘটে। যথা—

> । বদসি যদি | কৈঞ্চিদপি | দস্তক্তি | কৌমুদী। । হরতি দর | তিমির মতি | ঘোরং।

ইহা পাঁচমাত্রা অর্থাৎ বিষমমাত্রার ছন্দ। বাঙালি জয়দেব তাঁহার গানে সংস্কৃত ভাষার যুক্তবর্ণের বেণী যথাসম্ভব এলাইয়া দিতে ভালবাসিতেন এই জন্ম উপরের উদ্ধৃত শ্লোকাংশটি যথেক ভালো দৃষ্টাস্ত নহে—তবু ইহাতে আমার কথাটি বুঝা যাইবে। ইহার প্রত্যেক বেশাকে যে পাঁচমাত্রা পড়িয়াছে তাহার ভাগ এইরূপ:— >+>+>+>+>|>+>+>|>+>+>|>+>+>|>+>+>|>+>+>|>+>+>|

বাংলাভাষার সাধুছন্দে একের মাঝে মাঝে ছুই বসিবার জায়গা পায় না একথা পূর্বেই বলিয়াছি। উপরের কবিতাটুকু বাংলায় তর্জ্জমা করিতে হইলে নিম্নলিখিত মত হইবে ঃ—

> বচন যদি | কহগো ছটি। দশন কচি | উঠিবে ফুটি। ঘুচাবে মোর | মনের ঘোর | তামগী।

একটি ইংরাজি দৃষ্টান্ত দেওয়া যাক্—

Ah distinctly | I remember | It was in the | bleak December, | —

এটি চৌপদী ছন্দ। ইহার মাত্রাগুলিকে ছাড়াইয়া দেখা যাক্---

Ah dis tinct ly

Representation of the second secon

ইহার একএকটা কোঁকে চারিটি করিয়া মাত্রা,—কিন্তু অসমান শব্দগুলিকে ভাগ করিয়া এই মাত্রাগুলি তৈরি হইয়াছে এবং distinct শব্দের tinct এবং remember শব্দের mem অংশটি নিজের এক্সেণ্টের সড়্কি আম্ফালন করিতেছে।

ইহাই সাধুবাংলায় হইবে—

আহা মোর মনে আসে দারুণ শীতের মাসে--- ইংরেজ কবি ইচ্ছা করিলেও এমনতর নখদস্তহীন মাত্রায় ছন্দ রচিতেই পারেন না কারণ তাঁহাদের শব্দগুলি কোণ-ওয়ালা।

ইচ্ছা করিলে যুক্ত-অক্ষরের আমদানি করিয়া আমর। ঐ শ্লোকটাকে শক্ত করিয়া তুলিতে পারি। যেমন—

ম্পষ্ট শ্বৃতি চিত্তে ভাসে

হ্রস্ত অভ্রাণ মাসে

অগ্নিকুণ্ড নিবে আদে

নাচে তারি উপচ্ছায়া।

এখানে বাংলার সঙ্গে ইংরাজির প্রধান প্রভেদ এই যে, বাংলা
শন্দণ্ডলিতে স্বরবর্ণের টান ইংরাজির চেয়ে বেশি। কিন্তু আমার
প্রথম পত্রেই লিখিয়াছি সেটা কেবল সাধুভাষায়;—বাংলার চল্তি
ভাষায় ঠিক ইহার উণ্টা। চল্তি ভাষার কথাগুলি শুচিভাবে
পরস্পারের স্পার্শ বাঁচাইয়া চলে না—ইংরাজি শন্দেরই মত চলিবার
সময় কে কাহার গায়ে পড়ে তাহার ঠিক নাই।

পূর্ববপত্রেই লিখিয়াছি বাংলা চল্তি ভাষার ধ্বনিটা হসস্তের সংঘাতধ্বনি—এই জন্ম ধ্বনিহিসাবে সংস্কৃতের চেয়ে ইংরাজির সঙ্গে তাহার মিল বেশি। তাই এই চল্তি ভাষার ছদেদ মাত্রাবিভাগ বিচিত্র। বাংলা প্রাকৃতের একটা চৌপদী নীচে লিখিলাম :—

কই পালন্ধ, কইরে কথল, কপ্নি-টুক্রো রইল স্থল, এক্লা পাগ্লা ফির্বে জঙ্গল মিট্রে সঙ্কট ঘুচ্বে ধন্দ।

ইহার সজে Ah distinctly I remember শ্লোকটি মিলাইয়া দেখিলে দেখা যাইবে ধ্বনির বিশেষ কোনো তফাৎ নাই। ইহার সাধু পাঠ এইরূপ:---

শঘা কই বন্ধ কই '
কি আছে কৌপীন বই
একা বনে ফিরে ঐ
নাহি মনে ভয় চিন্তা।

সাধু ও অসাধুর মাত্রাভাগ নীচেনীচে লিখিলাম মিলাইয়া দেখিবেন:—

সাধুভাষার ছন্দটি যেন মোটা মোটা ফাঁকওয়ালা জালের মত--আর অসাধুটির একেবারে ঠাসবুনানি।

ইংরাজিতে সমমাত্রার ছন্দ্ অনেক আছে তাহার একটি দৃষ্টান্ত পুর্বেই দিয়াছি। অসমমাত্রা অর্থাৎ তিনমাত্রার দৃষ্টান্ত, যথা :—

ইংরেজিতে বিষমমাত্রার একটি উদাহরণ দিতে পারিলেই আপাতত আমার প্রালা শেষ হয়। একটি মনে পড়িতেছে :—

এই শ্লোকটির ছুই লাইনকে মিলাইয়া এক লাইন করিয়া পড়িলে ইগার ছন্দকে তিন মাত্রায় ভাগ করিয়া পড়া সহজ হয়। কিন্তু বিষমমাত্রার লয়ে ইহাকে পড়িলে চলে বলিয়াই এই দৃষ্টান্তটি প্রয়োগ করিয়াছি—বোধ করি এরূপ দৃষ্টান্ত ইংরেজি ছন্দে ছুর্লভ।

দেখা গিয়াছে ইংরেজি ছন্দে ঝোঁক পদের আরস্তেও পড়িতে পারে, পদের শেষেও পড়িতে পারে। আরস্তে যেমন—

O the dreary | dreary moorland |
O the barren | barren shore |

পদের শেষে, যেমন,

And are ye sure || the news is true ||

And are ye sure || he's well ||

বাংলায় আরন্তে ছাড়া পদের আর কোথাও ঝোঁক পড়িতে পারেনা।

> । । । একলা পাগলা ফিরবে জঙ্গল

কিম্বা

। একলা পাগলা ফিরবে জঙ্গল

এমনটি হইবার জো নাই।

আমার কথাটি ফুরালো। ইংরেজ ছন্দকে আমি বাংলা ছন্দের
রীতি-অনুসারে ভাগ করিয়া দেখিয়াছি, সেটা ভালো হইল কিনা জানি
না। ইংরেজি ছন্দতত্ব আমার একদম জানা নাই বলিয়াই বোধ করি
এরপ ফুঃসাহস আমার পক্ষে সহজ হইয়াছে—কারণ চাণক্য যাহাদিগকে
কথা কহিতে বারণ করেন তাহারাই আগেভাগে কথা কহিয়া বসে,—
আপনারাও জানেন angelরা প্রবেশ করিতে ভয় পান এমন জায়গা
আছে কিস্তু foolদের কোথাও বাধা নাই। এরূপ সতর্কতায়
সকল সময়েই যে এঞ্জেলরা জেতেন তাহা নহে অনেক সময়েই ঠিকয়া
থাকেন; অবুঝ হঠকারিতায় অপর পক্ষের কথন কখন জিত হইবার
সম্ভাবনা আছে এই আমার ভরসা। আপনার পক্ষে বোঝা সহজ
হইতে পারে বলিয়াই আমি ইংরেজি দৃষ্টাস্বগুলি ব্যবহার করিয়াছি
ইহাতে আমার বিদ্যা প্রকাশ না হইয়া বিদ্যা ফাঁস হইয়া যাইতে
পারে। যাহা হউক আমার প্রতিশ্রুতি রক্ষা করিলাম।

চিঠির মধ্যে কাটাকুটি অনেক রহিয়াছে সেই সমস্ত ক্ষতিচ্ছিসমেত এটা আপনার কাছে চালান করিয়া দিলাম—এই ত্রুটিকে বেয়াদবি বলিয়া গণ্য করিবেন না। চিস্তার সক্ষে লড়াই করিতে হইয়াছে— তবু রণে ভঙ্গ না দিয়া বক্ষের উপ্র তলোয়ারের দাগ বহিয়া এই পত্র আপনার সভায় হাজির হইয়া অপনাকে সেলাম জানাইতেছে। ইতি ১৮ আবাঢ়, ১৩২১

> ভবদীয় শ্রীরবীক্দনাথ ঠাকুর।

স্ত্রীর পত্র

শীচরণকমলেযু--

আজ পনেরো বছর আমাদের বিবাহ হয়েছে আজ পর্যান্ত ভোমাকে
চিঠি লিখিনি। চিরদিন কাছেই পড়ে আছি—মুখের কথা অনেক
শুনেছ, আমিও শুনেছি; চিঠি লেখবার মত ফাঁকটুকু পাওয়া
যায়নি।

আজ আমি এসেছি তীর্থ করতে শ্রীক্ষেত্রে, তুমি আছ তোমার আপিসের কাজে। শামুকের সঙ্গে খোলসের যে সম্বন্ধ, কলকাতার সঙ্গে তোমার তাই; সে তোমার দেহমনের সঙ্গে এঁটে গিয়েছে। তাই তুমি আপিসে ছুটির দরখাস্ত করলে না। বিধাতার তাই মতিপ্রায় ছিল; তিনি আমার ছুটির দরখাস্ত মঞ্জুর করেছেন।

আমি তোমাদের মেজ বৌ। আজ পনেরো বছরের পরে এই সমুদ্রের ধারে দাঁড়িয়ে জান্তে পেরেছি আমার জগৎ এবং জগদীখরের সঙ্গে আমার অন্থ সম্বন্ধও আছে। তাই আজ সাহস করে এই চিঠিগানি লিখ্টি, এ তোমাদের মেজ-বৌয়ের চিঠি নয়।

তোমাদের সঙ্গে আমার সম্বন্ধ কপালে যিনি লিখেছিলেন তিনি ছাড়া যথন সেই সম্ভাবনার ক্থা আর কেউ জান্তনা সেই শিশু-বয়সে আমি আর আমার ভাই একসজেই সান্নিপাতিক স্বরে পড়ি। আমার ভাইটি মারা গেল, আমি বেঁচে উঠ্লুম। পাড়ার সব মেয়েরাই বলতে লাগ্ল, মুণাল মেয়ে কিনা তাই ও বাঁচল, বেটাছেলে হলে কি আর রক্ষা পেত ?—চ্রিবিভাতে যম পাকা; দামী জিনিবের পরেই তার লোভ।

আমার মরণ নেই। সেই কথাটাই ভালো করে বুঝিয়ে নলবার জয়েত এই চিঠিখানি লিখুতে বসেছি।

বেদিন ভোমাদের দূর-সম্পর্কের মামা ভোমার বন্ধু নীরদকে নিয়ে কনে দেখতে এলেন তথন আমার বয়স বারো। তুর্গম পাড়াগাঁয়ে আমাদের বাড়ি, সেখানে দিনের-বেলা শেয়াল ডাকে। ফেশন থেকে মাত ক্রোশ শ্যাকড়া গাড়িতে এসে বাকি তিন মাইল কাঁচা রাস্তার পাল্লী করে তবে আমাদের গাঁয়ে পোঁছন যায়। সেদিন ভোমাদের কি হয়রানী! তার উপরে আমাদের বাঙাল-দেশের রানা,—সেই রানার প্রহসন আজও মামা ভোলেননি।

তোমাদের বড়-বোয়ের রূপের অভাব মেজ-বোকে দিয়ে পূর্ণ করবার জন্মে তোমার মায়ের একান্ত জিদ ছিল। নইলে এত কট করে আমাদের সে গাঁয়ে তোমরা যাবে কেন ? বাংলা দেশে পিলে যক্ত অমুশূল এবং কনের জন্মে ত কাউকে থোঁজ করতে হয় না— ভারা আপনি এসে চেপে ধরে, কিছুতে ছাড়তে চায় না।

বাবার বুক ছরছর করতে লাগ্ল, মা তুর্গানাম জ্বপ করতে লাগ্লেন। সহরের দেবতাকে পাড়াগাঁরের পূজারী কি দিয়ে সস্তুষ্ট করবে ? মেয়ের রূপের উপর ভরসা; কিন্তু সেই রূপের গুমর ত মেয়ের মধ্যে নেই—বে ব্যক্তি দেখতে এসেছে সে ভাকে যে দামই দেবে সেই তার দাম। তাই ত হাজার রূপে গুণেও মেয়েমামুবের সক্ষোচ কিছুতে ঘোচে না।

সমস্ত বাড়ির, এমন কি, সমস্ত পাড়ার এই আতঙ্ক আমার বুকের
মধ্যে পাধরের মত চেপে বস্ল। সেদিনকার আকাশের যত আলে
এবং ক্লপতের সকল শক্তি যেন বারো বছরের একটি পাড়ার্গেরে

মেয়েকে ছুইজন পরীক্ষকের ছুই-জোড়া চোখের সামনে শক্ত করে ভূলে ধরবার জন্মে পেয়াদাগিরি করছিল—আমার কোথাও লুকোবার জায়গা ছিল না।

সমস্ত আকাশকে কাঁদিয়ে দিয়ে বাঁশি বাজ্তে লাগল—তোমাদের বাড়িতে এসে উঠ্লুম। আমার খুঁৎগুলি সবিস্তারে খতিয়ে দেখেও গিন্নির দল সকলে স্বীকার করলেন মোটের উপর আমি স্বন্দরী বটে। সে কথা শুনে আমার বড় জায়ের মুখ গস্তীর হয়ে গেল। কিন্তু আমার রূপের দরকার কি ছিল তাই ভাবি! রূপ জিনিষটাকে যদি কোনো সেকেলে পণ্ডিত গঙ্গামৃত্তিকা দিয়ে গড়তেন তাহরে ওর আদর থাক্ত—কিন্তু ওটা যে কেবল বিধাতা নির্জের আনন্দে

আমার যে রূপ আছে সে কথা ভূলতে তোমার বেশিদিন লাগেনি—
কিন্তু আমার যে বৃদ্ধি আছে সেটা তোমাদের পদে পদে স্মরণ করতে
হয়েছে। ঐ বৃদ্ধিটা আমার এতই স্বাভাবিক যে তোমাদের ঘরকরার
মধ্যে এতকাল কাটিয়েও আজও সে টি কৈ আছে। মা আমার এই
বৃদ্ধিটার জন্মে বিষম উদ্বিগ্ন ছিলেন, মেয়েমামুষের পক্ষে এ এক
বালাই। যাকে বাধা মেনে চলতে হবে সে যদি বৃদ্ধিকে মেনে চল্তে
চায় তবে ঠোকর খেয়ে খেয়ে তার কপাল ভাঙবেই। কিন্তু কি
করব বল ? তোমাদের ঘরের বোয়ের ষতটা বৃদ্ধির দরকার বিধাতা
অসতর্ক হয়ে আমাকে তার চেয়ে আনেকটা বেশি দিয়ে ফেলেছেন, সে
আমি এখন ফিরিয়ে দিই কাকে ? তোমরা আমাকে মেয়ে-জ্যাঠা
বলে ভূবেলা গাল দিয়েছ। কটু কথাই হচ্চে অক্ষমের সান্তুনা—
অতএব সে আমি ক্ষমা করলুম।

আমার একটা জিনিষ তোমাদের ঘরকল্পার বাইরে ছিল সেটা কেউ তোমরা জ্ঞাননি। আমি লুকিয়ে কবিতা লিখ্তুম। সে ছাই পাঁশ যাই হোক্ না সেখানে তোমাদের অন্দরমহলের পাঁচিল ওঠেনি। সেইখানে আমার মুক্তি—সেইখানে আমি আমি। আমার মধ্যে যা কিছু তোমাদের মেজ-বোকে ছাড়িয়ে রয়েছে সে তোমরা পছন্দ করনি চিন্তেও পারনি;—আমি যে কবি সে এই পনেরো বছরেও তোমাদের কাছে ধরা পডেনি।

ভোমাদের ঘরের প্রথম শ্বৃতির মধ্যে সব চেয়ে যেট। আমার মনে জাগচে সে, ভোমাদের গোয়াল-ঘর। অন্দরমহলের সিঁড়িতে ওঠবার ঠিক পাশের ঘরেই ভোমাদের গোরু থাকে, সাম্নের উঠোনটুকু ছাড়া তাদের আর নড়বার জায়গা নেই। সেই উঠোনের কোণে ভাদের জাবনা দেবার কাঠের গামলা। সকালে বেহারার নানা কাজ—উপবাসী গোরুগুলো ততক্ষণ সেই গামলার ধারগুলো চেটে চেটে চিবিয়ে চিবিয়ে খাব্লা করে দিত। আমার প্রাণ কাঁদত। আমি পাড়াগায়ের মেয়ে—ভোমাদের বাড়িতে যেদিন নতুন এশুম সেদিন সেই ছটি গোরু এবং তিনটি বাছুরই সমস্ত সহরের মধ্যে আমার চিরপরিচিত আত্মীয়ের মত আমার চোধে ঠেকল। যতদিন নতুন বৌ ছিলুম নিজে না খেয়ে লুকিয়ে ওদের খাওয়াতুম—যখন বড় হলুম তখন গোরুর প্রতি আমার প্রকাশ্য মমতা লক্ষ্য করে আমার ঠাট্রার সম্পর্কীয়েরা আমার গোত্রসম্বন্ধে সন্দেহ প্রকাশ করতে লাগ্লেন।

আমার মেয়েটি জন্ম নিয়েই মারা গেল। আমাকেও সে সংখ বাবার সমুদ্ধ ডাক দিয়েছিল। সে যদি বেঁচে থাক্ত ভাছলে সেই জামার জীবনে, যা কিছু বড়, যা কিছু সত্য, সমস্ত এনে দিত; তখন মেজ-বৌ থেকে একেবারে মা হয়ে বস্তুম। মা যে এক-সংসারের মধ্যে থেকেও বিশ্বসংসারের। মা-হবার ছঃখটুকু পেলুম কিন্তু মা-হবার মুক্তিটুকু পেলুম না।

মনে আছে ইংরেজ ডাক্তার এসে আমাদের অন্দর দেখে মাশ্চর্য্য হয়েছিল এবং আঁতুড়ঘর দেখে বিরক্ত হয়ে বকাবকি সদবে তোমাদের একট্থানি বাগান আছে। সাজসঙ্জা আসবাবের অভাব নেই। আর অন্দরটা যেন পশমের কাজের উল্টে। পিঠ—সেদিকে কোনো লঙ্জা নেই, 🕮 নেই, সক্তা নেই। সেদিকে আলো মিট্মিট্ করে জ্বলে; হাওয়া চোরের মত প্রবেশ করে, উঠোনের আবর্জ্জনা নড়তে চায় না; দেয়ালের এবং মেজের সমস্ত কলক অক্ষয় হয়ে বিরাজ করে। কিন্তু ডাক্তার একটা ভুল করেছিল, সে ভেবেছিল এটা বুঝি আমাদের অহোরাত্র ভুঃধ দেয়। ঠিক উল্টো; অনাদর জিনিষটা ছাইয়ের মত ; সে ছাই আগুনকে হয়ত ভিতরে ভিতরে জমিয়ে রাখে কিস্ত বাইরে থেকে তার তাপটাকে বুঝতে দেয় না। আত্মসম্মান যখন কমে যায় তখন অনাদরকে ত অগ্যায্য বলে মনে হয় না। সেই জত্যে তার বেদনা নেই। তাই ত মেয়েমামুষ ছঃখ বোধ করতেই লঙ্জা পায় ে আমি তাই বলি মেয়েমানুষকে ছঃখ পেতেই ছবে এইটে যদি ভোমাদের ব্যবস্থা হয়—ভাহলে যতদূর সম্ভব ভাকে জনাদরে রেখে দেওয়াই ভালো। আদরে ছঃখের ব্যথাটা কেবল (बर्फ बर्फ ।

বেমন করেই রাখ ছঃখ বে স্থাছে এ কথা মনে করবার কথাও

. কোনোদিন মনে আসেনি। আঁতুড়ঘরে মরণ মাধার কাছে এসে দাঁড়াল, মনে ভয়ই হল না। জীবন আমাদের কিইবা, যে মরণকে ভর করতে হবে ? আদরে যত্নে যাদের প্রাণের বাঁধন শক্ত করেছে, মরতে তাদেরই বাধে। সেদিন যম যদি আমাকে ধরে টান দিত তাহলে আলগা মাটি থেকে যেমন অতি সহজে ঘাসের চাপ্ড়া উঠে আসে সমস্ত শিকড়স্থদ্ধ আমি তেমনি করে উঠে আস্তুম। বাঙালীর মেয়ে ত কথায় কথায় মরতে যায়। কিন্তু এমন মরায় বাহাছরিটা কি! মরতে লজ্জা হয়,—আমাদের পক্ষে ওটা এতই স্হজ।

আমার মেয়েটি ত সন্ধ্যাতারার মত ক্ষণকালের জন্মে উদয়

হয়েই অস্ত গেল। আবার আমার নিত্যকর্ম্ম এবং গোরুবাছুর নিয়ে

পঙ্গুম। জীবন তেমনি করেই গড়াতে গড়াতে শেষ পর্যান্ত কেটে

বেত আজকে ভোমাকে এই চিঠি লেখবার দরকারই হত না। কিম্ব

বাজাসে সামান্য একটা বীজ উড়িয়ে নিয়ে এসে পাকা দালানের

মধ্যে অশ্বগাছের অঙ্কুর বের করে; শেষকালে সেইটুকু থেকে

ই টকাঠের বুকের পাঁজর বিদীর্ণ হয়ে যায়। আমারু সংসারের

পাকা বন্দোবস্তের মাঝখানে ছোট একটুখানি জীবনের কণা কোণা

থেকে উড়ে এসে পড়ল, তার পর্য থেকে ফাটল স্কুরু হল।

বিধবা মার মৃত্যুর পরে আমার বড় জায়ের বোন বিন্দু তার ধৃড়তত ভাইদের অত্যাচারে আমাদের বাড়িতে তার দিদির কাছে এসে যেদিন আশ্রয় নিলে তোমরা সেদিন ভাবলে এ আবার কোধাৰার আপদ! আমাত্র পোড়া স্বভাব, কি করব বল, দেখ্লুম ভৌমরা সুকলেই মনে মনে বিরক্ত হয়ে উঠেছ সেইজ্ঞেই এই নিরাশ্রার মেরেটির পাশে আমার সমস্ত মন যেন একেবারে কোমর বেঁধে দাঁড়াল। পরের বাড়িতে পরের অনিচ্ছাতে এসে আশ্রায় নেওয়া—সে কত বড় অপমান! দায়ে পড়ে সেও যাকে স্বীকার করতে হল তাকে কি একপাশে ঠেলে রাখা যায় ?

তার পরে দেখলুম আমার বড় জায়ের দশা। তিনি নিতান্ত দরদে পড়ে বোনটিকে নিজের কাছে এনেছেন। কিন্তু যখন দেখ্লেন স্থামীর অনিচ্ছা, তখন এমনি ভাব করতে লাগ্লেন যেন এ তাঁর এক বিষম বালাই—যেন এ'কে দূর করতে পারলেই তিনি বাঁচেন। এই অনাথা বোনটিকে মন খুলে প্রকাশ্যে স্নেহ দেখাবেন সোহদ তাঁর হল না। তিনি পতিব্রতা।

তাঁর এই সন্ধট দেখে আমার মন আরো ব্যথিত হয়ে উঠুল।
দেখলুম বড় জা সকলকে একটু বিশেষ করে দেখিয়ে দেখিয়ে বিন্দুর
খাওয়া-পরার এম্নি মোটা রকমের ব্যবস্থা করলেন, এবং বাড়ির
সর্বপ্রকার দাসীর্ভিতে তাকে এমন ভাবে নিযুক্ত করলেন যে
আমার, কেবল তুঃখ নয়, লজ্জা বোধ হল। তিনি সকলের কাছে
প্রমাণ করবার জ্বতো ব্যস্ত যে আমাদের সংসারে ফাঁকি দিয়ে
বিন্দুকে ভারি স্থবিধাদরে পাওয়া গেছে। ও কাজ দেয় বিস্তর
অথচ খরচের হিসাবে বেজায় শস্তা।

সামাদের বড় জারের বাপের বংশে কুল ছাড়া আর বড় কিছু
ছিল না। রূপণ্ড না টাকাণ্ড না। আমার শশুরের হাতে পারে ধরে
কেমন করে তোমাদের ঘরে তাঁর বিবাহ হল সে ত সমস্তই জান।
তিনি নিজের বিবাহটাকে এ বংশের প্রতি বিষম একটা অপরাধ
বিনেই চিরকাল মনে জেনেছেন। সেইজন্তে সকল বিষয়েই নিজেকে

যতদুর সম্ভব সঙ্কুচিত করে তোমাদের ঘরে তিনি অতি অল্প জারগ। জুড়ে থাকেন।

কিন্তু তাঁর এই সাধু দৃষ্টান্তে আমাদের বড় মুদ্ধিল হয়েছে।
আমি সকল দিকে আপনাকে অত অসম্ভব খাটো করতে পারিনে।
আমি যেটাকে ভালো বলে বুঝি আর-কারো খাতিরে সেটাকে এফান
বলে মেনে নেওয়া আমার কর্মানয়—তুমিও তার অনেক প্রমান
পেয়েছ।

বিন্দুকে আমি আমার ঘরে টেনে নিলুম। দিদি বল্লেন, "মেজ-বৌ গরীবের ঘ্রের মেয়ের মাথাটি খেতে বস্লেন।" আমি থেন বিষম একটা বিপদ ঘটালুম এমনি ভাবে তিনি সকলের কাছে নালিশ করে বেড়ালেন। কিন্তু আমি নিশ্চয় জানি তিনি মনে মনে বেঁচে গেলেন। এখন দোষের বোঝা আমার উপরেই পড়ল। তিনি বোনকে নিজে যে স্নেহ দেখাতে পারতেন না আমাকে দিয়ে সেই স্নেহটুকু করিয়ে নিয়ে তাঁর মনটা হাল্কা হল। আমার বড়জা বিন্দুর বয়স খেকে ছচারটে অঙ্ক বাদ দিতে চেফা করতেন। কিন্তু তার বুলি যে চোদর চেয়ে কম ছিল না একথা লুকিয়ে বল্লে তার বুলি মাথা ভাঙত তবে ঘরের মেজেটার জন্তেই লোকে উদ্বিয় হত। কাজেই পিতামাতার অভাবে কেউ তাকে বিয়ে দেবার ছিল না, এবং তাকে বিয়ে করবার মত মনের জ্বোরই বা ক'জন লোকের ছিল।

বিন্দু বড় ভয়ে ভয়ে আমার কাছে এল। বেন আমার গারে ভার হোঁয়াচ লাগ্লে আমি সইতে পারব না। বিশ্বসংসারে ভার যেন জন্মাবার কোনো সর্ত্ত ছিল না—তাই সে কেবলি পাশ কাটিয়ে চোধ এড়িয়ে চল্ত। তার বাপের বাড়িতে তার খুড়তত ভাইরা তাকে এমন একটু কোণও ছেড়ে দিতে চায়নি যে কোণে একটা সনাবশ্যক জিনিষ পড়ে থাকতে পারে। সনাবশ্যক সাবর্জনা ঘরের সাশেপাশে সনায়াসে স্থান পায় কেননা মানুষ তাকে ভুলে যায়, কিন্তু সনাবশ্যক মেয়েমানুষ যে একে সনাবশ্যক আবার তার উপরে তাকে ভোলাও শক্ত সেইজ্লে আঁস্তোকুঁড়েও তার স্থান নেই। কিন্তু ওড়তত ভাইরা যে জগতে পরমাবশ্যক পদার্থ তা বলনার জোনেই। কিন্তু তার বেশ আছে।

তাই বিন্দুকে যখন আমার ঘরে ডেকে আন্লুম তার বুকের মধ্যে কাঁপতে লাগ্ল। তার ভয় দেখে আমার বড় ছঃখ হল। আমার ঘরে যে তার একটুখানি জায়গা আছে সেই কথাটি আমি অনেক আদর করে তাকে বুঝিয়ে দিলুম।

কিন্তু আমার ঘর শুধুত আমারই ঘর নয়। কাজেই আমার কাজি সহজ হল না। ছুচার দিন আমার কাছে থাক্তেই তার গায়ে লাল-লাল কি উঠ্ল—হয়ত সে ঘামাচি, নয়ত আর কিছু হবে। তোমরা বল্লে বসন্তা। কেননা, ওযে বিন্দু। তোমাদের পাড়ার এক আনাড়ি ডাক্তার এসে বল্লে, আর ছুই একদিন না গেলে ঠিক বলা বার না। কিন্তু সেই ছুই একদিনের সব্র সইবে কে? বিন্দু ত তার বার্থমোর লক্জাতেই মরবার জো হল। আমি বল্লুম, বসন্ত হয়ত হোক্—আমি আমাদের সেই আঁতুড়ঘরে ওকে নিয়ে থাক্ব, আর কাউকে কিছু করতে হবে না। এই নিয়ে আমার উপরে গোন যথন সকলে মারমূর্ত্তি ধরেছ, এমন কি বিন্দুর দিদিও যথন

অত্যন্ত বিরক্তির ভান করে পোড়াকপালি মেয়েটাকে হাঁসপাগলে পাঠাবার প্রস্তাব করচেন এমন সময় 'ওর গায়ের সমস্ত লাল দাগ একদম মিলিয়ে গেল। তোমরা দেখি তাতে আরো ব্যস্ত হয়ে र्डिंदल। वल्रल, निम्ठय़हे वमस्त वरम शिरय़रह। दक्तना, ७रव विन्तृ।

অনাদরে মানুষ হবার একটা মস্ত গুণ, শরীরটাকে তাতে একেবারে অঞ্চর অমর করে তোলে। ব্যামো হতেই চায় না- মরার সদর রাস্তাগুলো একেবারেই বন্ধ। রোগ তাই ওকে ঠাট্রা করে গেল, কিছুই হল না। কিন্তু এটা বেশ বোঝা গেল পৃথিবীর মধ্যে সব रहरत अकिकि॰कत मानुसरक आधार प्रतिशाहि गर एटरा कठिन! আশ্রায়ের দরকার তার যত বেশি আশ্রায়ের বাধাও তার তেমনি বিষম।

আমার সম্বন্ধে বিন্দুর ভয় যখন ভাঙল তখন ওকে আর-এক গেরোয় ধরল। আমাকে এমনি ভালবাস্তে স্থরু কর্লে যে আমাকে ভন্ন ধরিয়ে দিলে। ভালবাসার এ রকম মূর্ত্তি সংসারে ত কোনোদিন **(मधिनि। वहेर**ग्रंट পড়েছি वटंहे. সেও মেয়ে পুরুষের মধ্যে। আমার যে রূপ ছিল সে কথা আমার মনে করবার কোনো কারণ বহুকাল ঘটেনি-এতদিন পরে সেই রূপটা নিয়ে পড়ল এই কুশ্রী মেয়েটি। আমার মুখ দেখে তার চোখের আশ আর মিটত না। বলত, "দিদি তোমার এই মুখখানি আমি-ছাড়া আর কেউ, দেখ্ডে পারনি।" বেদিন আমি নিজের চুল নিজে বাঁধতুম সেদিন ভার ভারি অভিমান। আমার চুলের বোঝা ছুই হাত দিয়ে নাড়তে চাড়তে ভার ভারি ভালো লাগ্ত। কোণাও নিমন্ত্রণে যাওয়া ছাড়া আ^{মার} সাজগোরজর ত দরকার ছিল না—কিন্তু বিন্দু আমাকে অন্থির করে রোজই কিছু-না-কিছু সাজ করাত। মেয়েটা আমাকে নিয়ে একেবারে পাগল হয়ে উঠ্ল।

ভোমাদের অন্দরমহলে কোথাও জমি এক ছটাক নেই। উত্তর

নিকের পাঁচিলের গায়ে নর্দ্দমার ধারে কোনোগতিকে একট। গাব

গাছ জন্মেছে। যেদিন দেখ্তুম সেই গাবের গাছের নতুন পাতাগুলি

রাঙা টক্টকে হয়ে উঠেছে সেইদিন জান্তুম ধরাতলে বসন্ত এসেছে

বটে। আমার ঘরকন্নার মধ্যে ঐ অনাদৃত মেয়েটার চিত্ত যেদিন

আগাগোড়া এমন রঙীন হয়ে উঠ্ল সেদিন আমি বুঝলুম হৃদয়ের

জগতেও একটা বসন্তের হাওয়া আছে—সে কোন্ স্বর্গ রেকে আসে,

গলির মোড় থেকে আসে না।

বিন্দুর ভালবাসার ত্বঃসহবেগে আমাকে অন্থির করে তুলেছিল—
একএকবার তার উপর রাগ হত সে কথা স্বীকার করি—কিন্তু তার
এই ভালবাসার ভিতর দিয়ে আমি আপনার একটি স্বরূপ দেখলুম
যা আমি জীবনে আর কোনোদিন দেখিনি। সেই আমার মুক্ত স্বরূপ।

এদিকে, বিন্দুর মত মেয়েকে আমি যে এতটা আদর যত্ন করচি
এ তোমাদের অত্যন্ত বাড়াবাড়ি বলে ঠেকল। এর জন্মে খুঁৎগুঁৎ থিটখিটের অন্ত ছিল না। যেদিন আমার ঘর থেকে বাজুবদ্দ
চুরি গেল সেদিন সেই চুরিতে বিন্দুর যে কোনোরকমের হাত ছিল
এ কথার আভাস দিতে তোমাদের লভ্জা হল না। যখন স্থদেশী
হাঙ্গামায় লোকের বাড়িতল্লাসী হতে লাগ্ল তখন তোমরা অনায়াসে
সন্দেহ করে বস্লে যে, বিন্দু পুলিষের পোষা মেয়ে-চর। তার
আর কোনো প্রমাণ ছিল না কেবল এই প্রমাণ যে, ও বিন্দু।
তোমাদের বাডির দাসীরা ওর কোনোরকম কাক্ত করতে আপতি

করত,—তাদের কাউকে ওর কাজ করবার ফরমাস করলে ও মেরেও একেবারে সকোচে যেন আড়র্ল্ট হয়ে উঠ্ত। এই সকল কারণেই 'ওর জন্মে আমার ধরচ বেড়ে গেল। আমি বিশেষ করে একজন আলাদা দাসী রাখ লুম। সেটা তোমাদের ভালো লাগেনি। বিন্দুকে আমি যে সব কাপড় পরতে দিতুম তা দেখে তুমি এত রাগ করেছিলে যে আমার হাত-খরচের টাকা বন্ধ করে দিলে। তার পরদিন থেকে আমি পাঁচশিকে দামের জোড়া মোটা কোরা কলের ধুতি পরতে আরম্ভ করে দিলুম। আর মতির মা রখন আমার এঁটো ভাতের থালা নিয়ে যেতে এল তাকে বারণ করে দিলুম। আমি নিজে উঠোনের কলতলায় গিয়ে এঁটো ভাত বাছুরকে খাইয়ে বাসন মেজেছি। একদিন হঠাৎ সেই দৃশ্যটি দেখে তুমি খ্ব খুসি হওনি। আমাকে খুসি না করলেও চলে আর তোমাদের খুসি না করলেও চলে আর তোমাদের

এদিকে ভোমাদের রাগও যেমন বেড়ে উঠেছে বিন্দুর বয়সও তেমনি বেড়ে চলেছে। সেই স্বাভাবিক ব্যাপারে ভোমরা অস্বাভাবিক রকমে বিব্রুত হয়ে উঠেছিলে। একটা কথা মনে করে আমি আশ্চর্য্য হই ভোমরা জোর করে কেন বিন্দুকে ভোমাদের বাড়ি থেকে বিদায় করে দাওনি। আমি বেশ বৃশ্বি ভোমরা আমাকে মনে মনে ভয় কর। বিধাতা যে আমাকে বৃদ্ধি দিয়েছিলেন ভিতরে ভিতরে ভার খাতির না করে ভোমরা বাঁচ না।

অবশেষে বিন্দু ক্রিজের শক্তিতে বিদায় কর্তে না পেরে তোমরা প্রজাপতি-দেবতার শ্রণাপন্ন হলে। বিন্দুর বর ঠিক হল। বড় জা বশ্লেন, বাঁচ্লুম, মা কালী আমাদের বংশের মুখ রক্ষা কর্লেন।

বর কেমন তা জানিনে; তোমাদের কাছে শুন্লুম সকল বিষয়েই ভালো। विन्नू आमात्र পा किष्ण्रिय धरत काँमरा नाग्न-वर्स, "मिनि, আমার আবার বিয়ে করা কেন ?"

আমি তাকে অনেক বুঝিয়ে বল্লুম,—"বিন্দু, তুই ভয় করিস্নে— শুনেছি তোর বর ভালো।"

विन्नू वल्टन,—"वत्र यनि ভाटना হত্ত আমার कि আছে যে আমাকে তার পছন্দ হবে 🕫

বরপক্ষেরা বিন্দুকে ত দেখ্তে আসবার নামও কর্লে না। বড় দিদি তাতে বড় নিশ্চিন্ত হলেন।

কিন্তু দিনরাত্রে বিন্দুর কান্না আর থাম্তে চায় না। সে তার কি কফ সে আমি জানি। বিন্দুর জন্মে আমি সংসারে অনেক লৃড়াই ^{করেছি} কিন্তু ওর বিবাহ বন্ধ হোক্ এ কথা বলবার সাহস আমার ^{रल ना}। किरमत रकारतहे वा वल्व ? आमि यनि मात्रा याहे ७ अत কি দশা হবে 🤊

একে ত মেয়ে, তাতে কালো মেয়ে—কার ঘরে চল্ল, ওর কি দশা হবে—দৈ কথা না ভাবাই ভালো। ভাবতে গেলে প্রাণ কেঁপে उट्टे ।

विन्तृ वरञ्ज,—"निनि, वि्रायत जात शांठिनन जार्छ, এর মধ্যে जामात मत्र हर्र ना कि 9"

यामि তাকে थूव धम्एक निनुम किन्नु अन्तर्शामी जातन यनि কোনো সহজ্বভাবে বিন্দুর মৃত্যু হতে পারত তাহলে আমি আরাম বোধ করতুম।

विवारकत्र जारगत्र मिन विन्तू जात्र मिनिएक शिक्ष वरत्न,—"मिनि,

আমি তোমাদের গোয়ালঘরে পড়ে থাক্ব, আমাকে যা বল্বে তাই করব, তোমার পায়ে পড়ি আমাকে এমন করে ফেলে দিয়ো না।"

কিছুকাল থেকে লুকিয়ে লুকিয়ে দিদির চোখ দিয়ে জল পড়ছিল, সেদিনও পড়ল। কিন্তু শুধু হৃদয় ত নয় শাস্ত্রও আছে; তিনি বয়েন, — "জানিস্ ত, বিন্দী, পতিই হচ্চে স্ত্রীলোকের গতিমুক্তি দব। কপালে যদি ত্বঃখ থাকে ত কেউ খণ্ডাতে পারবে না।"

আসল কথা হচ্চে কোনো দিকে কোনো রাস্তাই নেই—বিন্দুকে বিবাহ করতেই হবে—তার পরে যা হয় তা হোক।

' আমি চেয়েছিলুম বিবাহটা যাতে আমাদের বাড়িতেই হয়। কিন্তু তোমরা বলে বস্লে বরের বাড়িতেই হওয়া চাই—সেটা তাদের কৌলিক প্রথা।

আমি বুঝলুম বিন্দুর বিবাহের জন্মে যদি তোমাদের খরচ করতে হয় তবে সেটা তোমাদের গৃহদেবতার কিছুতেই সইবে না। কাজেই চুপ করে যেতে হল। কিন্তু একটি কথা তোমরা কেউ জানো না। দিদিকে জানাবার ইচ্ছে ছিল কিন্তু জানাইনি কেননা তাহলে তিনি ভয়েই মরে যেতেন,—আমার কিছু কিছু গয়না দিয়ে আমি লুকিয়ে বিন্দুকে সাজিয়ে দিয়েছিলুম। বোধ করি দিদির চোখে সেটা পড়ে থাক্বে কিন্তু সেটা তিনি দেখেও দেখেননি। দোহাই ধর্দের, সেজত্যে তোমরা তাঁকে ক্ষমা কোরো।

যাবার জাগে বিন্দু আমাকে জড়িয়ে ধরে বলে,—"দিদি, আ^{মাকে} ডোমরা তাহলে নিভাস্তই ত্যাগ করলে •"

আমি বল্লুম,—"না বিন্দী, ভোর যেমন দদ্ধাই হোকনা কেন আমি ভোকে শেষ পর্যাস্থ ভ্যাগ করব না।" তিন দিন গেল। বতামাদের তালুকের প্রজা খাবার জত্যে ভোমাকে যে ভেড়া দিয়েছিল তাকে তোমার জঠরাগ্নি থেকে বাঁচিয়ে সামি আমাদের একতলায় কয়লা-রাখবার ঘরের একপাশে বাস করতে দিয়েছিলুম। সকালে উঠেই আমি নিজে তাকে দানা খাইয়ে আস্তুম;
—তোমার চাকরদের প্রতি ছুই একদিন নির্ভর করে দেখেছি তাকে খাওয়ানার চেয়ে তাকে খাওয়ার প্রতিই তাদের বেশি ঝোঁক।

সেদিন সকালে সেই ঘরে চুকে দেখি বিন্দু এককোণে জড়সড় হয়ে বসে আছে। আমাকে দেখেই আমার পা জড়িয়ে ধরে লুটিয়ে পড়ে নিঃশব্দে কাঁদতে লাগুল।

বিন্দুর স্বামী পাগল।

"নত্যি বলছিন্ বিনদী ?"

"এত বড় মিখ্যা কথা তোমার কাছে বল্তে পারি দিদি ? [†]তিনি পাগল। শৃশুরের এই বিবাহে মত ছিল না—কিন্তু তিনি আমার শাশুড়িকে যমের মত ভয় করেন। তিনি বিবাহের পূর্বেবই কাশী চলে গেছেন। শাশুড়ি জেদ করে তাঁর ছেলের বিয়ে দিয়েছেন।"

আমি সেই রাশ-করা করলার উপর বসে পড়লুম। মেরেমানুষকে নেরেমানুষ দয়া করে না। বলে, ও ত মেরেমানুষ বই ত নয়। ছেলে হোক্না পাগল, সে ত পুরুষ বটে।

বিন্দুর স্বামীকে হঠাৎ পাগল বলে বোঝা যায় না—কিন্তু এক-একদিন সে এমন উদ্মাদ হয়ে ওঠে যে তাকে ঘরে তালাবদ্ধ করে রাখ্তে হয়। বিবাহের রাত্রে সে ভালো ছিল কিন্তু রাত-জাগা প্রভৃতি উৎপাতে দ্বিতীয় দিন থেকে তার মাথা একেবারে খারাপ হয়ে উঠ্ল। বিন্দু তুপুরবেলা পিতলের থালায় ভাত খেতে বসেছিল হঠাৎ তার স্বামী থালাস্থদ্ধ ভাত টেনে উঠোনে ফেলে দিলে। হঠাৎ কেমন তার মনে হয়েছে, বিন্দু স্বয়ং রাণীরাসমণি; বেহারাটা নিশ্চয় সোনার থালা চুরি করে রাণীকে তার নিজের থালায় ভাত খেতে দিয়েছে। এই তার রাগ। বিন্দু ত ভয়ে মরে গেল। তৃতীয় রাত্রে শাশুড়ি তাকে যখন স্বামীর ঘরে শুতে বল্লে বিন্দুর প্রাণ শুকিয়ে গেল। শাশুড়ি তার প্রচণ্ড, রাগলে জ্ঞান থাকে না। সেও পাগল, কিন্তু পূরো নয় বলেই আরো ভয়ানক। বিন্দুকে ঘরে চুক্তে হল। স্বামী সে রাত্রে ঠাণ্ডা ছিল। কিন্তু ভয়ে বিন্দুর শরীর যেন কাঠ হয়ে গেল। স্বামী যখন যুমিয়েছে অনেক রাত্রে সে অনেক কৌশলে পালিয়ে চলে এসেছে তার বিস্তারিত বিবরণ লেখবার দরকার নেই।

ন্থণায় রাগে আমার সকল শরীর জ্বলতে লাগল। আমি বল্লুম, এমন ফাঁকির বিয়ে বিয়েই নয়। বিন্দু তুই যেমন ছিলি তেমনি আমার কাছে থাক, দেখি তোকে কে নিয়ে যেতে পারে।

তোমরা বলে, বিন্দু মিখ্যা কথা বল্চে।

आिंग रह्मम्, ७ कथरना मिथा रालनि ।

ভোমরা বলে, কেমন করে জান্লে ?

्ञांभि बहुम, ञांभि निश्वर जानि।

তোমরা ভর দেখালে বিন্দুর খশুরবাড়ির লোকে পুলিস্-কেস্ কর্লে মুক্তিলে পড়তে হবে।

আমি বল্লুম, কাঁকি দিয়ে পাগল বরের সজে ওর বিয়ে দিয়েছে এ কথা কি আদালত শুন্বে না ? তোমরা বলে, তবে কি এই নিয়ে আদালত কর্ত্তে হবে নাকি ? কেন আমাদের দায় কিসের ?

আমি বল্লুম, আমি নিজের গয়না বেচে যা করতে পারি করব। তোমরা বল্লে, উকীলবাড়ি ছুটবে না কি ?

এ কথার জবাব নেই। কপালে করাঘাত করতে পারি, তার বেশি সার কি করব ?

ওদিকে বিন্দুর শশুরবাড়ি থেকে ওর ভাস্থর এসে বাইরে বিষম গোল বাধিয়েছে। সে বল্চে সে থানায় খবর দেবে।

আমার যে কি জোর আছে জানিনে—কিন্তু কশাইয়ের হাত পেকে যে গোরু প্রাণভরে পালিয়ে এসে আমার আশ্রয় নিয়েছে তাকে পুলিদের তাড়ায় আবার সেই কশাইয়ের হাতে ফিরিয়ে দিতেই হবে একথা কোনোমতেই আমার মন মানতে পারল ন। আমি স্পর্জা করে বল্লুম, তা দিক্ থানায় খবর!

এই বলে মনে করপুম, বিন্দুকে এইবেলা আমার শোবার ঘরে এনে তাকে নিয়ে ঘরে তালাবন্ধ করে বসে থাকি। গোঁজ করে দেখি, বিন্দু নেই। তোমাদের সঙ্গে আমার বাদ প্রতিবাদ যখন চলছিল তখন বিন্দু আপনি বাইরে গিয়ে তার ভাস্থ্রের কাছে ধরা দিয়েছে। বুঝেছে এ বাড়িতে যদি সে থাকে তবে আমাকে সে বিষম বিপদে কেল্বে।

মাঝখানে পালিয়ে এসে বিন্দু আপন ছঃখ আরো বাড়ালে। তার শাশুড়ির তর্ক এই বে, তার ছেলে ত ওকে খেয়ে ফেল্ছিল না। মন্দ স্বামীর দৃষ্টান্ত সংসারে ছুর্লভ নয় তাদের সঙ্গে তুলনা করলে তার ছেলে যে সোনার চাঁদ। আমার বড় জা বল্লেন, ওর পোড়াকপাল, তা নিয়ে ছঃখ করে কি করব প তা পাগল হোক ছাগল হোক স্বামী ত বটে।

কুষ্ঠ রোগীকে কোলে করে তার স্ত্রী বেশ্যার বাড়িতে নিজে পৌছে দিয়েছে সত্রী সাধ্বীর সেই দৃষ্টান্ত তোমাদের মনে জাগছিল; জগতের মধ্যে অধমতম কাপুরুষতার এই গল্পটা প্রচার করে আস্তে তোমাদের পুরুষের মনে আজ পর্যান্ত একটুও সঙ্কোচ বোধ হয়নি, সেইজগ্রই মানবজন্ম নিয়েও বিন্দুর ব্যবহারে তোমরা রাগ করতে পেরেছ, তোমাদের মাথা হেঁট হয়নি। বিন্দুর জন্মে আমার বৃক্তিটে গেল কিন্তু তোমাদের জন্মে আমার লজ্জার সীমা ছিলনা। আমি ত পাড়াগোঁরে মেয়ে, তার উপরে তোমাদের ঘরে পড়েছি, ভগবান কোন্ ফাঁক দিয়ে আমার মধ্যে এমন বৃদ্ধি দিলেন ? তোমাদের এই সব ধর্মের কথা আমি যে কিছুতেই সইতে পারলুম না!

আমি নিশ্চয় জানতুম, মরে গেলেও বিন্দু আমাদের ঘরে আর আস্বে না। কিন্তু আমি যে তাকে বিয়ের আগের দিন আশা দিয়েছিলুম যে, তাকে শেষ পর্যান্ত ত্যাগ করব না। আমার ছোট ভাই শরৎ কলকাতায় কলেজে পড়ছিল; তোমরা জানই ত যত-রক্মের ভল শ্রিয়ারি করা, প্লেগের পাড়ার ইঁছুর মারা, দামোদরের বহুায় ছোটা, এতেই তার এত উৎসাহ যে উপরি উপরি ছবার সে এফ,এ, পরীক্ষায় ফেল করেও কিছুমাত্র দমে যায়নি। তাকে আমি ডেকে বল্লুম, বিন্দুর খবর যাতে আমি পাই তোকে সেই বন্দোবস্ত করে দিতে হবে শরং। বিন্দু আমাকে চিঠি লিখতে সাহস করবে না—লিখ্লেও আমি পাব না।

এ ব্লক্ষম কাজের চেয়ে যদি তাকে বলতুম বিন্দুকে ডা^{কাতি}

করে আন্তে কিম্বা তার পাগল স্বামীর মাধা ভেঙে দিতে তাহলে সেবেশি থুসি হত।

শরতের সঙ্গে আলোচনা করচি এমন সময় তুমি ঘরে এসে বল্ল আবার কি হান্সামা বাধিয়েছ ?

আমি বল্লুম, সেই যা সব গোড়ায় বাধিয়েছিলুম, তোমাদের ঘরে এসেছিলুম, —কিন্তু সে ত তোমাদেরই কীর্ত্তি।

তৃমি জিজ্ঞাস। করলে,—"বিন্দুকে আবার এনে কোথাও পুকিয়ে রেখেছ ?"

আমি বল্লুম,—"বিন্দু যদি আস্ত তাহলে নিশ্চয় এনে লুকিয়ে রাগতুম। কিন্তু সে আস্বে না, তোমাদের ভয় নেই।"

শবংকে আমার কাছে দেখে তোমার সন্দেহ আবো বেড়ে উঠল। আমি জানতুম শবং আমাদের বাড়ি বাতায়াত করে এ তোমরা কিছুতেই পছন্দ করতে না। তোমাদের ভয় ছিল ওর পরে পুলিসের দৃষ্টি আছে—কোন্দিন ও কোন্ রাজনৈতিক মাম্লার পড়বে ভবন তোমাদের স্থন্ধ জড়িয়ে ফেলবে। সেইজন্মে আমি ওকে ভাইকোঁটা পর্যান্ত লোক দিয়ে পাঠিয়ে দিতুম, ঘরে ডাকতুম না।

তোমার কাছে শুন্দুম বিন্দু আবার পালিয়েছে তাই তোমাদের বাড়িতে তার ভার্ম্বর ধোঁজ করতে এসেছে। শুনে আমার বুকের মধ্যে শেল বিধল। হতভাগিনীর বে কি অসম্ভ কর্ম্ট তা বুঝালুম স্বাচ কিছুই করবার রাস্তা নেই।

শরৎ খবর নিতে ছুটল। সন্ধার সময় ফিরে এসে আমাকে বলে, বিন্দু তার খুড়তত ভাইদের বাড়ি গিয়েছিল কিন্তু তারা তুমুল রাগ করে তথনি আবার তাকে খণ্ডড়বাড়ি পৌছে দিয়ে গেছে। এর জন্মে তাদের খেসারৎ এবং গাড়িভাড়া দণ্ড যা ঘটেছে তার বাঁজ এখনো তাদের মন থেকে মরেনি।

তোমাদের খুড়িমা শ্রীক্ষেত্রে তীর্থ করতে যাবেন বলে তোমাদের বাড়িতে এসে উঠেছেন। স্থামি তোমাদের বল্লুম, স্থামিও যাব।

আমার হঠাৎ এমন ধর্ম্মে মন হয়েছে দেখে তোমরা এত পুসি হয়ে উঠলে যে কিছুমাত্র আপত্তি করলে না। এ কথাও মনে ছিল যে, এখন যদি কলকাতায় থাকি তবে আবার কোন্দিন বিন্দুকে নিয়ে ফ্যাসাদ বাধিয়ে বস্ব। আমাকে নিয়ে বিষম ল্যাঠা।

বুধবারে আমাদের যাবার দিন, রবিবারে সমস্ত টিক হল। আমি শরৎকে ডেকে বল্লুম, যেমন করে হোক্ বিন্দৃকে বুধবারে পুরী-যাবার গাড়ীতে তোকে তুলে দিতে হবে।

শরতের মুখ প্রফুল্ল হয়ে উঠল,—সে বলে, ভয় নেই দিদি, জামি তাকে গাড়িতে তুলে দিয়ে পুরী পর্যান্ত চলে যাব—ফাঁকি দিয়ে জগলাধ দেখা হয়ে যাবে।

সেইদিন সন্ধার সময় শরৎ আবার এল। তার মুখ দেখেই আমার বুক দমে গেল। আমি বল্লুম,—"কি শরৎ, স্থবিধা হল না বৃবি ?"

সে বল্লে,—"না।"

আমি বল্লুম,—"রাজি করতে পারলিনে ?"

সে বল্লে,—"আর দরকারও নেই। কাল রান্তিরে সে ^{কাপড়ে} আগুল ধরিয়ে আত্মহত্যা করে মরেছে। বাড়ির যে ভাইপোটার সঙ্গে ভাব করে নিয়েছিলুম, তার কাছে খবর পেলুম ভোমার ^{নামে} সে একটা চিঠি রেখে গিরেছিল কিন্তু সে চিঠি ওরা নক্ট করেছে।"

यादि, भाखि रन !

দেশস্থদ্ধ লোক চটে উঠল। বল্তে লাগল, মেয়েদের কাপড়ে অগুন লাগিয়ে মরা একটা ফ্যাসান্ হয়েছে।

তোমরা বল্লে, এ সমস্ত নাটক করা ! তা হবে। কিন্তু নাটকের তামাসাটা কেবল বাঙালী মেয়েদের শাড়ির উপর দিয়েই হয় কেন, আর বাঙালী বীরপুরুষদের কোঁচার উপর দিয়ে হয় না কেন সেটাও ত ভেবে দেখা উচিত।

বিন্দীটার এম্নি পোড়াকপাল বটে ! যতদিন বেঁচে ছিল রূপে গুণে কোনো যশ পায়নি—মরবার বেলাও যে একটু ভেবে চিন্তে এমন একটা নতুন ধরনে মরবে যাতে দেশের পুরুষরা খুসি হয়ে হাততালি দেবে তাও তার ঘটে এল না ! মরেও লোকদের চটিয়ে দিলে !

দিদি ঘরের মধ্যে লুকিয়ে কাদলেন। কিন্তু সে কান্নার মধ্যে একটা সাস্ত্রনা ছিল। যাই হোক্ না কেন, তবু রক্ষা হয়েছে, মরেছে বইত না; বেঁচে থাকলে কি না হতে পারত!

আমি তীর্থে এসেছি। বিন্দুর আর আসবার দরকার হল না, কিন্তু আমার-দরকার ছিল।

ছঃখ বলতে লোকে যা বোঝে ভোমাদের সংসারে তা আমার ছিল না। তোমাদের ঘরে খাওয়া-পরা অসচছল নয়; ভোমার দাদার চরিত্র যেমন হোক্ ভোমার চরিত্রে এমন কোনো দোষ নেই যাতে বিধাতাকে মন্দ বলতে পারি। যদি বা ভোমার সভাব ভোমার দাদার মতই হত ভাহলেও হয়ত মোটের উপর আমার এমনি ভাবেই দিন চলে বেত এবং আমার সতীসাধবী বড় জায়ের মত পতিদেবতাকে দোষ না দিয়ে বিশ্বদেবতাকেই আমি দোষ দেবার চেষ্টা করতুম। অতএব তোমাদের নামে আমি কোনো নালিশ উত্থাপন করতে চাইনে—আমার এ চিঠি সেজস্থে নয়।

কিন্তু আমি আর তোমাদের সেই সাতাশ নম্বর মাখন বড়ালের গলিতে ফিরব না। আমি বিন্দুকে দেখেছি। সংসারের মাঝখানে মেয়েমামুষের পরিচয়টা যে কি তা আমি পেয়েছি। আর আমার দরকার নেই।

তারপরে এও দেখেছি ও মেয়ে বটে তবু ভগবান ওকে ত্যাগ করেন নি। ওর উপরে তোমাদের যত জোরই থাক না কেন, দে ক্ষোরের অস্ত আছে। ও আপনার হতভাগ্য মানবজ্ঞার চেয়ে বড়। তোমরাই যে আপন ইচ্ছামত আপন দস্তর দিয়ে ওর জীবনটাকে চিরকাল পায়ের তলায় চেপে রেখে দেবে তোমাদের পা এত লম্বা নয়! মৃত্যু তোমাদের চেয়ে বড়। সেই মৃত্যুর মধ্যে সে মহান—সেখানে বিন্দু কেবল বাঙালী ঘরের মেয়ে নয়, কেবল খুড়তত ভাইয়ের বোন নয়, কেবল অপরিচিত পাগল স্বামীর প্রবিশ্বিত স্ত্রী নয়। সেখানে সে অনস্তঃ।

সেই মৃত্যুর বাঁশি এই বালিকার ভাঙা হুদুরের ভিতর দিয়ে আমার জীবনের যমুনাপারে যেদিন বাজল সেদিন প্রথমটা আমার বুকের মধ্যে যেন বাণ বিঁধল। বিধাতাকে জিজ্ঞাসা করলুম জগতের মধ্যে যা কিছু সব চেয়ে ভূচ্ছ ভাই সব চেয়ে কঠিন কেন? এই গলির মধ্যকার চারিদিকে-প্রাচীর-ভোলা নিরানন্দের অভি সামান্ত বুদুদ্টা এমন ভরত্বর বাধা কেন? ভোমার বিশ্বজ্ঞপথ তার ছয় ঋতুর মুধাপাত্র ছাতে করে যেমন করেই ভাক দিব্ন নি

চৌকঠি পেরতে পারি নে ?—তোমার এমন ভুবনে আমার এমন জীবন নিয়ে কেন ঐ অতি তুচ্ছ ইঁটকাঠের আড়ালটার মধ্যেই আমাকে ভিলে ভিলে মরতেই হবে। কত তুচ্ছ আমার এই প্রতি-দিনের জীবনযাত্রা, কত তুচ্ছ এর সমস্ত বাঁধা নিয়ম, বাঁধা অভ্যাস, বাঁধা বুলি, এর সমস্ত বাঁধা মার—কিন্তু শেষ পর্যাস্ত সেই দীনভার নাগপাশবন্ধনেরই হবে জিত,—আর হার হল ভোমার নিজের স্বপ্তি ঐ আনন্দলোকের ?

কিন্তু মৃত্যুর বাঁশি বাজতে লাগল,—কোথায় রে রাজমিস্তির গড়া দেয়াল, কোথায় রে তোমাদের ঘোরো, আইন দিয়ে গড়া কাঁটোর বেড়া! কোন্ ছঃথে কোন্ অপমানে মামুষকে বন্দী করে রেখে দিতে পারে! ঐত মৃত্যুর হাতে জীবনের জয়পতাক৷ উড়চে! ওরে মেজ-বৌ, ভয় নেই ভোর! ভোর মেজ-বৌয়ের খোলষ ছিল্ল হতে এক নিমেষও লাগেনা!

তোমাদের গলিকে আর আমি ভয় করিনে। আমার সমূখে আজ নীল সমুদ্র, আমার মাথার উপরে আষাঢ়ের মেঘপুঞ্জ।

তোমাদের অভ্যাসের অন্ধকারে আমাকে ঢেকে রেখে দিয়েছিলে।
কণকালের জন্ম বিন্দু এসে সেই আবরণের ছিদ্র দিয়ে আমাকে দেখে
নিয়েছিল। সেই মেয়েটাই তার আপনার মৃত্যু দিয়ে আমার
আবরণখানা আগাগোড়া ছিন্ন করে দিয়ে গেল। আজ বাইরে এসে
দেখি আমার গোরব রাখবার আর জায়গা নেই। আমার এই
অনাদৃত রূপ বাঁর চোখে ভালো লেগেছে, সেই ফুন্দর সমস্ত আকাশ
দিয়ে আমাকে চেয়ে দেখচেন। এইবার মরেচে মেজ-বোঁ!

তুমি ভাবচ আমি মরতে যাচ্চি—ভয় নেই, অমন পুরোণো ঠাট্টা

ভোমাদের সঙ্গে আমি করব না। মীরাবাইও ভ আমারি মত মেয়ে-মানুষ ছিল—তার শিকলও ত কম ভারি ছিল না, তাকে ত বাঁচবার জন্মে মরতে হয়নি। মীরাবাই তার গানে বলেছিল, "ছাড়ুক বাপ, ছাড়ুক মা, ছাড়ুক যে যেখানে আছে; মীরা কিন্তু লেগেই রইল, প্ৰভূ, ভাতে তার যা হবার তা হোক্!" এই লেগে থাকাই ত বেঁচে থাকা।

वांभिश्व वाँहव। वांभि वाँहनूम।

তোমাদের চরণতলা শ্রয়চ্ছিন্ন-- মূণাল।

শ্রীরবীক্রনাথ ঠাকুর।

পত্ৰ

সম্পাদক-মহাশয়সমীপেষু---

আপনি যে নৃতন কাগজ বার করেছেন, তার যদি কোন উদ্দেশ্য থাকে ত সে হচেছ, নৃতন কথা নৃতন ধরণে বলা। এ উদ্দেশ্য সফল কর্তে হলে, নৃতন লেখক চাই,—নচেৎ সবুজ্ঞপত্র কালক্রমে খেতপত্রে পরিণত হবে।

যদিচ আপনি মুখপত্রে "আমির" পরিবর্ত্তে "আমরা" শৃক ব্যবহারে করেছেন, তথাপি ঐ বহুবচনের পিছনে যে বহু লেখক আছেন, তার কোনও প্রমাণ পাওয়া গেল না। বাক্ষলায় দ্বিচন নেই, সম্ভবতঃ সেই কারণেই আপনি প্রথমপুরুষের বহুবচন ব্যবহার কর্তে বাধ্য হয়েছেন। কারণ অভাবধি কেবলমাত্র ছটি লেখকেরই পরিচয় পাওয়া গেছে—এক সম্পাদক, আর এক শ্রীস্থক্ত রবীক্সনাথ ঠাকুর।

শ্রীযুক্ত সভ্যেন্দ্রনাথ দত্তকে গুণ্ তির মধ্যে ধরা গেল না, কেননা লাপনারা লেখার যা নমুনা দেখিরেছেন, তার থেকে স্পর্টেই বোঝা যায় যে স্থাপনার প্রধান ভরসাত্মল হচ্ছে গছা। কারণ সোজা কথা বাঁকা করে এবং বাঁকা কথা সোজা করে বলা পছের রীতি নয়।

আর ছিলুম আমি,—কিন্তু আর বেশিদিন বে থাক্ব কিন্থা থাক্তে পার্ব, এমন আমার ভরসা হয় না। হয় আপনি আমাকে ছাড়বেন, নরত আমি আপনাকে ছাড়ব। আমার লেখায়, আর বাই হোক্, সব্তপত্রের বে গৌরব বৃদ্ধি হয়নি, একথা সর্ব্ব-সমালোচক-সম্মত। এ অবস্থায়, "বীরবল" অভঃপর "আবুল-ফলল" হওয়া ব্যতীত উপায়ান্তর দেশ্তে পাচ্ছেন না। ভবিশ্বতে আইন-ই-আক্সরেজি নামক বে
নব-বিশ্বকোষ রচনা কর্ব—"সবুজ্বপত্রে" তার স্থান হবে না। যদি
"ফৈজি" হতে পারতুম, তাহলেও না হয় আপনার কাগজের জন্য
একখানি দেশকালোপযোগী অর্থাৎ স্বয়ন্থরা-তিরস্কৃত একখানি
"নলদমন" রচনা কর্তে পার্তুম, কিন্তু সে হবার যো নেই।
আমাকে আবুল-ফজল হতেই হবে। আশা করি, বাঙ্গলার নবীন
আবুল-ফজলদের মধ্যে কেউ-না-কেউ আমার সঙ্গে পেশা বদ্লে
নেবেন, কেননা সাহিত্য-রাজ্যে বীরবলেরও আবশ্যকতা আছে।
ইংরাজেরা বলেন—এক কোকিলে বসন্ত হয় না—অর্থাৎ আর
পাঁচরজের আর পাঁচটি পাধীও চাই। বাঙ্গলা-সাহিত্যের উভানে
যদি বসন্তথ্যতু এসে থাকে, তাহলে সেখানে কোকিলও থাক্বে,
কাঠ-ঠোক্রাও থাকবে, লক্ষা-পোঁচাও থাকবে, হতুম-পোঁচাও থাকবে।
মনোরাজ্যে যখন নানা পক্ষ আছে তখন নানা পক্ষী থাকাই স্বাভাবিক।
যেমন এক "বউ কথাকও" নিয়ে কবিতা হয় না, তেমনি এক
"চোধ-গেল" নিয়ে দর্শনও হয় না।

উপরোক্ত ভাবে বাদসাদ দিয়ে শেষে দাঁড়াল এই বে, আপনার কাগজের যা প্রধান প্রয়োজন সেইটিই হচ্ছে তার প্রধান অভাব—
অর্থাৎ নৃতন লেখক। মনে রাখ্বেন যে, এদেশে আজকাল থাটি
সাহিত্য চল্বে না, চল্বে যা— তা হচ্ছে জাতীয় সাহিত্য;— যদিচ
এ কথার সার্থকতা কি সে সম্বন্ধে কারো স্পক্ট ধারণা নেই। কোনও
লেখা যদি সাহিত্য না হয়, তব্ও তার আর মার নেই—যদি তা
তথাক্ষিত জাতীয় হয়। এয় কারণ, প্রথমতঃ আমরা বিশেষ্কের চাইতে
বিশেষণের স্থাধিক ভক্ত, বিতীয়তঃ আমরা সাহিত্য বিচার করতে পারি

আর না পারি, জাত-বিচার কর্তে জানি। বলা বাহুল্য যে, তুহাতে কখনো জাতীয় দাহিত্য গড়ে তোলা যায় না। তুহাতে অবশ্য তালি বাজে। আপনারা যদি স্বজাতিকে অহর্নিশি করতালি দিতে প্রস্তুত হতেন, তাহলে আপনাদের হাতে জাতীয় দাহিত্য রচিত হত; কিন্তু দে বিবরে আপনাদের যথন তাদৃশ উৎসাহ দেখা যাচেছ না, তখন নূতন লেখক চাই।

বাঙ্গলা-লেখ্বার লোকের অভাব না থাক্লেও, "সবুজপত্রে" লেথ্বার লোকের অভাব যে কেন ঘট্ছে, তার কারণ নির্ণয় কর্তে হলে বঙ্গ-সাহিত্যের বর্ত্তমান অবস্থার প্র্যালোচনা করা আবশ্যক।

বাঙ্গলা সাহিত্যে যে আজ বসন্তকাল উপস্থিত, "সবুজপত্রের" মাবির্ভাব তার একমাত্র প্রমাণ নয়। ইতিপূর্বেবই স্বদেশী জ্ঞানবুক্লের নানা ডালপালা বেরিয়েছে, এবং অন্ততঃ তার একটি শাখায়—অর্থাৎ ইতিহাসের অক্লয় শাখায়—এমন ফুল ফুটেছে ও ফল ধরেছে যা সমালোচকদের নখনস্তের অধিকার বহিন্ত্রত; কেননা সে ফুল তামার এবং সে ফল পাথরের।

কিন্তু আপনি পাঠকদের এই ফলাহারে নিমন্ত্রণ করেননি।
আপনি সবুজ্পত্রে যে ফল পরিবেষণ কর্তে চান্, সে জ্ঞানরক্ষের
ফল নয়, কিন্তু তার চাইতে ঢের বেশি মুখরোচক সংসারবিষরক্ষের
সেই ফল, যা আমাদের পূর্বপুরুষেরা অমৃত্যোপম মনে কর্তেন।
সেই জাতীয় লেখকেরা হচ্ছেন আপনার মনোমত, যাঁরা কিছুই আবিজার
করেন না কিন্তু সবই উদ্ভাবনা করেন,—যাঁরা বস্তুজ্গাংকে বিজ্ঞানের
হাতে সমর্পণ করে মনোজগতের উপাদান নিয়ে সাহিত্য গড়েন।
আমাদের সাহিত্যসমাজে কবি দার্শনিকের ভিড়ের

বৈজ্ঞানিকদেরই খুঁজে পাওয়া ভার, অতএব আপনার স্বজাতীয় সাহিত্যিকের অভাব এদেশে মোটেই নেই। তাহলেও তাঁরা যে উপযাচী হয়ে এসে আপনাদের দলে ভিড়্বেন, তার সম্ভাবনা কম,—
কেননা, যাতে করে দল বাঁধে, সেরকম কোনও মতের সন্ধান আপনাদের লেখায় পাওয়া যায় না।

সকল দেশেই মনেরও একটা চল্তি পথ আছে। অভ্যাসবশতঃ এবং সংস্কারবশতঃ দলে দলে লোক সেই পথ-ধরেই চলতে ভালবাসে, কারণ মুখ্যতঃ সে পথ হচ্ছে জনসাধারণের জীবনযাত্রার পথ। সে পথ মহাজনদের হাতে রচিত হয়নি, কিন্তু লোকসমাজের পায়ে গঠিত হয়েছে। আপনারা বন্ধ-সরস্বতীকে সেই পরিচিত পথ ছেড়ে একটি নৃতন এবং কাঁচা রাস্তায় চালাতে চান। আপনারা বলেন— "সমুখে চল"; কিন্তু বৃদ্ধিমানরা .বলেন—"নগণস্ঠাগ্রতোগচ্ছেৎ!" আপনাদের মত এই যে, সামাজিক জীবনের পদামুসরণ করা কবি কিম্বা मार्गनिएकत मरनत कांक नग्न। कीवनरक পথ দেখানই হচ্ছে সে মনের ধর্ম, অতএব কর্ত্তব্য। স্থতরাং আপনাদের দারা উদ্ভাবিত, অপরিচিত এবং অপরীক্ষিত চিন্তামার্গে অগ্রাসর হতে অনেকেই অস্বীকৃত হবেন। বিশেষতঃ যখন সে পথের একটা নির্দ্দিষ্ট গন্তব্য স্থান নেই--বিদ বা থাকে ত সে অলক। বর্ত্তমান-ভারতের পরপারে অবস্থিত। শুন্তে পাই, ইউরোপের সকল স্থল-পথই রোমে যায়। তেমনি এদেশের সকল হাঁটা-পথই কাশী যায়। কিন্তু আপনারা যখন বাঞ্চালীর মনকে কাশীযাত্রা না করিয়ে সমুদ্রযাত্রা করাতে চান, তখন যে নূতন লেখকেরা সবুজ্ঞপত্র নিয়ে আপনাদের সঙ্গে এক-পংক্তিতে বসে ষাবেন, এক্ষপ আশা করা রূপা। স্কুতরাং আপনাদের সেই শ্রে^{ণীর} লেখক সংগ্রহ কর্তে হবে যাঁদের কাছে আপনাদের সাহিত্য অচল নয়। এ দলের বহুলোক আপনার হাতের গোড়াতেই আছে।

গত বৈশাখ মাসের "ভারতী" পত্রিকাতে আপনি বিলেত-ফেরৎ বলে
নিজের পরিচয় দিয়েছেন। প্রাচীন ব্রাহ্মণ-সমাজে এ সম্প্রদায়ের স্থান
নেই—স্তরাং নৃতন ব্রাহ্মণ-সমাজ অর্থাৎ সাহিত্য সমাজে এঁদের তুলে
নেওয়া হচ্ছে আপনার পক্ষে কর্ত্তব্য। অতীতের উদ্ধারের পাণ্টাজবাব দিতে হলে, পতিতের উদ্ধার করা আবশ্যক।

বিলেত-ফেরতদের লেখায় আর কিছু থাক আর না থাক্—নূতনত্ব থাক্বেই। ৺ মাইকেল দত্ত, শ্রীযুক্ত রবীন্দ্রনাথ ঠাকুর এবং ৺ বিজেন্দ্রলাল রায় এই তিনটি বিলেত-ফেরৎ কবির ভাষায় ও ভাবে এতটা অপূর্ববতা ছিল যে, আদিতে তার জন্ম এঁদের হুজনকে পুরাতনের কাছে অনেক ঠাট্টাবিজ্ঞপ সহা কর্তে হয়েছিল। ৺ বিজেন্দ্রলাল রায়কে যে কেউ ঠাট্টা করেন নি তার কারণ, তিনি সকলকে ঠাট্টা করেছেন। এই থেকেই প্রমাণ পাওয়া যায় যে, বিলেত-ফেরতের হাতে পড়লে বঙ্গ-সাহিত্যের চেহারা ফিরে যায়।

আসল. কথা, এ যুগের বঙ্গ-সাহিত্য হচ্ছে বিলেতি চংয়ের সাহিত্য। যে হিসেবে দাশরথি রায়ের পাঁচালি ও গোবিন্দ অধিকারীর যাত্রা গাঁটি বাঙ্গলা-সাহিত্য—সে হিসেবে নব-সাহিত্য গাঁটি বঙ্গ-সাহিত্য নয়। এর জন্মে কেউ কেউ ছুঃখও করেন। চোখের জল কেলবার কোনও মুযোগ বাঙ্গালী ছাড়ে না। ব্যাস-বাল্মিকীর জন্মও আমরা যেমন কাঁদি, পাঁচালিওয়ালাদের জন্মও আমরা তেমনি কাঁদি। কিন্তু সমালোচকের। চক্ষের জলে বক্ষ ভাসিয়ে দিলেও, বক্ষ-সরস্বতী আর গোবিন্দ অধিকারীর অধিকার ভুক্ত হবেন না, এবং দাশরথিকেও সারথি কর্বেন না।

আমাদের নব-সরস্বতী বিশ্ববিদ্যালয়ে প্রতিষ্ঠিতা এবং কলেজে শিক্ষিত লোকেরাই অতাবধি তাঁর সেবা করে আস্ছেন এবং ভবিষ্যতেও কর্বেন—কেউ ফোঁটা কেটে, কেউ ছাট পরে। এই প্রভেদের কারণ নির্দেশ করছি। পুরাকালে যখন ক্ষত্রিয়েরা একসঙ্গে সুরা এবং সোম পান্ কর্তেন, তখন ব্রাহ্মণেরা এই শাস্তি-বচন পাঠ কর্তেন

—"অহে স্থরা ও সোম, তোমাদের জন্ত দেবগণ পৃথক্ পৃথক্ রূপে স্থান করনা করিয়াছেন। তুমি তেজন্বিনী স্থরা, আর ইনি রাজা সোম, তোমরা আপন আপন স্থানে প্রবেশ কর।"

স্থামরাও কুলেজে যুগপৎ ইংরাজি স্থরা এবং সংস্কৃত সোম পান করেছি। তুর্ভাগ্যক্রমে আমাদের তুটি পাকস্থলী না থাকায়, সেই স্থরা আর সোম আমাদের উদরস্থ হয়ে পরস্পর লড়াই কর্ছে। আমাদের সাহিত্য সেই কলহে মুখরিত হয়ে উঠেছে। আমাদের যে নেশা ধরেছে, সে মিশ্র-নেশা। তবে কোখাও বা তাতে স্থরার তেজ বেশি, কোগাও বা সোমের। মনোজগতে যে আমরা সকলেই বিলেত ফেরৎ, এই কথাটা মনে রাখলে, সাহিত্য-মন্দিরে আপনার সম্প্রদায়কে প্রবেশ করতে সাহিত্যের পাণ্ডারা আর বাধা দেবেন না, বরং উৎসাইই দেবেন; কেননা আমরা সকলেই ইংরাজি-সাহিত্যে শিক্ষিত, আপনারা উপরস্থ ইংরাজি-সভ্যতায় দীক্ষিত।

সামাজিক হিসেবে বিলেত-ফেরতদের এই গুরুগৃহ-বাসের ফল যাই হোক, সাহিত্য-হিসেবে এর ফল ভাল হবারই সম্ভাবনা। কারণ ইংরাজি-জীবনের সঙ্গে ইংরাজি-সাহিত্যের সম্বন্ধ অতি ঘনিষ্ঠ। ইংরাজি-জীবনের সঙ্গে বাঁর সাক্ষাৎ-পরিচয় আছে, তিনি জানেন বে ইউরোপে সাহিত্য হচেছ জীবনের প্রকাশ ও প্রতিবাদ—আর সে

পরিচয় যাঁর নেই, তিনি ভাবেন যে, ও শুধু বাদামুবাদ। সাহিত্যের ভাষ্য ও টীকা জীবনসূত্র হতে বিচ্ছিন্ন হয়ে পড়লে ভা শুধু কংার কথা হয়ে ওঠে। সেই কারণে নব-শিক্ষিত-সম্প্রদায়ের জীবনে ইংরাঞ্জি-জীবনের প্রভাব যে পরিমাণে কম, তাঁদের রচিত সাহিত্যে ইংরাজি কথার প্রভাব তত বেশি। এর প্রকৃষ্ট প্রমাণ আমাদের স্বদেশী বক্তায় ও লেখায় নিত্য পাওয়া যায়। সংস্কৃত ভাষার ছদ্মবেশ পরিয়েও বিলেতি মনোভাবকে আমরা গোপন করে রাখতে পারিনে। বিদেশী ভাবকে আমি অবশ্য মন থেকে বহিষ্কৃত করে দেবার প্রস্তাব কর্ছি নে,—কারণ যে সকল ভাব সাত সমুদ্র তের-নদীর পার থেকে উড়ে এসে আমাদের মনোজগতে জুড়ে বসেছে, তাদের বেবাক্ উপ্ড়ে ফেলাও সম্ভব নয়, এবং সম্ভব হলেও তাতে মন উজাড় হয়ে যাবে। তবে যা জালে ওঠে তাই ষেমন মাছ নয়— তেমনি যা ভুঁই ফুঁড়ে ওঠে তাই গাছ নয়। বিলেতিজীবনে বিলেতিসাহিত্য যাচাই করে নিতে না পারলে, এই বিদেশী ভাবের জঙ্গলের মধ্যে থেকে সাহিত্যের উত্তান গড়ে তুলতে পারব না। এই পরখ কর্বার কাজটি সম্ভবতঃ বিলেত-ফেরতেরাই ভাল পার্বেন।

তবে সাহিত্য-সমাজে প্রবেশ কর্তে এঁরা সহজে স্বীকৃত হবেন না।
লিখ্তে অনুরোধ কর্বামাত্র এঁরা উত্তর কর্বেন যে, "আমরা বাললা
লিখ্তে জানিনে।" কিন্তু ও কথা শুনে পিছ-পাও হলে চল্বে না।
সেকেলে বিলেত-ফেরতেরা বল্তেন যে তাঁরা বাললা বল্তে পারেন না।
অথচ সে বিনয় কিন্থা সে স্পর্জা যে সত্য নয়, তার প্রমাণ আজ বিলেতফেরতের মুখে মুখে পাওয়া যায়। হতে পারে যে, বাংলা লিখ্তে
গারিনে একথা বলায় প্রমাণ হয় যে, বক্তা ইংরাজি লিখ্তে পারেন।

অথচ এ বিষয়ে কোনও সন্দেহ নেই যে, যে-লেখা সাহিত্য বলে গণা হতে পারে, সে-ইংরাজি কোন দেশী লোক লিখ্তে পারেন ন। ষাঁরা আদালতে এবং সভাসমিতিতে ইংরাজি ভাষায় ওকালতি এবং "কলাবতী" করেন, তাঁরা যে ও-ভাষায় শুধু পড়া-মুখস্থ দেন তা শ্রোতামাত্রেই বুঝতে পারে। আমরা আইন-সম্বন্ধে এবং রাজনীতি-সম্বন্ধে ইংরাজ-রাজপুরুষের কাছে নিত্য পরীক্ষা দিতে বাধ্য, স্তুতরাং ও চুই ক্ষেত্রে মুখস্থ-বিছা যার যত বেশি. সে তত বড় বড় প্রাইজ পায়: কিন্তু তার থেকে এ প্রমাণ হয় না যে, ঐ প্রাইজের দৌলতে ,ভাঁরা ইংরাজি সাহিত্য-সমাজে প্রোমোসন্ পান। স্থতরাং সাহিত্য বস্তু যে কি, তা যিনি জানেন, তাঁকে ইংরেজি ত্যাগ করে বাঙ্গলা লেখাতে প্রবৃত্ত করতে কিঞ্চিৎ সাধ্য-সাধনার আবশ্যক হবে। বিলেতি বুট ত্যাগ কর্লে বঙ্গসন্তান যে স্বদেশের সাহিত্যক্ষেত্রে স্বচ্ছন্দে বিচরণ করতে পারেন সে বিষয়ে আমার সন্দেহ নেই—তবে বুট ্রছেডে যদি পণ্ডিতি খডম পরে বেড়াতে হয় তাহলে অবশ্য তা আরও বিপদের কথা হবে। কিন্তু বঙ্গ-সরস্বতীর মন্দিরে খোলা পায়ে প্রবেশ করাটাই যে কর্ত্তব্য এবং শোভন, স্থশিক্ষিত ব্যক্তিমাত্রেরই সেটি বোঝা উচিত। অবশ্য পণ্ডিতি-খড়মের প্রধান গুণ এই যে, তা ^{যত} বেশি খটুখটায়মান হবে, লোকে তত বেশি "সাধু সাধু" বল্বে। কিন্তু এটি মনে রাখা উচিত যে, আশৈশব ও-বস্তুর ব্যবহারে অভ্যন্ত ना इत्न, थज्मधात्रीत्मत्र शाम शाम (इंग्रिंग था अमिराधा ।

বিলেভ-ফেরতকে লেখক তৈরি করার প্রধান বাধা হচ্ছে বে, তাঁরা ক্ষধিকাংশই আইন-ব্যবসায়ী। উকিল ও কোকিল হচ্ছে বিভিন্ন শ্রেণীর জীব-ম্বদিচ উভয়েই বাচাল। এর এককে দিয়ে অপরের

কাজ করানো যায় না। তবে কথা হচ্ছে এই যে, যে লঙ্কায় যায় সেই যেমন রাক্ষস হয়ে ওঠে. তেমনি যে আদালতে যায় সেই যে রাসবিহারী হয়, তা নয়। সকলেই জানেন যে, এ দেশের কত বিভাবুদ্ধি আদালতের মাঠে মারা যাচ্ছে। তার কারণ ও শুক্ষ এবং কঠিন ক্ষেত্রের রস আত্মসাৎ করা দুরে থাকুক, অনেকের মন তাতে শিকড়ও গাড়তে পারে না। এ অবস্থায় যে অনেকে আদালতের মাটি-কামড়ে পড়ে থাকেন তার কারণ. ও স্থান ত্যাগ করলে হাঁসপাতালে যাওয়া ছাড়া এদেশে স্বাধীন ব্যবসায়ীর আর গত্যন্তর নেই। তাই নিতাই দেখুতে পাওয়া যায় বহু বিঘান ও বুদ্ধিমান লোক, এক ফোঁটা জল না খেয়ে, দিনের পর দিন, ম্যুক্তশিরে কুব্রপৃষ্ঠে অগাধ আইনের পুস্তকের ভার বহন করে আদালতে যুরে বেড়াচ্ছেন। সে গুরুভারে পৃষ্ঠদণ্ড ভক্স হলেও যে তাঁরা পুষ্ঠ-ভঙ্গ দেন লা, তার আর একটি কারণ এই যে, এই মরুভূমিতে তাঁর। নিত্য রক্ততমায়ার মরীচিকা দেখেন। স্থতরাং এই আইনের দেশ একবারে ত্যাগ করতে কেউ রাজি হবেন না; তবে মধ্যে মধ্যে স্বুজপত্রের ওয়েসিসে এসে বিশ্রামলাভ করতে এঁদের আপত্তি নাও হতে পারে। আপনি শুধু এইটুকু সতর্ক থাকবেন যে, এমন লোক শাপনার বেছে নেওয়া চাই যার মন ইংরাজের আইনের নজিরবন্দী रयनि ।

আমার শেষ কথা এই যে, যেন তেন প্রকারেণ আপনার নিজের দলের লোককে,—আর কোনও কারণে না হোক, আত্মরক্ষার জন্মও — আপনাকে লেখক তৈরি করে নিতে হবে—কারণ তাঁরা যদি লেখক না হন, তাহলে তাঁরা সব সমালোচক হয়ে উঠবেন। ইতি

वीतवन ।

উপমা ও অরূপ্রাস

ভাব-পদার্থকে পরিক্ষুট্রূপে প্রকাশ করিবার জন্ম কবিগণ উপমা প্রয়োগ করিয়া থাকেন। এ বিষয়ে যাঁহার ঐশ্বর্য্য যত বেশি, কবি-সমাজে তিনি যে তত উচ্চ আসন অধিকার করেন, এ সম্বন্ধে বিমত নাই। কিন্তু অমুপ্রাসের সার্থকতাসম্বন্ধে সকলে একমত নহেন। কাহারও কাহারও মতে এই শব্দালক্ষারের ব্যবহারে ভাবের মূর্ত্তি ঢাকা পড়ে।

এ কপা অবশ্য মনে করা ভূল যে, কাব্যে অমুপ্রাসের কোনও শ্বান নাই। রূপের সাদৃশ্য হইতে যেমন উপমা জন্মলাভ করিয়াছে। রসায়নে তেমনি শব্দের সাদৃশ্য হইতে অমুপ্রাস জন্মলাভ করিয়াছে। রসায়নে আগবিক আকর্ষণের বলে, যেমন অপুর সঙ্গে অপু মিলিত হয় তেমনি একটি বিশেষ হৃদয়াবেগের প্রকাশের তাড়নায় বিশেষ বিশেষ শব্দ তাহার জুড়িকে খুঁজিয়া লয়। এই যে শব্দের সহিত শব্দের সহজ সঙ্গতি, ইহার মূলেও শব্দ-রাজ্যের কোনো গৃঢ় রাসায়নিক আকর্ষণ বিশ্বমান। পাতায় পাতায় লাগিয়া যেমন মর্ম্মরধ্বনি উঠে, তরক্তে তরক্তে অভিহত হইয়া যেমন কলগান জাগে, সেইরূপ কথা ব্যাহার জুড়ির সহিত মিলিত হয়, তখন সেই মিলনের ফলে এক অপুর্বর সঙ্গীত কাব্যে হিল্লোলিত হইয়া উঠে।

দৃষ্টান্তস্বরূপ রবীন্দ্রনাথের "ক্ষণিকা"র একটি কবিতার তিনটি ^{ছত্র} উদ্ধত কমিলা দিতেছি— কাছে এলে যবে হেরি অভিনব খোর ঘননীল শুঠন তব চলচপলার চকিতচমকে করিছে চরণ বিচরণ।

এটি বোধ হয় কোনো বর্ষার কবিতা হইবে। শেষ-ছত্রটিতে যে অসুপ্রাদের লীলা আছে বিদ্যুতের নৃত্যলীলার সঙ্গে তাহার সাদৃশ্য স্পান্ট।

কিন্তু সাহিত্যে যখন ভাবের দৈত্য ঘটে, তখন বলিবার-ভঙ্গী বনিবার-বিষয়কে অতিক্রম করে। যেখানে রসের অভাব আছে, সেখানে করিরা রচনার চাতুর্য্যের দ্বারা সেই আন্তরিক শুক্তা গোপন করিবার প্রথাস পান। শ্রোতাদের মুগ্ধ করিবার জ্বন্ত তখন তাঁহারা অপূর্বব উপমা এবং নিরবচ্ছিন্ন অনুপ্রাসের সাহায্য গ্রাহণ করিতে বাধা হন।

উপমা ভাবামুসারী না হইলে তাহা যে কতদূর পর্যান্ত কৃত্রিম হইতে পারে, তাহার উদাহরণ সংস্কৃত-কাব্যেও বিরল নহে। সংস্কৃত-কাব্যের জোয়ারের মুখে যে উপমাগুলি শুভকেণকিরীটের মত ভাবের তরক্ষের চূড়ায় চূড়ায় ঝলমল করিয়াছে, ভাঁটার সময়ে সেই উপমা-গুলিই ক্রেমে অধোগতি প্রাপ্ত হইয়া ভাবের মরা-ক্রোতকে পিরল করিয়া তুলিয়াছে।

এইরূপ কফুকল্পিত এবং অসক্ষত উপমার ত্নুএকটি নমুনা উদ্ধৃত ক্রিয়া দিতেছি —

> "ক্ররেথাযুগলং ভাতি তস্যাশ্চটুলচক্ষ্ব:। পত্রবন্ধীব হরিজা নাসাবংশবিনির্গতা॥"

অর্থাৎ, চঞ্চলনয়না সেই রমণীর জ্রন্নটি, নাসারূপ বংশের হরিৎবর্ণ ছটি পত্রের স্থায় শোভা পাইডেছে। অপর একটি শ্লোক ইহা অপেক্ষাও অদ্ভূত। সেটি এই—

"বেণী খাম। ভৃঞ্জীয়ং নিতশামস্তকং গতা। বক্ত্ৰচক্ৰস্থাং লেঢ়ং সাক্ৰসিন্দ্ৰজিহবয়া॥"

অর্থাৎ, অতি গাঢ় সিন্দ_্ররূপ জিহ্বাহারা মুখচন্দ্রের স্থাপান করিবার জন্মই যেন কালো ভুজঙ্গীর মত বেণীটা নিতম্বদেশ হইতে মস্তকে আরোহণ করিতেছে।

উপমার উপর জোরজবরদন্তি করিলে তাহা যে কতদূর অস্বাভাবিক হুইয়া উঠে, তাহার উদাহরণ যেমন সংস্কৃত কাব্য-সাহিত্য হুইতে দেখানো গেল, তেমনি অমুপ্রাস যখন শব্দের উপর শব্দ চাপাইয়া ভাবের প্রাণ বাহির করিয়া দিবার আয়োজন করে, তখন তাহার উপদ্রব যে কতদূর বিরক্তিকর হয়, তাহার প্রমাণ প্রাচীন বাংলা-সাহিত্য হুইতে সংগ্রহ করা কঠিন নয়।

প্রাচীন বাংলা-সাহিত্যের ভাঁটার সময় এই অনুপ্রাসের ঘটা বাংগালী কবিদের পক্ষে শ্রোতার মনোরঞ্জনের প্রধান সম্বল হইয়া উঠিয়াছিল। অনুপ্রাসের ভেল্কিবাজি যে-কবি যত দেখাইতে পারিত, শ্রোতাদের চমৎকৃত করিবার সম্ভাবনা তাহার পক্ষে তত বাড়িয়া ঘাইত। বলা বাহুল্য, দাশর্মি রায়ের পাঁচালি এ বিষয়ে স্থনামধ্য হইয়াছে। দীনেশবাবুকর্তৃক আবিষ্কৃত কৃষ্ণুকমল গোস্বামী নামক জনৈক উনবিংশ শতাব্দীর বাঙালী কবির কবিতা হইতে অনুপ্রাসের একটি উদাহরণ নিম্নে উদ্ধৃত করিয়া দিতেছি—

"বিদ্যাতশজ্জিতকৃত বে রূপদী ক দে রূপচ্ছেদক বিদ্যান্রূপ অসি, মরি ! কি দারণ অসি, পশি কৈল মসী, শশিরাশি-জ্বিত যে শশী,— হ'ল সে শশী অসিত চতুর্দ্দশীর প্রায়॥"

অনুপ্রাদ যে কতটা প্রলাপের মত হইয়া উঠিতে পারে, পূর্ব্বোক্ত উদাহরণই তাহার প্রকৃষ্ট প্রমাণ।

এই যুগদঞ্চিত কৃত্রিম উপমার আবর্জ্জনা ও কৃত্রিম অমুপ্রাদের জ্ঞাল সাহিত্যক্ষেত্র হইতে দূর করিবার জন্ম কোনো কোনো আধুনিক কবি এতই উৎস্থক হইয়াছিলেন যে, কাব্যকে একেবারে নিরাভরণ করা তাঁহারা অত্যাবশ্যক মনে করিতেন। ইহাদের মতে অলঙ্কারের অন্তরালে ভাবের সৌন্দর্য্য চাপা পড়িয়া যায়, স্থতরাং মনোভাবকে যত সজ্জামুক্ত করিতে পারিবে ততই তাহার রূপ ব্যক্ত হইয়া উঠিবে। প্রদিদ্ধ ইংরাজ-কবি ওয়ার্ডস্ওয়ার্থ পূর্বেরাক্ত মতাবলম্বী; তাই তিনি উপমা-প্রয়োগদম্বদ্ধে নিতান্ত কুপণ ছিলেন। যদি কখনো তাঁহার কলমের মুখ দিয়া কোনও উপমা বাহির হইয়া পড়ে তবে তাহা "Phantom of delight"-গোছের,—অর্থাৎ একেবারে রূপ-রস-গদ্ধ-শদ্ধ-বর্জ্জিত।

উপমা ও অমুপ্রাসের প্রতি মনস্বী লেখকদের এতটা বীতরাগ হইবার কারণ, উহা মন্দকবির হাতে সহক্ষেই বিকৃত হইয়া পড়ে। যাহারা উপমাকে কাব্যদেহে অর্পিত বাহু অলক্ষারস্বরূপ মনে করে, তাহাদের লক্ষ্য যে তাহার বাহুল্য ও গঠন-চাতুর্য্যের দিকেই থাকিবে, তাহাতে আর আশ্চর্য্য কি ? এক-শ্রেণীর কবিরা উপমাকে গহনা হিসাবে ব্যবহার করিয়াছিলেন বলিয়া, অপর শ্রেণীর কবিরা সে গহনা খুলিয়া কেলিবার জন্ম ব্যস্ত হইরাছিলেন।

কিন্তু আমরা এখন এই সভ্য আবিষ্কার করিরাছি বে, উপমা

ফরমায়েস দিয়া তৈরি করাইবার জিনিষ নয়;—কেননা, তাহা কাব্য-দেহের অলঙ্কার নয়, কিন্তু কাব্যের প্রাণস্বরূপ। কেন আমরা এরূপ মনে করি, তাহা একটু বুঝাইয়া বলিতে চাই।

এ জীবনে বস্তুমাত্রেরই সহিত আমাদের দ্বিবিধ কারবার—
এক শরীরের, আর এক মনের। আকাশ, বাতাস, জল, অগ্নি প্রভৃতি
সকল জিনিস আমাদের চিস্তার সহিত, অমুভৃতির সহিত, নানা
প্রকারে জড়িত গ্রাথিত হইয়া যায় বলিয়া, অনির্বচনীয় ভাব
ক্রেমাগতই তাহাদের সাহায্যে বচনীয় হইতেছে। সেইজন্ম কোনা
কথা বলিতে গোলে, উপমা দিতে পারিলেই মনে হয় কথাটাকে
যেন রূপ দেওয়া গেল,—এতক্ষণ পর্যাস্ত যে কথাটা মনের আকাশে
বাম্পের মত অত্যক্ত অনির্দিষ্টভাবে অবন্থিত ছিল, এইবার
যেন ভাহাকে একটি সংহত স্থান্দর স্পান্ট আকার দেওয়া গোল।
শুধু ভাই নয়, ভাল উপমা মুখ হইতে বাহির হইবামাত্র মনে
হয় যেন আমার কথার সায় সমস্ত বিশ্ববেক্ষাণ্ড জুড়িয়া পাওয়া
বায়। আমি যে ভাবনা ভাবিতেছি, সেই ভাবনা যেন নানা
আকারে, নানা আভাসে, নানা ইন্ধিতে, নানা ভল্পীতে সমস্ত
বিশ্ববেক্ষাণ্ড ব্যাপ্ত হইয়া-আছে।

এক বস্তুর সহিত অপর বস্তুর, এক ভাবের সহিত ^{ত্র্}পর ভাবের যোগসাধন করাই উপমার কার্য়। কেবল ভাহাই নহে, কবিরা নির্ভয়ে বস্তুর ধর্ম্ম মনেতে, এবং মনের ধর্ম বস্তুতে আরোপ করেন। "ভাব হতে রূপে অবিরাম যাওয়া আসা"—এই উপমার সেতুর সাহাব্যেই সাধিত হয়। উপমা রূপ হইতে ভাবে ক্রেমাগডই বাভারাত করিতেছে। বে বাধা বিজ্ঞানের কাছে, দর্শনের

কাছে তুর্লভ্য বাধা—হিমালয়ের পর্ববত-প্রাচীরের অপেক্ষাও তুর্লভ্য —তাহা উপমার কাছে মস্লিনের তিরস্করণীর মতও নয়।

বিজ্ঞান একসময়ে মানব-মনের এই সহজ প্রবৃত্তির বিরোধী ছিল, এবং তাহার স্বচ্ছন্দ গতিতে বাধা দিতে চেন্টা করিয়াছিল; কারণ বৈজ্ঞানিক মতে বিশেষ-বস্তুর বিশেষ-জ্ঞানের অভাববশতই কবি-কল্পনা, যাহা বস্তুত পূথক তাহার ঐক্য-সাধন করিতে র্থা চেন্টা করিত। কিন্তু এ মুগের বিজ্ঞান আমাদিগকে বলিয়া দিয়াছে যে, পৃথিবীতে ক্রমাগতই এক হইতে আরে, রূপ হইতে রূপান্তরে প্রাণের ও শক্তির যাত্রা চলিয়াছে। জীবজগতে অভিব্যক্তিবাদ ও বস্তুজগতে নব-আণবিক-সিদ্ধান্ত আমাদিগকে এই কথাই জানাইয়াছে যে, বিশ্ব প্রতিমুহুর্ত্তেই রূপান্তরিত হইতেছে, এখানে কিছুই ছির হইয়া বসিয়া নাই। জীবজগতে প্রাণের রূপও ছির নহে, জড়জগতে অণুর রূপও ছির নহে।

যখন এই কথা চিন্তা করি যে, সৌরজগতের সেই অবিভক্ত অসংহত বাষ্পপিণ্ডের খুনি, তৎপরে সংহত পৃথিবীএহের মহাসমুদ্রের উন্মন্ত আলোড়ন, সমুদ্রগর্ভ হইতে উত্তপ্ত পর্বতোচছ্বাস, জীবপঙ্কের আবির্ভাব, খাছারসের রক্তে পরিণতি ও জীবের প্রজনন-শক্তি, এবং ক্রমে বিচিত্র জীবদেহের অভিব্যক্তি,—এই সমস্ত যুগ্যুগাস্তবের ক্রিয়াগুলি এই শরীরের অণুপ্রমাণুর মধ্যে মগ্র-চেতনার অভ্যান্তনি এই ক্রমিন্তর আশুল্রমাণুর মধ্যে মগ্র-চেতনার অভ্যান্তনি বিশের সর্বত্ত আমার মন কেন উপমার জাল কেলিয়াছে।

বিজ্ঞানের অভ্যুদরকালে কিন্তু ইহার উল্টা কথাটাই লোকের

মনে হইয়াছিল। মনে হইয়াছিল বুঝি কবির অনুভূতির _{মধ্যে} কোনো সত্যই নাই। কাব্যও হঠাৎ তাহার উপমার প্রদীপ ছুঁড়িয়া ফেলিয়া দিবার জন্ম ব্যগ্র হইয়া উঠিল। বিজ্ঞানের সাহায়ে সে বাস্তবকে যে ভাবে দেখিতে শিখিল, ভাহাতে বৃঝিল যে উপম সত্যের শুভ্রজ্যোতিকে শুধু মলিন করে। বিজ্ঞান আজ আবার ইন্দ্রিয়গোচর বিশ্বের চতুর্দ্ধিকে অতীন্দ্রিয় লোকের কত দার বাতায়ন উদ্মৃক্ত করিয়া দিতেছে। সত্য যে স্থির পদার্থ নয়, তাহা বে উপমার নিদান,--রূপ হইতে রূপান্তরের মধ্য দিয়াই যে তাহার ,পরিচয় পূর্ণতর হইতেছে, এই জ্ঞানের প্রভাব আজ সাহিত্য-রাজ্যেও লক্ষিত হইতেছে। সত্যকে মামুষ একদিন স্থির জানিয়াছিল; এখন সে দেখে যে যাহা স্থির তাহাই মৃত্যু, **অর্থাৎ স্থান্তির বহিন্তৃতি, এবং এই সত্ত্যের ব্যক্তি** উপমায়। কারণ উপমা তো সত্যকে বাঁধে না :—সে কেবলি বলে, এই রকম, এই রকম। অনির্ববচনীয়কে সে কেবলি বচনগম্য করে, অনন্তকে माछक्राप প্রকাশ করে ;— কিন্তু সে বচন, সে রূপ যে স্থায়ী নয়, তাহাও সে নিজেই জানে।

ঐক্রিয় হইতে অতীক্রিয় লোকে যাত্র। করিবার পূর্বের সাহিত্যের মধ্যেও অধুনা একটা অস্বাভাবিক উত্তেজনার লক্ষণ দেখা দিরাছে। এ জগতে কোনও নৃতন সত্যের আবির্ভাবের সহিত যে আনন্দ ও যে ভয় জড়িত থাকে, তাহাকে একজন আধুনিক লেখক cosmic nervousness—বিশের বেপথু বলিয়া অভিহিত করিয়াছেন। এই কারণেই ঐক্রিয় হইতে অতীক্রিয়লোকে যাত্রার মূখে আধুনিক শাহিত্যে একটি অস্বাভাবিক উত্তেজনার লক্ষণ দেখা

দিয়াছে। খ্যাতনামা ইংরাজলেখক এচ্, জি, ওয়েল্স্ বলিয়াছেন, "মামুষ সংকীর্ণ দিক্চক্রবালের দারা সীমাবদ্ধ জগৎ হইতে আজ অনন্ত দৃশ্যময় ও ঘটনাময় এক বিশাল জগতে যাত্রা করিতেছে— সেধানকার অস্পষ্টতা ও অন্ধকার তাহার নিকট কি ভয়াবহ!" বিশ্ব যে অসীমের বিচিত্র কাব্য, এই কথাটার আভাসমাত্রে মামুষকে এমনি বিহবল করিয়াছে যে, যতক্ষণ পর্যান্ত মামুষ সেই অস্পষ্ট অন্ধকারলোকের পথঘাট আবিন্ধার না করিবে, ততক্ষণ পর্যান্ত যে সাহিত্য রচিত হইবে, তাহার মধ্যে একটি অন্থির ত্রন্ত ভাব পদে পদেই লক্ষিত হইবে।

আধুনিক ইউরোপীয় সাহিত্যে এই অশাস্ত উত্তেজিত ভাবের লক্ষণই বৈশি করিয়া চোখে পড়ে। টমাস হার্ডি হইতে জন্ গ্যালস্ওয়ার্দি, বার্ণাড শ ইইতে নিট্সে ও মেস্ফিল্ড প্রভৃতি সকল সাহিত্যিকের মধ্যে আধুনিক জীবনের যে স্থতীত্র প্রতিবাদ দেখিতে পাওয়া বায়, তাহার মূলে একটি অদম্য অসম্ভোষ বিশ্বমান। বিশ্বমিত্রের ভায় ইহারা প্রত্যেকেই একএকটি নৃতন বিশ্ব স্থতি করিতে চাহেন। নব-সাহিত্যের এই সকল স্থতি বাষ্পালোকের মত অত্যন্ত অনির্দিষ্ট ও ছায়াময়। কেননা বাহিরের ও ভিতরের মিলনে নয়—বিরোধের উপরেই এই সকল কবি-স্থতি প্রতিষ্ঠিত।

কালিদাস প্রভৃতির রচনার তুলনায় ইঁহাদের কাব্য যে অসম্পূর্ণ এবং খ্রীঅফ, তাহার কারণ পূর্ব্ব কবিদিগের মনে শিবশক্তির যে মিলন ছিল, নব্য-কবিদের মনে তাহার বিচেছদ ঘটিয়াছে। তাই ইঁহারা ইঁহাদের কাব্যে কোনও নৃতন সত্যকে সাকার করিয়া তুলিতে গারেন না, পারেন শুধু নিজ মনের বিকারকে প্রকাশ করিতে। আধুনিক সাহিত্যের নবজীবনের এই ছট্ফটানিকে অনেকে চুগতির সূত্রপাত মনে করিয়া নিরাশ হন। তাঁহারা ভুলিরা যান্ যে সংকোচন ও প্রসারণের ঘন্দের মধ্য দিয়াই সকল স্প্তির বিকাশ। হঠাৎ একদিন এই সংকোচের বাধা অপসারিত হইলে দেখা যাইবে যে, যেখানে সংঘাত ছিল, সেইখানে সঞ্জীত বাজিতেছে, যেখানে উচ্ছ্ খলতা ছিল, সেইখানে সৌন্দর্য্য জাগিতেছে।

মাসুষের মন এখন সত্যের পূর্ববিনির্দ্ধিউ সীমা অতিক্রম করিতেছে

— বাহান্ধ্রগত ও মনোজগতের স্পাইত পার্থক্য ভূলিয়া উহাদের অস্পষ্ঠ

• সম্বন্ধ অনুভব করিতেছে। এই নৃতন অনুভূতির বলে কাব্যে
উপমা আবার স্বীয় স্থান অধিকার করিবে, এবং এই নবজ্ঞানের
উপর প্রতিষ্ঠিত হইয়া অপূর্বর সৌন্দর্যো বিকশিত হইয়া উঠিবে।

শ্রীমন্তিতকুমার চক্রাবর্ত্তী।

সহজিয়া

সহজিয়া, কোন্ সহজে মজেছে তোর প্রাণ! লাগ্ল বুকে কোন্ সহজের এত কঠিন টান ? (य मरक े कू रेन कू तन, লতা-পাতায় উঠ্ল ছলে, যে সহজের ঢেউ লেগেছে পাখীর কণ্ঠে গান। ছুট্চে नमी সাগর-পানে, বারণ কারো নাইক মানে, সহজ রসের ধারায় ভাসে ধরার বক্ষখান। অবোধ স্থাবের নেশার মুখে এ উহারে টানচে বুকে, মরণক্ষী প্রাণের চলে অসীম অভিযান॥

ওরে

কান্না-হাসির সহজ তানে আকুল ভরপূর বিশ্বযাত্রা বাজায় প্রাণে রাখাল বাঁশীর স্থর। व्यक्ष भूष्ठ এই मহজে মজুক যাহার পরাণ মজে, শিশুর সহজ, কাছের সহজ, নাই কিছু ওর দূর। আত্তক ঝঞা, লাগুক ঘন্দ্ৰ, বাজুক দ্বিধার দোত্রল ছন্দ, ভালো মন্দ এ ওর পানে হামুক মরণ-বাণ, জান্বো আমি, চিন্ব আমি. হারবো আমি, জিন্ব আমি, চাখ্বো আমি, রাখ্বো আমি করব খানখানু॥

দেহ মনের কণায় কণায়
চেতন হব আমি।
তারি পরে রঙীন মোহের
আলো আফুক নামি।

বড়ের সাথে নাচুক শান্তি,
সত্য সাথে মিলুক জ্রান্তি;
যে মরণের সহজ মাঝে
জাগে নৃতন প্রাণ
সেই সহজে তুলুক দ্বন্দ,
হুঃখ স্থথের মহানন্দ,
ওঠাপড়া ভাঙাগড়ার
করুক ছন্দ দান ॥

শ্রীদ্বিজেন্দ্রনারায়ণ বাগচি।

দেবতা

ভাগ্যে তোমার নয়ক দেউল মস্ত ইমারত, যেথায় লোকের হুড়াহুড়ি, রুদ্ধ সদাই পথ। ভাগ্যে তোমার গৃহে যেতে পাণ্ডা প্রহরীকে সাধতে না হয়, চুকতে না হয় কায়দাকামুন শিখে। তাই ত মোরা নৃত্য করি তোমার আঙিনায়, যখন খুসি তুয়ার খুলে প্রণাম করি পায়। ছুটি পেলেই তোমার সাথে একলা ঘরে রই, পরাণ খুলে শ্রবণমূলে মনের কথা কই।

ভাগ্যে ভোমার নয়ক ভোগের মস্ত আয়োজন,
বইতে জিনিস হয়না হাজার লোকের প্রয়োজন।
ভোমার অর্ঘ্য আহরণের বিষম উপদ্রবে
প্রমাদ নাহি গণে দেশের তুঃখী লোকে সবে।
চাবের চালে ঘরের তুধে গাছের ফলে ফুলে
বেদিন যাহা জুটে ভাহাই জোগাই চরণমূলে।
পৃথক আয়োজনের কোনো নেইক দাবিদাওয়া
এক ধালাভেই ভোমার আমার আগে পিছে খাওয়া।

ভাগ্যে ভোমার নেইক খেয়াল দেমাক অভিমান মোদের চেয়ে অল্প পেয়ে তুই তোমার প্রাণ। মারীভয়ের দিনে ভূমি ভাবো মোদের তরে, বর্ষাকালে মোদের সনে ভিজো ভাঙা ঘরে। বক্তা-দিনে উপোষ কর আমাদেরি সাথে, মোদের সনে জেগে রহ উৎসবেরি রাতে। মন্ত্র কোথা ? প্রাণের ভাষায় তোমার পূজা করি। অবোধেরও ঠাকুর তুমি কাঙালেরও হরি ! **क्रीकालिमान ता**ग्र।

সবুজ্ পত্ৰ

সম্পাদক— এপ্রথ ্চৌধুরী।

সনুজ্ পত্ৰ

লোকহিত

লোক-সাধারণ বলিয়। একটা পদার্থ আমাদের দেশে আছে এটা আমরা কিছুদিন হইতে আন্দাজ করিতেছি এবং এই লোক-সাধারণের জন্ম কিছু করা উচিত হঠাৎ এই ভাবনা আমাদের মাথায় চাপিয়াছে। বাদৃশী ভাবনা যম্ম সিদ্ধির্ভবতি তাদৃশী। এই কারণে, ভাবনার জন্মই ভাবনা হয়।

আমরা পরের উপকার করিব মনে করিলেই উপকার করিতে পারি না। উপকার করিবার অধিকার থাকা চাই। যে বড় সে ছোটর অপকার অতি সহজে করিতে পারে কিন্তু ছোটর উপকার করিতে হইলে কেবল বড় হইলে চলিবে না, ছোট হইতে হইবে, ছোটর সমান হইতে হইবে। মানুষ কোনোদিন কোনো বথার্থ হিতকে ভিক্লারূপে গ্রহণ করিবে না, ঋণরূপেও না, কেবলমাত্র প্রাপ্য বিলয়াই গ্রহণ করিতে পারিবে।

কিন্তু আমরা লোকহিতের জন্ম যখন মাতি তখন অনেক খলে সেই মন্ততার মূলে একটি আত্মাভিমানের মদ থাকে। আমরা লোক-সাধারণের চেয়ে সকল বিষয়ে বড় এই কথাটাই রাজকীয় চালে সস্তোগ করিবার উপায় উহাদের হিত করিবার আয়োজন। এমন খলে উহাদেরও অহিত করি, নিজেদেরও হিত করি না।

হিত করিবার একটিমাত্র ঈশরদত্ত অধিকার আছে সেটি প্রীতি।
প্রীতির দানে কোনো অপমান নাই কিন্তু হিতৈবিতার দানে মামুষ
অপমানিত হয়। মামুষকে সকলের চেয়ে নত করিবার উপায়
তাহার বিত করা অথচ তাহাকে প্রীতি না করা।

এ কথা অনেক সময়েই শোনা যায় যে, মামুষ স্বভাবতই অকৃতজ্ঞ
— যাহার কাছে সে ঋণী তাহাকে পরিহার করিবার জন্ম তাহার
চেষ্টা। মহাজনো যেন গতঃ স পদ্যাঃ—এ উপদেশ পারতপক্ষে কেই
মানে না। তাহার মহাজনটি যে রাস্তা দিয়া চলে মামুষ সে রাস্তায়
চলা একেবারে চাডিয়া দেয়।

ইহার কারণ এ নয় যে, স্বভাবতই মানুষের মনটা বিকৃত। ইহার কারণ এই যে, মহাজনকে স্থদ দিতে হয়; সে স্থদ আসলকে ছাড়াইয়া যায়। হিতৈষী যে স্থদটি আদায় করে সেটি মানুষের আত্মসম্মান;—সেটিও লইবে আবার কৃতজ্ঞতাও দাবী করিবে সে বে শাইলকের বাড়া হইল।

সেইজন্ত, লোক-হিত করার লোকের বিপদ আছে সে কথা ভূলিলে চলিবে না। লোকের সঙ্গে আপনাকে পৃথক রাখিয়া যদি ভাষার হিত করিতে যাই তবে সেই উপদ্রব লোকে সঞ্চ না করিলেই ভাষাদের হিত হইবে।

অন্নদিন হইল এ সম্বন্ধে আমাদের একটা শিক্ষা হইয়া গেছে। যে কারণেই হউক্ যেদিন স্বদেশী নিমকের প্রতি হঠাৎ আমাদের অত্যস্ত একটা টান হইয়াছিল সেদিন আমরা দেশের মুসলমানদের কিছু অস্বাভাবিক উচ্চস্বরেই আজীয় বলিয়া ভাই বলিয়া ডাকাডাকি যুক্ত করিয়াছিলাম।

সেই স্নেহের ডাকে যখন তাহারা অশ্রুগদগদ কণ্ঠে সাড়া দিল
না তথন আমরা তাহাদের উপর ভারি রাগ করিয়ছিলাম। ভাবিয়াছিলাম এটা নিতান্তই ওদের সয়তানি। একদিনের জন্মও ভাবি
নাই আমাদের ডাকের মধ্যে গরজ ছিল কিন্তু সত্য ছিল না।,
মানুষের সঙ্গে মানুষের যে একটা সাধারণ সামাজিকতা আছে,—
যে সামাজিকতার টানে আমরা সহজ প্রীতির বশে মানুষকে ঘরে
ডাকিয়া আনি, তাহার সঙ্গে বিসিয়া খাই, যদিবা তাহার সঙ্গে আমাদের
পার্থক্য থাকে সেটাকে অত্যন্ত স্পাই করিয়া দেখিতে দিই না,—
সেই নিতান্ত সাধারণ সামাজিকতার ক্ষেত্রে যাহাকে আমরা ভাই
বিলিয়া আপন বিলয়া মানিতে না পারি দায়ে পড়িয়া রায়য় ক্ষেত্রে
ভাই বিলয়া যথোচিত সভর্কতার সহিত তাহাকে বুকে টানিবার
নাট্যভঙ্গী করিলে সেটা কখনই সফল হইতে পারে না।

এক মাসুষের সঙ্গে আর-এক মাসুষের, এক সম্প্রদায়ের সজে আর-এক সম্প্রদায়ের ত পার্থক্য থাকেই, কিন্তু সাধারণ সামাজিকতার কাজই এই—সেই পার্থক্যটাকে রুঢ়ভাবে প্রত্যক্ষগোচর না করা। ধনী দরিদ্রে পার্থক্য আছে—কিন্তু দরিদ্র তাহার ঘরে আসিলে ধনী বদি সেই পার্থক্যটাকে চাপা না দিয়া সেইটেকেই অভ্যুত্র করিয়া ভোলে তবে আর ঘাই হউক্ দায়ে ঠেকিলে সেই দরিদ্রের

বুকের উপর ঝাঁপাইয়া পড়িয়া অশ্রুবর্ষণ করিতে যাওয়া ধনীর পক্ষে না হয় সত্য, না হয় শোভন।

হিন্দু-মুসলমানের পার্থক্যটাকে আমাদের সমাজে আমরা এতই কুঞ্জীভাবে বে-আক্র করিয়া রাখিয়াছি যে, কিছুকাল পূর্বের সদেশী-অভিযানের দিনে একজন হিন্দু স্বদেশী-প্রচারক একগ্রাস জল খাইবেন বলিয়া তাঁহার মুসলমান সহযোগীকে দাওয়া হইতে নামিয়া যাইতে বলিতে কিছুমাত্র সঙ্কোচ বোধ করেন নাই। কাজের ক্ষেত্রে প্রতিযোগিতার বশে মানুষ মানুষকে ঠেলিয়া রাখে, , অপমানও করে—তাহাতে বিশেষ ক্ষতি হয় না। কুস্তির সময়ে কুন্তিগিরদের গায়ে পরস্পারের পা ঠেকে তাহার হিসাব কেহ জমাইয়া রাখে না, কিন্তু সামাজিকতার স্থলে কথায় কথায় কাহারে গায়ে কেবলি পা ঠেকাইতে থাকিলে তাহ। ভোলা শক্ত হয়। আমরা বিছালয়ে ও আপিসে প্রতিযোগিতার ভিড়ে মুসলমানকে জোরের সঙ্গে ঠেলা দিয়াছি; সেটা সম্পূর্ণ প্রীতিকর নহে তাহা মানি; তবু সেখানকার ঠেলাঠেলিটা গায়ে লাগিতে পারে, হৃদয়ে लारंग ना । किन्नु সমাজের অপমানটা গায়ে লাগে না. ऋদয়ে লাগে। কারণ, সমাজের উদ্দেশ্যই এই যে, পরস্পারের পার্থক্যের উপর স্বশোভন সামঞ্জন্তের আস্তরণ বিছাইয়া দেওয়া।

বন্ধবিচ্ছেদ-ব্যাপারটা আমাদের অন্নবন্তে হাত দেয় নাই, আমাদের হৃদয়ে আঘাত করিয়াছিল। সেই হৃদয়টা যতদূর পর্যান্ত অথণ্ড ভতদূর পর্যান্ত ভাহার বেদনাও অপরিচ্ছিন্ন ছিল। বাংলার মুসলমান বে এই দেদনায় আমাদের সঙ্গে এক হয় নাই ভাহার কারণ ভাহাদের সঙ্গে আমন্ত্র কোনোদিন হৃদয়কে এক হইতে দিই নাই। সংস্কৃত ভাষায় একটা কথা আছে, ঘরে যখন আগুন লাগিয়াছে তখন কৃপ খুঁড়িতে যাওয়ার আয়োজন বৃথা। বঙ্গবিচ্ছেদের দিনে হঠাৎ যখন মুসলমানকে আমাদের দলে টানিবার প্রয়োজন হইল তখন আমরা সেই কুপ-খননেরও চেন্টা করি নাই—আমরা মনে করিয়াছিলাম, মাটির উপরে ঘটি ঠুকিলেই জল আপনি উঠিবে। জল যখন উঠিল না কেবল ধূলাই উড়িল তখন আমাদের বিশ্বায়ের সীমা-পরিসীমা রহিল না। আজ পর্যান্ত সেই কৃপ-খননের কথা ভূলিয়া আছি। আরও বারবার মাটিতে ঘটি ঠুকিতে হইবে, সেই সঙ্গে সে ঘটি আপনার কপালে ঠুকিব।

লোক-সাধারণের সম্বন্ধেও আমাদের ভদ্রসম্প্রাণায়ের ঠিক ঐ সবস্থা। তাহাদিগকে সর্ব্বপ্রকারে অপমানিত করা আমাদের চিরদিনের অভ্যাস। র্যদি নিজেদের হৃদয়ের দিকে তাকাই তবে একথা স্বীকার করিতেই হইবে যে, ভারতবর্ষকে আমরা ভদ্রলোকের ভারতবর্ষ বিলিয়াই জানি। বাংলা দেশে নিম্নশ্রেণীর মধ্যে মুসলমানের সংখ্যা যে বাড়িয়া গিয়াছে তাহার একমাত্র কারণ হিন্দুভদ্রসমাজ এই শ্রেণীয়-দিগকে হৃদয়ের সহিত আপন বলিয়া টানিয়া রাখে নাই।

আমাদের সেই মনের ভাবের কোনো পরিবর্ত্তন হইল না অথচ এই শ্রেণীর হিতসাধনের কথা আমরা কষিয়া আলোচনা করিতে আরম্ভ করিয়াছি। তাই এ কথা স্মরণ করিবার সময় আসিয়াছে বে, আমরা ঘাহাদিগকে দূরে রাখিয়া অপমান করি তাহাদের মঞ্চল-সাধনের সমারোহ করিয়া সেই অপমানের মাত্রা বাড়াইয়া কোনো কল নাই।

একদিন বখন আমরা দেশহিতের ধ্বজা লইয়া বাহির হইসাছিলাম

ভখন ভাহার মধ্যে দেশের অংশটা প্রায় কিছুই ছিল না, হিতের অভিমানটাই বড় ছিল। সেদিন আমরা মুরোপের নকলে দেশহিত স্কন্ধ করিয়াছিলাম, অস্তরের একান্ত ভাগিদে নয়। আজও আমরা লোকহিতের জন্ম যে উৎস্থক হইয়া উঠিয়াছি ভাহার মধ্যে অনেকটা নকল আছে। সম্প্রতি মুরোপে লোক-সাধারণ সেখানকার রাঞ্জীয় রজ্প ছমিতে প্রধান-নায়কের সাজে দেখা দিয়াছে। আমরা দর্শকরূপে এড দূরে আছি যে, আমরা ভাহার হাত-পা নাড়া যতটা দেখি ভাহার বাণীটা সে পরিমাণে শুনিতে পাই না। এই জন্মই নকল করিবার শসময় ঐ সাক্ষভক্ষীটাই আমাদের একমাত্র সম্বল হইয়া উঠে।

কিন্তু সেখানে কাগুটা কি হইতেছে সেটা জানা চাই।

য়ুরোপে ষাহারা একদিন বিশিষ্ট-সাধারণ বলিয়া গণ্য হইত তাহার।
সেখানকার ক্ষত্রিয় ছিল। তখন কাটাকাটি মারামারির অন্ত ছিল না।
তখন য়ুরোপের প্রবল বহিঃশক্র ছিল মুসলমান; আর ভিতরে ছোট
ছোট রাজ্যগুলা পরস্পারের গায়ের উপর পড়িয়া কেবলি মাথা
ঠোকাঠুকি করিত। তখন ছঃসাহসিকের দল চারিদিকে আপনার
ভাগ্য পরীক্ষা করিয়া বেড়াইত—কোথাও শান্তি ছিল না।

সে সময়ে সেখানকার ক্ষত্রিয়েরাই ছিল দেশের রক্ষক। তথন ভাহাদের প্রাধান্ত স্বাভাবিক ছিল। তথন লোক-সাধারণের সক্ষে ভাহাদের যে সম্বন্ধ ছিল সেটা কৃত্রিম নহে। তাহারা ছিল রক্ষাকর্ত্তা এবং শাসনকর্তা। লোক-সাধারণে তাহাদিগকে স্বভাবভই আপনাদের উপরিবর্তী বলিয়া মানিয়া লইত।

ভাষার পরে ক্রমে অবস্থার পরিবর্ত্তন হইয়াছে। এখন মুরোপে মাজার জারগাটী রাষ্ট্রভন্ত দখল করিভেছে, এখন লড়াইরের চেয়ে নীডি- কোশল প্রধান হইয়া উঠিয়াছে। যুদ্ধের আয়োজন পূর্বের চেয়ে বাড়িয়াছে বই কমে নাই কিন্তু এখন ধোদ্ধার চেয়ে যুদ্ধবিছা বড়; এখন বীর্য্যের আসনে বিজ্ঞানের অভিষেক হইয়াছে। কাজেই রুরোপে সাবেক-কালের ক্ষত্রিয়-বংশীয়ের। এবং সেই সকল ক্ষত্রিয়-উপাধিধারীর। যদিও এখনো আপনাদের আভিজাত্যের গৌরব করিয়া থাকে তর্লোক-সাধারণের সক্ষে তাহাদের স্বাভাবিক সম্বন্ধ ঘূটিয়া গেছে। তাই রাষ্ট্রচালনার কাজে তাহাদের আধিপত্য কমিয়া আসিলেও সেটাকে জাগাইয়া তুলিবার জোর তাহাদের নাই।

শক্তির ধারাট। এখন ক্ষত্রিয়কে ছাড়িয়া বৈশ্যের কূলে বহিতেছে। লোক-সাধারণের কাঁধের উপরে তাহারা চাপিয়া বসিয়াছে। মামুদ্দকে লইয়া তাহারা আপনার ব্যবসায়ের যন্ত্র বানাইতেছে। মামুদ্ধের পেটের স্থালাই তাহাদের কলের প্রীম উৎপন্ধ করে।

পূর্বকালের ক্ষত্রিয়-নায়কের সঙ্গে মাসুষের যে সম্বন্ধ ছিল সেট। ছিল মানব-সম্বন্ধ। তৃঃখ কন্ট অত্যাচার যতই থাক্, তবু পরস্পরের মধ্যে হৃদয়ের আদান-প্রদানের পথ ছিল। এখন বৈশ্য মহাজনদের সঙ্গে মামুষের সম্বন্ধ যান্ত্রিক। কর্মপ্রণালী নামক প্রকাণ্ড একটা জাঁতা মামুষের আর সমস্তই গুঁড়া করিয়া দিয়া কেবল মজুরটুকুমাত্র বাকি রাখিবার চেন্টা ক্রিতেছে।

ধনের ধর্মই অসাম্য। জ্ঞান ধর্ম কলা-সৌন্দর্য্য পাঁচজনের সঞ্চে ভাগ করিলে বাড়ে বই কমে না,—কিন্তু ধন জিনিবটাকে পাঁচজনের কাছ হইতে ভাষাকে রক্ষা না করিলে সে টে কে না। এই জন্ম ধনকামী নিজের গরজে দারিজ্য শৃত্তি করিয়া থাকে।

তাই ধনের বৈষম্য লইয়া যখন সমাজে পার্থক্য ঘটে তখন ধনীর দল সেই পার্থক্যকে সমূলে ঘুচাইতে ইচ্ছা করে না, অথচ সেই পার্থক্যটা যখন বিপদজনক হইয়া উঠে তখন বিপদটাকে কোনমতে ঠেকো দিয়া ঠেকাইয়া রাখিতে চায়।

তাই ওদেশে শ্রমজীবীর দল যতই গুমরিয়া গুমরিয়া উঠিতেছে তত্তই তাহাদিগকে ক্ষার অন্ধ না দিয়া যুম-পাড়াইবার গান গাওয়া হইতেছে; তাহাদিগকে অল্পস্প এটা-ওটা দিয়া কোনোমতে ভুলাইয়া রাখিবার চেফা। কেহ বলে উহাদের বাসা একটু ভালো করিয়া দাও, কৈহ বলে যাহাতে উহারা তু চামচ হ্মপ খাইয়া কাজে যাইতে পারে ভাহার বন্দোবস্তু কর, কেহবা তাহাদের বাড়ীতে গিয়া মিফটমুখে কুশল জিজ্ঞাসা করে, শীতের দিনে কেহবা আপন উঘ্তু গ্রম কাপড়টা ভাহাদিগকে পাঠাইয়া দেয়।

এমনি করিয়া ধনের প্রকাণ্ড জালের মধ্যে আট্কা পড়িয়া লোক-সাধারণ ছটফট করিয়া উঠিয়াছে। ধনের চাপটা যদি এত জোরের সঙ্গে তাহাদের উপর না পড়িত তবে তাহারা জমাট বাঁধিত না—এবং তাহারা যে, কেহ বা কিছু তাহা কাহারো খবরে আসিত না। এখন ওদেশে লোক-সাধারণ কেবল স্ফেস্-রিপোর্টের তালিকাভুক্ত নহে; সে একটা শক্তি। সে আর ভিক্ষা করে না, দাবি করে। এই জন্ম তাহার কথা দেশের লোকে আর ভূলিতে পারিতেছে না; সকলকে সে বিষম ভাবাইয়া তুলিয়াছে।

এই লইয়া পশ্চিমদেশে নিয়ত বে সব[°] আলোচনা চলিতেছে আমরা তাহাদের কাগজে পত্রে তাহা সর্ববদাই পড়িতে পাই। ইহাতে হঠাৎ^ব একএকবার আমাদের ধর্ম্ম-বৃদ্ধি চমক খাইয়া উঠে। বলে, তবে ত আমাদেরও ঠিক এই রকম আলোচনা কর্ত্তব্য।

ভূলিয়া যাই ওদেশে কেবলমাত্র আলোচনার নেশার আলোচনা নহে, তাহা নি হান্তই প্রাণের দায়ে। এই আলোচনার পশ্চাতে নানা বোঝাপড়া, নানা উপায়-অন্বেষণ আছে। কারণ সেখানে শক্তির সঙ্গে শক্তির লড়াই চলিতেছে,—যাহার। অক্ষমকে অনুগ্রহ করিয়া চিত্ত-বিনোদন ও অবকাশ-যাপন করিতে চায় এ তাহাদের সেই বিলাসকলা নহে।

আমাদের দেশে লোক-সাধারণ এখনো নিজেকে লোক বলিয়া জানে না, দেইজন্ম জানান্ দিতেও পারে না। আমরা তাহাদিগকে ইংরেজি বই পড়িয়া জানিব এবং অনুগ্রহ করিয়া জানিব সে জানায় তাহারা কোনো জোর পায় না, ফলও পায় না। তাহাদের নিজেদের মভাব ও বেদনা তাহাদের নিজের কাছে বিচ্ছিন্ন ও ব্যক্তিগত। তাহাদের একলার তুঃখ যে একটি বিরাট তুঃখের সম্ভর্গত এইটি জানিতে পারিলে তবে তাহাদের তুঃখ সমস্ত সমাজের পক্ষে একটি সমস্তা হইয়া দাঁড়াইত। তখন সমাজ, দয়া করিয়া নহে, নিজের গরকে সেই সমস্তার মীমাংসায় লাগিয়া ঘাইত। পরের ভাবনা ভাবা তখনি শত্য হয়, পর যথন আমাদিগকে ভাবাইয়া তোলে। অনুগ্রহ করিয়া ভাবিতে গেলে কথায় কথায় অন্যমনক্ষ হইতে হয় এবং ভাবনাটা নিজের দিকেই বেশি করিয়া ঝোঁকে।

সাহিত্য সম্বন্ধেও এই কথা খাটে। আমরা যদি আপনার উচ্চতার অভিমানে পুলকিত হইয়া মনে করি যে ঐ সব সাধারণ লোকদের জন্ম আমরা লোকসাহিত্য স্মন্তি করিব তবে এমন জিনিবের আমদানি করিব যাহাকে বিদায় করিবার জন্ম দেশে ভাঙা কুলা ভূর্ম্মূল্য হইয়া উঠিবে। ইহা আমাদের ক্ষমতায় নাই। আমরা বেমন অন্ত মাসুষের হইয়া খাইতে পারি না, তেমনি আমরা অন্ত মামুষের হইয়া বাঁচিতে সাহিত্য জীবনের স্বাভাবিক প্রকাশ, তাহা ত প্রয়োজনের প্রকাশ নহে। চিরদিনই লোকসাহিত্য লোক আপনি স্থাষ্টি করিয়া আসিয়াছে। দয়ালু বাবুদের উপর বরাৎ দিয়া সে স্মামাদের কলেজের দোতালার ঘরের দিকে হাঁ করিয়া তাকাইয়। বসিয়া নাই। সকল সাহিত্যেরই যেমন এই লোকসাহিত্যেরও সেই দশা। 'অর্থাৎ ইহাতে ভালো মন্দ মাঝারি সকল জাতেরই জিনিয আছে। ইহার যাহা ভালো তাহা অপরূপ ভালো—জগতের কোনো রসিক সভায় তাহার কিছুমাত্র লঙ্কা পাইবার কারণ নাই। অতএব দয়ার তাগিদে আমাদের কলেজের কোনো ডিগ্রিধারীকেই লোক-সাহিত্যের মুরুবিবয়ান। করা সাজিবে না। স্বয়ং বিধাতাও অনুগ্রহের জোরে জগৎ স্থপ্তি করিতে পারেন না তিনি অহেতুক আনন্দের জোরেই এই যাহা কিছু রচিয়াছেন। যেখানেই হেতু আসিয়া মুরুবিব হইয়া ৰঙ্গে সেইখানেই স্বস্থি মাটি হয়। এবং যেখানেই র্জামুগ্রহ আসিয়া সকলের চেয়ে বড আসনটা লয় সেইখান হইতেই কল্যাণ বিদায় গ্রহণ করে।

আমাদের জন্তসমাজ আরামে আছে কেননা আমাদের লোক-সাধারণ নিজেকে বোঝে নাই। এই জন্তই জমিদার তাহাদিগকে মারিভেছে, সহাজন তাহাদিগকে ধরিভেছে, মনিব তাহাদিগকে গালি দিতেছে, পুলিব তাহাদিগকে শুবিভেছে, গুরুঠাকুর ভাহাদের মাধার হাও কুলাইভেছে, মোকার ভাহাদের গাঁট কাটিভেছে, জার ভাহার। কেবন

সেই অদুষ্টের নামে নালিশ করিতেছে যাহার নামে সমন-জারি করিবার জো নাই। আমরা বড় জোর ধর্ম্মের দোহাই দিয়া জমিদারকে বলি তোমার কর্ত্তব্য কর, মহাজনকে বলি তোমার হুদ কমাও, পুলিসকে বলি তুমি অন্থায় করিয়ো না-এমন করিয়া নিতান্ত চুর্ববলভাবে কতদিন কতদিক ঠেকাইব। চালুনিতে করিয়া জল আনাইব আর বাহককে বলিব যতটা পার তোমার হাত দিয়া ছিদ্র সামলাও—সে হয় না : তাহাতে কোনো এক সময়ে এক মুহূর্ত্তের কাজ চলে কিন্তু চিরকালের এ ব্যবস্থা নয়। সমাজে দয়ার চেয়ে দায়ের জোর বেশি।

অতএব সব প্রথমে দরকার লোকেরা আপনাদের পরস্পরের মধ্যে যাছাতে একটা যোগ দেখিতে পায়। অর্থাৎ তাহাদের পরস্পরের মধ্যে একটা রাস্তা থাকা চাই। সেটা যদি রাজপথ না হয় ত অন্তত গলি রাম্বা হওয়া চাই।

লেখাপড়া শেখাই এই রাস্তা। যদি বলি জ্ঞান শিক্ষা, তাহা হইলে তর্ক উঠিবে, আমাদের চাষাভূষারা যাত্রার দল ও কথকঠাকুরের কুপায় জ্ঞান শিক্ষায় সকল দেশের অগ্রগণ্য। যদি বলি উচ্চ শিক্ষা, তাহা হঁইলে ভদ্ৰসমাজে খুব একটা উচ্চহাস্থ উঠিবে,—সেটাও সহিতে পারিতাম যদি আশু এই প্রস্তাবটার কোনো উপযোগিতা থাকিত।

আমি কিন্তু সব চেয়ে কম করিয়াই বলিতেছি কেবলমাত্র লিখিতে পড়িতে শেখা। তাহা কিছু লাভ নহে তাহা কেবলমাত্র রাস্তা —সেও পাড়াগাঁরের মেটে রাস্তা। আপাতত এই বথেষ্ট—কেনন এই রাস্তাটা না হইলেই মানুষ আপনার কোণে আপনি বন্ধ হইয়া পাকে। তখন তাহাকে বাত্রা কথকতার বোগে সাংখ্যযোগ বেদান্ত

পুরাণ ইতিহাস সমস্তই শুনাইয়া যাইতে পারো, তাহার আঙিনায় হরিনাম-সঙ্কীর্তনেরও ধুম পড়িতে পারে কিন্তু এ কথা তাহার স্পষ্ট বুঝিবার উপায় থাকে না যে সে একা নহে, তাহার যোগ কেবলমাত্র অধ্যাত্মযোগ নহে—একটা বৃহৎ লৌকিক যোগ।

দূরের সঙ্গে নিকটের, অনুপস্থিতের সঙ্গে উপস্থিতের সম্বন্ধপথটা সমস্ত দেশের মধ্যে অবাধে বিস্তীর্ণ হইলে তবেই ত দেশের অনুভব-শক্তিটা ব্যাপ্ত হইয়া উঠিবে। মনের চলাচল যতখানি মানুষ ততখানি বড়। মানুষকে শক্তি দিতে হইলে মানুষকে বিস্তৃত করা চাই।

তাই আমি এই বলি, লিখিতে পড়িতে শিখিয়া মাসুষ কি শিখিবে ও কতখানি শিখিবে সেটা পরের কথা, কিন্তু সে যে অন্তের কথা আপনি শুনিবে ও আপনার কথা অন্তকে শোনাইবে; এমনি করিয়া সে যে আপনার মধ্যে বৃহৎ মাসুষকে ও বৃহৎ মাসুষের মধ্যে আপনাকে পাইবে—ভাহার চেতনার অধিকার যে চারিদিকে প্রশস্ত হইয়া যাইবে এইটেই গোড়াকার কথা।

য়ুরোপে লোক-সাধারণ আজ যে এক হইয়া উঠিবার শক্তি পাইয়াছে তাহার কারণ এ নয় যে তাহারা সকলেই পরম পণ্ডিত হইয়া উঠিয়াছে। হয় ত আমাদের দেশাভিমানীয়া, প্রমাণ করিয়া দিতে পারেন যে পরাবিছ্যা বলিতে যাহা বুঝায় তাহা আমাদের দেশের সাধারণ লোকে তাহাদের চেয়ে বেশি বোঝে, কিস্তু ইহাতে কোনো সন্দেহ নাই যে য়ুরোপের সাধারণ লোকে লিখিতে পড়িতে শিখিয়া পরস্পরের কাছে পৌছিবার উপায় হইয়াছে, হদয়ে হলয়ে গতিবিধির একটা মস্ত বাধা দূর হইয়া গেছে। এ কথা নিশ্চিত সত্য যে য়ুরোপে লোকশিক্ষা আপাততঃ অগীভীর হইলেও তাহা যদি ব্যাপ্ত না হইড তবে আজ

সেখানে লোক-সাধারণ নামক যে সন্তা আপনার শক্তির গৌরবে জাগিয়া উঠিয়া আপন প্রাপ্য দাবি করিতেছে তাহাকে দেখা যাইত না। তাহা হইলে যে গরীব সে ক্ষণে ক্ষণে ধনীর প্রসাদ পাইয়া কৃতার্থ হইত, যে ভূত্য সে মনিবের পায়ের কাছে মাখা রাখিয়া পড়িয়া থাকিত এবং যে মজুর সে মহাজনের লাভের উচ্ছিষ্টকণামাত্র খাইয়া ক্ষ্ধাদগ্ধ পেটের একটা কোণমাত্র ভরাইত।

লোকহিতৈষীরা বলিবেন, আমরা ত সেই কাজেই লাগিয়াছি—
আমরা ত নাইট কুল খুলিয়াছি। কিন্তু ভিক্ষার ঘারা কেই কথনো
সমৃদ্ধি লাভ করিতে পারে না। আমরা ভদ্রলোকেরা যে শিক্ষা লাভ
করিতেছি সেটাতে আমাদের অধিকার আছে বলিয়া আমরা অভিমান
করি,—সেটা আমাদিগকে দান করা অনুগ্রহ করা নয়, কিন্তু সেটা
হইতে বঞ্চিত করা আমাদের প্রতি অন্যায় করা। এই জন্ম আমাদের
শিক্ষাব্যবস্থায় কোনো খর্বতা ঘটিলে আমরা উত্তেজিত হইয়া উঠি।
আমরা মাথা তুলিয়া শিক্ষা দাবী করি। সেই দাবী ঠিক গায়ের
জোরের নহে, ভাহা ধর্ম্মের জোরের। কিন্তু লোক-সাধারণেরও সেই
জোরের দাবী আছে, যতদিন ভাহাদের শিক্ষার ব্যবস্থা না হইতেছে
ভতদিন ভাহাদের প্রতি অন্যায় জমা হইয়া উঠিতেছে এবং সেই অন্যায়ের
ফল আমরা প্রত্যেকে ভোগ করিতেছি একথা যতক্ষণ পর্যান্ত আমরা
স্বীকার না করিব ততক্ষণ দয়া করিয়া ভাহাদের জন্য এক-আঘটা
নাইট্ স্কুল খুলিয়া কিছুই হইবে না। সকলের গোড়ায় দরকার লোকসাধারণকে লোক বলিয়া নিশ্চিভরূপে গণ্য করা।

কিন্তু সমস্তাটা এই যে, দয়া করিয়া গণ্য করাটা টেঁকে না। ভাহারা শক্তি লাভ করিয়া বেদিন গণ্য করাইবে সেই দিনই সমস্তার মীমাংসা হইবে। সেই শক্তি যে তাহাদের নাই তাহার কারণ তাহারা অজ্ঞতার দ্বারা বিচ্ছিন্ন। রাষ্ট্রব্যবস্থা যদি তাহাদের মনের রাস্তা তাহাদের যোগের রাস্তা খুলিয়া না দেয় তবে দয়ালু লোকের নাইট্ স্কুল খোলা অশ্রু বর্ষণ করিয়া অগ্নিদাহ নিবারণের চেফার মত হইবে। কারণ, এই লিখিতে পড়িতে শেখা তখনি যথার্থ ভাবে কাজে লাগিবে যখন তাহা দেশের মধ্যে সর্বব্যাপী হইবে। সোনার আওটি কড়ে আঙুলের মাপে হইলেও চলে কিন্তু একটা কাপড় সেই মাপের হইলে তাহা ঠাট্রার পক্ষেও নেহাৎ ছোট হয়—দেহটাকে এক-আবরণে, আরুত ক্রিতে পারিলেই তবে তাহা কাজে দেখে। সামান্ত লিখিতে পড়িতে শেখা ছুই চার জনের মধ্যে বন্ধ হইলে তাহা দামী জিনিব হয় না, কিন্তু সাধারণের মধ্যে ব্যাপ্ত হইলে তাহা দেশের লড্জা রক্ষা করিতে পারে।

পূর্বেই বলিয়াছি শক্তির সঞ্চে শক্তির বোঝাপড়া হইলে তবেই সেটা সত্যকার কারবার হয়। এই সত্যকার কারবারে উভয় পক্ষেরই মক্ষল। য়ুরোপে শ্রামজীবীরা যেমনি বলিষ্ঠ হইয়াছে জমনি সেখানকার বণিকরা জবাবদিহির দায়ে পড়িয়াছে। ইহাতেই চুইপক্ষেয় সম্বন্ধ সত্য হইয়া উঠিবে—অর্থাৎ যেটা বরাবর সহিবে সেইটেই দাঁড়াইয়া যাইবে, সেইটেই উভয়েরই পক্ষে কল্যাণের। স্ত্রীলোককে সাধ্বী রাখিবার জন্য পুরুষ সমস্ত সামাজিক শক্তিকে তাহার বিরুদ্ধে খাড়া করিয়া রাখিয়াছে—তাই স্ত্রীলোকের কাছে পুরুষের কোনো জ্বাবদিহি নাই—ইহাতেই স্ত্রীলোকের সহিত সম্বন্ধে পুরুষ সম্পূর্ণ কাপুরুষ হইয়া দাঁড়াইয়াছে; স্ত্রীলোকের চেয়ে ইহাকে, পুরুষের ক্ষতি জনেক বেশি। কারণ ক্মর্বলের সক্ষে ব্যবহার করার মত এমন ত্বপতিকর

আর কিছুই নাই। আমাদের সমাজ লোক-সাধারণকে যে শক্তিহীন করিয়া রাথিয়াছে এইথানেই সে নিজের শক্তিকে অপহরণ করিতেছে। পরের অন্ত্র কাড়িয়া লইলে নিজের অন্ত্র নির্ভয়ে উচ্ছূখন হইয়া উঠে—এইথানেই মামুমের পতন।

আমাদের দেশের জনসাধারণ আজ জমিদারের, মহাজনের, রাজপুরুষের, মোটের উপর সমস্ত ভদ্রসাধারণের দয়ার অপেক্ষা রাখিতেছে, ইহাতে তাহারা ভদ্রসাধারণকে নামাইয়া দিয়াছে। আমরা ভৃত্যকে অনায়াসে মারিতে পারি, প্রজাকে অনায়াসে অভিষ্ঠ করিতে পারি, গরীব মূর্থকে অনায়াসে ঠকাইতে পারি ;— নিম্নতনদের সহিত নায়-ব্যবহার করা, মানহানদের সহিত শিফীচার করা নিহান্তই আমাদের ইচ্ছার পরে নির্ভর করে, অপর পক্ষের শক্তির পরে নহে, এই নিরন্তর সক্ষট হইতে নিজেদের বাঁচাইবার জন্যই আমাদের দরকার হইয়াছে নিম্নশ্রেণীয়দের শক্তিশালী করা। সেই শক্তি দিতে গেলেই তাহাদের হাতে এমন একটি উপায় দিতে হইবে যাহাতে ক্রমে তাহারা পরস্পর সিম্মিলিত হইতে পারে—সেই উপায়িটিই ভাহাদের সকলকেই লিখিতে পড়িতে শেখানো।

শীরবীন্দ্রনাপ ঠাকুর।



ভাইফোঁটা

প্রাবণ মাসটা আজ যেন একরাত্রে একেবারে দেউলে হইয়া গেছে। সমস্ত আকাশে কোপাও একটা ছেঁড়া মেঘের টুক্রাও নাই।

আশ্চর্য্য এই যে আমার সকালটা আজ এমন করিয়া কাটিভেছে।
আমার বাগানের মেহেদি-বেড়ার প্রাস্তে শিরীষগাছের পাতাগুলা
ঝলমল করিয়া উঠিভেছে আমি তাহা তাকাইয়া দেখিতেছি।
সর্বনাশের যে মাঝ-দরিয়ায় আসিয়া পৌছিয়াছি এটা যথন দূরে ছিল
তথন ইহার কথা করনা করিয়া কত শীতের রাত্রে সর্ববাঙ্গে ঘাম দিয়াছে,
কত গ্রীত্মের দিনে হাত-পায়ের তেলো ঠাগু। হিম হইয়া গেছে। কিম্ব
আজ সমস্ত ভয়ভাবনা হইতে এমনি ছুটি পাইয়াছি যে ঐ যে আতাগাছের ডালে একটা গিরিগিটি স্থির হইয়া শিকার লক্ষ্য করিভেছে
সেটার দিকেও আমার চোধ রহিয়াছে।

সর্বস্থ খোরাইয়া পথে দাঁড়াইব এটা তত কঠিন না—কিন্তু
আমাদের বংশে যে সততার খ্যাতি আজ তিন-পুরুষ চলিয়া আসিয়াছে
সেটা আমারি জীবনের উপর আছাড় খাইয়া চুরমার হইতে চলিল
সেই লজ্জাতেই আমার দিনরাত্রি স্বস্তি ছিলনা—এমন কি আত্মহত্যার
কথাও অনেকবার ভাবিয়াছি। কিন্তু আজ যখন আর পর্দা রহিল না,
খাতাপত্রের গুহাগহরর হইতে অখ্যাতিগুলো ক্লালো ক্রিমির মত
কিলবিল করিয়া বাহির হইয়া আদালত হইতে খবরের কাগজময়
ছড়াইয়া পড়িল, তখন আমার একটা মস্ত বোঝা নামিয়া গেল।

পিতৃপুরুষের স্থনামটাকে টানিয়া বেড়াইবার দায় হইতে রক্ষা পাইলাম। সবাই জানিল, আমি জুয়াচোর। বাঁচা গেল!

উক্লিলে উকিলে ছেঁড়াছেঁড়ি করিয়া সকল কথাই বাহির করিবে, কেবল সকলের চেয়ে বড় কলঙ্কের কথাটা আদালতে প্রকাশ হইবার সম্ভাবনা নাই—কারণ স্বয়ং ধর্ম ছাড়া তার আর-কোনো ফরিয়াদি অবশিষ্ট নাই। এইজন্ম সেইটে প্রকাশ করিয়া দিব বলিয়াই আজ কলম ধরিলাম।

সামার পিতামহ উদ্ধব দত্ত তাঁর প্রভুগংশকে বিপদের দিনে নিজের সম্পত্তি দিয়া রক্ষা করিয়াছেন। সেই হইতে আমাদের দারিদ্রাইণ স্থালোকের ধনের চেয়ে মাথা উঁচু করিয়াছে। আমার পিতা সনাতন দত্ত ডিরোজিয়োর ছাত্র। মদের সম্বন্ধে তাঁর যেমন অদ্ভুত নেশ্ম ছিল সত্যের সম্বন্ধে ততাধিক। মা আমাদের একদিন নাপিত ভায়ার গল্প বলিয়াছিলেন শুনিয়া পরদিন হইতে সন্ধ্যার পর আমাদের বাড়ির ভিতরে যাওয়া তিনি একেবারে বন্ধ করিয়া দিলেন। বাহিরে পড়িবারযরে শুইতাম। সেখানে দেয়াল-জুড়িয়া ম্যাপগুলা সত্য কথা বলিত, তেপাগ্রুর মাঠের খবর দিত না—এবং সাতসমুদ্র তেরো নদীর গল্পটাকে ফাঁসিকাঠে ঝুলাইয়া রাখিত। সত্তা সম্বন্ধেও তাঁর শুটিবায় প্রবাদ ছিল। আমাদের জ্বাবদিহির অন্ত ছিল না। একদিন একজন 'হকার' দাদাকে কিছু জিনিষ বেটিয়াছিল। তারই কোনো একটা মোড়কের একখানা দড়ি লইয়া ধেলা করিতেছিলাম। বাবার শুকুমে সেই দড়ি 'হকার'কে ফিরাইয়া দিবার জ্ব্যু রাস্তায় আমাকে ছুটিতে হইয়াছিল।

আমরা সাহুতার জেলখানায় সততার লোহার বেড়ি পরিয়া

মাসুষ। মাসুষ বলিলে একটু বেশি বলা হয়—আমরা-ছাড়া আর সকলেই মাসুষ, কেবল আমরা মাসুষের দৃষ্টান্তস্থল। আমাদের খেলা ছিল কঠিন, ঠাট্টা বন্ধ, গল্প নীরস, বাক্য স্বল্প, হাসি সংযত, ব্যবহার নিখুঁৎ। ইহাতে বাল্য-লীলায় মস্ত যে একটা ফাঁক পড়িয়াছিল লোকের প্রশংসায় সেটা ভর্ত্তি হইত। আমাদের মান্টার হইতে মুদি পর্যাস্ত সকলেই স্বীকার করিত, দত্ত-বাড়ির ছেলের। সত্যসুগ হইতে হঠাৎ পথ ভুলিয়া আসিয়াছে।

পাথর দিয়া নিরেট করিয়া বাঁধানো রাস্তাতেও একটু ফাঁক পাইলেই প্রকৃতি তার মধ্য হইতে আপনার প্রাণ-শক্তির সবৃদ্ধ জয়পতাকা তুলিয়া বসে। আমার নবীন জীবনে সকল তিথিই একাদশী হইয়া উঠিয়াছিল, কিন্তু উহারই মধ্যে উপবাসের একটা কোন্ ফাঁকে আমি একটুখানি স্থধার স্থাদ পাইয়াছিলাম।

যে কয়জনের ঘরে আমাদের যাওয়া-আসার বাধা ছিল না তার মধ্যে একজন ছিলেন অথিলবাবু। তিনি আক্ষা-সমাজের লোক— বাবা তাঁকে বিশ্বাস করিতেন। তাঁর মেয়ে ছিল অনস্য়া, আমার চেয়ে ছয়-বছরের ছোট। আমি তার শাসনকর্তার পদ লইয়াছিলাম।

তার শিশুমুখের সেই ঘন কালো চোখের পল্লব আমার মনে পড়ে।
সেই পল্লবের ছারাতে এই পৃথিবীর আলোর সমস্ত প্রথরতা তার
চোখে যেন কোমল হইয়া আসিয়াছিল। কি স্নিগ্ধ করিয়াই সে
মুখের দিকে চাহিত। পিঠের উপরে ছলিতেছে তার সেই বেণীটি,
সেও আমার মনে পড়ে। আর মনে পড়ে সেই ছইখানি ছাত;—
কেন জানি না তার মধ্যে বড়-একটি করণা ছিল। সে যেন
পথে চলিতে ক্লার-কারে। হাত ধরিতে চায়—তার সেই কচি

আঙুলগুলি যেন সম্পূর্ণ বিশ্বাস করিয়। কার মুঠার মধ্যে ধর। দিবার জন্ম পথ চাহিয়া আছে।

ঠিক সেদিন এমন করিয়া তাকে দেখিতে পাইয়াছিলাম একথা বলিলে বেশি বলা হইবে। কিন্তু আমরা সম্পূর্ণ বুঝিবার আগেও অনেকটা বুঝি। অগোচরে মনের মধ্যে অনেক ছবি আঁকা হইয়া যায়—হঠাৎ একদিন কোনো-একদিক হইতে আলে। পড়িলে সেগুলা চোথে পড়ে।

অনুর মনের দরজায় কড়া পাহারা ছিল না। দে যা-তা বিশাস করিত। একে ত সে তার বুড়ি দাসীর কাছ হইতে বিশ্ব-ত্র সম্বন্ধে যে-সমস্ত শিক্ষা লাভ করিয়াছিল তা আমার সেই ম্যাপ-টাঙানে। পড়িবার-ঘরের জ্ঞান-ভাগুরের আবর্জ্জনার মধ্যে ই ঠাঁই পাইবার যোগ্য নয়: তার পরে সে আবার নিজের কল্লনার যোগেও কত কি যে স্ৃষ্টি করিত তার ঠিকান। নাই। এইখানে কেবলি তাকে আমার শাসন করিতে হইত। কেবলি বলিতে হইত, "অনু, এ সমস্ত মিথ্যা কথা, তা জান! ইহাতে পাপ হয়!" শুনিয়া অনুষ তুই চোখে কালে৷ পল্লবের ছায়ার উপরে আবার একটা ভয়ের ছায়। পড়িত। অনু যখন তার ছোট বোনের কালা থামাইবার জন্ম কত কি বাজে কথা বলিত—তাকে ভুলাইয়া তুধ খাওয়াইবার সময় ধেখানে পাথী নাই সেখানেও পাধী আছে বলিয়া উচ্চৈঃস্বরে উড়ো-খবর দিবার চেফা করিত, আমি তাকে ভয়ঙ্কর গন্তীর হইয়া সাবধান করিয়া দিয়াছি—বলিয়াছি, উহাকে যে মিপ্যা বলিতেছ, পরমেশ্বর সমস্ত শুনিতেছেন, এখনি তাঁর কাছে তোমার মাপ চাওয়া উচিত।

000

এমনি করিয়া আমি তাকে যত শাসন করিয়াছি সে আমার শাসন মানিয়াছে। সে নিজেকে যতই অপরাধী মনে করিত আমি ততই খুসি হইতাম। কড়া শাসনে মাসুষের ভালো করিবার স্থযোগ পাইলে নিজে যে অনেক শাসনে ভালো হইয়াছি সেটার একটা দাম ফিরিয়া পাওয়া যায়। অসুও আমাকে নিজের এবং পৃথিবীর অধিকাংশের তুলনায় অদ্ভুত ভালো বলিয়া জানিত।

ক্রমে বয়স বাড়িয়াছে, ইস্কুল হইতে কলেজে গিয়াছি। অখিল বাবুর স্ত্রীর মনে মনে ইচ্ছা ছিল আমার মত ভালো ছেলের সঙ্গে অমুর বিবাহ দেন। আমারো মনে এটা ছিল কোনো কন্থার পিতার চোখ-এড়াইবার মত ছেলে আমি নই। কিন্তু একদিন শুনিলাম বি-এল্ পাস-করা একটি টাট্কা মুন্সেফের সঙ্গে অমুর সম্বন্ধ পাকা হইয়াছে। আমরা গরীব—আমি ত জানিতাম সেটাতেই আমাদের দাম বাড়িয়াছে। কিন্তু কন্থার পিতার হিসাবের প্রাণালী

বিসর্জ্জনের প্রতিমা ডুবিল। একেবারে জীবনের কোন্ আড়ালে সে পড়িয়া গেল। শিশুকাল হইতে যে আমার সকলের ক্রেয়ে পরিচিত সে একদিনের মধ্যেই এই হাজার লক্ষ অপরিচিত মাসুষের সমুদ্রের মধ্যে তলাইয়া গেল। সেদিন মনে যে কি বাজিল তাহা মনই জানে। কিন্তু বিসর্জ্জনের পরেও কি চিনিয়াছিলাম সে আমার দেবীর প্রতিমা ? তা নয়। অভিমান সেদিন যা খাইয়া আরো টেউ খেলাইয়া উঠিয়াছিল। অসুকে ত চিরকাল ছোট করিয়াই দেখিয়া আসিয়াছি; সেদিন আমার কোগ্যতার তুলনায় তাকে আরো ছোট করিয়া দুখিলাম। আমার শ্রেষ্ঠতার যে পূজা হইল না

সেদিন এইটেই সংসারের সকলের চেয়ে বড় অকল্যাণ বলিয়া জানিয়াছি।

যাক্-এটা বোঝা গেল সংসারে শুধু সং হইয়া কোনো লাভ নাই। পণ করিলাম এমন টাকা করিব যে, একদিন অথিলবাবুকে বলিতে হইবে বড় ঠকান ঠকিয়াছি। খুব কষিয়া কাজের-লোক হইবার জোগাড করিলাম।

কাজের-লোক হইবার সব-চেয়ে বড় সরঞ্জাম নিজের পরে অগাধ বিখাস সে পক্ষে আমার কোনোদিন কোনো কম্তি ছিল না। এ জিনিষটা ছোঁয়াচে। যে নিজেকে বিশাস করে অধিকাংশু লোকেই তাকে বিশ্বাস করে। কেজো বুদ্ধিটা যে আমার স্বাভাবিক এবং অসাধারণ সেটা সকলেই মানিয়া লইতে লাগিল।

কেজো সাহিত্যের বই এবং কাগজে আমার শেল্ফ্ এবং টেবিল ভরিয়া উঠিল। বাড়ি-মেরামং, ইলেক্টিক আলো ও পাখার কৌশল, কোন্ জিনিষের কত দর, বাজার দর ওঠাপড়ার গুটতন্ত্র, এক্স্টেঞ্জের রহস্তা, প্ল্যান্, এষ্টিমেট্ প্রভৃতি বিভায় আসর জমাইবার মৃত ওস্তাদি আমি এক-রকম মারিয়া লইয়াছিলাম।

কিন্তু অহরহ কাজের কথা বলি অথচ কিছুতে কোনো কাজেই নামি না এমন ভাবে অনেক দিন কাটিল। আমার ভক্তরা যুখনি আমাকে কোনো-একটা স্বদেশী কম্পানিতে যোগ দিবার প্রস্তাব করিত আমি বুঝাইয়া দিতাম, যতগুলা কারবার চলিতেছে কোনোটার कांट्यत थात्रा विशुष्त नरह, मकत्मत्रहे मर्सा गलम विश्वत- जा हाज़ा गठठ। वाँहारेया हिलाउ इरेल अदार कांट (वंधिवात स्त्रा नारे। সক্ততার লাগামে একটু-আধটু ঢিল্ না দিলে ব্যবসা চলে না এমন কথা আমার কোনো বন্ধু বলাতে তার সঙ্গে আমার ছাড়াছাড়ি হইয়া গেছে।

মৃত্যুকাল পর্যান্ত সর্বাঙ্গ-স্থন্দর প্ল্যান, এপ্রিমেট্ এবং প্রস্পেক্ট্রদ লিখিয়া আমার যশ অক্ষুণ্ণ রাখিতে পারিতাম। কিন্তু বিধির বিপাকে প্ল্যান করা ছাড়িয়া কাজ করার লাগিলাম। এক ত পিতার মৃত্যু হওয়াতে আমার ঘাড়েই সংসারের দায় চাপিল, তার পরে আর-এক উপসর্গ আসিয়া জুটিল, সে কথাও বলিতেছি।

প্রসন্ধ বলিয়া একটি ছেলে আমার সঙ্গে পড়িত। সে বেমন

মুখর তেমনি নিন্দুক। আমাদের পৈতৃক সততার খ্যাতিটাকে লইয়া
থোঁচা দিবার সে ভারি স্থ্যোগ পাইয়াছিল। বাবা আমার নাম

দিয়াছিলেন সত্যধন। প্রসন্ধ আমাদের দারিদ্র্য লক্ষ্য করিয়া বলিত,
বাবা দিবার বেলা দিলেন মিথ্যাধন, আর নামের বেলা দিলেন

সত্যধন, তার চেয়ে ধনটাকে সত্য দিয়া নামটাকে মিথ্যা দিলে
লোকসান হইত না। প্রসন্ধর মুখটাকে বড় ভয় করিতাম।

অনেক দিন তার দেখাই ছিল না। ইতিমধ্যে সে বর্ণ্মায় লুধিয়ানায় শ্রীরঙ্গপত্তনে নানা রকম-বেরকমের কাঙ্গ করিয়া আসিয়াছে। সে হঠাৎ কলিকাতায় আসিয়া আমাকে পাইয়া বসিল। যার ঠাট্টাকে চিরদিন ভয় করিয়া আসিয়াছি তার শ্রন্ধা পাওয়া কি কম আরাম!

প্রসন্ধ কহিল, ভাই আমার এই কথা রইল, দেখে নিয়ো, একদিন তুমি যদি ভিতীয় মতি শীল বা তুর্গাচরণ লা' না হও তবে আমি বউবাজারের মোড় হইতে বাগবাজারের মোড় পর্য্যন্ত বরাবর সমানে নাকে খৎ দিতে রাজি আছি প

প্রসন্ধ মুখে এত বড় কথাটা বে কতই বড় তাহা প্রসন্ধ

সঙ্গে যারা এক-ক্লাসে না পড়িয়াছে তারা বুনিতেই পারিবে না। তার উপরে প্রসন্ন পৃথিবীটাকে খুব-করিয়া চিনিয়া আসিয়াছে; উহার কথার দাম আছে।

সে বলিল, কাজ বোঝে এমন লোক আমি ঢের দেখিরাছি
দাদা—কিন্তু তারাই সব চেয়ে পড়ে বিপদে। তারা বুদ্ধির জোরেই
কিন্তি মাৎ করিতে চায়, ভুলিয়া যায় যে মাগার উপরে ধর্ম্ম আছেন।
কিন্তু তোমাতে যে মণিকাঞ্চনযোগ। ধর্ম্মকেও শক্ত করিয়া
ধরিয়াছ আবার কর্ম্মের বুদ্ধিতেও তুমি পাকা।

তখন ব্যবসা-ক্ষেপা কালটাও পড়িয়াছিল। সকৰেই স্থিব করিয়াছিল বাণিজ্য ছাড়া দেশের মুক্তি নাই এবং ইহাও নিশ্চিত বৃন্ধিয়াছিল যে কেবলমাত্র মূল-ধনটার জোগাড় হইলেই উকীল, মোক্তান, ডাক্তার, শিক্ষক, ছাত্র এবং ছাত্রদের বাপদাদা সকলেই একদিনেই সকল প্রকার ব্যবসা পূরাদমে চালাইতে পারে।

আমি প্রদন্ধকে বলিলাম, আমার সম্বল নাই যে।

সে বলিল, বিলক্ষণ! ভোমার পৈতৃক সম্পত্তির মভাব কি ?

তখন হঠাৎ মনে হইল প্রসন্ন তবে বুঝি এতদিন ধরিয়া আমার সঙ্গে একটা লম্বা ঠাটা করিয়া আসিতেছে।

প্রসন্ধ কহিল, ঠাট্টা নয় দাদা! সতভাই ত লক্ষ্মীর সোনার পল্ম। লোকের বিখাসের উপরই কারবার চলে, টাকায় নয়।

পিতার আমল হইতেই আমাদের বাড়িতে পাড়ার কোনো কোনো বিধবা মেয়ে টাকা গচ্ছিত রাখিত। তারা স্থদের আশা করিত না —কেবল এই বলিয়া নিশ্চিম্ত ছিল যে, মেয়েমাসুষের সর্ববত্রই ঠকিবার আশঙ্কা আছে কেবল আমাদের ঘরেই নাই। সেই গচ্ছিত টাকা লইয়া স্বদেশী এজেন্সি খুলিলাম। কাপড় কাগজ কালী বোতাম সাবান যতই আনাই বিক্রি হইয়া যায়— একেবারে পঙ্গপালের মত খরিদার আসিতে লাগিল।

একটা কথা আছে—বিছা যতই বাড়ে ততই জানা যায় যে কিছুই জানি না; টাকারও সেই দশা। টাকা যতই বাড়ে ততই মনে হয় টাকা নাই বলিলেই হয়। আমার মনের সেই রকম অবস্থায় প্রসন্ন বলিল—ঠিক যে বলিল তাহা নয়, আমাকে দিয়া বলাইয়া লইল—যে, খুচরা-দোকানদারীর কাজে জীবন দেওয়াটা জীবনের থাজে খরচ। পৃথিবী জুড়িয়া যে সব ব্যবসা সেই ত ব্যবসা। দেশের ভিতরেই যে টাকা খাটে সে টাকা ঘানির বলদের মত অগ্রসর হয় না. কেবল ঘুরিয়া মরে।

প্রসন্ধ এমনি ভক্তিতে গদ্গদ হইয়া উঠিল যেন এমন নূতন লগচ গভীর জ্ঞানের কথা সে জীবনে আর কখনো শোনে নাই। তার পরে আমি তাকে ভারতবর্ষে তিসির ব্যবসার সাত বছরের হিসাব দেখাইলাম। কোথায় তিসি কত পরিমাণে যায়; কোথায় কত দর; দর সব চেয়ে উঠেই বা কত নামেই বা কত; মাঠে ইহার দাম কত; চাবাদের ঘর হইতে কিনিয়া একদম সমুদ্রপারে চালান করিতে পারিলে এক লক্ষে কত লাভ হওয়া উচিত কোথাও বা তাহা রেখা কাটিয়া, কোথাও বা তাহা শতকরা হিসাবের আকে ছকিয়া, কোথাও বা অনুলোম-প্রণালীতে কোথাও বা প্রতিলোম-প্রণালীতে লাল এবং কালো কালীতে অতি পরিকার অক্ষরে লম্বা কাগকের পাঁচ-সাত পৃষ্ঠা ভর্ত্তি করিয়া যথন প্রসন্ধর হাতে দিলাম তখন সে আমার

পায়ের ধূলা লইতে যায় আর কি ! সে বলিল-মনে বিশাস ছিল আমি এসব কিছু-কিছু বুঝি কিন্তু আজ হইতে দাদা তোমার সাক্রেদ্ হইলাম।

সাবার একটু প্রতিবাদও করিল। বলিল, যো ধ্রুবাণি পরিত্যক্ষ্য —মনে আছে ত ? কি জানি হিসাবে ভুল থাকিতেও পারে।

আমার রোখ চড়িয়া গেল। ভুল যে নাই কাগজে কাগজে তাহার অকাট্য প্রমাণ বাড়িয়া চলিল। লোকসান যত প্রকারের হইতে পারে সমস্তকে সার বাঁধিয়া খাড়া করিয়াও মুনফাকে কোনো মতেই শতকরা বিশ পঁচিশের নীচে নামাইতে পারা গেল না। °

এমনি করিয়া দোকানদারীর সরু খাল বাহিয়া কারবারের সমুদ্রে গিয়া যখন পড়া গেল তখন যেন সেটা নিতান্ত আমারই জেদ-বশত ঘটিল এমনি একটা ভাব দেখা দিল। দায়িত্ব আমারই।

একে দত্ত বংশের সভভা ভার উপরে ফুদের লোভ: গচ্ছিত টাকা ফাঁপিয়া উঠিল। মেয়েরা গহনা বেচিয়া টাকা দিতে नाशिन ।

কাজে প্রবেশ করিয়া আর দিশা পাই না। গ্লানে যেগুলো দিব্য লাল এবং কালো কালীর রেখায় ভাগ করা, কাজের মধ্যে সে বিভাগ খুঁজিয়া পাওয়া দায়। আমার প্ল্যানের রসভক হয়— তাই কাজে সুখ পাই না। অন্তরাত্মা স্পর্ট বুঝিতে লাগিল কাজ করিবার ক্ষমতা আমার নাই অথচ সেটা কবুল করিবার ক্ষমতাও শামার নাই। কাজটা স্বভাবত প্রসন্নর হাতেই পড়িল অথচ আমিই যে কারবারের হঠা-কর্তা-বিধাতা এ ছাড়া প্রসন্নর মূখে আর কথাই নাই। তার মহল্রর এবং আমার স্বাক্ষর, তার দক্ষতা এবং সামার

পৈতৃক খ্যাতি এই ছুইয়ে মিলিয়া ব্যবসাটা চার পা তুলিয়া যে কোন পথে ছটিতেছে ঠাহর করিতেই পারিলাম না।

দেখিতে দেখিতে এমন জায়গায় আসিয়া পড়িলাম যেখানে তলও
পাই না, কুলও দেখি না। তখন হাল ছাড়িয়া দিয়া যদি সত্য খবরটা
ফাঁস করি তবে সততা রক্ষা হয় কিন্তু সততার খ্যাতি রক্ষা হয় না।
গচ্ছিত টাকার স্থদ জোগাইতে লাগিলাম কিন্তু সেটা মুনফা হইতে নয়।
কাজেই স্থাদের হার বাডাইয়া গচ্ছিতের পরিমাণ বাডাইতে থাকিলাম।

আমার বিবাহ অনেক দিন হইয়াছে। আমি জানিতাম ঘরকরা ছাড়া আমার স্ত্রীর আর কোনো-কিছুতেই খেয়াল নাই। হঠাৎ দেখি, অগস্ত্রের মত এক-গগুরুষে টাকার সমুদ্র শুষিয়া লইবার লোভ তারও আছে। আমি জানি না কখন আমারই মনের মধ্য হইতে এই হাওয়াটা আমাদের সমস্ত পরিবারে বহিতে আরম্ভ করিয়াছে। আমাদের চাকর দাসী দরোয়ান পর্যান্ত আমাদের কারবারে টাকা ফেলিতেছে। আমার স্ত্রীও আমাকে ধরিয়া পড়িল সে কিছু কিছু গহনা বেচিয়া আমার কারবারে টাকা খাটাইবে। আমি ভর্মনা করিলাম, উপদেশ দিলাম। বলিলাম, লোভের মত রিপু নাই।—
জীর টাকা লই নাই।

আরো একজনের টাকা আমি লইতে পারি নাই।

জমু একটি ছেলে লইয়া বিধবা হইয়াছে। বেমন কুপণ ডেমনি
ধনী বলিয়া তার স্বামীর খ্যাতি ছিল। কেহ বলিত দেড় লক্ষ টাকা
ভার জমা আছে, কেহ বলিত আরো অনেক বেলি। লোকে বলিড,
কুপণতার অনু ভার স্বামীর সহধর্মিণী। আমি ভাবিতাম, ভা
হবেই ড। জনু ত ডেমন শিক্ষা এবং সঙ্গ পার নাই।

এই টাকা কিছু খাটাইয়া দিবার জন্ম সে আমাকে অমুরোধ করিয়া পাঠাইয়াছিল। লোভ হইল, দরকারও খুব ছিল কিন্তু ভয়ে তার সঙ্গে দেখা পর্যান্ত করিতে গেলাম না।

একবার যখন একটা বড় হুণ্ডির মেয়াদ আসম এমন সময়ে প্রসন্ন আসিয়া বলিল, অখিলবাবুর মেয়ের টাকাটা এবার না লইলে নয়। আমি বলিলাম, যে রকম দশা সিঁধ-কাটাও আমার দারা সম্ভব কিন্তু ও টাকাটা লইতে পারিব না।

প্রসন্ন কহিল—যখন হইতে তোমার ভরসা গেছে তখন হইতেই কারবারে লোকসান চলিতেছে। কপাল ঠুকিয়া লাগিলেই কপালের জোরও বাড়ে।

কিছুতেই রাজি হইলাম না।

পরদিন প্রসন্ধ আসিয়া কহিল, দক্ষিণ হইতে এক বিখ্যাত মারাঠী গণৎকার আসিয়াছে তাহার কাছে কুন্তি লইয়া চল।

সনাতন দত্তর বংশে কুন্ঠি মিলাইয়া ভাগ্য পরীক্ষা! দুর্ববলতার দিনে মানব প্রকৃতির ভিতরকার সাবেককেলে বর্ববরটা বল পাইয়া উঠে। ষাহা দৃষ্ট তাহা যখন ভয়ঙ্কর তখন যাহা অদৃষ্ট তাহাকে বুকে চাপিয়া ধরিতে ইচ্ছা করে। বুদ্ধিকে বিশ্বাস করিয়া কোনো আরাম পাইতেছিলাম না তাই নির্ববৃদ্ধিতার শরণ লইলাম; জন্মক্ষণ ও সন তারিখ লইয়া গণাইতে গেলাম।

শুনিলাম আমি সর্বনাশের শেষ-কিনারায় আসিয়া দাঁড়াইয়াছি। কিন্তু এইবার বৃহস্পতি অনুকূল—এখন তিনি আমাকে কোনো একটি জীলোকের ধনের সাহায্যে উদ্ধার করিয়া অতুল ঐশ্বর্যা মিলাইরা দিবেন। ইহার মধ্যে প্রসন্ধর হাত আছে এমন সন্দেহ করিতে পারিতাম।
কিন্তু সন্দেহ করিতে কোনোমতেই ইচ্ছা হইল না। বাড়ি ফিরিয়া
আসিলে প্রসন্ধ আমার হাতে একখানা বই দিয়া বলিল, খোল
দেখি। খুলিতেই যে পাতা বাহির হইল তাহাতে ইংরাজিতে লেখা,
বাণিজ্যে আশ্চর্য্য সফলতা।

সেইদিনই অমুকে দেখিতে গেলাম।

স্বামীর সঙ্গে মফস্বলে ফিরিবার সময় বারবার ম্যালেরিয়া জ্বরে পড়িয়া অনুর এখন এমন দশা যে ডাক্তাররা ভয় করিতেছে তাকে ক্ষয়-রোগে ধরিয়াছে। কোনো ভালো জায়গায় যাইতে বলিলে সে বলে, আমি ত আজ বাদে কাল মরিবই কিন্তু আমার স্থবোধের টাকা আমি নষ্ট করিব কেন
—এমনি করিয়া সে স্থবোধকে এবং স্থবোধের টাকাটিকে নিজের প্রাণ দিয়া পালন করিতেছে।

আমি গিয়া দেখিলাম অমুর রোগটি তাকে এই পৃথিবী হইতে তফাৎ করিয়া দিয়াছে। আমি যেন তাকে অনেক দূর হইতে দেখিতেছি। তার দেহখানি একেবারে স্বচহ হইয়া ভিতর হইতে একটি আভা বাহির হইতেছে। যা-কিছু ছুল সমস্ত ক্ষয় করিয়া তার প্রাণটি মৃত্যুর বাহির-দরজায় স্বর্গের আলোতে আসিয়া দাঁড়াইয়াছে। আর সেই তার করণ হুটি চোখের ঘন পালব। চোখের নীচে কালী পড়িয়া মনে হইতেছে যেন তার দৃষ্টির উপরে জীবনাস্তকালের সন্ধ্যার ছায়া নামিয়া আসিয়াছে। জামার সমস্ত মন স্তব্ধ হইয়া গেল, আজ তাহাকে দেবী বিলিয়া মনে হইল।

আমাকে দেখিয়া অনুর মুখের উপর একটি শান্ত প্রসন্ধতা ছড়াইয়া পড়িল। সে বলিল, কাল রাত্রে আমার অন্তথ যখন বাড়িয়াছিল তখন হইতে তোমার কথাই ভাবিতেছি। আমি জানি আমার আর বেশি দিন নাই। পশু ভাই-ফোঁটার দিন, সেদিন আমি তোমাকে শেষ ভাই-ফোঁটা দিয়া যাইব।

টাকার কথা কিছুই বলিলাম না।

স্থবোধকে ডাকাইয়া আনিলাম। তার বয়স সাত। চোখছুটি মায়েরই মত। সমস্তটা জড়াইয়া তার কেমন-একটি ক্ষণিকতার ভাব—পৃথিবী যেন তাকে পূরা পরিমাণ স্তন্ত দিতে ভূলিয়া গেছে। কোলে টানিয়া তার কপাল চুম্বন করিলাম। সে চুপ করিয়া আমার মুখের দিকে চাহিয়া রহিল।

প্রসন্ন জিজ্ঞাসা করিল, কি হইল ?

আমি বলিলাম, আজ আর সময় হইল না।

সে কহিল, মেয়াদের আর নয় দিন মাত্র বাকি।

অমুর সেই মুখখানি, সেই মৃত্যু-সরোবরের পদ্মটি, দেখিয়া অবধি সর্ববাশকে আমার তেমন ভয়ঙ্কর বলিয়া মনে ইইডেছিল না।

কিছুকাল হইতে `হিসাবপত্র দেখা ছাড়িয়া দিয়াছিলাম। কূল দেখা যাইত না বলিয়া ভয়ে চোখ বুজিয়া থাকিতাম। মরীয়া হইয়া সই করিয়া যাইতাম, বুঝিবার চেন্টা করিতাম না।

ভাই-কোঁটার সকালবেলায় একখানা হিসাবের চুম্বক ফর্দ্দ লইয়া জোর করিয়া প্রসন্ধ আমাকে কারবারের বর্ত্তমান অবস্থাটা বুঝাইয়া দিল। দেখিলাম মূলধনের সমস্ত তলা একেবারে ক্ষইয়া গেছে। এখন কেবলই ধারের টাকায় জল সেঁচিয়া না চলিলে নৌকাডুবি হইবে। কৌশলে টাকার কথাটা পাড়িবার উপায় ভাবিতে ভাবিতে ভাই-কোঁটার নিমন্ত্রণে চলিলাম। দিনটা ছিল বৃহস্পতিবার। এখন হতবুদ্ধির তাড়ায় বৃহস্পতিবারকেও ভয় না করিয়া পারি না। যে মাসুষ হতভাগা, নিজের বুদ্ধি ছাড়া আর কিছুকেই না মানিতে তার ভরসা হয় না। যাবার বেলায় মনটা বড় খারাপ হইল।

অন্তর জর বাড়িয়াছে। দেখিলাম সে বিছানায় শুইয়া।
নীচে মেনের উপর চুপ করিয়া বসিয়া সুবোধ ইংরাজি ছবির
কাগজ হইতে ছবি কাটিয়া আটা দিয়া একটা খাতায় আঁটিতেছিল।
বারবেলা বাঁচাইবার জন্ম সময়ের অনেক আগে আসিয়া

বারবেরলা বাঁচাইবার জন্ম সময়ের জনেক আগে আসিয়া
ছিলাম। কথা ছিল আমার দ্রীকেও সঙ্গে আনিব। কিন্তু অময়র
সন্বন্ধে আমার দ্রীর মনের কোণে বোধ করি একটুখানি ঈর্ষা
ছিল তাই সে আসিবার সময় ছুতা করিল। আমিও পীড়াপীড়ি
করিলাম না।

অমু জিজ্ঞাসা করিল, বৌদিদি এলেন না ?
আমি বলিলাম, শরীর ভালোঁ নাই।
অমু একটু নিশ্বাস কেলিল, আর কিছু বলিল না।

আমার মধ্যে একদিন ষেটুকু মাধুর্য দেখা দিয়াছিল সেইটিকে আপনার সোনার আলোয় গলাইয়া শরতের আকাশ সেই রোগীর বিছানার উপর বিছাইয়া ছিল। কত কথা আজ উঠিয়া পড়িল। ক্ষেই সব অনেক দিনের অতি ছোট কথা আমার আসল সর্কবনাশকে ছাড়াইয়া আজ কত বড় হইয়া উঠিল। কারকারের হিসাব ভুলিয়া গেলাম।

ভাই-কোঁটার খাওয়া খাইলাম। আমার কপালে সেই মরণের

যাত্রী দীর্ঘায়কামনার কোঁটা পরাইয়া আমার পারের ধ্লা লইল। আমি গোপনে চোথ মুছিলাম।

ঘরে আপসিয়া বসিলে সে একটি টিনের বাক্স আমার কাছে আনিয়া রাখিল। বলিল, স্থবোধের জন্ম এই যা কিছু এতদিন আগ্লাইয়া রাখিয়াছি তোমাকে দিলাম, আর সেই সঙ্গে স্থবোধকেও তোমার হাতে দিলাম। এখন নিশ্চিন্ত হইয়া মরিতে পারিব।

আমি বলিলাম, অমু, দোহাই তোমার, টাকা আমি লইব না। স্থবোধের দেখাশুনার কোনো ক্রটি হইবে না কিন্তু টাকা আর-কারে। কাছে রাখিয়ো।

অনু কহিল, এই টাকা লইবার জন্ম কত লোক হাত পাতিয়া বিসিয়া আছে। তুমি কি তাদের হাতেই দিতে বল ?

আমি চুপ করিয়া রহিলাম। অনু বলিল, একদিন আড়াল হইতে শুনিয়াছি ডাক্তার বলিয়াছে স্থবোধের যে রকম শরীরের লক্ষণ ওর বৈশি দিন বাঁচার আশা নাই। শুনিয়া অবধি ভয়ে ভয়ে আছি পাছে আমার মরিতে দেরি হয়। আজ অন্তত আশা লইয়া মরিব যে ডাক্তারের কথা ভুল হইতেও পারে। সাত-চরিশ হাজার টাকা কোম্পানির কাগজে জমিয়াছে—আরে কিছু এদিকে ওদিকে আছে। ঐ টাকা হইতে স্কুলাধের পথা ও চিকিৎসা ভালো করিয়াই চলিতে পারিবে। আরু যদি ভগবান অল্ল বয়সেই উহাকে টানিয়া লন তবে এই টাকা উহার নামে একটা কোনো ভালো কাজে লাগাইয়ো।

আমি কহিলাম, অনু আমাকে ডুমি যত বিখাস কর আমি নিজেকে ডত বিখাস করি না। শুনিরা অনু একটুমাত্র হাসিল। আমার মুখে এমন কথা মিথ্যা বিনয়ের মত শোনায়।

বিদারকালে অনু বাপ্স খুলিয়া কোম্পানির কাগন্ধ ও কয়েক কেতা নোট বুঝাইয়া দিল। তার উইলে দেখিলাম লেখা আছে অপুত্রক ও নাবালক অবস্থায় স্থুবোধের মৃত্যু হইলে আমিই সম্পত্তির উত্তরাধিকারী।

আমি বলিলাম, আমার স্বার্থের সক্তে তোমার সম্পত্তি কেন এমন করিয়া জড়াইলে ?

ু অনু কিহিল, আমি যে জানি আমার ছেলের স্বার্থে ভোমার সার্থ কোনোদিন বাধিবে না।

আমি কহিলাম, কোনো মামুষকেই এতটা বিশাস করা কাজের দস্তর নয়।

অনু কহিল, আমি তোমাকে জানি, ধর্ম্মকে জানি, কাজের দস্তর বুঝিবার আমার শক্তি নাই।

বাব্দের মধ্যে গছনা ছিল, সেগুলি দেখাইয়া সে বলিল, স্থ্ৰোধ যদি বাঁচে ও বিবাহ করে তবে বোমাকে এই গছনা ও আমার আশীর্বাদ দিয়ো। আর এই পান্ধার কণ্ঠীটি বৌদিদিকে দিয়া বলিয়ো, আমার মাধার দিব্য, তিনি যেন গ্রহণ করেন।

এই বলিরা অনু যখন ভূমিষ্ঠ হইরা আমাকে প্রণাম করিল ভার দুই চোখ জলে ভরিরা উঠিল। উঠিয়া দাঁড়াইরা তাড়া-ভাড়ি সে মুখ ফিরাইরা চলিরা গেল। এই আমি তার শ্বৈ প্রণাম পাইরাছি। ইহার দুইদিন পরেই সন্ধ্যার সময় হঠাৎ নিখাস বন্ধ হইরা ভার মৃত্যু হইল—আমাকে খমর দিবার সময় পাইল না। ভাই-ফোঁটার নিমন্ত্রণ সারিয়া টিনের বাক্স-হাতে গাড়ি হইতে বাড়ির দরজায় যেম্নি নামিলাম দেখি, প্রসন্ধ অপেকা করিয়। আছে। জিজ্ঞাস। করিল, দাদা, খবর ভালো ত ?

আমি বলিলাম, এ টাকায় কেহ হাত দিতে পারিবে না।

প্রসন্ন কহিল-কিন্তু---

আমি বলিলাম—দে জানিনা—যা হয় তা হোক্, এ টাকা আমার ব্যবসায়ে লাগিবে না।

প্রদন্ন বলিল, তবে ভোমার অস্ট্রেস্টিসৎকারে লাগিবে।

সমুর মৃত্যুর পর স্থবোধ সামার বাড়িতে সাসির। সামার ছেলে নিত্যধনকে সঙ্গী পাইল।

যারা গল্পের বই পড়ে মনে করে মানুষের মনের বড় বড় পরিবর্ত্তর ধীরে ধীরে ঘটে। ঠিক উন্টা। টীকার আগুন ধরিতে সময় লাগে কিন্তু বড় বড় আগুন হুছু করিয়া ধরে। আমি এ কথা যদি বলি বে অভি অন্ন সময়ের মধ্যে স্থবোধের উপর আমার মনের একটা নিজেব দেখিতে দেখিতে বাড়িয়া উঠিল তবে স্বাই তার বিস্তারিত কৈফিয়ং চাহিবে। স্থবোধ অনাথ, সে বড় ক্ষীণপ্রাণ, সে দেখিতেও স্বন্দর,—সকলের উপরে স্থবোধের মা স্বয়ং অনু, কিন্তু তার কথাবার্ত্তা, চলাফেরা, খেলাধূলা সমস্তই যেন আমাকে দিনরাত গোঁচা দিতে লাগিল।

আসল, সময়ট। বড় খারাপ পড়িয়াছিল। স্থবোধের টাকা কিছুতেই লইব নাপণ ছিল অথচ ও-টাকাটা না লইলে নয় এমনি অবস্থা। গেষকালে একদিন মহা বিপদে পড়িয়া কিছু লইলাম। ইহাতে আমার মনের কল এমনি বিগ্ডাইরা গেল যে স্থবোধের কাছে মুখ-দেখানো আমার দায় হইল। প্রথমটা উহাকে এড়াইতে থাকিলাম তার পর উহার উপরে বিষম রাগিতে আরম্ভ করিলাম।

রাগিবার প্রথম উপলক্ষ্য হইল উহার স্বভাব। আমি নিজে বাম-বাগীশ. সব কাজ তড়িঘড়ি করা আমার অভ্যাস। কিন্তু স্কুবোধের কি-এক-রকমের ভাব, উহাকে প্রশ্ন করিলে হঠাৎ যেন উত্তর করিতেই পারে না—যেখানে সে আছে সেখানে যেন সে নাই, যেন সে আর কোথাও। রাস্তার ধারের জানলার গরাদে ধরিয়া ঘণ্টার পর ঘণ্টা কাটাইয়া দেয়. কি দেখে কি ভাবে তা সেই জ্ঞানে। আমার এটা অসহ বোধ হয়। স্থবোধ বহুকাল হইতে রুগ্ন মায়ের কাছে মানুষ— সমবয়সী খেলার সন্ধী কেউ ছিল না-তাই সে বরাবর আপনার মনকে লইয়াই আপনি খেলা করিয়াছে। এই সব ছেলের মুদ্ধিল এই যে ইহার। যখন শোক পায় তখন ভালো করিয়া কাঁদিতেও জ্ঞানে না. শোক ভূলিতেও জানে না। এই জন্মই স্থবোধকে ডাকিলে হঠাৎ সাড়া পাওয়া যাইত না এবং কাজ করিতে বলিলে সে ভুলিয়া যাইত। তার জিনিষ-পত্র সে কেবলি হারাইত, তাহা লইয়া বকিলে চুপ করিয়া মুখের দিকে চাহিয়া থাকিভ—যেন সেই চাহিয়া থাকাই তার কান্না। আমি বলিতে লাগিলাম, এর দৃষ্টাস্ত যে আমার ছেলের পক্ষে বড় খারাপ। আবার মুক্ষিল এই যে ইহাকে দেখিয়া অবধি নিতার ইহাকে ভারি ভালো লাগিয়াছে—ভার প্রকৃতি সম্পূর্ণ অস্ত রকম বলিয়াই ইহার প্রতি টানও যেন তার বেশি হইল।

পরের স্বভাব সংশোধন আমার কৌলিক ফাজ;—ইহাতে আমার পটুডাও বেমন উৎসাহও তেমনি। স্থাবাধের স্বভাবটা কর্ম্মপটু নর বলিয়াই আমি তাকে খুব ক্ষিয়া কাল করাইতে লাগিলাম। যতবারই

সে ভুল করিত ততবারই নিজেকে দিয়া তার সে ভুল শোধরাইয়া লইতাম। আবার তার আর এক অভ্যাস, সেটা তার মায়েরও ছিল,— সে আপনাকে এবং আপনার চারিদিককে নানারকম করিয়া কল্পনা কবিতে।

জানলার সাম্নেই যে জামরুল গাছ ছিল সেটাকে সে কি-একটা অস্তত নাম দিয়াছিল: স্ত্রীর কাছে শুনিয়াছি একলা দাঁড়াইয়া সেই গাছটার সঙ্গে সে কথা কহিত। বিছানাটাকে মাঠ, আর বালিশগুলাকে গোকর পাল মনে করিয়া শোবার ঘরে বসিয়া রাখালী করাটা যে কত মিখ্যা ইহা তার নিজের মুখে কবুল করাইবার অনেক চেষ্টা কুরিয়াছি— সে জবাবই করে না। আমি যতই তাকে শাসন করি আমার কাছে তার ক্রটি ততই বাড়িয়া চলে। আমাকে দেখিলেই সে থতমত খাইয়া যায়—আমার মুখের সাদা কথাটাও সে বুঝিতে পারে না।

আর কিছু নয়, হৃদয় যদি রাগ করিতে স্থরু করে, এবং নিজেকে সামলাইবার মত বাহির হইতে কোনো ধাকা যদি সে না পায় তবে রাগটা আপনাকে আপনিই বাড়াইয়া চলে,—নূতন কারণের অপেক্ষা রাখে না। । যদি এমন মামুষকে তু' চারবার মূর্থ বলি যার জবাব দিবার সাধ্য নাই ভবে সেই হু' চারবার বলাটাই পঞ্চমবারকার বলাটাকে স্বষ্টি করে,— কোনো উপকরণের দরকার হয় না । স্থবোধের উপর কেবলি বিরক্ত হইয়া ওঠা আমার মনের এম্নি অভ্যাস হইয়াছিল যে সেটা ত্যাগ করা আমার সাধ্যই ছিল না।

এমনি করিয়া পাঁচ বছর কাটিল। স্থবোধের বয়স যখন বারো তখন ভার কোম্পানির কাগজ এবং গহনাপত্র গলিয়া গিয়া আমার হিলাবের খাতার গোটাকতক কালীর অঙ্কে পরিণত হইল।

মনকে বুঝাইলাম, অনু ত উইলে আমাকেই টাকা দিয়াছে। মাঝখানে হ্বোধ আছে বটে কিন্তু ও ত ছায়া, নাই বলিলেই হয়। যে টাকাটা নিশ্চয়ই পাইব সেটাকে আগেভাগে খরচ করিলে অধর্ম হয় না।

অন্ধবয়স হইতেই আমার বাতের ব্যামো ছিল। কিছু দিন হইতে সেইটে অত্যক্ত বাড়িয়া উঠিয়াছে। যারা কাজের লোক তাদের স্থির করিয়া রাখিলে তারা চারিদিকের সমস্ত লোককে অন্থির করিয়া তোলে। সে কয়দিন আমার স্ত্রী, আমার ছেলে, স্থবোধ, বাড়ির চাকরবাকর ৽কারো শান্তি ছিল না।

এদিকে আমার পরিচিত যে কয়জন বিধবা আমার কাছে টাকা রাখিয়াছিল কয়েক মাস তাদের স্থদ বন্ধ । পূর্বের এমন কখনো ঘটিতে দিই নাই। এইজন্ম ভারা উদ্বিগ্ন হইয়া আমাকে তাগিদ করিতেছে। আমি প্রসন্ধকে ভাগিদ করি, সে কেবলি দিন ফিরায়। অবশেষে যে দিন নিশ্চিত দিবার কথা সে দিন সকাল হইতে পাওনাদাররা বসিয়া আছে, প্রসন্ধর দেখা নাই।

নিভ্যকে বলিলাম, স্থবোধকে ডাকিয়া দাও। সে বলিল, স্থবোধ শুইয়া আছে।

আমি মহা রাগিয়া বলিলাম, শুইয়া আছে ? এখন বেলা এগারোটা, এখন বে শুইয়া আছে ?

স্থবোধ ভয়ে ভয়ে আসিয়া উপস্থিত হইল। আমি বলিলাম, প্রসমকে বেখানে পাও ডাকিয়া আনো।

সর্ববদা আমার ফাইফরমাস খাটিয়া সুবোধ এ সকল কাজে পাকা ইইরাছিল। কাকে কোধায় সন্ধান করিতে হইবে সমস্তই ভার স্থানা।

বেলা একটা হইল, ছুটা হইল, তিনটা হইল, স্থবোধ আর ফেরে না। এদিকে যারা ধন্না দিয়া বসিয়া আছে তাদের ভাষার তাপ এবং বেগ বাড়িয়া উঠিতে লাগিল। কোনোমতেই স্থবোধটার গড়িমসি চাল ঘুচাইতে পারিলাম না। যত দিন যাইতেছে ততই তার ঢিলামি আরো যেন বাডিয়া উঠিতেছে। আজকাল সে বসিতে পারিলে উঠিতে চায় না, নড়িতে-চড়িতে তার সাতদিন লাগে। এক একদিন দেখি বিকালে পাঁচটার সময়েও সে বিছানায় গড়াইতেছে— সকালে তাকে বিছানা হইতে জোর করিয়া উঠাইয়া দিতে হয়-চলিবার সময়ে যেন পায়ে পায়ে জড়াইয়া চলে। আমি স্থবোধকে বলিতাম, জন্ম-কুঁড়ে, কুঁড়েমির মহামহোপাধাায়। সে লচ্ছিত হইয়া চুপ করিয়া থাকিত। একদিন তাকে বলিয়াছিলাম, বলু দেখি প্রশান্ত মহাসাগরের পরে কোন্ মহাসাগর ? যখন সে জবাব দিতে পারিল না আমি বলিলাম, সে হচ্চে তুমি, আলস্ত-মহাসাগর।—পারৎপক্ষে স্থবোধ কোনোদিন আমার কাছে কাঁদে না কিন্তু সেদিন তার চোখ দিয়া ঝরঝর করিয়া জল পড়িতে লাগিল। সে মার গালি সব সহিতে পারিত কিন্তু বিজ্ঞাপ তার মৰ্ম্মে গিয়া ব্যক্তিত।

বেলা গৈল—রাত হইল। ঘরে কেহ বাতি দিল না। আমি ডাকাডাকি করিলাম, কেহ সাড়া দিল না। বাড়িহুদ্ধ সকলের উপর আমার রাগ হইল। তার পরে হঠাৎ আমার সন্দেহ হইল হয় ত প্রসন্ধ হাকে টাকা স্থবোধের হাতে দিয়াছে— স্থবোধ তাই লইয়া পালাইয়াছে। আমার ঘরে স্থবোধের যে আরাম ছিল না সে আমি জানিতাম। ছেলেবেলা হইতে আরাম জিনিষটাকে অহাার বলিয়াই জানি বিশেষত ছোট ছেলের পক্ষে। তাই এ সম্বন্ধে আমার মনে কোনো পরিভাপ

ছিল না। কিন্তু তাই বলিয়া স্থবোধ যে টাকা লইয়া পালাইয়া যাইতে পারে ইহা চিন্তা করিয়া আমি তাকে কপট অকৃতজ্ঞ বলিয়া মনে মনে গালি দিতে লাগিলাম। এই বয়সেই চুরি আরম্ভ করিল ইহার গতি কি হইবে ? আমার কাছে থাকিয়া, আমাদের বাড়িতে বাস করিয়াও ইহার এমন শিক্ষা হইল কি করিয়া ? স্থবোধ যে টাকা চুরি করিয়া পালাইয়াছে এ সম্বন্ধে আমার মনে কোনো সন্দেহ রহিল না। ইচ্ছা হইল পশ্চাতে ছুটিয়া তাকে যেখানে পাই ধরিয়া আনি, এবং আপাদমস্তক একবার কিষয়া প্রহার করি।

্রথন সময়ে আমার অন্ধকার ঘরে স্থবোধ আসিয়া প্রবেশ করিল।
তখন আমার এমন রাগ হইয়াছে যে চেফা করিয়াও আমার কণ্ঠ দিয়া
কথা বাহির হইল না। স্থবোধ বলিল, টাকা পাই নাই।

আমি ত স্থবোধকে টাকা আনিতে বলি নাই তবে সে কেন বলিল টাকা পাই নাই। নিশ্চয় টাকা পাইয়া চুরি করিয়াছে,—কোণাও লুকাইয়াছে। এই সমস্ত ভালোমামুষ ছেলেরাই মিট্মিটে সয়তান। আমি বহুকফে কণ্ঠ পরিক্ষার করিয়া বলিলাম, টাকা বাহির করিয়া দে! সেও উদ্ধৃত হইয়া বলিল, না, দিব না, তুমি কি করিতে পার কর।

আমি আর কিছুতেই আপনার্কে সামলাইতে পারিলাম না। হাতের কাছে লাঠি ছিল, সঙ্গোরে তার মাথা লক্ষ্য করিয়া মারিলাম। সে আছাড় খাইয়া পড়িয়া গেল। তখন আমার ভয় হইল। নাম ধরিয়া ডাকিলাম, সে সাড়া দিল না। কাছে গিয়া যে দেখিব আমার সে শক্তি রহিল না। কোনোমডেই উঠিতে পারিলাম না। হাৎড়াইতে গিয়া দেখি আজিম ভিজিয়া গেছে। এ যে রক্ত !—ক্রমে রক্ত বাাও

হইতে লাগিল — ক্রমে আমি বেখানে ছিলাম তার চারিদিক রক্তে ভিজিয়া উঠিল। আমার খোলা-জানলার 'বাহির হইতে সন্ধ্যাতারা দেখা বাইতেছিল; আমি তাড়াতাড়ি চোথ ফিরাইয়া লইলাম; — আমার হঠাথ কেমন মনে হইল সন্ধ্যাতারাটি ভাই-ফোঁটার সেই চন্দনের ফোঁটা। স্ববোধের উপর আমার এতদিনকার যে অত্যায় বিদ্বেষ ছিল সে কোথায় একমূহর্ত্তে ছিল্ল হইয়া গেল। সে যে অসুর হৃদয়ের ধন— মায়ের কোল হইতে জুল্ট হইয়া সে যে আমার হৃদয়ে পথ খুঁজিতে আসিয়াছিল। আমি এ কি করিলাম, এ কি করিলাম, — ভগবান আমাকে এ কি বুদ্ধি দিলে! আমার টাকার কি দরকার, ছিল— শ্বামার সমস্ত কারবার ভাসাইয়া দিয়া সংসারে কেবল এই ক্রম বালকটির কাছে যদি ধর্ম্ম রাখিতাম তাহা হইলে যে আমি রক্ষা, পাইতাম।

ক্রমে ভর হইতে লাগিল পাছে কেহ আসিরা পড়ে, পাছে ধরা পড়ি। প্রাণপণে ইচ্ছা করিতে লাগিলাম, কেহ যেন না আসে, আলো যেন না আনে—এই অন্ধকার যেন মুহূর্ত্তের জন্ম না ঘোচে, বেন কাল সুর্য্য না ওঠে, যেন বিশ্বসংসার একেবারে সম্পূর্ণ মিথা। ইইরা এমনিতর নিবিড় কালো হইরা আমাকে আর এই ছেলেটিকে চির-দিন ঢাকিরা রাখে।

পারের শব্দ শুনিলাম। মনে হইল কেমন করিয়া পুলিস খবর পাইরাছে। কি মিখ্যা কৈফিয়ৎ দিব তাড়াতাড়ি সেইটে ভাবিয়া লইতে চেন্টা করিলাম কিন্তু মন একেবারেই ভাবিতে পারিল না।

ধড়াস্ করিয়া দরজাটা পড়িল, ঘরে কে প্রবেশ করিল। স্থাসি স্থাপাদমস্তক চমকিয়া উঠিলাম। দেখিলাম তথনো রৌজ আছে। ঘুনাইয়া পড়িয়াছিলাম; স্থবোধ ঘরে চুকিতেই আমার ঘুম ভাঙিয়াছে।

স্থবোধ হাটপোলা বড়বাজার বেলেঘাটা প্রভৃতি যেখানে বেখানে প্রদরর দেখা পাইবার সম্ভাবনা ছিল সমস্ত দিন ধরিয়া সব জায়গায় খুঁজিয়াছে। যে করিয়াই হোক তাহাকে যে আনিতে পারে নাই এই অপরাধের ভয়ে তার মুখ মান হইয়া গিয়াছিল। এত দিন পরে দেখিলাম, কি স্কার তার মুখখানি, কি করুণায় ভরা তার চুইটি চোখ!

আমি বলিলাম, আয় বাবা স্থবোধ, আয় আমার কোলে আয়!

সে স্থানার কথা বুঝিতেই পারিল না—ভাবিল আমি বিজ্ঞপ করিতেছি। ফ্যাল্ফ্যাল্ করিয়া আমার মুখের দিকে তাকাইয়া রহিল এবং খানিকক্ষণ দাঁড়াইয়াই মূর্চিছত হইয়া পড়িয়া গেল।

মুহূর্ত্তে আমার বাতের পঙ্গুতা কোথায় চলিয়া গেল। আমি ছুটিয়া গিয়া কোলে করিয়া তাহাকে বিছানায় আনিয়া ফেলিলাম। কুঁজায় জল ছিল, তার মুখে মাথায় ছিটা দিয়া কিছুতেই তার চৈতগু হইল না। ডাক্তার ডাকিতে পাঠাইলাম।

ডাক্তার আসিয়া তার অবস্থা দেখিয়া বিস্মিত হইলেন[†]। বলিলেন, এ বে একেবারে ক্লান্তির চরমসীমায় আসিয়াছে। কি করিয়া এমন হওয়া সম্ভব হইল ?

স্থামি বলিলাম, স্থাজ কোনো কারণে সমস্ত দিন উহাকে পরিশ্রাম করিতে হইয়াছে।

তিনি বলিলেন, এ ত একদিনের কার্ক্ত নয়। বোধ হয় দীর্ঘকাল ধরিরা ইহার ক্ষয় চলিতেছিল, কেহু লক্ষ্য করে নাই। উর্বেক্তক ঔষধ ও পথ্য দিয়া ডাব্রুটার তার চৈতক্রসাধন कतिया চলिया रशलन। वलिलन, वह यरप्न यनि रेनवा वाँछिया যায় ত বাঁচিবে কিন্তু ইহার শরীরে প্রাণশক্তি নিঃশেষ হইয়া গেছে। বোধ করি শেষ-কয়েক-দিন এ ছেলে কেবলমাত্র মনের জোরে চলাফেরা করিয়াছে।

আমি আমার রোগ ভুলিয়া গেলাম। স্থবোধকে আমার বিছানায় শোয়াইয়া দিনরাত তার সেবা করিতে লাগিলাম। ডাক্রারের যে ফি দিব এমন টাকা আমার ঘরে নাই। জ্রীর গহনার বাক্স খুলিলাম। সেই পান্নার কণ্ঠীটি তুলিয়া লইয়া ন্ত্রীকে দিয়া বলিলাম, এইটি তুমি রাখ।—বাকি সবগুলি লইয়া, বন্ধক দিয়া টাকা লইয়া আসিলাম।

কিন্তু টাকায় ত মানুষ বাঁচে না। উহার প্রাণ যে আমি এতদিন ধরিয়া দলিয়া নিঃশেষ করিয়া দিয়াছি। যে স্লেছের আর হইতে উহাকে দিনের পর দিন বঞ্চিত করিয়া রাখিয়াছি আজ যখন তাহা হৃদয়-ভরিয়া তাহাকে আনিয়া দিলাম তখন সে আর তাহা গ্রহণ করিতে পারিল না। শূন্য হাতে তার মার কাছে সে ফিরিয়া গেল।

🗐 রবীন্দ্রনাথ ঠাকুর।

পাড়ি

মন্ত সাগর দিল পাড়ি গহনরাত্রিকালে

ঐ যে আমার নেয়ে।

ঝড় বয়েছে, ঝড়ের হাওয়া লাগিয়ে দিয়ে পালে
আস্চে তরী বেয়ে।

কালো রাতের কালী-ঢালা'ভয়ের বিষম বিষে
আকাশ যেন মূর্চিছ পড়ে সাগর সাথে মিশে,
উত্তল চেউয়ের দল ক্লেপেছে, না পায় তারা দিশে,
উধাও চলে ধয়ে।

হেনকালে এ ছুর্দিনে ভাবল মনে কি সে
কূল-ছাড়া মোর নেয়ে ?

এমন রাতে উদাস হয়ে কেমন অভিসারে
আসে আমার নেয়ে ?

শাদা পালের চমক দিয়ে নিবিড় অন্ধকারে
আস্চে তরী বেয়ে।
কোন্ ঘাটে যে ঠেক্বে এসে কে জানে তার পাতী,
পথহারা কোন্ পথ দিয়ে সে আস্বে রাতারাতী,
কোন্ অচেনা আভিনাতে তারি পূজার বাতি
রয়েছে পথ চেয়ে ?

আগোরবার বাড়িয়ে গরব করবে আপন সাণী স্বিরহী সোর নেয়ে।

এই তুফানে এই তিমিরে থোঁজে কেমন খোঁজা
বিবাগী মোর নেয়ে ?

নাহি জানি পূর্ণ করে' কোন্ রতনের বোঝা
আস্চে তরী বেরে ?

নহে নহে, নাইক মাণিক, নাই রতনের ভার,
একটি ফুলের গুচ্ছ আছে রজনীগন্ধার,
সেইটি ছাতে জাঁধার রাতে দাগর হবে পার

আনমনে গান গোরে।
কার গলাতে নবীন প্রাতে পরিয়ে দেবে হার
নবীন আমার নেয়ে ?

সে থাকে এক পথের পাশে, অদিনে যার তরে
বাহির হল নেয়ে।
তারি লাগি পাড়ি দিয়ে সবার অগোচরে
আস্চে তরী বেয়ে।
রুক্ষ অলক উড়ে পড়ে, সিক্ত-পলক আঁখি,
ভাঙা ভিতের ফাঁক দিয়ে তার বাতাস চলে হাঁকি,
দীপের আলো বাদল-বায়ে কাঁপচে থাকি থাকি
ছায়াতে ঘর ছেয়ে।
তোমরা যাহার নাম জান না তাহারি নাম ডাকি
ঐ যে আসে নেয়ে।

অনেক দেরী হয়ে গেছে বাহির হল কবে
উন্মনা মোর নেয়ে।

এখনো রাত হয়নি প্রভাত, অনেক দেরী হবে
আসতে তরী বেয়ে।

বাজ্বেনাকো তুরী জেরী, জান্বেনাকো কেহ,
কেবল যাবে আঁধার কেটে, আলোয় ভরবে গেহ,
দৈশ্য যে তার ধন্য হবে, পুণ্য হবে দেহ
পুলক পরশ পেয়ে।

নীরবে তার চিরদিনের ঘূচিবে সন্দেহ
কূলে আস্বে নেয়ে॥

শীরবীক্রনাথ ঠাকুর।

সমাজের জীবন

ব্যক্তিগতভাবে জীবনসম্বন্ধে আমরা অনেক কথা বলিয়া থাকি।
কিন্তু সমাজেরও যে একটি জীবন আছে একথা আমাদের অনেকেরই
বড়-একটা মনে থাকে না। সমাজ যে একটা শৃষ্ণল বা পিঞ্জর-বিশেষ
ভাহা আমরা সকলেই জানি, কেননা আমরা সকলেই সেই শৃষ্ণল বা
পিঞ্জরে আবদ্ধ। মাঝে মাঝে তোমার আমার সেই শৃষ্ণল বা পিঞ্জর
ভাঙিবার ইচ্ছা হইতে পারে। সে ইচ্ছা স্বাভাবিক এবং বোধগম্য।
কিন্তু সমাজের অন্তরেও যে এরপ কোনও ইচ্ছার সঞ্চার হইতে পারে ইহা আমাদের অনেকেরই পক্ষে এতই অজ্ঞাত যে, সে সত্য আমাদের
কল্পনারও অগ্যয়।

শতাব্দীর পর শতাব্দী ধরিয়া আমরা এই বিশ্বসংসারকে একটা গণ্ডীর মধ্যে ক্রমশঃ টানিয়া আনিতে চেষ্টা করিতেছি। বাহা-কিছু হইয়াছে, বা হইতেছে, বা হইবে—সমস্তই গণ্ডীর মধ্যে। এই ভাবটি আমাদের মজ্জায় মজ্জায় যে প্রবেশ করিয়াছে, তাহা সর্ববিষয়ে পরিলক্ষিত হয়। সূর্য্য চক্র ইত্যাদি যুরিতেছে, কিন্তু নিজের নিজের বিধিনির্দ্দিষ্ট পথ ধরিয়া। সমুদ্র ও বেলাভূমির মধ্যে ঘাত-প্রতিঘাত চলিতেছে, কিন্তু তাহাদেরও একটি সন্ধিহল আছে। নদী বহিয়া চলিয়াছে, কিন্তু তাহারও একটি খাত আছে। এগুলিকে আমরা বলি প্রকৃতির নিয়ম। তুমি ভাল কবিতা লিখিতে পার, কিন্তু কবিতালিখিবার কতকগুলি নিয়ম আছে, তাহার ব্যতিক্রম করিলে চলিবে না। তুমি ভাল ছবি আঁকিতে পার, তাহারও নিয়মাদি আছে; সেগুলি তোমার শিরোধার্য্য। তোমার ইচ্ছা দানধ্যান করিবে, ধর্ম্মে মন দিবে,

বিশের নিগৃঢ় চিন্তায় আত্মহারা হইবে; সে সম্বন্ধেও ঋষি-প্রণীত ব্যবস্থাদি আছে। যাহা কিছু করিবে, সেই ব্যবস্থা-অনুসারে করিবে। ফল-কথা—বিশ্বসংসার, মানবজীবন, ধর্ম্ম, আচার, ব্যবহার, সমস্তই নিয়মের গণ্ডীর মধ্যে অবস্থিত। গণ্ডীর পরপারে যাইবার কাহারও অধিকার নাই,—এমন কি গণ্ডীর সীমা বাড়াইবার বা পরিবর্ত্তন করিবার ইচ্ছা ধৃষ্টতামাত্র।

অনেকের মতে মানব-সমাজ উপরোক্ত একটি বৃহৎ গণ্ডীবিশেষ।
ব্যক্তিমাত্রেরই ইচ্ছা—নূতন দেখিব, শুনিব, করিব ইত্যাদি। সমাজ
গৈই ইচ্ছার স্বাভাবিক প্রতিদ্বন্দী। তুমি আমি আজ আছি, কাল
কোথায় থাকিব ঠিকানা নাই। কিন্তু সমাজ চিরস্তন। কাজেই
ভোমার আমার একটা নূতন-কিছু করিয়া, একটা ওলটপালট করিবার
বা গোলমাল বাধাইবার কি অধিকার আছে ? যে জমিদার সেই
জমির মর্ম্ম বোঝে। তু'দিনের মেয়াদে আবাদ করিতে যে লোক
জমির জমা লইয়াছে, তাহার প্রাণ কি জমির জত্য কাঁদে ? তাহার ইচ্ছা
কোনো-মতে তু'পয়সা করিয়া লয়। তার পর যা হয় তার ভাবনা, সেই
জমিতে যার চিরস্থায়ী সত্তব্যামিত্ব আছে, সেই ছ্নিয়ার মালিক ভাবিবে।

আমাদের দেশে Hobbes-এর Leviathanএর স্থায় কোন
পুস্তক লিখিত হইয়াছে কি না জানি না। Hobbes Stateকে
Leviathan-পদে অভিবিক্ত করিয়াছেন। Leviathan জম্বটি কি
ভাষা জানি না, বোধ হয় অজগরের জুড়ি কোনও প্রকাণ্ড সর্ববগ্রাসী
জীব হইবে। আমরাও এদেশে সমাজকে একটি মহামহিম Leviathan
করিয়া তুলিরাছি। ভাষার ফল হইয়াছে, সমাজের পূর্বেব বে জীবন
ছিল, ভাষা এক্ষণে বিনক্ত হইয়াছে। সমাজ মরিয়া পুড়িয়া ছাই হইয়া

গিয়াছে, কিন্তু তৎপ্রতিষ্ঠিত ধর্ম্ম, রীতিনীতি, আচারব্যবহার, ক্রিয়াকলাপ, আজও প্রেত্যানির ন্যায় আমাদের চতুপ্পার্শে ঘূরিয়া বেড়াইতেছে। জীবন্ত লোকের সংসর্গে আশা, বিশ্বাস ও সাহসের উদ্রেক হয়, আর মৃত ব্যক্তির সংস্পর্শে হয় ভয় ও উৎকণ্ঠা। সমাজের সংস্পর্শে আমাদের আশা, বিশ্বাস ও সাহস দূরে পলায়ন করিয়াছে; কেবল মাছে ভয়, এবং কখন রাত্রি প্রভাত হইবে সেই উৎকণ্ঠা।

সমাজকে আবার সজীব করিতে হইলে তাহাকে তাহার পুরাতন স্বাধীনতা ফিরাইয়া দিতে হইবে। এমন কি তাহাকে পূর্ব্ববৎ যথেচ্ছা-চারিতার শক্তি দিতে হইবে। যথেচ্ছাচারিতা শব্দ শুনিয়া কানে • হাত দিবেন না। যে দেশের ইতিহাস আছে সে দেশে ইতিহাস শাক্ষ্য দেয় যে, এক-যুগের যথেচছাচারিতা, সমাজের অগ্নি-পরীক্ষায় উত্তীর্ণ হইয়া, পরযুগের সদাচার বলিয়া গ্রাহ্ম হয়। বর্তুমানে সমাজ আমাদিগকে সম্পূর্ণ বাঁধিতে গিয়া নিজে বাঁধা পড়িয়াছে। সেই বন্ধন হইতে তাহাকে ছাডাইতে হইবে। যে নিয়মাবলীর দারা সমাজ শাসাদিগকে এতদিন শাসন করিয়। আসিয়াছে, সে এখন নিজেই সেই নিয়মাবলীর শাসনে নিপীড়িত হইতেছে। সেই শাসন হইতে তাহাকে মৃক্ত করিতে হইবে। ফলকথা, সমাজকে স্বাধীন করিতে ইইবে। এম্বলে অনেকে হয় ত বলিবেন,—সমাজ স্বাধীন ইইলে চলিবে কেন ? ব্যক্তিগত স্বাধীনতা বা যথেচছাচারিতার দমনের জন্মই সমাজের স্থি। তুমি আমি যদি কিছু বাড়াবাড়ি বা তাড়াতাড়ি করিতে যাই, অমনি সমাজ সম্মুখে আসিয়া দাঁড়ায় ও বাধা দেয়। শাসন করিবার অধিকার একমাত্র সমাজেরই আছে—স্থতরাং নির্বিবচারে শাসিত হওয়াই ব্যক্তিমাত্রেরই কর্ত্ব্য। যদি সমাজকে স্বাধীনতা

দেওয়া হয়, সে যখন নিজের সীমা অতিক্রম করিবে, তাহাকে কে সামলাইবে ? কাজেই সমাজকে স্বাধীনতা দিলে চলিবে না। গুটিপোকা যেমন নিজের গুটিতে আবদ্ধ, সমাজও সেইরূপ নিজের নিয়মে আবদ্ধ, এবং চিরকাল আবদ্ধ থাকিবে।

যুক্তিতর্ক অনুসারে এ কথার কোনো উত্তর আছে কি না জানি ন।। স্বাধীনতা ভাল বটে, কিন্তু তাহারও একটি সীমা আছে। সেই সীমা অতিক্রম করিলে স্বাধীনতা স্বেচ্ছাচারিতায় পরিণত হয়, আর তখন সমাজ আসিয়া তাহার প্রতীকার করে। কিন্তু সমাজ যদি প্রকৃত • স্বাধীনতার সীমা লজ্বন করিয়া উচ্ছ খল হইয়া পড়ে, তখন তাহার প্রতীকার কে করিবে ? ইহা অবশ্য একটি বড়ই তুরুহ প্রশা এবং ইহার কোন যুক্তিযুক্ত উত্তর আছে কি না জানি না। তবে এখন কথা এই — আমরা কি চাই ? চারিদিক আটঘাট-বাঁধা একটি দীর্ঘিকা ? না চুকুল ভাসাইয়া চলিয়াছে, জল থইথই করিতেছে, এমন একটি ভরা গাঙ্ প্রাহার৷ প্রথমটি চান, ভাঁহাদিগের সম্বন্ধে আমাদের কিছই বলিবার নাই। কিন্তু আর দশজনে চান একটি পর্ববত-বাহিনী স্রোতম্বিনী, যাহার গতি আছে লীলা আছে, এবং যাহার ় মাঝে মাঝে তুকুল ভাসাইয়া পার্শ্বন্থ গ্রাম জনপদ প্লাবিত করিবার শক্তি আছে। এক-কথায় যাহার প্রাণও আছে বানও আছে। আমি হয় ত নদীর ঢেউ দেখিলে ভয় পাই। কিন্তু আর দশজনে হয় ত সেই ঢেউয়ে গা ঢালিয়া দিয়া মরিয়া-হইয়া ভাসিয়া যাইতে চায়। আপনি হয়ত বলিবেন, কি পাগলামি ৷ তাহার উত্তর "ভিন্নরুচিহি লোক।"। এই চয়ের মধ্যে কোন পক্ষ ঠিক, এই ত সমস্যা।

बीश्रम्बट्स ठकवर्षी।

মন্তব্য

শ্রীযুক্ত প্রফুল্লচন্দ্র চক্রবর্তীমহাশয় "সমাজের জীবন" প্রবন্ধে যে সমস্যা উত্থাপন করিয়াছেন তাহার মীমাংসা তর্কশাস্ত্র খুঁ জিয়া পায় না, কিন্তু জীবন নিজের বলে সে মীমাংসা নিজেই করিয়া লয়। সামাজিক জীবন লজিক অমুসরণ করে না — কিন্তু লজিক জীবনকে অমুসরণ করে। সমাজে নবজীবনের লক্ষণ তার্কিকের বিচার-বুদ্ধিকে অতিক্রম করিয়া দেখা দেয়। ইহার প্রমাণ সকল দেশে, সকল কালে পাওয়া যায়। লজিকের উদ্দেশ্য জানা-পদার্থকে মনের ঘরে সাজাইয়া রাখা—কিন্তু জীবনের স্ফূর্ত্তির সঙ্গে কিছু-না-কিছু অপ্রত্যাশিত নূতনত্ব থাকেই থাকে। এই কারণেই লজিক জীবনের কাছে হার মানে। সমাজ যেমন জীবনকে এক্টি গণ্ডীর মধ্যে আবদ্ধ রাখিতে চেফা করে, তেমনি মানুষের মনকেও একটি গণ্ডীর মধ্যে রাখিতে চেফা করে। সামাজিক-জীবন তাই নিয়ত সামাজিক-মন বলিয়া একটি পদার্থ গড়িয়া তুলিতে চায়। ব্যবহারিক-জীবন ব্যবহারিক-মন তৈরি করে। কোনও সমাজের সকল লোকের মন যদি কেবল্মাত্র ব্যবহারিক মন হইত, তাহা হইলে অবশ্য স্বরচিত গণ্ডীর মধ্যেই সামাজিক জীবনের সমাধি হইত. কেননা একদিকে যেমন সামাজিক-জীবন সামাজিক-মনকে সীমাবদ্ধ করিতে চায়, অপরদিকে সামাজিক-মনও সামাজিক-জীবনকে তদ্রুপ সীমাবদ্ধ করিতে চায়। কে কাহাকে সঙ্কীর্ণতর করিতে পারে, এই লইয়া উভয়ের ভিতর রেষারেষি চলে। কিন্তু জীবস্তু সমাজ যেমন নিজের ব্যবহারিক গণ্ডী অতিক্রেম করে—জীবন্ত সমও তেমনি তাহার ব্যবহারিক গণ্ডী অতিক্রম করে। সমাজ্ঞ যখন উন্নতির পথে যাত্রা করে, তখন সমাজের মনের

এক-সংশ পিছনে পড়িয়া থাকে, আর-এক অংশ বহুদূর অগ্রসর হইয়া যায়। সমাজ লইয়া যাহা-কিছু তর্ক তাহা এই তুই পক্ষের মধ্যেই হইয়া পাকে। কিন্তু যতক্ষণ তর্ক চলিতে থাকে, ততক্ষণ সমাজের জীবন অলক্ষিত ভাবে নিজের পথে অগ্রসর হয়। জীবন্ত সমাজের জীবন সাহিত্যে এই তুই প্রকারের মনই প্রতিফলিত হয়। এদিকে সমাজের জীবন, যাহাদের মন অগ্রগামী ক্রমে তাহাদের নিকটে আসে, আর যাহাদের মন পশ্চাতে পড়িয়া আছে তাহাদের নিকট হইতে আরও দূরে চলিয়া যায়। তাহার কারণ বহুলোকের মনে যা অস্পেন্ট আকারে রিহাছে, তাহাই আশার ভাষায় স্পন্ট ও সাকার হইয়া উঠে। আর যে সমাজ মৃত্যুর পথে যাত্রা করে, শ্বৃতির ভাষাতেই সে নিজেকে প্রকাশ করে।

সম্পাদক।

অনাৰ্য্য বাঙ্গালী

বাঙ্গালী যে অনার্য্য সে বিষয়ে আর সন্দেহ করা চলে না। বছর-দশেক আগে যখন রিজলি-সাহেবের কেতাব বার হয়েছিল, তখন আমাদের অনেকের মন বিগড়ে গিয়েছিল—এবং কথাটা চাপা দেবার অনেক চেফাও যে না হয়েছিল তা নয়। কিন্তু কথাটাকে আম তো চাপা দেওয়া যায় না। সেদিন সাহিত্য-সন্মিলনে পণ্ডিত হরপ্রসাদ শাস্ত্রীমহাশয় তো স্পফ্টই বলে দিলেন যে, যদিওবা আময়া আর্য্য হয়ে থাকি, তবু অনার্য্য আময়া তার পূর্বের এবং তার চেয়ে বেশি। খোট্টা, মারাঠা, ইংরেজ, জার্ম্মান আমাদের ভাই হ'লেও অনেক দূরসম্পর্কের ভাই; তেলেগু, তামিল, চীনে, বর্ম্মান আমাদের নিকট-সম্পর্কীয় ভাই।

কিন্তু অভিমানের কথা এর মধ্যে কিছু নেই—বরং অনেকটা আশার কথা, অনেকটা সোয়ান্তির কথা আছে। এতকাল আমরা আগ্য হ'বার বৃথা-চেন্টায় কাটিয়েছি। আর্থ্য-সভ্যতা যে আমাদের সভ্যতা, আর্থ্য-ইতিহাস যে আমাদের ইতিহাস, আর্থ্য-ধর্ম্ম যে আমাদেরই সহজ ধর্ম্ম, এই মিথা। কথার প্রতিষ্ঠা করতে গিয়ে আমাদের তের ভুগতে হয়েছে। আমাদের ধর্ম্ম যে অন্যরূপ, আমাদের স্বভাব যে খোট্টা, মারাঠা, জার্ম্মান, ইংরেজদের স্বভাব হতে তের স্বতন্ত্র— এর মধ্যে অনেকটা আরাম এবং শান্তি আছে।

আর্যাদের নীতিশান্ত্র, আর্যাদের system of values বা বিবেক-বুদ্ধি দিয়ে নিজেদের পরীক্ষা করবার আর আমাদের দরকার নেই, আর্যাদের কপ্তিপাথরে আর আমাদের আছাড়-খেয়ে মরবার জন্ম ব্যস্ত হবার প্রয়োজন নেই;—এতে যে কত লাভ, তা আর্য্য এবং অনার্য্যের স্বস্ভাব একটু বিশ্লেষণ না করলে বোঝা যাবে না।

আর্ঘ্যদের সম্বন্ধে প্রথম কথা এবং শেষ কথা হচ্চে এই যে, সংসারে আর্ঘ্যদেরই জিৎ। এ কথাটা আর-এক-রকম করে সাধারণতঃ 'আমাদের-কাছে খাড়া করা হয়। সে হচ্চে এই যে, আর্ঘ্যদের চরিত্র-বল বা character আছে, আমাদের নেই। এই চরিত্র-বল নিয়ে আর্য্যদের চীৎকারের বিরাম নেই. শ্রান্তি নেই।

স্পাষ্টবক্তা বন্ধুদের কাছ থেকে তো জন্মে অবধি শুনে আসছি—
বাঙ্গালীর character নেই। কথাটা খুব শক্ত বলেই বোধ হ'ত,
এবং এ কলন্ধ যে অত্যন্ত অহ্যায় এবং মিথ্যা, তাই প্রমাণ করবার
জন্ম আমরা আমাদের বিচার-কর্তাদের অমুক অমুক আর অমুক
বাঙ্গালীর জীবন-চরিত আলোচনা করতে বরাবর ব'লে এসেছি। কিন্ত
এখন এই চরিত্র-বল ব্যাপারটা কি, তা একটু খুঁটিয়ে দেখবার
সময় এসেছে।

চরিত্র বা character হচ্চে মানুষের সেই জিনিষ, যা হ'তে মানুষটাকে এক-নিঃখাসে পড়ে ফেলা যায়। অমুক-অবস্থায় পড়লে অমুক-লোকটা কি করবে, তা আগে থেকে বা হ'তে বোঝা যায়— তারই নাম হচ্চে character। এই characterএর সঙ্গে মানুষের বিছা, বৃদ্ধি, জ্ঞান, দেমাক, অহন্ধার ইন্ডাদির কোনও

मधक त्ने रूप प्रक्रिक कि विश्वा था करल है त्व character था करित, ज| वला यात्र ना ।

এই character জিনিষ্টার মূল্য সমাজের কাছে খুব বেশি।
কারণ সমাজের পক্ষে যা স্থবিধাজনক তাই মূল্যবান। প্রত্যেক
মানুষের গতিবিধি যদি আগে থেকে নির্ণয় করতে পারা যার, তা
হ'লে সমাজের ঢের গোলমাল বেঁচে যায়। কাজেই character
জিনিষ্টা সামাজিক গুণের মধ্যে অগ্রগণ্য।

কিন্তু ব্যাপারটার আর-এক দিক আছে। জীবিত ও মৃতের মধ্যে প্রভেদ হচ্ছে এই যে, মৃত বস্তুর character সম্বন্ধ কারণ কোনও সন্দেহ থাকতে পারে না। একটা যন্তের চলন যে কোন্দিকে হ'বে, তা বুঝতে বেশি কফ হয় না। পরমাণুর সমপ্তি এবং জীবাণুর সমপ্তির মধ্যে তফাৎ হচ্চে এই যে, জড়-সমপ্তির পূর্ব্ব-ইতিহাস যদি জানা থাকে, তাহ'লে মাধ্যাকর্ষণ প্রভৃতি বাহিরের জ্ঞাত শক্তি এবং নিয়মের ফলে তার চিরকালের ভবিমুৎ-ইতিহাস অঙ্কশান্ত্রবিশারদগণ নির্ণয় করে দিতে পারেন;—কিন্তু জীবাণু-সমপ্তির সম্বন্ধে এ কথা থাটবে না। জীবাণুর পূর্ব্ব-ইতিহাস ভবিমুৎ-ইতিহাস সম্বন্ধে কতকটা থবর দিতে পারে সত্যা, কিন্তু সম্পূর্ণ থবর দিতে পারে নতা, কিন্তু সম্পূর্ণ থবর দিতে পারে সত্যা, কিন্তু সম্পূর্ণ থবর দিতে পারে স্ত্রাণু জড়গুণসম্পন্ধ অর্থাৎ স্থনির্দিন্ট সীমাবদ্ধ, সেই পরিমাণে সে খবর সঠিক হবে।

এ তো গেল "দার্শনিক গবেষণা।" এ কথাটাকে সহজ-কথায় বলতে গেলে এই দাঁড়ায় যে, জীবন বলতে যে স্ফূর্ত্তি, যে স্বাধীনতা, যে আনক্ষ বোঝায়, চরিত্র গঠন করতে গেলে তার কতকটা ব্লাস করা দরকার। এবং বার যে পরিমাণে সেই স্বাধীন আনন্দের অভাব, তার চরিত্র সেই পরিমাণে গঠিত। #

এক-কথার একগুঁরেমি, একদেশদর্শিত। এবং অল্পবৃদ্ধি, চরিত্রগঠনের পক্ষে পরম উপযোগী। যদি তুমি সমূথে ও আন্দেশাশে বেশি
দূর এক নজরে দেখতে পাও, যদি তোমার বৃদ্ধি ক্রন্মশঃ পরিষার
হতে থাকে, যদি তুমি নিজেকে চিনতে শেখ, তাহ'লে তোমার
জীবনে পূর্ব্বাপর সামঞ্জন্ম রাখা সম্ভব হবে না, কাজেই তোমার
চরিত্রও দৃঢ় বা সীমাবদ্ধ হবে না। যদি তুমি প্রাণের আনন্দে
অধীর হও, যদি তুমি পৃথিবীর গানে, গদ্ধে, আঁধারে, আলোকে বিচলিত
হও, তবেই তুমি "চরিত্রশৃত্য";—যদি তুমি সংসারের ক্ষণে ক্ষণে নব
নব ভাব, এবং মামুধের মুখে, আকাশের গায়ে, লতায় পাতায়,
সততপরিদ্ধার্তনশীল নিত্য-নব্ত্রী দর্শনে অভিভূত হও, তাহলে বলতে
হবে তুমি চরিত্রহীন—তোমার character নেই।

অর্থাৎ মাতা বস্থন্ধরার চিরপরিবর্ত্তনশীল, চির-অন্তুত, নিত্য-দূতন, অজস্র স্প্রি-লীলা যদি তোমার কাছে সত্য বলে প্রতিভাত হয়; মুহূর্ত্তের জন্ম যা সত্য তা যদি তুমি সেই-মুহূর্ত্তেরই জন্ম সত্য বলে মান; যদি তোমার জীবন কবিত্বে ভরে উঠে থাকে,—ভাহলেই তুমি চরিত্রহীন, সমাজের কাছে চির-দোষী।

পূর্বেই বলেছি, আর্যাজাতি চরিত্রবানের জাতি। এঁদের কাছে সমাজ মামুষের চেয়ে বড়। অন্তঃ এঁরা মামুষকে সমাজ হতে

এইখানে আর্ব্যদের "সংবদ" সম্বন্ধে অসংবত চীৎকারটা বোধহয় ধ্বনিত
হবে ! কিন্তু সংবদ ও রিক্তার মধ্যদেশ বড় পিছিল।

বিচ্ছিন্ন করে দেখতে পারেন না। ইউরোপীয় সভ্যভার মূলে গারিষ্টটলের বচন :— "মামুষ সামাজিক জীব।" ভারতবর্ষের মার্য্যগণ যদিও একথা এমন স্পষ্টভাবে ব'লে সমাজ গড়তে বসেন নি, তবুও বর্ণাশ্রাম থেকে বোঝা যায়, এঁদের নিকট সমাজ কত আঢ়া ছিল, এবং দৃঢ় চরিত্রগঠনের জন্ম কত-না কাণ্ড এঁরা করে গেছেন।

াঁরা ভাবুক, যাঁরা কবি, যাঁরা স্রফা, তাঁরা চরিত্রহীন; আর্ম্য-সমাজ চিরকাল তাঁদের র্ণা করে এসেছে, সমাজ চিরকাল তাঁদের বাহিরে রেখেছে। তাই তাদের কাছে কালিদাস ত্লুচরিত্র, Shakespeare লক্ষীছাড়া, Michel Angelo গোঁরার, ইক্যাদি।

অনার্য্যণ কিন্তু আর্য্যদের সমাজ-বন্ধনকে বন্ধন বলেই মনে ক্লরে এসেছে চিরকাল। বড়-সাধের, কত-কন্টের সমাজকে অনার্য্যণ শতাব্দীর পর শতাব্দী ক্রমাগত ঘা দিয়েই এসেছে।—এর প্রমাণ তৈমুর, চেক্সিজ-খাঁ, সক, হূন, গথ ইত্যাদি—আর এর প্রমাণ হচ্চে বঙ্গদেশে বর্ণাশ্রম-ধর্মের ত্রন্দশা।

আসল কথা হচ্চে এই যে, আর্যোরা কর্ম্মী, জয়ী। কিন্তু অনার্য্যেরা বিজিত এবং সংসারে হীন হলেও স্বভাব-কবি—মাতা ধরিত্রীর কোলের সন্তান। আর্য্যদের চাইতে এঁরা মায়ের নিকটতর।

আর্য্যেরা ধীর, অনার্য্যেরা চঞ্চল। আর্য্যদের সর্ব্যোচ্চকীর্ত্তি
দর্শনশান্ত্রে, কিন্তু অনার্য্যদের স্থন্দরতম কীর্ত্তি কবিতার, কলার।
এঁরা পৌত্তলিক, এঁরা গায়ক, এঁরাই শিল্পের প্রতিষ্ঠাতা।
আর্য্যদের অভিমত্ত বাই হোক, আমাদের অনার্য্যদের আত্ম-প্রসাদের
যথেষ্ট কারণ আছে।

ইউরোপে কুরুক্টেক্ত

ইউরোপে কুরুক্তেত আজ যে বেধেছে, সেটি তত আশ্চর্য্যের বিষয় নয়,—আশ্চর্য্যের বিষয় এই যে কাল তা বাধেনি। যে দেশের আপামরসাধারণ সকলেই সশস্ত্র,—সে দেশে "দিন যায় ক্ষণ যায় না" এ বাক্য অক্ষরে অক্ষরে সত্য। আজ প্রায় চল্লিশ বংসর ্ধরে ইউরোপের প্রতি রাজ্যের প্রায় সমগ্র রাষ্ট্রশক্তি যুদ্ধের অমুষ্ঠান এবং যুদ্ধের আয়োজনে ব্যয়িত হয়েছে। দেবতার আরাধনা নয়, বিজ্ঞানের সাধনা করে ইউরোপ যে দিব্য অন্ত্রশস্ত্র লাভ করেছে, তা এদেশের পৌরাণিক এবং ঐতিহাসিকদের উদ্দাম কল্পনারও অতীত। মাসুষ-মার্বার এমন কল মাসুষের হাতে পূর্বের কখন তৈরি হয় নি। সে কল মাটির উপর ছুটে বেড়ায়, স্থড়ক্স-পথে প্রবেশ করে, জলে ভাসে, ডুব-সাঁতার দেয়, পাখীর মত আকাশে ওড়ে, বাজের মত মাথায় ভেঙে পড়ে। আর এই সকল কল চালাবার জন্ম লক্ষ ক্ষম স্থলচর সৈত্য, সহস্র সহস্র জলচর সৈত্য এবং শত শত খেচর সৈত্যের স্বস্থি হয়েছে। এর ফলে এতদিন ধরে ইউরোপের বাহিরে শাস্তি থাক্লেও, অন্তরে শান্তি ছিল না। যুদ্ধের এই বিরাট আয়োজন ইউরোপে मकल कां जित्र मत्न এकि गर्यवनानी मात्री-जरात्र मज एएए हिन । জীবনের আলোর পাশে এই মৃত্যুর ছায়া দিনের পর দিন এমনি ঘনীভূত হয়ে এসেছে যে, এ আশকা মাসুষের মনে সহজেই উদয় হয় যে একদিন হয়ত মানবের সহস্তরচিত এই অন্ধকার, ইউরোপীয়

সভ্যতাকে সম্পূর্ণ প্রাস কর্বে। এই কারণ ইউরোপ একদিকে যেমন লড়ালড়ির জন্ম প্রস্তুত হচ্ছিল, অপর দিকে তেমনি শাস্তিরক্ষার জন্মও লালায়িত হয়েছিল। যারা বারুদের ঘরে বাস করে, তারা আগুন নিয়ে খেলা কর্তে পারে না। যাতে ইউরোপের ঘরে আগুন না লাগে, সে ভাবনা ইউরোপের মনে সর্ববদাই জাগরুক ছিল। কিন্তু আজ সে আগুন লেগেছে। এ অগ্নিকাণ্ডের শেষ যে কোথায়, আ্লু তা কেউ বল্তে পারেন না। এ আগুনের আঁচ পৃথিবীর সমগ্র মানবজাতির গায়ে লাগবে, আমরাও বাদ যাব না। ইউরোপের নানা দেশের নানা জাতির স্বার্থের সংঘর্ষে এই সমরানল,প্রজ্লিত হয়েছে, কিন্তু এই অগ্নিকাণ্ডেই ইউরোপীয় সভ্যতার অগ্নিপরীক্ষা হয়ে যাবে।

(२)

এই যুদ্ধটি কভকটা বিনা-মেঘে বক্সাঘাতের মত ইউরোপের মাথার উপর এসে পড়েছে। মামুষে মামুষে জাতিতে জাতিতে চিরদিন বার্থ নিয়েই লড়াই হয়। কিন্তু আজ একমাস পূর্বের ইউরোপে এমন কোন রাজনৈতিক সমস্থা উপস্থিত হয় নি, যার মীমাংসা তরবারির সাহায্য ব্যতীত অপর কোন উপায়ে হতে পারত না। ইউরোপে গত দশ বারো বৎসরের মধ্যে অন্ততঃ ঘূচারবার অতি গুরুতর সমস্থা উপস্থিত হয়েছিল, কিন্তু দশে মিলে তার আপোষে মীমাংসা করে নিয়েছেন। স্কুতরাং দূর থেকে আমাদের মনে হয় যে নিভান্ত অকারণে, বা অতি তুচ্ছ কারণে এই প্রশারকাণ্ডের স্পৃষ্টি করা হয়েছে। আমরা আদার ব্যাপারী হলেও জাহাজের থোঁজে না নিয়ে থাকতে পারিনে। কেননা আজকের দিনে জাহাজ বাদ দিয়ে কোনও ব্যাপার নেই।

স্নতরাং পৃথিবীর শান্তিভক্ষ কর্বার জন্ম কে দায়ী, এ প্রশা জিজ্ঞাদা করা আমাদের পক্ষে সম্পূর্ণ অনধিকার চর্চ্চা নয়। উত্তরে সার্ভিয়া, রাসিয়া, বেলজিয়ম, ফ্রান্স এবং ইংলগু বলেন দোষী জার্ম্মানী। এমন কি জার্ম্মানীর মিত্ররাজ্য ইটালিও স্পষ্টাক্ষরে এই মতেই সায় দিয়ে জার্মানীর সঙ্গে সন্ধি-বিচ্ছেদ করেছেন। অর্থাৎ ইউরোপে জার্মানেতর সকল জাতিই একবাক্যে জার্মানীর উপরই দোষারোপ করছে। অপর-পক্ষে জার্ম্মান-সমাট ঈশ্বর সাক্ষ্য করে. মুক্তকণ্ঠে এই ঘোষণা করে দিয়েছেন যে, অপরে জাের করে তাঁর ' হাতে তলোয়ার গুঁজে দিয়েছে। কিন্তু সে অপর যে কে, তার কোনও উল্লেখ নেই। সম্ভবতঃ এ স্থলে অপর শব্দের অর্থ বিশ্বমানব। Prince von Bulow এই স্পর্দ্ধা করেছেন যে, যেহেতু পৃথিবীর অপর সকলে ভূতপ্রেত, সে কারণ তাঁরা সূর্য্যলোকে কিম্বা সূর্য্যালোকে বাস করবেন। আত্মশ্রাঘা করাটা হাল জার্ম্মান-রাজনীতির একটি প্রধান অন্ধ। লোকে বলে এক হাতে তালি বাজে না, কিন্তু এক হাতে যে চপেটাঘাত করা যায় না, এ কথা কেউ বলে না। জার্মানীই যে অকারণে সমগ্র ইউরোপের গণ্ডে চপেটাঘাত করেছেন, তার প্রমাণ Bulow-র সত্ত-প্রকাশিত Imperial Germany নামক গ্রন্থ হতেই পাওয়া যায়। গ্রন্থকার বহুকাল জার্দ্মানীর সর্ববপ্রধান রাজমন্ত্রীপদে প্রতিষ্ঠিত ছিলেন, স্থতরাং তাঁর মুখেই জার্মান-রাজনীতির পূর্ণ পরিচয় লাভ করা যাবে। Bulow-র মতে শতাব্দীর পর শতাব্দী ধরে জার্মানী অসংখ্য খণ্ডরাজ্যে বিভক্ত ছিল বলে, জার্ম্মান জাতির কোন রাষ্ট্রবল ছিল न। উनिविश्म माञासीत रंगेवजारा जार्मानी वृक्षिवता । वाह्यता ইউরোপে আত্মপ্রতিষ্ঠা করেছে। ইউরোপে আজ জার্দ্মানী যে

সর্ব্বাগ্রগণ্য সর্ব্বশক্তিশালী জাতি, সে বিষয়ে আর দ্বিমত নেই। তারপর বিংশ শতাব্দীর প্রথম ভাগে জার্ম্মানী সমগ্র পৃথিবীতে আত্মপ্রতিষ্ঠা করাটা তার জাতীয় কর্ত্তব্য বলে স্থির করেছে। শুধু ইউরোপে নয়, সসাগরা বস্তব্ধরায় সর্বেবসর্ববা হওয়া জার্ম্মানীর কপালে লেখা আছে এবং বিধাতার সে লিপি কেউ খণ্ডন করতে পার্বেন না, কেননা এ ক্ষেত্রে অদৃষ্ট ও পুরুষকার একত্রে মিলিত হয়েছে। Prince Bulow-র মতে জার্ম্মান-জন-সাধারণের বীর্ঘা আছে অতএব ধৈৰ্য্য আছে, শক্তি আছে অতএব সংযম আছে, সাহস আছে অতএব ভরসা আছে। অপর-পক্ষে জার্মান রাজপুরুষেরা বিঘান ও বৃদ্ধিমান, বহুদশী ও দুরদশী, একাগ্র ও একনিষ্ঠ। বাহুবল এবং বুদ্ধিবলের এহেন মিলন পৃথিবীর কুত্রাপি আর হয় নি। পূর্বেরাক্ত কারণে জার্মানী ভার মহত্ত্বের ও প্রভূত্বের ব্রত উদযাপন কর্তে বাধ্য। সমস্ত পৃথিবীর উপর Made in Germany এই ছাপ মেরে দেওয়াটাই হচ্ছে জার্ম্মান-রাজনীতির প্রধান লক্ষ্য।

জার্ম্মানী যে মল্লের সাধন কর্ছে, Prince Bulow-র মতে তার সিদ্ধির পথে স্তুটি অন্তরায় আছে—এক ফ্রান্সের শক্রতা, আর-এক ইংলাণ্ডের প্রতিদ্বন্দ্বীতা।

ক্রান্স জার্ম্মানীর গৃহশক্র ; তার স্পষ্ট কারণ এই যে ক্রান্স আজও আল্সেস্ লোরেনের কথা ভূলতে পারে নি, আর তার গৃঢ় কারণ এই যে ফ্রান্স আজও তার পূর্বে ইতিহাস ভুলতে পারে নি। প্রায় তিনশত বৎসর ধরে ফ্রান্স ইউরোপের হর্তাকর্তাবিধাতা ছিল। এই অতীত গোরবঁকাহিনী ক্রান্সের মঙ্জাগত হয়ে হুতরাং জার্দ্মানীর বর্ত্তমান প্রাধাগ্য ফ্রান্সের নিকট অসছ, এবং তার জাতাভিমানে নিত্য আঘাত করে। তারপর ফরাসী জাতি স্বভাবতঃই অধীর ও চঞ্চল, উভ্নমশীল ও যুদ্ধপ্রিয়। ফরাসীদের জাতীয় স্বার্থজ্ঞানের চাইতে জাতীয় আজ্মজ্ঞান অনেক বেশি। Prince Bulow-র মতে, এ জাতির মনে লাভের চাইতে ভাবের প্রভাব বেশি (It is a peculiarity of the French nation that they place spiritual needs above material needs); তা ছাড়া ফরাসী জাতির অন্তরে এমন অপূর্বব জীবনীশক্তি নিহিত আছে যে, ফ্রান্সকে যতই কেন আঘাত কর না, সে মর্তে জানে না। স্থেতরাং এরপ চরিত্রের জাতির নিকট জার্ম্মানীর বিপদ আছে। যথেষ্টপরিমাণ শক্তি সঞ্চয় কর্তে পার্লে, ফ্রান্স আবার জার্ম্মানিকে সেই শক্তি পরীক্ষা কর্বার জন্ম যুদ্ধে আহ্বান করবে। এ ক্ষেত্রে আত্মরক্ষার জন্ম পূর্বব হতেই জার্ম্মানী ফ্রান্সের শক্তি ব্রাম কর্তে বাধ্য। অতএব ফ্রান্সের শক্ততা করা জার্ম্মানীর পক্ষে কর্ত্বা। এই ত গেল ফ্রান্সের কথা।

অপর-পক্ষে সমগ্র পৃথিবীতে জার্ম্মানীর আত্মপ্রতিষ্ঠার পথে ইংলণ্ড
চিরবাধা। কি বাণিজ্যে, কি রাজ্যে—আজ ইংলণ্ডের সমকক্ষ কোন
দেশ পৃথিবীতে নেই। জার্ম্মানীর ইচ্ছা এ ক্ষেত্রেও ইংলণ্ডের
সমকক্ষ হন; স্থতরাং রাজনীতির ক্ষেত্রে ইংলণ্ড জার্মানীর সর্ব্বপ্রথম
এবং সর্ববপ্রধান প্রতিঘন্দী। পৃথিবীতে জার্ম্মানীর উন্নতি ইংলণ্ডের
স্বার্থের বিরোধী। অতএব ইংলণ্ডের সজে জার্ম্মানীর সখ্য অসম্ভব।
কিন্তু তাই বলে ইংলণ্ডের শক্রতা করা বে জার্মানীর পক্ষে কর্তব্য,
তাও নয়। তার কারণ অর্থবলে ও নৌবলে ইংলণ্ড অন্ধিতীর।
এত প্রবল ও ঐশ্বর্যাশালী জাতির সজে বিবাদ করা জার্মানীর

পক্ষে বৃদ্ধিবিবেচনার কাজ নয়-অথচ ইংলণ্ডের সঙ্গে যুদ্ধ করবার জন্ম জার্মানীর প্রতিদিন প্রস্তুত থাকা কর্ত্তব্য। এ অবস্থায় জার্মানীর রাজনীতির উদ্দেশ্য হচ্ছে ইংলণ্ডের বিরুদ্ধে জাতীয় বিদ্বেষ-বৃদ্ধি সেই পরিমাণে উদ্রেক করা, যাতে ইংলণ্ডের সঙ্গে জার্ম্মানীর যুদ্ধ অনিবাগ্য হয়ে না পড়ে, কেননা আজও জার্ম্মানীর নৌবল ইংলণ্ডের বিরুদ্ধে যুদ্ধ করবার পক্ষে যথেষ্ট নয়। (Patriotic feeling must not be roused to such an extent as to damage irreparably our relations with England, against whom our seapower for years would be insufficient) ৷ অর্থাৎ ইংলণ্ডের * সঙ্গে জলযুদ্ধ কর্বার শক্তি যতদিন না সঞ্চয় করতে পারেন, ততদিন জার্মান-রাজপুরুষেরা অনাহত ইংলণ্ডের শত্রুতা করবেন না। এ ত শুধু সময়ের কথা। ইত্যবসরে জার্মানী রণতরীর পর রণতরী প্রস্তুর্ত করে, এবং সেই সঙ্গে দেখের লোককে পেটি য়টিজমের স্থরাপান করিয়ে আসছে।

পূর্বেব যা বলা গেল সে সবই Prince Bulow-র কথা, এক বর্ণও আমার নিজের নয়। এর থেকেই দেখা যায় জার্দ্মানীর রাজনীতির মুখ্য উদ্দেশ্য হচ্ছে ইংলগু ও ফ্রান্সকে শক্তিহীন করা। Prince Bulow বলেন যে, জাতীয় আত্মরক্ষার জন্ম তাঁর। এই নীতি অবলম্বন করতে বাধ্য। জার্ম্মানী অবশ্য আত্মরক্ষা অর্থে, যা আছে তাই রক্ষা করা বোঝেন না। যে ঐশ্র্য্য যে প্রভুত্ব জার্দ্মানীর আজ নেই. তাই আয়ত্ত করাই হচ্ছে জার্দ্মানীর মতে আত্মরকা। এখন বিজ্ঞাত এই আত্মরকার উপায় ও পদ্ধতি কি Prince Bulow বৰেন-

"The fleet as well as the army would, needless to say, in accordance with Prussian and German traditions, consider attack the best form of defence"—— অর্থাৎ জার্মান-মতে পরকে আক্রমণ করাই আত্মরকার সর্ববশ্রেষ্ঠি উপায়।

ইটালি বলেছেন যে, জার্ম্মানীর এ যুদ্ধের উদ্দেশ্য আত্মরক।
নয়—দম্যুতা। ইটালির কথা যে সম্পূর্ণ সত্য, তার প্রমাণ Prince
Bulow-র প্রস্থের প্রতি অক্ষরে পাওয়া যায়। স্ক্ররাং ইউরোপে
এই ভীষণ হত্যাকাণ্ড স্প্তি করবার জন্ম প্রধানতঃ জার্ম্মানী দায়ী।
ইউরোপের রাজনীতির একটি কথা আছে যে, ক্লেকজেলম্ পৌছতে
হলে লোহিত সমুদ্র পার হওয়া দরকার। যতোধর্মস্ততভোজয়ঃ এই
শাদ্রবচনের যদি কোন সার্থকতা থাকে, তাহলে জার্ম্মানী তার এই স্বখাদ
রক্ত-সমুদ্রে ভূবে মরবে।

(0)

আমি পূর্বের বলেছি যে এই ব্যাপারে ইউরোপীয় সভ্যতার অগ্নি-পরীক্ষা হয়ে যাবে।

আজ তিন হাজার বৎসর্বে ইউরোপে যে সভ্যতা গড়ে উঠেছে

— সে সভ্যতার লক্ষণ ও ধর্মা স্থপ্রসিদ্ধ ফরাসী ঐতিহাসিক
Seignobos নিম্নলিখিত রূপে বর্ণনা করেছেন।

প্রথমতঃ— বর্ত্তমান ইউরোপীয় সভ্যতা উচ্চ আদর্শের উপর প্রতিষ্ঠিত। পূর্বে সমাজ সনাতন-প্রথার উপর প্রতিষ্ঠিত ছিল। নির্বিচারে সে প্রথা রক্ষা করাই লোকে কর্ত্তব্য মমে কর্ত্ত। কিন্তু আজ ইউরোপবাসীরা, যা চলে আস্ছে তাতে সম্বুষ্ট না পেকে, মানব-সমাজের উন্নতির জন্ম চিন্তা করে ও চেষ্টা করে। বর্ত্তমান সভ্যতার জপ-মন্ত্র হচ্ছে progress।

দ্বিতীয়তঃ—বর্ত্তমানে সমাজ ব্যক্তিগত স্বাধীনতার উপর প্রতিষ্ঠিত।
এ যুগে মান্দুষের উপর মান্দুষের কোন অধিকার নেই। প্রতি লোকেই নিজের ইচ্ছা, রুচি ও চরিত্র অনুসারে নিজের জীবন গঠন কর্তে পারে। প্রাচীন প্রথার বন্ধন থেকে স্বাই মুক্ত। ধর্ম সন্ধন্ধে, চিন্তা সন্ধন্ধে, মতামত প্রকাশ সন্ধন্ধে সকলেরই সমান সাধীনতা আছে। ইউরোপে মানুষ আজ মান্দুষের দাস নুষু।

তৃতীয়তঃ—বর্ত্তমান সমাজ সাম্যনীতির উপর প্রতিষ্ঠিত। প্রাচীন সমাজ উচ্চনীচ-হিসাবে নানা সম্প্রদায়ে বিভক্ত ছিল, এবং প্রতি সম্প্রদায়ের বিশেষ অধিকার ও বিশেষ কর্ত্তব্য ছিল। এ যুগোর আইনকামুনে এই অধিকারভেদ ও কর্ত্তব্য-ভেদের স্থান নেই। অর্থের তারতম্য ব্যতীত ইউরোপে মামুষমাত্রেই অধিকারে ও কর্ত্তব্যে একক্ষাতীয়।

চতুর্থগু:—বর্ত্তমানে রাজ্য স্বায়ন্ত শাসনের উপর প্রতিষ্ঠিত। পূর্বের ইউরোপে জাতি বলতে কোনও দেশের জনগণকে বোঝাত না। সেকালে শাসক সম্প্রদায় বলে একটি বিশেষ সম্প্রদায় ছিল। রাজ্যশাসনের ভার তাঁদেরই হস্তে নিহিত ছিল। বাদবাকী লোকের শাসনকার্য্যের সঙ্গে কোনই সম্পর্ক ছিল না। আজ মামুষ মাত্রেই রাষ্ট্রের (Body politic) অন্তর্ভুত। ধনী, দরিজ, উচ্চ, নীচ, সকলেরই ভোট আছে, এবং সকলের মতই সমান মূল্যবান।

পঞ্চমতঃ--ইউরোপীয় সমাজ নিরাপদ। পূর্কের স্থায় দস্যা-ভয়ও

নেই, রাজকর্ম্মচারীদের অত্যাচারও নেই। এ যুগের রাজকর্মচারীর। অধিকাংশই শিক্ষিত ও সচ্চরিত্র, তা ছাড়া তাঁদের কার্য্যের উপর গভরমেন্টের দৃষ্টি সর্বিদাই থাকে।

ষষ্ঠতঃ—বর্ত্তমান ইউরোপীয় সভ্যতা শান্তির উপর প্রতিষ্ঠিত।
পৃথিবীতে আজও যুদ্ধবিগ্রহ আছে; কিন্তু ইউরোপের মতে
যুদ্ধব্যাপার একটি পাপ—কেবল কোন কোন অবস্থায় কোন
কোন জাতিকে দায়ে পড়ে এ কার্য্য করতে হয়। ইউরোপে
বর্ত্তমানে ক্ষত্রিয় বলে কোন মহামাল্য এবং অসামাল্য ক্ষমতাপর
সম্প্রদায় নেই। বর্ত্তমানে মানুষে কর্ত্তব্যের খাতিরে সৈনিক
হয়,—সধ্রের জল্পও নয়, মানের জল্পও নয়। বর্ত্তমানে যুদ্ধ-ব্যাপারটি
এমন ভয়য়র হত্যাকাণ্ডে পরিণত হয়েছে বে, যুদ্ধ একালে অতি
কম হয়, এবং অতি কম দিনের জল্প হয়।

ইউরোপীয় সভ্যতার উপরোক্ত বর্ণনা যে সত্য, তা যিনিই ইউরোপের ইতিহাস আলোচনা করেছেন, তিনিই স্বীকার করতে বাধা।

(8)

বে সকল মনোভাবের উপর বর্ত্তমান ইউরোপীয় সভ্যতা প্রতিষ্ঠিত, ইংলণ্ডে তার উৎপত্তি, এবং ফ্রান্সে তার পরিণতি হরেছে। নেগোলিয়ানের অধঃণতনের পর, রাসিয়া অট্টিয়া এবং প্রশিয়া এই নৃতন সভ্যতার উচ্ছেদ এবং মধ্যযুগের পুন:প্রতিষ্ঠার জন্ম একবার বন্ধপরিকর হয়েছিলেন, কিন্তু সে সভ্যতা নম্ট কর্বার ক্ষমতা সেকালে এই তিন-রাজ্যের মিলিভ-শক্তিরও ছিল না। এ সভ্যতাকে ঘা-খাওয়াবার শক্তি নাজ একমাত্র জার্মান-সামাজ্যেরই আছে। কেননা রাসিয়া ইউরোপের ভূগোলেব অন্তর্ভূত হলেও, তার ইতিহাসের বহিভূতি। রাসিয়াকে ইউরোপ আজও একটি প্রাচ্যদেশ হিসেবেই দেখে।

শ্বন্ধীয়ার সাম্রাজ্য একটি প্রাচীন ধ্বংশাবশেষ মাত্র। নানা বিভিন্ন জাতি ও নানা বিভিন্ন দেশকে যোড়াতাড়া দিয়ে এ সাম্রাজ্যকে খাড়া করে রাখা হয়েছে।—সাইয়াকে জার্ম্মানীর সামন্তরাজ বললেও অত্যুক্তি হয় না—কেননা জার্ম্মানীর সাহায্য ব্যতীত অষ্ট্রিয়া একদিনও দাঁড়াতে পারে না। আমরা আজ যাকে জার্ম্মান-সাম্রাজ্য বলি, সে হচ্ছে একটি যুক্তরাজ্য, এবং প্রশিয়ার রাজ্য সেই যুক্তরাজ্যের সমণ্ডলেশ্বর। জার্মান-রাষ্ট্রনীতির অর্থ হচ্ছে প্রশিয়ার রাজনীতি। বর্তমান জার্ম্মান-সভ্যতার স্বরূপ বুঝতে হলে এই কথাটি মনে রাখাদরকার। এই রাজ্ব-শক্তি আজকের দিনে সমগ্র সভ্য-সমাজ্যের নিকট একটি বিভীষিকা হয়ে দাঁড়িয়েছে।

জার্মানী আজ ইউরোপে প্রবল পরাক্রান্ত, কিন্তু জার্মানী, কি সমাজনীতিতে কি রাজনীতিতে, বর্ত্তমান ইউরোপীয় সভ্যতা সম্পূর্ণ গ্রাহ্ম করে নি। জার্মানীর ideal পূর্ববর্ণিত ইউরোপীয় সভ্যতার ideal হতে পৃথক, এবং কোন কোন অংশে বিরোধী। স্কুতরাং এ যুক্ষের মূলে কেবল স্বার্থের নয়, ideal-এর বিরোধ ও সংঘর্ষ আছে।

(a)

প্রথমতঃ—বর্ত্তমান জার্ম্মান-সাম্রাজ্য উচ্চ আদর্শের উপর নয়, উচ্চ আশার উপর প্রতিষ্ঠিত। মানবজাতির উন্নতি নয়, জার্ম্মানীর অস্থাদয়ই হচ্ছে জার্মান স্থাটের এবং জার্মান রাজপুরুষদের কামনার ধন। কি রাজ্যে কি বাণিজ্যে দিখিজয় করাই হচ্ছে জার্মনীর ideal। জার্মানীর জপমন্ত্র progress নয়,—self aggrandisement.

দিতীয়তঃ—জার্মানীতে মাসুষের ব্যক্তিগত স্বাধীনতা,—ইউরোপের অপর সকল দেশের অপেকা কম। জার্মান রাজনীতির বিরুদ্ধে মতামত প্রকাশ করা জার্মান-আইন-অমুসারে দণ্ডনীয়। জার্মানদেশে প্রতি ব্যক্তি যৌবনের প্রারম্ভে তিন বৎসরের জন্ম সৈনিক হতে বাধা। এবং পরে রাজার আদেশে যুদ্ধ কর্তে বাধা। ইংলগু ব্যক্তিগত স্বাধীনতাপ উপরে এরূপ হস্তক্ষেপ করা বর্বরতা মনে করে। ক্রান্স প্রভৃতি দেশ কেবলমাত্র জার্মানীর সৈত্যবলের হাত থেকে আত্মরক্ষা কর্বার জন্ম এই জার্মান-প্রথা অবলম্বন কর্তে বাধ্য হয়েছে। জার্মান-সাম্রাজ্যের অন্তর্ভূত পোল, দিনেমার, ফরাসী প্রভৃতি জার্মানেতর জাতির নিজের প্রবৃত্তি ও ক্রচি অমুসারে জীবন গঠন কর্বার অধিকার নেই। জার্মান-আইন-অমুসারে তারা জার্মান সভ্যতায় শিক্ষিত ও দীক্ষিত হতে বাধ্য। এমন কি নিজের নিজের ভাষা ব্যবহার কর্বার স্বাধীনতা হতেও তারা বঞ্চিত।

ভৃতীয়তঃ—জার্মানীতে আজও সম্প্রদায়ে সম্প্রদায়ে প্রভেদ আছে। ক্ষত্রিয়-সম্প্রদায়ের প্রভূত জার্মান-সমাজ নতশিরে গ্রাহ্ম করে নিয়েছে।

চতুর্থত:—জার্মান-সাম্রাজ্য স্বায়ন্তশাসনের উপর নয়, রাজশাসনের উপর প্রতিষ্ঠিত। Prince Bulow বলেন, ইউরোপের জ্ম্মান্ত দেশের স্থায় জার্মানীতে ডিমোক্রাসী স্থাপন করা অসম্ভব। কেননা জার্মান জাতি রাজনৈতিক বৃদ্ধিহীন। আটশত বৎসর নানা ক্ষুদ্ররাজ্যে বিভক্ত থাকার দরুণ জার্মান জাতির মনে স্বান্তয়্রের ভাব অতি প্রবল।
এই কারণে জার্মান জনসাধারণের মনে সমগ্র জার্মানী সম্বন্ধে আজও
দেশাত্মজ্ঞান জন্মলাভ করেনি। এতঘ্যতীত জার্মানদের মনে স্বজাতিবাৎসল্য হয় অতি সঙ্কীর্গ, নয় অতি উদার। হয় তা নিজের
দলের মধ্যে আবদ্ধ, নয় তা বিশ্বমানবের ভিতর ব্যাপ্ত।
Prince Bulow-র মতে জার্মানীর ইতিহাস জার্মান জাতিকে স্বায়স্তশাসনের পক্ষে অমুপযুক্ত করে ফেলেছে। যদি প্রজাসাধারণের হাতে
রাজ্যশাসনের ভার পড়ে, তাহলে জার্মান-সাআঞ্চ ছদিনেই আবার
ছিন্নভিন্ন হয়ে পড়বে। অতএব প্রশিষ্কার রাজা, রাজকর্মাচারী ও
সৈন্মবলের সহায়তায় জার্মান-সাআজ্য আজও শাসন কর্ছেন এবং
চিরদিন কর্বেন। রাজশক্তি অবাধ ও অক্ষুপ্প রাধাই জার্মান-রাজনীতির
মূলমন্ত্র।

পঞ্চমতঃ—জার্দ্ধানীর জনসাধারণ সম্পূর্ণ নিরাপদ নহে। জার্দ্ধানীতে অবশ্য দম্মভয় নেই, কিন্তু রাজভয় আছে। প্রজাসাধারণের উপর রাজকর্ম্মচারীদের, বিশেষতঃ সেনাধ্যক্ষদের অবৈধ অত্যাচারের উপযুক্ত বৈধ শান্তি নৈই।

ষষ্ঠতঃ—জার্মান-সামাজ্য যুদ্ধের উপর প্রতিষ্ঠিত, শান্তির উপর
নয়। জার্মান-কর্তৃপক্ষদের মতে যুদ্ধ পুণ্যকার্য্য, পাপ নয়।
জার্মানীর সৈনিক সাধারণ-মানব নয়, কিন্তু তার অপেক্ষা অনেক
ভিচ্চপ্রেণীর জীব। জার্মানীতে অস্ত্রধারণ করা কর্ত্তব্যও বটে, গৌরবের
কথাও বটে। Might is right (অর্থাৎ বাছবলই ধর্ম্মবল) এই
মতের ভিত্তির উপর জার্মান-সামাজ্য প্রতিষ্ঠিত।

এই কারণেই জার্মান-সাম্রাজ্যের অভ্যুদর ইউরোপের সভ্য

সমাজে বর্ষরতার পুনরভাগের বলে গণা। ইংলণ্ড ও ক্রান্স ইউরোপের নব-সভ্যতার শ্রেডা। আশা করি এই বর্ষরতার আক্রমণ হতে ইংলণ্ড ও ক্রান্স ইউরোপীয় সভ্যতাকে রক্ষা কর্তে পার্বে। সে সভ্যতা যদি এই ভীষণ অগ্নিপরীক্ষার উত্তীর্ণ হয় ভাহলেই প্রমাণ হবে যে পশুবলই শ্রেষ্ঠ বল নয় আর সভ্যতাও শক্তিহীন নয়।

এপ্রমণ চৌধুরী।

সনুজ্ পত্ৰ

আমার জগৎ

পৃথিবীর রাত্রিটি যেন তার এলোচুল, পিঠ-ছাপিয়ে পায়ের গোড়ালি পর্যান্ত নেমে পড়েছে। কিন্তু সোরজগৎলক্ষীর শুদ্রলাটে একটি কৃষ্ণভিলও সে নয়। ঐ তারাগুলির মধ্যে যে-খুদি সেই আপন সাড়ির একটি খুঁট দিয়ে এই কালিমার কণাটুকু মুছে নিলেও তার আঁচলে যেটুকু দাগ লাগ্বে তা অতি বড় নিন্দুকের চোখেও পড়বে না।

এ যেন আলোক মায়ের কোলের কালে। শিশু, সবে জন্ম নিয়েছে। লক্ষ লক্ষ তারা অনিমেষে তার এই ধরণী-দোলার শিয়রের কাছে দাঁড়িয়ে। তা'রা একটু নড়ে না পাছে এর ঘুম ভেঙে যায়।—

আমার বৈজ্ঞানিক বন্ধুর আর সইল না। তিনি বলেন, তুমি কোন্ সাবেককালের ওয়েটিং রুমের আরাম-কেদারায় পড়ে নিদ্রা দিচ্চ, ওদিকে বিংশ শতাব্দীর বিজ্ঞানের রেলগাড়িটা বে বাঁশি বাজিয়ে ছুট দিয়েছে। তারাগুলো নড়ে না এটা তোমার কেমন কথা ? একেবারে নিছক কবিত্ব !

আমার বলবার ইচ্ছা ছিল, তারাগুলো বে নড়ে এটা তোমার নিছক বৈজ্ঞানিকত্ব। কিন্তু সময় এমনি খারাপ ওটা জয়ধ্বনির মতই শোনাবে।

আমার কবিত্বকলকটুকু স্বীকার করেই নেওয়া গেল। এই কবিত্বের কালিমা পৃথিবীর রাত্রিটুকুরই মত। এর শিয়রের কাছে বিজ্ঞানের জগজ্জন্নী আলো দাঁড়িয়ে আছে কিন্তু সে এর গায়ে বিভাবের ভাগজ্জনী আলো দাঁড়িয়ে আছে কিন্তু সে এর গায়ে

আমার কথাটা হচ্চে এই যে, স্পেষ্টই দেখতে পাচ্চি তারাগুলে। চুপচাপ দাঁড়িয়ে আছে। এর উপরে ত তর্ক চলে না।

বিজ্ঞান বলে, জুমি অভ্যস্ত বেশি দূরে আছ বলেই দেখ্চ ভারাগুলো স্থির। কিন্তু সেটা সভা নয়।

আমি বলি, তুমি অত্যন্ত বেশি কাছে উঁকি মার্চ বলেই বল্চ ওরা চল্চে। কিন্তু সেটা সত্য নয়।

বিজ্ঞান চোখ পাকিয়ে বলে, সে কেমন কথা ?

আমিও চোখ পাকিয়ে জবাব দিই, কাছের পক্ষ নিয়ে জুমি যদি দূরকে গাল দিতে পার তবে দূরের পক্ষ নিয়ে আমিই বা কাছকে গাল দেব না কেন ?

বিজ্ঞান বলে, যখন ছাই পক্ষ একেবারে উল্টোকখা বলে তখন ওদের মধ্যে এক পক্ষকেই মানতে হয়।

স্পামি বলি, জুমি তা ত মান না। পৃথিবীকে গোলাকার বলবার ক্রিলার জুমি স্পনারাসে দুরের দোহাই পাড়। তথন বল, কাছে আছি বলেই পৃথিবীটাকে সমতল বলে শুম হয়। তথন তোমার তর্ক এই যে কাছে থেকে কেবল অংশকে দেখা যায়, দূরে না দাঁড়ালে সমগ্রকে দেখা যায় না। তোমার এ কথাটায় সায় দিতে রাজি আছি। এই জন্মই ত আপনার সম্বন্ধে মানুষের মিথ্যা অহঙ্কার। কেননা আপনি অত্যন্ত কাছে। শান্তে তাই বলে, আপনাকে যেলাক অন্যের মধ্যে দেখে সেই সত্য দেখে—অর্থাৎ আপনার থেকে দূরে না গেলে আপনার গোলাকার বিশ্বরূপ দেখা যায় না।

দূরকে যদি এতটা খাতিরই কর তবে কোন্ মুখে বল্বে, তারাগুলো ছুটোছুটি করে মরচে ? মধ্যাহ্নসূর্য্যকে চোখে, দেখ্তে, গেলে কালো কাঁচের মধ্য দিয়ে দেখ্তে হয়। বিশ্বলোকের জ্যোতির্মায় ছুর্দর্শরূপকে আমরা সমগ্রভাবে দেখ্ব বলেই পৃথিবী এই কালো রাত্রিটাকে আমাদের চোখের উপর ধরেছেন। ভার মধ্যে দিয়ে কি দেখি ? সমস্ত শান্ত, নীরব। এত শান্ত, এত নীরব বে আমাদের হাউই, তুবড়ি, তারাবাজিগুলো তাদের মুখের সামনে উপহাস করে আস্তে ভয় করে না।

আমরা যখন সমস্ত তারাকে পরস্পারের সঙ্গে সম্বন্ধযোগে মিলিয়ে দেখচি তথন দেখচি তা'রা অবিচলিত স্থির। তথন তা'রা যেন গজমুক্তার সাতনলী হার। জ্যোতির্বিতা যথন এই সম্বন্ধসূত্রকে বিচ্ছিন্ন করে' কোনো তারাকে দেখে তথন দেখ্তে পায় সে চল্চে—তথন হার-ছেঁড়া মুক্তা টলটল্ করে, গড়িয়ে বেড়ায়।

এখন মৃদ্ধিল এই, বিশাস করি কাকে ? বিশ্বতারা অন্ধকার সাক্ষ্যমঞ্চের উপর দাঁড়িয়ে যে সাক্ষ্য দিচে তার ভাষা নিতান্ত সরল—একবার কেবল চোখ মেলে তার দিকে তাকালেই হয়, আর কিছুই করতে হয় না। আবার যখন ছুই-একটা তারা তাদের বিশাসন থেকে নীচে নেমে এসে গণিতশান্তের গুহার মধ্যে চুকে কানে কানে কি সব বলে যায় তখন দেখি সে আবার আর এক কথা। যারা স্বদলের সম্বন্ধ ছেড়ে এসে পুলিস ম্যাজিপ্তেটের প্রাইভেট কামরায় চুকে সমস্ত দলের একজোট সাক্ষ্যের বিরুদ্ধে গোপন সংবাদ ফাঁস করে দেবার ভান করে সেই সমস্ত এপ্রভারদেরই যে পরম সত্যবাদী বলে গণ্য করতেই হবে এমন কথা নেই।

কিন্তু এই সমস্ত এপ্রাভররা বিস্তারিত খবর দিয়ে থাকে।
বিস্তারিত খবরের জাের বড় বেশি। সমস্ত পৃথিবী বল্চে আমি
গোলাকার, কিন্তু আমার পায়ের তলার মাটি বল্চে আমি সমতল।
পায়ের তলার মাটির জাের বেশি, কেননা সে যে-টুকু বলে সে
একেবারে তয় তয় করে বলে। পায়ের তলার মাটির কাছ থেকে
পাই তথা, অর্থাৎ কেবল তথাকার খবর, বিশ্বপৃথিবীর কাছ থেকে
পাই সত্য, অর্থাৎ সমস্তাটার খবর।

আমার কথাটা এই যে কোনোটাকে উড়িয়া দেওয়া চলে না।
আমাদের যে ছুইই চাই। তথ্য না হলেও আমাদের কাঞ্চকর্ম বন্ধ,
সভ্য না হলেও আমাদের পরিত্রাণ নেই। নিকট এবং দূর, এই
ছুই নিয়েই আমাদের যত কিছু কারবার। এমন অবস্থায় এদের
কারো প্রতি যদি মিথ্যার কলঙ্ক আরোপ করি তবে সেটা আমাদের
নিজের গায়েই লাগে।

অতএব বদি বলা বায়, আমার দূরের ক্ষেত্রে তারা স্থির আছে, আর আমার নিকটের ক্ষেত্রে তারা দৌড়চে তাতে দোৰ কি? নিকটকে বাদ দিয়ে দূর, এবং দূরকে বাদ দিয়ে নিকট বে একটা ভয়ঙ্কর কবন্ধ। দূর এবং নিকট এরা তুইজনে তুই বিভিন্ন তথ্যের মালিক কিন্তু এরা তুজনেই কি এক সত্যের স্বধীন নয় ?

সেই জন্মেই উপনিষৎ বলেচেন:---

তদেজতি তল্লৈজতি তদ্বে তম্বিকে—

তিনি চলেন এবং তিনি চলেন না, তিনি দূরে এবং তিনি নিকটে এ চুইই এক সঙ্গে সত্য। অংশকেও মানি, সমস্তকেও মানি; কিন্তু সমগ্রবিহীন অংশ ঘোর অন্ধকার এবং অংশবিহীন সমগ্র আরো ঘোর অন্ধকার।

এখনকার কালের পণ্ডিভেরা বল্তে চান, চলা ছাড়া আর কিছুই নেই, ধ্রুবরুটা আমাদের বিছার স্প্রিমায়। অর্থাৎ জগৎটা চল্চে কিন্তু আমাদের জ্ঞানেতে আমরা তাকে একটা স্থিরত্বের কাঠামোর মধ্যে দাঁড় করিয়ে দেখচি নইলে দেখা বলে জানা বলে পদার্থটা থাক্তই না—অভএব চলাটাই সভ্য এবং স্থিরত্বটা বিছার মায়া। আবার আর এককালের পণ্ডিত বলেছিলেন, ধ্রুব ছাড়া আর কিছুই নেই, চঞ্চলভাটা অবিছার স্প্রি। পণ্ডিভেরা যতক্ষণ এক পক্ষের ওকালতি করবেন ততক্ষণ তাঁদের মধ্যে লড়াইয়ের অন্ত থাক্বে না। কিন্তু সরলবুদ্ধি জানে, চলাও সত্য, থামাও সত্য। অংশ, যেটা নিকটবর্ত্তী, সেটা চল্চে; সমগ্র, যেটা দূরবর্ত্তী, সেটা স্থির রয়েছে।

এ সম্বন্ধে একটা উপমা আমি পূর্ব্বেই ব্যবহার করেছি, এখনো ব্যবহার করব। গাঁইয়ে যখন গান করে তখন তার গাওরাটা প্রতি মুহূর্ত্তে চল্তে থাকে। কিন্তু সমগ্র গানটা সকল মুহূর্ত্তকে ছাড়িয়ে স্থির হয়ে আছে। যেটা কোনো গাওয়ার মধ্যেই চলে না সেটা গানই নয়, যেটা কোনো গানের মধ্যেই স্থিরপ্রতিষ্ঠ হতে না পারে ভাকে গাওয়াই বলা যেতে পারে না। গানে ও গাওয়ায় মিলে যে সভ্য সেই ত তদেজতি তদ্মৈজতি তদ্মুরে তদ্বস্তিকে—সে চলেও বটে চলে নাও বটে, সে দুরেও বটে নিকটেও বটে।

যদি এই পাতাটিকে অমুবীক্ষণ দিয়ে দেখি তবে এ'কে ব্যাপ্ত আকাশে দেখা হয়। সেই আকাশকে যতই ব্যাপ্ত করতে থাকব ততই ঐ পাতার আকার আয়তন বাড়তে বাড়তে ক্রমেই সে সূক্ষা হয়ে ঝাপ্সা হয়ে মিলিয়ে যাবে। ঘন আকাশে যা আমার কাছে পাতা, ব্যাপ্ত আকাশে তা আমার কাছে নেই বল্লেই হয়।

এই ত গেল দেশ। তার পরে কাল। যদি এমন হতে পারত যে আমি যে কালটাতে আছি সেটা যেমন আছে তেমনিই থাকত অথচ গাছের ঐ পাতাটার সম্বন্ধে এক মাসকে এক মিনিটে ঠেসে দিতে পারতুম তবে পাতা হওয়ার পূর্ববর্তী অবস্থা থেকে পাতা হওয়ার পরবর্তী অবস্থা পর্যস্ত এমনি হুস করে দৌড় দিত যে আমি ওকে প্রায় দেখ্তে পেতুম না। জগতে যে সব পদার্থ আমাদের কাল থেকে অত্যস্ত ভিন্ন কালে চল্চে তালা আমাদের চারদিকে থাক্লেও তাদের দেখ্তেই পাচিচনে এমন হওয়া অসম্ভব

একটা দৃষ্টান্ত দিলে কথাটা আর একটু স্পাষ্ট হবে। গণিত সম্বন্ধে এমন অসামান্ত শক্তিশালী লোকের কথা শোনা গেছে যাঁরা বহুসময়সাধ্য ছুরুই অহু এক মুহূর্ত্তে গণনা করে দিতে পারেন। গণনা সম্বন্ধে তাঁদের চিত্ত যে কালকে আশ্রায় করে আছে আমাদের চেরে সেটা বহু ফ্রুত কাল—সেই জন্তে যে পছ্কতির ভিতর দিরে ভার। অক্কলের মধ্যে গিয়ে উত্তীর্ণ হন সেটা আমর। দেখ্তেই পাইনে এমন কি ভারা নিজেরাই দেখ্তে পান্না।

আমার মনে আছে, একদিন দিনের বেলা আমি অল্পকণের জন্ম যুমিয়ে পড়েছিলেম। আমি সেই সময়ের মধ্যে একটা দীর্ঘ-কালের স্বপ্ন দেখেছিলেম। আমার ভ্রম হল আমি অনেকক্ষণ যুমিয়েছি। আমার পাশের লোককে জিজ্ঞাসা করে জানা গেল আমি পাঁচ মিনিটের বেশি ঘুমই নি। আমার স্বপ্নের ভিতরকার সময়ের সক্ষে আমার স্বপ্নের বাহিরের সময়ের পার্থক্য ছিল। আমি যদি একই সময়ে এই তুই কাল সম্বন্ধে সচেতন থাক্তুম, তাহলে, হয় স্বপ্ন এত জাতবেগে মনের মধ্যে চলে যেত যে, তাকে চেনা শক্ত হচ, নয় ত সেই স্বপ্নবর্তীকালের রেলগাড়িতে করে চলে যাওয়ার দক্রণ স্বপ্নের বাইরের জগংটা রেলগাড়ির বাইরের দৃশ্রের মত বেগে পিছিয়ে যেতে থাক্ত; তার কোনো একটা জিনিষের উপর চোধ রাখা যেত না। অর্পাৎ স্বভাবত যার গতি নেই সেও গতি প্রাপ্ত হত।

যে খোড়া দৌড়চেচ তার সম্বন্ধে এক মিনিটকে যদি দশঘণ্টা করতে পারি তাহলে দেখ্ব তার পা উঠ্চেই না। ঘাস প্রতিমূহ্রে বাড়চে অথচ আমরা তা দেখ্তেই পাচিচনে। ব্যাপক কালের মধ্যে ঘাসের হিসাব নিয়ে তবে আমরা জান্তে পারি ঘাস বাড়চে। সেই ব্যাপক কাল যদি আমাদের আরত্তের চেয়ে বেশি ছত্ত তাহলে ঘাস আমাদের পক্ষে পাহাড় পর্বতের মতই অচল হত।

অতএব আমাদের মন বেকালের তালে চল্চে তারই বেগ অনুসারে আদরা দেখচি বটগাছটা দাঁড়িয়ে আছে এবং নদীটা চল্চে। কালের পরিবর্ত্তন হলে হয়ত দেখ্তুম বটগাছট। চল্চে কিন্তা নদীটা নিস্তর্ক।

ভাহলেই দেখা যাচেচ, আমরা যাকে জগৎ বলচি সেটা আমাদের জ্ঞানের যোগে ছাড়া হতেই পারে না। যখন আমরা পাহাড় পর্বত সূর্য্য চক্র দেখি তখন আমাদের সহজেই মনে হয় বাইরে যা আছে আমরা তাই দেখিচি। যেন আমার মন আয়নামাত্র। কিন্তু আমার মন আয়নামাত্র। কিন্তু আমার মন আয়না নয়, তা স্প্তির প্রধান উপকরণ। আমি যে মুহূর্ত্তে দেখ্টি সেই মুহূর্ত্তে সেই দেখার যোগে স্প্তি হচ্চে। যতগুলি শন ততগুলি স্প্তি। অত্য কোনো অবস্থায় মনের প্রকৃতি যদি অত্য রকম হয় তবে স্প্তিও অত্য রকম হয়ে।

আমার মন ইন্দ্রিরবোগে ঘন দেশের জিনিষকে এক রকম দেখে, ব্যাপক দেশের জিনিষকে অগ্ন রকম দেখে, দ্রুভকালের গভিতে এক রকম দেখে, মন্দ্রকালের গভিতে এক রকম দেখে, মন্দ্রকালের গভিতে অগ্নরকম দেখে— এই প্রভেদ অনুসারে স্থির বিচিত্রতা। আকাশে লক্ষ্রকাটি ক্রোশ পরিমাণ দেশকে যখন দে এক হাত আধ হাতের মধ্যে দেখে তখন দেখে তারাগুলি কাছাকাছি এবং স্থির। আমার মন কেবল যে আকাশের তারাগুলিকে দেখতে তা নয়, লোহার পরমাণুকেও নিবিড় এবং স্থির দেখতে— যদি লোহাকে সে ব্যাপ্ত আকাশে দেখ্ত তাহলে দেখ্ত তার পরমাণুগুলি স্বত্ত্ব হয়ে দৌড়াদেগিড় করচে। এই বিচিত্র দেশকালের ভিতর দিয়ে দেখাই হচ্চে স্থির লীলা দেখা। সেই জন্তেই লোহা হচ্চে লোহা, জল হচ্ছে জল, মেষ হচ্চে মেষ।

কিন্তু বিজ্ঞান ঘড়ির কাঁটার কাল এবং গল্পকাঠির মাপ দিয়ে

সমস্তকে দেখ্তে চায়। দেশকালের এক আদর্শ দিয়ে সমস্ত স্প্রিকে সে বিচার করে। কিন্তু এই এক আদর্শ স্প্রির আদর্শ ই নয়। স্থতরাং বিজ্ঞান স্থাষ্টিকে বিশ্লিষ্ট করে ফেলে। অণু পরমাণুর ভিতর দিয়ে এমন একটা জায়গায় গিয়ে পৌঁছায় কালের বৈচিত্র্যের মধ্য দিয়ে আমাদের মন যা দেখ্চে তাই স্থাষ্টি। ঈণর-পদার্থের কম্পনমাত্র স্থৃষ্টি নয়, আলোকের অনুভূতিই স্থি। यामात त्वांधतक वान निरम युक्ति षाता या एनथि छाटे क्षात्र, जात বোধের দ্বারা যা দেখচি তাই স্থপ্তি।

रिवछ्डानिक वस्त्र जाज़। करत्र अरमन वरम। जिनि वम्रवन, বিজ্ঞান থেকে আমরা বহুকটে বোধকে খেদিয়ে রাখি—কারণ আমার বোধ এক কথা বলে, তোমার বোধ আর-এক কথা বলে। আমার বোধ এখন এক কথা বলে, তখন আর-এক কথা বলে।

ব্দামি বলি, ঐ ত হল স্প্তিত্ত। স্প্তি ত কলের স্প্তি নয়— সে যে মনের স্থাষ্ট। মনকে বাদ দিয়ে স্থাষ্টিতত্ব আলোচনা, আর রামকে বাদ দিঁয়ে রামায়ণ গান একই কথা।

বৈজ্ঞানিক বল্বেন-এক এক মন এক এক রকমের স্তিষ্টি বদি করে বসে তাহলে সেটা যে অনাস্থপ্তি হয়ে দাঁড়ায়।

আনি বলি,— ভাত হয় নি। হাজার লক্ষ মনের যোগে হাজার লক্ষ স্থপ্তি কিন্তু ভবুও ভ দেখি সেই বৈচিত্ৰাসৰেও পরস্পরের যোগ বিচ্ছিন্ন হয় নি। ভাই ত ভোমার কথা আমি বুঝি, আমার কথা তুমি বোঝ।

ভার কারণ হচেচ, আমার এক-টুক্রো মন যদি বস্তুত কেবল

আমারই হত তাহলে মনের সঙ্গে মনের কোনো যোগই থাকত না। মন পদার্থ টা জগত্বাপী। আমার মধ্যে সেটা বন্ধ হয়েছে বলেই যে সেটা খণ্ডিত তা নয়। সেই জন্মেই সকল মনের ভিতর দিয়েই একটা ঐক্যতত্ব আছে। তা না হলে মামুষের সমাজ গড়ত না। মামুষের ইতিহাসের কোনো অর্থ থাক্ত না।

বৈজ্ঞানিক জিজ্ঞাসা করচেন, এই মন পদার্থ টা কি শুনি।

আমি উত্তর করি যে, তোমার ঈথর-পদার্থের চেয়ে কম আশ্চর্য্য এবং অনির্বচনীয় নয়। অসীম যেখানে সীমাকে গ্রহণ করেছেন সেইটে হল মনের দিক। সেই দিকেই দেশকাল; সেই দিকেই রূপরসগন্ধ; সেই দিকেই বহু। সেই দিকেই তাঁর প্রকাশ।

বৈজ্ঞানিক বলেন, অসীমের সীমা এসব কথা কবি যখন আলোচনা করেন তখন কি কবিরাজ ডাকা আবশ্যক হয় না ?

আমার উত্তর এই যে, এ আলোচনা নতুন নয়। পুরাতন নজির আছে। ক্ষ্যাপার বংশ সনাতনকাল থেকে চলে আস্চে। ভাই পুরাতন ঋষি বল্চেন—

> ব্দন্ধং তমঃপ্রবিশন্তি দে হবিচ্ছামুপাসতে ততো ভুন্ন ইব তে তমো য উ বিচ্ছানাংরতাঃ।

বে লোক অনস্তকে বাদ দিয়ে অস্তের উপাসনা করে সে অন্ধকারে ডোবে। আর যে অস্তকে বাদ দিয়ে অনস্তের উপাসনা করে সে আরো বেশি অন্ধকারে ডোবে।

> বিভাঞ্চাবিভাঞ্চ বস্তবেদোভরং সহ অবিভানা মৃত্যুং তীদ্বা বিভানামৃতমন্ন তে!

অন্তকে অনন্তকে যে একত্র করে জানে সেই অন্তরে মধ্য দিয়ে মৃত্যুকে উত্তীর্ণ হয় আর অনন্তের মধ্যে অমৃতকে পায়।

তাই বলে সীমা ও অসীমের ভেদ একেবারেই ঘূচিয়ে দেখাই যে
দেখা তাও নয় সে কথাও আছে। তাঁরা বল্চেন অন্ত এবং
অনস্তের পার্থক্যও আছে। পার্থক্য যদি না থাকে তবে স্পন্তি হয়
কি করে ? আবার যদি বিরোধ থাকে তাহলেই বা স্পন্তি হয় কি
করে ? সেই জন্মে অসীম যেখানে সীমায় আপনাকে সঙ্কুচিত
করছেন সেইখানেই তাঁর স্পন্তি, সেইখানেই তাঁর বছঃ—কিন্তু তাতে
তাঁর অসীমতাকে তিনি ত্যাগ করেন নি।

নিজের অন্তিষ্টার কথা চিন্তা করলে একথা বোঝা সহজ হবে।
আমি আমার চলাফেরা কথাবার্তায় প্রতি মুহূর্ত্তে নিজেকে প্রকাশ
করচি—সেই প্রকাশ আমার আপনাকে আপনার স্থি। কিন্তু
সেই প্রকাশের মধ্যে আমি যেমন আছি তেমনি সেই প্রকাশকে
বহুগুণে আমি অতিক্রম করে আছি। আমার এক কোটিতে অন্ত
আর এক কোটিতে অনন্ত। আমার অব্যক্ত-আমি আমার ব্যক্ত-আমির
যোগে সত্য। আমার ব্যক্ত-আমি আমার অব্যক্ত-আমির যোগে

তার পরে কথা এই যে, তবে এই আমিটা কোথা থেকে আসে। সেটাও আমার সম্পূর্ণ নিজস্ব নয়। অসীম যেখানে আপনাকে সীমায় সংহত করেছেন সেখানেই অহস্কার। সোহহমিত্ম। সেখানেই তিনি হচ্চেন আমি আছি। অসীমের বাণী, অর্ধাৎ সীমার মধ্যে অসীমের প্রকাশই হচ্চে, অহমত্মি। আমি আছি। যেখানেই হওরার পালা আরম্ভ হল সেখানেই আমির পালা। সমস্ত সীমার মধ্যেই অসীম বল্চেন, অহমন্মি। আমি আছি, এইটেই হচ্চে স্প্তির ভাষা।

এই এক আমি-আছিই লক্ষ লক্ষ আমি-আছিতে ছড়িয়ে
পড়েছেন—তবু তার সীমা নেই। যদিচ আমার আমি-আছি সেই
মহা আমি-আছির প্রকাশ কিন্তু তাই বলে একথা বলাও চলে না
যে এই প্রকাশেই তাঁর প্রকাশ সমাপ্ত। তিনি আমার আমি-আছির
আছির মধ্যেও যেমন আছেন তেমনি আমার আমি-আছির
অভিক্রেম করেও আছেন। সেই জন্মেই অগণ্য আমি-আছির
মধ্যে রোগের পথ রয়েছে। সেই জন্মেই উপনিষৎ বলেছেন,
"সর্বভূতের মধ্যে যে লোক আজাকে এবং আজার মধ্যে যে লোক
সর্বভূতকে জানে সে আর গোপন থাক্তে পারে না।" আপনাকে
সেই জানে না যে লোক আপনাকে কেবল আপনি বলেই জানে,
জন্মকেও যে আপন বলে জানে না।

তত্বজ্ঞানে আমার কোনো অধিকার নেই—আমি সেদিক থেকে
কিছু বলছিও নে। আমি সেই মৃঢ় যে মামুষ বিচিত্রকে বিশ্বাস
করে, বিশ্বকে সন্দেহ করে না। আমি নিজের প্রকৃতির ভিতর
থেকেই জ্ঞানি দূরও সত্য নিকটও সত্য, স্থিতিও সত্য গতিও
সত্য। অণু পরমাণু যুক্তির দ্বারা বিশ্লিষ্ট এবং ইন্দ্রিয়-মনের
আশ্রের থেকে একেবারে ভ্রম্ট হতে হতে ক্রেমে আকার আয়তনের
অতীত হয়ে প্রলয়-সাগরের তীরে এসে দাঁড়ায় সেটা জ্ঞামার
কাছে বিশ্বরকর বা মনোহর বোধ হয় না। রূপই আমার কাছে
আশ্রের্য, রসই আমার কাছে মনোহর। সকলের চেয়ে আশ্রের্যা
এই বে আকারের ফোরারা নিরাকারের হৃদয় থেকে নিত্যকাল

উৎসারিত হয়ে কিছুতেই ফুরতে চাচ্ছে না। আমি এই দেখেছি যেদিন আমার হৃদয় প্রেমে পূর্ণ হয়ে উঠে সেদিন সূর্য্যালোকের উচ্ছলতা বেড়ে উঠে, সেদিন চন্দ্রালোকের মাধুর্য্য ঘনীভূত হয়— সেদিন সমস্ত জগতের স্থর এবং তাল নতুন তানে নতুন লয়ে বাজতে থাকে—তার থেকেই বুঝতে পারি, জগৎ আমার মন দিয়ে আমার হৃদয় দিয়ে ওতপ্রোত। যে চুইয়ের যোগে স্ঠি হয় তার মধ্যে এক হচ্চে আমার হৃদয় মন। আমি যখন বর্ধার গান গেয়েছি তখন সেই মেঘমল্লারে জগতের সমস্ত বর্ষার অশ্রুপাতধ্বনি নবতর ভাষা এবং অপূর্বন বেদনায় পূর্ণ হয়ে উঠেছে; চিত্রকরের, চিত্র, এবং কবির কাব্যে বিশ্বরহস্থ নৃতন রূপ এবং নৃতন বেশ ধরে দেখা দিয়েছে,—-তার থেকেই জেনেছি এই জগতের জল স্থল আকাশ আমার হৃদয়ের তস্তু দিয়ে বোনা, নইলে আশীর ভাষার দক্ষে এর ভাষার কোনো যোগই থাকত না; গান মিখ্যা হত, কবিত্ব মিখ্যা হত, বিশ্বও যেমন বোবা হয়ে থাক্ত আমার হৃদয়কেও তেমনি বোবা করে রাখত। কবি এবং গুণীদের কাজই এই ষে, স্বারা ভুলে আছে তাদের মনে করিয়ে দেওয়া যে, জগৎটা আমি, জগৎটা আমার, ওটা রেডিয়ো-চাঞ্চল্যমাত্র নয়। তত্বজ্ঞান যা বল্চে সে এক কথা, বিজ্ঞান যা বল্চে সে এক কখা, কিন্তু কবি বল্চে, আমার হৃদয়মনের তারে ওস্তাদ বীণা বাক্লাচ্চেন সেই ত এই বিশ্বস্থীত, নইলে কিছুই বাজত না। বীণার তার একটি নয়—লক্ষ তারে লক্ষ স্থর—কিন্তু স্থরে স্থরে বিরোধ নেই। এই হৃদয়মনের বীণা-ষন্ত্রটি ক্লড়ষন্ত্র নয় —এ বে শ্রোণবান-এই জন্ম এ যে কেবল বাঁধা স্থর বাজিয়ে বাচেচ ভা

নয়—এর হ্বর এগিয়ে চল্চে, এর সপ্তক বদল হচ্চে, এর ভার বেড়ে যাচ্চে—এ'কে নিয়ে যে জগৎ হৃষ্টি হচ্চে সে কোথাও ছির হয়ে নেই—কোথাও গিয়ে সে থাম্বে না,—সেই রসিক আপন রস দিয়ে চিরকাল এর কাছ থেকে নব নব রস আদায় করে নেবেন, এর সমস্ত হৃথ সমস্ত হৃথে সার্থক করে তুল্বেন। ধন্য আমি এই যে, আমি পাস্থশালায় বাস করচিনে, রাজপ্রাসাদের এক কামরাতেও আমার বাস নির্দিষ্ট হয়নি; এমন জগতে আমার দ্বান, আমার আপনাকে দিয়ে যার হৃষ্টি; সেই জন্মই এ কেবল পঞ্চভূত বা চৌষ্টিভূতের আডভা নয়, এ আমার হৃদয়ের কুলায়, এ আমার প্রাণের লীলাভবন, এ আমার প্রেমের মিলনতীর্থ।

শেষের রাত্রি

गंशी!

ঘুমোও যতান, রাত হল যে।

হোক না রাত, আমার দিন ত বেশি নেই। আমি বলছিলুম মণিকে তার বাপের বাড়ি—ভুলে যাচ্চি ওর বাপ এখন কোণায়— সীতারামপুরে।

হাঁ সীভারামপুরে। সেইখানে মণিকে পাঠিয়ে দাও, আরও কত দিন ও রোগীর সেবা করবে ? ওর শরীর ত তেমন শক্ত নয়। শোন একবার! এই অবস্থায় ভোমাকে ফেলে বউ বাপের বাড়ি বেতে চাইবেই বা কেন ?

ডাক্তারেরা কি বলেছে সে কথা কি সে-

তা সে নাই জান্ল—চোখে ত দেখ্তে পাচ্চে। সেদিন বাপের বাড়ি যাবার কথা যেমন একটু ইসারায় বলা অমনি বউ কেঁদে জন্মির।

মাসীর এই কথাটার মধ্যে সত্যের কিছু অপলাপ ছিল সে কথা বলা আবশ্যক। মণির সঙ্গে সেদিন তাঁর এই প্রসঙ্গে যে আলাপ ছইয়াছিল সেটা নিম্নলিখিত মত।

বঁউ, ভোমার বাপের বাড়ি থেকে কিছু খবর এসেছে বুঝি ? ভোমার জাঠতত ভাই অনাথকে দেখ্ শুম যেন। হাঁ, মা বলে পাঠিয়েছেন আস্চে শুক্রবারে আমার ছোট বোনের অন্ধ্যাশন। তাই ভাবচি—

বেশ ত বাছা, একগাছি সোনার হার পাঠিয়ে দাও, ভোমার মা খুসি হবেন।

ভাবচি, আমি যাব। আমার ছোট বোনকে ত দেখিনি, দেখ্তে ইচেছ করে।

সে কি কথা, যতীনকে একলা ফেলে যাবে ? ডাক্তার কি বলেছে শুনেছ ত ?

ডাক্তার ত বলছিল, এখনো তেমন বিশেষ—

তা যাই বলুক, ওর এই দশা দেখে যাবে কি করে ?

আমার তিন ভাইয়ের পরে এই একটি বোন, বড় আদরের মেয়ে—শুনেছি ধুম করে অন্নপ্রাশন হবে—আমি না গেলে মা ভারি—

তোমার মায়ের ভাব, বাছা, আমি বুঝতে পারিনে। কিন্তু ষতীনের এই সময়ে তুমি যদি যাও তোমার বাবা রাগ করবেন সে আমি বলে রাধচি।

তা জানি। তোমাকে একলাইন লিখে দিতে হবে, মাসী, যে কোনো ভাবনার কথা নেই—আমি গেলে বিশেষ কোনো—

জুমি গেলে কোনো ক্ষতিই নেই সে কি জানিনে ? কিস্ত ভোমার বাপকে যদি লিখ্তেই হয় আমার মনে যা আছে সব খুলেই লিখ্ব।

আছে। বেশ—তুমি লিখোনা। আমি ওঁকে গিয়ে বল্লেই উনি— দেখ বট অনেক সয়েছি—কিন্তু এই নিয়ে যদি তুমি যতীনের কাছে বাও কিছুতেই সইব না। তোমার বাবা তোমাকে ভালো রকমই চেনেন তাঁকে ভোলাতে পারবে না।

এই বলিয়া মাসি চলিয়া আসিলেন। মণি খানিকক্ষণের জন্ম রাগু করিয়া বিছানার উপর পড়িয়া রহিল।

পাশের বাড়ি ছইতে সই আসিয়া জিজ্ঞাসা করিল, একি সই, গোসা কেন ?

দেখ দেখি ভাই, স্থামার একমাত্র বোনের স্থলপ্রাশন—এর। স্থামাকে যেতে দিতে চায় না।

ওমা সে কি কথা, বাবে কোথায় ? স্বামী যে রোগে শুষ্চে।
আমি ত কিছুই করিনে, করতে পারিও নে; বাড়িতে সবাই
চুপচাপ, আমার প্রাণ হাঁপিয়ে উঠে। এমন করে আমি থাক্তে
পারিনে তা বলচি।

कृषि धिष्ठ भारतमानूष या दाक्।

তা আমি ভাই তোমাদের মত লোক-দেখানে ভান কর্তে পারিনে। পাছে কেউ কিছু মনে করে বলে মুখ-গুঁজ ড়ে ঘরের কোণে পড়ে থাকা আমার কর্ম নয়।

্তা কি করবে শুনি ?

আমি যাবই, আমাকে কেউ ধরে রাখ্তে পারবে না। ইস, তেজ দেখে আর বাঁচিনে। চল্লুম, আমার কাজ আছে।

₹

বাপের বাড়ি বাইবার প্রসক্ষে মণি কাঁদিয়াছে—এই খবরে বঙীন বিচলিত হইয়া বালিশটাকে পিঠের কাছে টানিয়া তুলিল এবং একটু উঠিয়া হেলান্ দিয়া বসিল। বলিল—মাসী, এই জানলাটা আরেকটু খুলে দাও, আর এই আলোটা এ ঘরে দরকার নেই।

জানলা খুলিতেই স্তব্ধ রাত্রি ক্ষনস্ত তীর্থপথের পথিকের মত রোগীর দরজার কাছে চূপ করিয়া দাঁড়াইল। কত যুগের কত মৃত্যুকালের সাক্ষী ঐ তারাগুলি যতীনের মুখের দিকে তাকাইয়া বহিল।

যতীন এই বৃহৎ অন্ধকারের পটের উপর ভাষার মণির মুখখানি দেখিতে, পাইল। সেই মুখের ডাগর ছটি চক্ষু মোটা মোটা জলের কোঁটায় ভরা—সে জল যেন আর শেষ হইল না, চিরকালের জন্ম ভরিয়া রহিল।

অনেকক্ষণ সে চুপ করিয়া আছে দেখিয়া মাসী নিশ্চিন্ত হইলেন। ভাবিলেন যতীনের যুম অসিয়াছে।

এমন সময় হঠাৎ সে বলিয়া উঠিল—মাসী, তোমরা কিন্তু বরাবর মনে করে এসেছ মণির মন চঞ্চল—আমাদের ধরে ওর মন বসেনি। কিন্তু দেখ—

না বাবা, ভূল বুকেছিলুম-সময় হলেই মানুষকে চেনা বায়। মাসী!

যতীন, খুমোও বাবা।

আমাকে একটু ভাৰতে দাও—একটু কথা কইতে দাও! বিরক্ত হোয়োনা মাসী!

जाञ्हा, ' वन वावा।

আমি বল্ছিলুম, মামুধের নিজের মন নিজে বুঝতেই কত সময় লাগে! একদিন যখন মনে করতুম আমরা কেউ মণির মন পেলুম না তখন চুপ করে সহু করেছি। ভোমরা তখন---

না বাবা, অমন কথা বোলো না—আমিও সহা করেছি।

মন ত মাটির ঢেলা নয়—কুড়িয়ে নিলেই ত নেওয়া যায় না। আমি জানতুম মণি নিজের মন এখনো বোঝেনি—কোনো একটা আঘাতে যেদিন বুঝবে সেদিন আর—

ঠিক কথা যতীন।

সেই জন্মই ওর ছেলে-মাতুষিতে কোনোদিন কিছু মনে ক্লরিনি।

মাসী এ-কথার কোন উত্তর করিলেন না—কেবল মনে মনে দীর্ঘনিশাস ফেলিলেন। কতদিন তিনি লক্ষ্য করিয়াছেন যতীন বারান্দায় আসিয়া রাত কাটাইয়াছে, রুপ্তির ছাঁট আসিয়াছে তবু ঘরে যায় নাই। কতদিন সে মাথা ধরিয়া বিছানায় পড়িয়া-একাস্ত ইচ্ছা মণি আসিয়া মাথায় একটু হাত বুলাইয়া দেয়। মণি তখন সখীদের সঙ্গে দল-বাঁধিয়া থিয়েটার দেখিতে যাইবার আয়োজন করিতেছে। তিনি যতীনকে পাখা করিতে আসিয়াছেন সে বিরক্ত হইয়া তাঁহাকে ফিরাইয়া দিয়াছে। সেই বিরক্তির মধ্যে কড বেদনা তাহা তিনি জ্বানিতেন। কতবার তিনি বতীনকে বলিতে চাহিরাছেন, বাবা, ভূমি ঐ মেয়েটার দিকে অত বেশি মন দিরোনা —ও একটু চাহিতে শিগুক্—মাসুষকে একটু কাঁদানো চাই। किञ्च अभव कथा विनवात्र नरह, विनरमे उक्ट रवारम मा। ষ্ত্রীনের মনে নারীদেবতার একটি পীঠন্থান ছিল. সেইখানে সে মণিকে বসাইয়াছে। সেই তীর্থক্ষেত্রে নারীর অমৃতপাত্র চিরদিন তাহার ভাগ্যে শৃশ্য থাকিতে পারে একথা মনে করা তাহার পক্ষে সহজ ছিল না। তাই পূজা চলিতেছিল, অর্থ্য ভরিয়া উঠিতেছিল, বরলাভের আশা পরাভব মানিতেছিল না। মাসী বখন আবার ভাবিতেছিলেন যতীন ঘুমাইয়াছে এমন সময়ে হঠাৎ সেবলিয়া উঠিল—

আমি জানি, তুমি মনে করেছিলে মণিকে নিয়ে আমি স্থা

• হতে পারিনি তাই তার উপর রাগ করতে। কিন্তু মাসী স্থা
জিনিষটা ঐ তারাগুলির মত, সমস্ত অন্ধকার লেপে রাখে না,
মাঝে মাঝে ফাঁক থেকে যার। জীবনে কত ভুল করি, কত
ভুল বুঝি, তবু তার ফাঁকে ফাঁকে কি স্বর্গের আলো ছলেনি ?
কোথা থেকে আমার মনের ভিতরটি আজ এমন আনন্দে
ভরে উঠেছে ?

মাসী আন্তে আন্তে ষভীনের কথালে হাত বুলাইয়া দিতে লাগিলেন। অন্ধকারে তাঁহার চুই চক্ষু বাহিয়া যে জল পড়িভেছিল ভাহা কেহ দেখিতে পাইল না।

আমি ভাবচি মাসী, ওর অর বয়স, ও কি নিয়ে থাকবে ?

জন্ন বয়স কিসের যতীন ? এ ড ওর ঠিক বয়স। জামরাও ত বাছা জান্ন বয়সেই দেবতাকে সংসারের দিকে ভাসিয়ে জান্তরের মধ্যে বসিরেছি—তাতে ক্ষতি হয়েছে কি ? তাও বলি, সুখেরই বা এত বেশি দরকার কিসের ? মাসী, মণির মনটি যেই জাগবার সময় হল অসনি আমি---ভাব কেন, ষতীন ? মন যদি জাগে তবে সেই কি কম ভাগ্য ?

হঠাৎ অনেক দিনের শোনা একটা বাউলের গান যতীনের মনে পডিয়া গেল।

> ওরে মন, যথন জাগলি না বে তর্থন মনের মানুষ এল ছারে। চলে যাবাব শব্দ শুনে ভাঙল রে ঘুম, ও তোৰ ভাঙল রে ঘুম অন্ধকারে॥

মাসী, ঘড়িতে কটা বেজেছে १ নটা বাজ বে।

সবে নটা ? আমি ভাবছিলুম বুঝি হুটো, তিনটে, কি ক'টা হবে ? সন্ধ্যার পর থেকেই আমার দুপর রাত আরম্ভ হয়।--তবে তুমি আমার যুমের জন্মে অত ব্যস্ত হয়েছিলে কেন ?

কালও সন্ধার পর এই রকম কথা কইতে কইতে কভ রাভ পর্যান্ত তোমার আর ঘুম এল না—তাই আজ তোমাকে সকাল-সকাল সুমতে বলচি।

শণি কি ঘুমিয়েছে ?

না, সে ভোমার জন্মে মহারির ডালের সূপ তৈরি করে তবে স্থমতে বায়।

বল কি মাসী, মণি কি তবে---

সেই ত তোমার জন্মে সব পথ্যি তৈরি করে দেয়। তার কি বিশ্রাম কাছে ?

আমি ভাবতুম মণি বুঝি---

মেয়েমাসুষের কি আর এসব শিখ্তে হয় ? দায়ে পড়লেই আপনি করে নেয়।

আজ তুপুরবেলা মৌরলা-মাছের যে ঝোল হয়েছিল তাতে বড় স্থন্দর একটি তার ছিল। আমি ভাবছিলুম তোমারি হাতের তৈরি।

* কপাল আমার! মণি কি আমাকে কিছু করতে দেয় প ভোমার গামছা তোয়ালে নিজের হাতে কেচে শুকিয়ে রাখে। জানে যে কোথাও কিছু নোংরা তুমি দেখ তে পার না। তোমার বাইরের বৈঠকখানা যদি একবার দেখ তবে দেখ তে পাবে মণি ছুবেলা সমস্ত খেড়ে মুছে কেমন তক্তকে করে রেখে দিয়েছে। আমি যদি তোমার এ ঘরে ওকে সর্বদা আস্তে দিতুম তাহলে কি আর রক্ষা থাক্ত! ও ত তাই চায়।

মণির শরীর বুঝি---

ডাক্তাররা বলে রোগীর ঘরে ওকে সর্বনা আনাগোনা করতে দেওয়া কিছু নয়। ওর মন বড় নরম কি না, ভোমার কর্ষ্ট দেখ্লে ছদিনে যে শরীর ভেঙে পড়বে।

मात्री, ওকে তুমি ঠেকিয়ে রাখ কি করে?

জামাকে ও বড়ড মানে বলেই পারি। তবু বারবার গিয়ে ধবর দিয়ে জাসতে হয়—এ জামার আবেক কাজ হয়েছে। আকাশের তারাগুলি যেন করুণা বিগলিত চোথের জলের মত জল্জল্ করিতে লাগিল। যে জীবন আজ বিদায় লইবার পথে আসিয়া দাঁড়াইয়াছে যতীন তাহাকে মনে মনে কৃতজ্ঞতার প্রণাম করিল—এবং সম্মুখে মৃত্যু আসিয়া অন্ধকারের ভিতর হইতে যে দক্ষিণ হাত বাড়াইয়া দিয়াছে যতীন স্নিগ্ধ বিগাসের সহিত তাহার উপরে আপনার রোগক্লান্ত হাতটি রাখিল।

্রকবার নিশাস ফেলিয়া, একটুখানি উদ্পুদ্ করিয়া যতীন বলিল, মাসী, মণি যদি জেগেই থাকে তাহলে একবার যদি তাকে—

এখনি ডেকে দিচ্চি, বাবা।

আমি বেশিক্ষণ তাকে এ ঘরে রাধ্তে চাইনে—কেবল পাঁচ মিনিট—ত্নটো-একটা কথা যা বলবার আছে—

মাসী দীর্ঘনিশ্বাস কেলিয়া মণিকে ডাকিতে আসিলেন। এদিকে
যতীনের নাড়ী দ্রুত চলিতে লাগিল। যতীন জানে আজ পর্যান্ত
সে মণির সঙ্গে ভালো করিয়া কথা জমাইতে পারে নাই। ছই
যন্ত্র ইই স্থরে বাঁধা, এক সঙ্গে আলাপ চলা বড় কঠিন। মণি
ভাহার সন্ধিনীদের সঙ্গে অনর্গল বকিতেছে হাসিতেছে, দূর হইতে
ভাহাই শুনিয়া যতীনের মন কতবার ঈর্ধায় পীড়িত হইয়াছে।
যতীন নিজেকেই দোষ দিয়াছে—সে কেন অমন সামান্ত যাহা-ভাহা
লইয়া কথা কহিতে পারে না ? পারে না বে ভাহাও ত নহে—
নিজের বজুবান্ধবদের সঙ্গে ঘতীন সামান্ত বিষয় লইয়াই কি আলাপ

করে না ? কিন্তু পুরুষের যাহা-ভাহা ত নেয়েদের যাহা-ভাহার সঙ্গে ঠিক মেলে না। বড় কথা একলাই একটানা বলিয়া যাওয়া চলে, জান্ত পক্ষ মন দিল কি-না খেয়াল না করিলেই হয়,—কিন্তু ডুচ্ছ কথায় নিয়ত ছই পক্ষের যোগ থাকা চাই;—বাঁশি একাই বাজিতে পারে কিন্তু ছইয়ের মিল না থাকিলে করতালের খচমচ জমেনা। এই জন্ত কত সন্ধ্যাবেলায় যতীন মণির সঙ্গে যখন খোলা বারান্দায় মাছর পাতিয়া বসিয়াছে, ছটো চারটে টানাবোনা কথার পরেই কথার সূত্র একেবারে ছিঁড়য়া ফাঁক হইয়া গেছে; ভাহার পত্রে সন্ধ্যার নীরবতা যেন লভ্জায় মরিতে চাহিয়ছে। যতীন বুঝিতে পারিয়াছে মণি পালাইতে পারিলে বাঁচে; মনে মনে কামনা করিয়াছে এখনি কোনো-একজন তৃতীয় ব্যক্তি যেন আসিয়া পড়ে। কেননা, ছুইজনে কথা কহা কঠিন, তিনজনে সহজ।

মণি আসিলে আজ কেমন করিয়া কথা আরম্ভ করিবে যতীন তাহাই ভাবিতে লাগিল। ভাবিতে গেলে কথাগুলো কেমন জন্মভাবিক রকম বড় হইয়া পড়ে—সে সব কথা চলিবে না। যতীনের আশন্ধা হইতে লাগিল আজকের রাত্রের পাঁচ মিনিটও বার্ধ হইবে। অথচ তাহার জীবনে এমনতর নিরালা পাঁচ মিনিট জার ক'টাই বা বাকি আছে ?

O

একি বোঁ, কোথাও বাচ্চ না কি ? দীতারামপুরে যাব। দে কি রুখা ? কার দক্ষে যাবে ? ञनाथ निरंग्न योटकः।

লক্ষ্মী-মা-আমার, তুমি যেয়ো, আমি তোমাকে বারণ করব না, কিন্তু আজ নয়।

টিকিট কিনে গাড়ি রিজার্ভ করা হয়ে গেছে।

তা হোক, ও লোকসান গায়ে সইবে—হুমি কাল সকালেই চলে যেয়ো--আজ যেযোন।।

মাসা, আমি তোমাদের ভিথি বার মানিনে, আজ গেলে দোষ কি ?

ষতীন ভোমাকে ডেকেছে, ভোমার সঙ্গে তার একটু কণা আছে। ' বেশত, এখনো একটু সময় আছে, আমি তাঁকে বলে আসচি। ना. जुमि वलएज शांतरव ना रव यांका।

তা বেশ, কিছু বল্ব না, কিন্তু আমি দেরি করতে পারব ना। कालहे अन्नश्राभन-आंक यिन ना याहे उ हल् त ना।

আমি জোড়হাত করচি বৌ, আমার কথা আজ একদিনের মত রাধ। আজ মন একটু শাস্ত করে যতীনের কাছে এনে বস-ভাড়াভাড়ি কোরে। না।

তা कि कत्रव वल, गांड़ि उ आमात अन्य वरम शाक्रव ना। व्यनाथ हाल (शह-मन मिनिहे भारते एक अपन वागारक निरम যাবে। এই বেলা ভাঁর সঞ্চে দেখা সেরে আসিগে।

না, তবে থাক্—তুমি যাও। এমন করে তার কাছে যেতে দেৰ না। ওরে অভাগিনী, তুই বাকে এত ছংখ দিলি সে ড সৰ বিসর্ধন্তন দিয়ে আৰু বাদে কাল চলে বাবে — কিন্তু যত দিন **(वैंक्ट) थाक्वि:** এ मिरनत कथा छारक हित्रमिन मरन त्राथ एड হবে—ভগবান আছেন, ভগবান আছেন, সে কথা একদিন বুঝবি।

মাসী, তুমি অমন করে শাপ দিয়ে। না বলচি !
ওরে বাপ্রে, আর কেন বৈঁচে আছিস্রে বাপ ? পাপের
যে শেষ নেই—আমি আর ঠেকিয়ে রাখ্তে পারলুম না।

মাসী একটু দেরি করিয়া রোগীর ঘরে গেলেন। আশা করিলেন যতীন ঘুমাইয়া পড়িবে। কিন্তু ঘরে চুকিতেই দেখিলেন • বিছানার তপর যতীন নড়িয়া-চড়িয়া উঠিল। মাসী বলিলেন, এই এক কাণ্ড করে বসেছে।

কি হয়েছে ? মণি এল না ? এত দেরি করলে কেন মাসী ?
গিয়ে দেখি সে তোমার হুধ জাল দিতে গিয়ে পুড়িয়ে
ফেলেছে বলে কায়া। আমি বলি, হয়েছে কি, আরো ত হুধ
আছে। কিন্তু অসাবধান হয়ে তোমার খাবার হৢধ পুড়িয়ে ফেলেছে
বৌয়ের এ লঙ্জা আর কিছুতেই বায় না। আমি তাকে অনেক
করে ঠাণ্ডা করে বিছানায় শুইয়ে রেখে এসেছি। 'আজ আর
তাকে আন্লুম না। সে একটু ঘুমোক।

মণি আসিল না বলিয়া যতীনের বুকের মধ্যে বেমন বাজিল, তেমনি সে আরামও পাইল। তাহার মনে আশহা ছিল বে, পাছে মণি সশরীরে আসিরা মণির ধ্যান-মাধুরীটুকুর প্রতি জুলুম করিয়া যায়। কেননা, তাহার জীবনে এমন অনেকবার ঘটিয়াছে। ত্বধ পুড়াইয়া ফেলিয়া মণির কোমল ছদর অনুতাপে ব্যথিত

হইয়া উঠিয়াছে ইহারই রস্টুকুতে তাহার হৃদয় ভরিয়া ভরিয়া উঠিতে লাগিল।

यात्री ।

কি বাবা ?

व्यक्ति (तम जान्हि व्यक्ति किन (मध श्रः अत्मर्ह। किन्न আমার মনে কোনো খেদ নেই। তুমি আমার জন্মে শোক কোরে। না ।

ना वावा, आभि त्यांक कत्रव ना। क्षीवरनहें रय मक्कल आत् মরণে যে নয় একথা আমি মনে করিনে।

মাসী তোমাকে সভ্য বলছি মৃত্যুকে আমার মধুর মনে হচ্চে।

অন্ধকার আকাশের দিকে তাকাইয়৷ যতীন দেখিতেছিল, তাহার মণিই আজ মৃত্যুর বেশ ধরিয়। আসিয়া দাঁড়াইয়াছে। সে আজ অক্ষয় যৌবনে পূর্ণ—দে গৃহিণী, দে জননী; সে রূপনী, সে কল্যাণী। ভাহারই এলোচুলের উপরে ঐ আকাশের ভারাগুলি লক্ষীর স্ব**হস্তের আশীর্বাদের মালা। তাহাদের ছজনের** মাথার উপরে এই অন্ধকারের মক্ষলবস্ত্রধানি মেলিয়া ধরিয়া আবার যেন নৃতন করিয়া, শুভদৃষ্টি হইল। রাত্রির এই বিপুল অন্ধকার ভরিয়া গেল मिनत स्रानित्मय त्थात्मत्र मृष्टिभाष्ठ । এই यदत्र वेध् मिन, এই একটুখানি মণি, আজ বিশক্ষপ ধরিল-জীবন-মরণের সঙ্গমতীর্থে ঐ নক্ষত্র-বেদীর উপরে সে বসিল—নিস্তব্ধ রাত্রি মঞ্চলঘটের মত পুণ্যধারায় ,ভরিয়া উঠিল।—ঘতীন জোড়হাত করিয়া মনে মনে

কহিল, এতদিনের পর যোমটা খুলিল, এই ষোর অন্ধকারের মধ্যে আবরণ ঘূচিল—অনেক কাঁদাইরাছ—স্থন্দর হে স্থন্দর, তুমি আর ফাঁকি দিতে পারিবে না!

8

কন্ট হচ্চে, মাসী, কিন্তু যত কন্ট মনে করচ তার কিছুই
নয়। আমার সঙ্গে আমার কন্টের ক্রমণই বেন বিচ্ছেদ হয়ে
আস্চে। বোঝাই-নৌকার মত এতদিন সে আমার জীবন-জাহাজের
সঙ্গে বাঁধা ছিল—আজ যেন বাঁধন কাটা পড়েছে—সে আমার সব
্বোঝা নিয়ে দূরে ভেসে চল্ল। এখনো তাকে দেখ্তে পাচিচ
কিন্তু তাকে যেন আর আমার বলে মনে হচ্চে না—এ ছুদিন
মণিকে একবারও দেখিনি মাসী।

্ পিঠের কাছে আর-একটা বালিশ দেব কি যতীন 🤊

আমার মনে হচেচ, মাসী, মণিও বেন চলে গেছে। আমার বাঁধন-ছেঁড়া তুঃখের নোকাটির মত।

বাবা, একটু বেদানার রস খাও, তোমার গলা শুকিয়ে আস্চে।
আমার উইলটা কাল লেখা হয়ে গেছে—সে কি আমি ভোষাকে
দেখিয়েছি—ঠিক মনে পড়চে না।

আমার দেখবার দরকার নেই যতীন।

মা যখন মারা বান আমার ও কিছুই ছিল না। ভোমার 'খেয়ে ভোমার হাতে আমি মামুব। তাই বলছিলুম---

সে আবার কি কথা ? আমার ত কেবল এই একখানা বাড়ি আর সামান্ত কিছু সম্পত্তি ছিল। বাকি সবই ত তোমার নিজের রোজগার। কিছু এই বাডিটা—

কিসের বাড়ি আমার! কত দালান ভুমি বাড়িয়েছ, আমার সেটুকু কোথায় আছে খুঁজেই পাওয়া যায় না।

মণি তোমাকে ভিতরে ভিতরে খুব—

সে কি জানিনে, যতীন ? তুই এখন ঘুমো।

আমি মাণিকে সব লিখে দিলুম বটে কিন্তু ভোমারি সব রইল মাসী। ও ত তোমাকে কখনো অমাশ্য কর্বে না।

সেজত্যে অত ভাবচ কেন, বাছা।

তোমার আশীর্বাদেই আমার সব, তুমি আমার উইল দেখে এমন কথা কোনোদিন মনে কোরো না---

ওকি কথা যতীন ? তোমার জিনিষ তুমি মণিকে দিয়েছ বলে আমি মনে করব ? আমার এম্নি পোড়া মন ? তোমার জিনিব ওর নামে লিখে দিয়ে যেতে পারচ বলে তোমার যে স্থুখ সেই ভ আমার সকল স্থাখের বেশি, বাপ।

কিন্তু তোমাকেও আমি---

দেখ্ ষতীন, এইবার সামি রাগ করব। তুই চলে যাবি স্থার **जूरे जामात्क ठाका मिराय जुलिया त्यार्थ या**वि ?

মাসী, টাকার চেয়ে আরো বড় যদি কিছু তোমাকে—

দিয়েছিদ, যতীন, ঢের দিয়েছিদ্। আমার শৃষ্ঠ ঘর ভারে ছিলি এ আমার অনেক জন্মের ভাগ্য। এতদিন ত বু**ক ভ**রে পেরেছি, আজ আমার পাওনা বদি ফুরিয়ে গিয়ে থাকে ভ নালিশ कत्रव ना। माञ्, त्रव निरंश माञ्, निरंथ माञ्र-वाणियत, जिनिवश्व, বোড়াসাড়ি, তালুকমূলুক,—বা আছে সব মণির নামে লিখে দাও -- এ সব বোঝা আমার সইবে না।

তোমার ভোগে রুচি নেই—কিন্তু মণির বয়স অল্প তাই—

ও কথা বলিস্নে, ও কথা বলিস্নে। ধনসম্পদ দিতে চাস্ দে কিন্তু ভোগ করা—

কেন ভোগ করবে না মাসী ?

না গো না, পারবে না, পারবে না! আমি বলচি ওর মুখে রুচবে না! গলা শুকিয়ে কাঠ হয়ে যাবে, কিছুতে কোনো রস পাবে না।

ষতীন চুপ করিয়া রহিল। তাহার অভাবে সংসারটা মণির

•কাছে একেবারে বিস্থাদ হইয়া যাইবে এ কথা সত্য কি মিথা,

স্থাধের কি ছঃখের, তাহা সে যেন ভাবিয়া ঠিক করিতে পারিল
না। আকান্দের তারা যেন তাহার হৃদয়ের মধ্যে আসিয়া কানে
কানে বলিল, এমনিই বটে,—আমরা ত হাজার হাজার বছর হইতে
দেখিয়া আসিলাম, সংসার-জোড়া এই সমস্ত আয়োজন এতবড়ই ফাঁকি।

যতীন গভীর একটা নিঃখাস ফেলিয়া বলিল, দেবার মত জিনিষ ত আমরা কিছুই দিয়ে যেতে পারিনে।

কম কি দিয়ে যাচচ বাছা ? এই ঘরবাড়ি টাকাকড়ির ছল করে তুমি ওকে বে কি দিয়ে গেলে তার মূল্য ও কি কোনো দিন বুঝবে না ? যা তুমি দিয়েছ তাই মাধা পেতে নেবার শক্তি বিধাতা ওকে দিন এই আশীর্বাদ ওকে করি।

আর একটু বেদানার রস দাও, আমার গলা শুকিরে এসেছে। মণি কি কাল এসেছিল—আমার ঠিক মনে পড়চে না। এসেছিল। তখন তুমি ঘূমিয়ে পড়েছিলে। শিয়রের কাছে বসে বসে অনেকক্ষণ বাতাস করে তার পরে ধোবাকে তোমার কাপড় দিতে গেল।

আশ্চর্য্য ! বোধ হয় আমি ঠিক সেই সময়েই স্বপ্ন দেখছিলুম বেন মণি আমার ঘরে আস্তে চাচ্চে—দরজা অল্প-একটু ফাঁক হয়েছে—ঠেলাঠেলি করচে কিন্তু কিছুতেই সেইটুকুর বেশি আর খুল্চে না। কিন্তু মাসী ভোমরা একটু বাড়াবাড়ি করচ—ওকে দেখ্তে দাও যে আমি মরচি—নইলে মৃত্যুকে হঠাৎ সইতে পারবে না।

বাবা, ভোমার পায়ের উপরে এই পশমের শাল্টা টেনে, দিই—পায়ের তেলা ঠাণ্ডা হয়ে গেছে।

না, মাসী, গায়ের উপর কিছু দিতে ভালো লাগচে না।
জানিস্ যতীন এই শালটা মণির তৈরি। এতদিন রাত জেগে
জোগে সে তোমার জন্যে তৈরি করছিল। কাল শেষ করেছে।

যতীন শালটা লইয়া চুই হাত দিয়া একটু নাড়াচাড়া করিল।
মনে হইল পশমের কোমলতা যেন মণির মনের জিনিয—সে যে
যতীনকে মনে করিয়া রাত জাগিয়া এইটি বুনিয়াছে—তাহার মনের
সেই প্রেমের ভাবনাটি ইহার সঙ্গে গাঁথা পড়িয়াছে। কেবল পশম
দিয়া নহে মণির কোমল আঙুলের স্পর্শ দিয়া ইহা বোনা। ভাই
মাসী যখন শালটা তাহার পায়ের উপর টানিয়া দিলেন তখন
তাহার মনে হইল, মণিই রাত্রির পর রাত্রি জাগিয়া তাহার
পদসেবা করিতেছে।

কিন্তু মাসী, আমিত জানতুম মণি শেলাই করতে পারে না— সে শেলাই করতে ভালোই বাসে না।

মন দিলে শিখ্তে কতক্ষণ লাগে ? তাকে দেখিয়ে দিতে হয়েছে
---ওর মধ্যে অনেক ভুল শেলাইও আছে।

তা ভূল থাক্না। ও ত প্যারিস্ এক্জিবিসনে পাঠানো হবে না—ভূল-শেলাই দিয়ে আমার পা ঢাকা বেশ চল্বে।

শেলাইয়ে যে অনেক ভুল ক্রটি আছে সেই কথা মনে করিয়াই

বৈতীনের আনেরা বেশি আনন্দ হইল। বেচারা মণি পারে না,

জানে না, বার বার ভুল করিতেছে, তবু ধৈর্য্য ধরিয়া রাত্রির পর

রাত্রি শেলাই করিয়া চলিয়াছে—এই কল্পনাটি ভাহার কাছে বড়

করুণ বড় মধুর লাগিল। এই ভুলে-ভরা শালটাকে আবার সে

একটু নাড়িয়া-চাড়িয়া লইল।

মাসী ডাক্তার বুঝি নীচের ঘরে ? হাঁ, যতীন, আজ রাত্রে থাক্বেন।

কিন্তু আমাকে যেন মিছামিছি ঘুমের ওর্ধ দেওয়া না হয়।
দেখেছ ও ওতে আমার ঘুম হয় না কেবল কটি বাড়ে। আমাকে
ভালো করে জেগে থাক্তে দাও। জান মাসী, বৈশাখ-ঘাদশীর
নাট্রে আমাদের বিয়ে হয়েছিল—কাল সেই ঘাদশী আস্চে—কাল
সেই দিনকার রাত্রের সব তারা আকাশে ভালানো হবে। মণির
বোধ হয় মনে নেই—আমি তাকে সেই কথাতি আজু মনে করিয়ে

দিতে চাই;—কেবল তাকে তুমি ছু মিনিটের জন্মে ডেকে দাও। চুপ করে রইলে কেন? বোধ হয় ডাক্তার তোমাদের বলেছে আমার শরীর ছুর্বল এখন যাতে আমার মনে কোনো—কিন্তু আমি তোমাকে নিশ্চয় বলচি মাসী, আজ রাত্রে তার সঙ্গে ছুটি কথা কয়ে নিতে পারলে আমার মন খুব শান্ত হয়ে যাবে—তাহলে বোধ হয় আর ঘুমোবার ওয়ুধ দিতে হবে না। আমার মন তাকে কিছু বল্তে চাচ্চে বলেই এই ছু রাত্রি আমার ঘুম হয়নি। মাসী তুমি অমন করে কেঁদোনা। আমি বেশ আছি, আমার মন আজ যেমন ভরে উঠেছে আমার জীবনে এমন আর কখনই হয়নি। সেই জন্মই আমি মাণিকে ডাকচি। মনে হচ্চে আজ যেন আমার ভরা হলরটি তার হাতে দিয়ে যেতে পারব। তাকে অনেক দিন অমনক কথা বল্তে চেয়েছিলুম, বল্তে পারিনি কিন্তু আর এক মুহুর্তু দেরি করা নয়, তাকে এখনি ডেকে দাও—এর পরে আর সময় পাব না।— না মাসী, তোমার ঐ কায়া আমি সইতে পারিনে। এতদিন ভ শাস্ত ছিলে, আজ কেন তোমার এমন হল ?

ওরে বতীন, ভেবেছিলুম আমার সব কারা ফুরিয়ে গেছে— কিন্তু দেখ্তে পাচ্চি এখনো বাকী আছে, আজ আর পারচিনে।

মণিকে ডেকে দাও—ভাকে বলে দেব কালকের রাতের জ্বত্যে যেন—

যাচিচ বাবা। শস্তু দরজার কাছে রইল, যদি কিছু দরকার হয় ওকে ডেকো।

মাসী মণির শোবার ঘরে গিয়া মেজের উপর বসিয়া ডাকিতে লাগিলেন—ওরে আয়—একবার আয়—আয়রে, রাক্ষসী যে ভোকে তার সব দিয়েছে তার শেষ কণাটি রাখ্—সে মরতে বসেছে তাকে আর মারিসনে।

যতীন পায়ের শব্দে চমকিয়া উঠিয়া কহিল—মণি !
না আমি শস্তু, আমাকে ডাকছিলেন ?
একবার তোর বৌ-ঠাকরুণকে ডেকে দে ।
কাকে ?
বৌ-ঠাকরুণকে ।
তিনি তু এখনো ফেরেননি ।
কোথায় গেছেন ?
সীভারামপুরে ।
আজ গেছেন ?
না আজ তিনদিন হল গেছেন ।

ক্ষণকালের জন্ম যতীনের সর্বাঙ্গ ঝিম্ঝিম্ করিয়া আসিল—সে চোখে অন্ধকার দেখিল। এতক্ষণ বালিশে ঠেসান দিয়া বৃসিয়াছিল, শুইয়া পড়িল। পায়ের উপর সেই প্রশাসের শাল ঢাকা ছিল সেটা পা দিয়া ঠেলিয়া ফেলিয়া দিল।

অনেকক্ষণ পরে মাসী যখন আসিলেন যতীন মণির কথা কিছুই বলিল না। মাসী ভাবিলেন সে কথা উহার মনে নাই।

হঠাং যতীন এক সময়ে বলিয়া উঠিল, মাসী, তোমাকে কি জামার সেদিনকার স্বপ্লের কথা বলেছি ? কোন্স্প্র ?

মণি যেন আমার ঘরে আসবার জন্ম দর্জা ঠেলছিল—কোনো মতেই দরজা এতটুকুর বেশি ফাঁক হলনা সে বাইরে দাঁডিয়ে দেখ্তে লাগ্ল কিন্তু কিছুতেই চুক্তে পারল না। মণি চিরকাল আমার ঘরের বাইরেই দাঁড়িয়ে রইল। তাকে অনেক করে ডাকলুম কিন্ধ এখানে তার জায়গা হল না।

मानी किंडू ना विनया हुপ कतिया त्रशिलन । ভावितन यञीतन জম্ম মিথ্যা দিয়া যে একট্থানি স্বর্গ রচিতেছিলাম সে আর টি কিল না। ছুঃখ যখন আসে তাহাকে স্বীকার করাই ভালো—প্রবঞ্চনার দার্ন বিধাতার মার ঠেকাইবার চেষ্টা করা কিছু নয়।

মাসী. তোমার কাছে যে স্নেহ পেয়েছি সে আমার জন্মজন্মান্তরের পাথেয়। আমার সমস্ত জীবন ভরে নিয়ে চল্লুম। আর-জন্মে তুমি নিশ্চয় আমার মেয়ে হয়ে জন্মাবে, আমি তোমাকে বুকে করে মান্ত্র্য করব।

বলিস্ কি যতীন, আবার মেয়ে হয়ে জন্মাব ?—না হয়, তোরি কোলে ছেলে হয়েই জন্ম হবে—সেই কামনাই কর্না।

না, না, ছেলে না। ছেলেবেলায় তুমি যেমন স্থুন্দরী ছিলে তেমনি অপরূপ স্থন্দরী হয়েই তুমি আমার ঘরে আস্বে। আমার মনে আছে আমি তোমাকে কেমন করে সাজাব।

আর বকিস্নে যতান বকিস্নে—একটু ঘূমো। ভোমার নাম দেব, লক্ষ্মীরাণী।

ও ত একেলে নাম হল না।

না, একেলে নাম না। মাসী তুমি আমার সাবেককেলে;—সেই সাবেককাল নিয়েই তুমি আমার ঘরে এস।

তোর ঘরে আমি কন্যাদায়ের ছঃখ নিয়ে আস্ব এ কামনা আমি ত করতে পারিনে।

মাদী তুমি আমাকে ছুর্বল মনে কর,—আমাকে ছঃখ থেকে বাঁচাতে চাও ?

বাছা, আমার যে মেয়েমামুষের মন, আমিই ছুর্ববল—সেই জয়েই আমি বড় ভয়ে ভয়ে তোকে সকল ছঃখ থেকে চিরদিন 'বাঁচাতে চেঁয়েছি। কিন্তু আমার সাধ্য কি আছে ? কিছুই করতে পারিনি।

মাসী, এ জীবনের শিক্ষা আমি এ জীবনে খাটাবার সময় পেলুম না। কিন্তু এ সমস্তই জমা রইল, আস্চে বারে, মামুষ যে কি পারে তা আমি দেখাব। চিরটা দিন নিজের দিকে তাকিয়ে থাকা যে কি ফাঁকি তা আমি বুঝেছি।

যাই বল বাছা, তুমি নিজে কিছু নাওনি, পরকেই স্ব দিয়েছ।
মাসী, একটা গর্বব আমি করব আমি স্থাধর উপরে জবরদন্তি
করিনি—কোনো দিন এ কথা বলিনি যেখানে আমার দাবী আছে
সেখানে আমি জোর খাটাব। যা পাইনি তা কাড়াকাড়ি করিনি।
আমি সেই জিনিষ চেয়েছিলুম যার উপরে কারো স্বন্থ নেই—
সমস্ত জীবন হাতজোড় করে অপেক্ষাই করলুম; মিথাকে চাইনি
বলেই এতদিন এমন করে বসে থাক্তে হল—এইবার সত্য হয় ভ
দয়া করবেন। ও কেও—মাসী, ও কে গ

কই. কেউ ত না যতীন।

মাদী, তুমি একবার ওঘরটা দেখে এদ গে. আমি যেন—

ন। বাছা, কাউকে ত দেখ্লুম না।

আমি কিন্তু স্পাঠ যেন---

किष्टू ना यजीन-धे रय जाउनात वातू এमেছেন।

एनथून आशनि **७ँ**त कार्ष्ट्र थाक्रल छनि वर्फ् विभि कथा कन्। ক্যুরাত্রি এমনি করে ত জেগেই কাটালেন। আপনি শুতে ধান, আমার সেই লোকটি এখানে থাকবে।

না মাসী না, তুমি যেতে পাবে না।

আচ্ছা, বাছা, আমি না হয় ঐ কোণটাতে গিয়ে বসচি।

না, না, তুমি আমার পাশেই বসে থাক—আমি ভোমার এ হাত কিছুতেই ছাড়চিনে—শেষ পর্যান্ত না। আমি যে ভোমারই হার্তের মাসুষ, ভোমারই হাত থেকে ভগবান আমাকে নেবেন।

আচ্ছা বেশ, কিন্তু আপনি কথা কবেন না, যতীন বাবু। সেই ওষুধটা খাওয়াবার সময় হল--

সময় হল ? মিথ্যা কথা। সময় পার হয়ে গেছে-এখন ওষুধ খাওয়ানো কেবল ফাঁকি দিয়ে সাস্ত্রনা করা। আমার তার কোনো দরকার নেই। আমি মরতে ভয় করিনে। মাদী যমের চিকিৎসা চল্চে, তার উপরে আবার সব ডাক্তার জড় করেছ (कन—विमाग्न करत्र मांछ. भव विमाग्न करत्र मांछ। এখन आमात्र একমাত্র তুমি--- আরু আমার কাউকে দরকার নেই--- কাউকে না---কোনো মিথাকেই না।

স্বাপনার এই উত্তেজনা ভালো হচ্চে না।

তাহলে তোমরা যাও—আমাকে উত্তেজিত কোরোনা। মাসী ডাক্তার গেছে ? আচ্ছা, তাহলে তুমি এই বিছানায় উঠে বোসো— আমি তোমার কোলে মাথা দিয়ে একটু শুই।

আচ্ছা, শোও বাবা, লক্ষ্মীটি, একটু ঘুমোও।

না মাসী, ঘুমতে বোলোনা—ঘুমতে ঘুমতে হয় ত আর ঘুম ভাঙবে না। এখনো আর-একটু আমার জেগে থাকবার দরকার আছে। তুমি শব্দ শুন্তে পাচ্চনা ? ঐ যে আস্চে। এখনি আস্বে।

বাবা যতীন, একটু চেয়ে দেখ—ঐ যে এসেছে। একবারটি চাও! কে এসেছে ? স্বপ্ন ? স্বপ্ন নয় বাবা, মণি এসেছে—ভোমার শশুর এসেছেন। তুমি কে ? চিন্তে পারচ না বাবা, ঐ ত তোমার মণি। মণি, সেই দরজাটা কি সব খুলে গিয়েছে ? नव भूत्लर्फ, वांश आमात्र, नव भूत्लर्फ् ।

ना मात्री, आमात পारात উপत ও माल नरा, ও माल नरा, ও শাল মিথ্যে, ও শাল ফাঁকি।

শাল নয় যতীন। বউ তোর পায়ের উপর পড়েছে—ওর মাথায় হাত রেখে একটু আশীর্কাদ কর্।—অমন ্করে কাঁদিস্নে বৌ. কাঁদবার সময় আস্চে-এখন একটুখানি চুপ কর!

শ্রীরবীক্সনাথ ঠাকুর।

উত্তরাপথে রাফ্রীয় এক্য

উত্তরাপথের মানচিত্রের দিকে,—হিমালয় হইতে বিদ্ধ্য পর্যান্ত, সিন্ধুনদ হইতে ব্রহ্মপুত্র পর্যান্ত,—বিস্তৃত সমতল ক্ষেত্রের দিকে তাকাইলে, একটি কথা মনে আসে। সে কথাটি এই যে,—স্পষ্টিকর্ত্তা যেন এই বিস্তার্গ ভূভাগ একছেত্র অথগু রাজ্যরূপে শাসিত হইবার জন্ম স্পিন্তি করিয়াছেন। স্থরক্ষিত খণ্ড-রাজ্যের মূর্ভেম্ম সীমান্তের বা প্রাচীর- পরিখার উদ্দেশ্য সাধন করিতে পারে, এমন পাহাড়-পর্বত বা সাগর এই ভূভাগের ভিতরে কোথাও নাই। ইহাকে খণ্ড খণ্ড করিয়া ভাগে করিতে গেলেই অন্তর্কোহ এবং সর্ববান্ধান ভূবলতা অবশ্যস্তারী। কিন্তু প্রকৃতির এই ইন্ধিত বুঝিয়া চলিতে প্রাচীনদিগের অনেক দিন লাগিয়াছিল, এবং অপ্রাচীনেরা এই ইন্ধিতের অনুসরণ করিতে পারেন নাই বলিয়াই, মৃত্যুমুখে পতিত হইয়াছিলেন। এখানে প্রাচীনদিগের কথাই বলিব।

মনুষ্য-সমাজে যে সকল স্মরণীয় ঘটনা ঘটে, তাহার অবিকৃত বিবরণের নাম ইতিহাস। প্রত্যক্ষকারীর কথা বা প্রমাণ ঐতিহাসিক বিবরণের উপজীব্য। আমাদের দেশের ইতিহাসের উপদানের প্রাচীনতম আকর ঋষেদ। ঋষেদই আমাদের ইতিহাসের প্রথম অধ্যায়ের অবলম্বন। এই প্রথম অধ্যায়ে উত্তরাপণব্যাপী কোনও অধ্য রাজ্যের পরিচয় পাওয়া যায় না;—উত্তরাপথের এক-কোণের গুটিকয়েক খণ্ড-রাজ্যের পরিচয় পারচয় পাওয়া যায়। ঋষেদের ঋষিরা

গঙ্গা চিনিতেন,—সরযু চিনিতেন,—মগধও (কীকট) জানিতেন; কিন্তু তাঁহাদের লীলাক্ষেত্র যমুনার পশ্চিমদিকেই সীমাবদ্ধ ছিল।

ঋথেদের যুগের আর্য্য-ভূমি একস্থলে (৮।২৪।২৭) "সপ্ত-সিন্ধবং" নামে উল্লিখিত হইয়াছে। এখন সেই দেশের নাম পঞ্চাব। এই সপ্তসিন্ধুর দেশও যে কখনও একজনু রাজার একচ্ছত্র-শাসনাধীনে ছিল, ঋষ্মন্ত্রে এরূপ আভাস পাওয়া যায় না। তথনও করভারবাহী বৈশ্য এবং ক্রীতদাদের ন্যায় সেবানিরত শূদ্রবর্ণের অভ্যুদয় হয় নাই। ঠিক নামতঃ না হউক, কাৰ্য্যতঃ তখন ছিল—এক দিকে ব্ৰাহ্মণ এবং * ক্ষত্রিয়, ন্সপর দিকে অনার্য্য দস্ত্য (নিষাদ)। তখনকার ক্ষত্রিয়-সমাজ কতকগুলি "গণে" বিভক্ত ছিল। এক একটি "গণের" এক একজন রাজা ছিলেন। যদিও জনগণ বহু পূর্বেই যাযাবরবৃত্তি ত্যাগ করিয়া আমবাসী হইয়াছিল, তথাপি তখনকার নরপালগণকে রাষ্ট্রাধিপ না বলিয়া "গণাধিপ" বলাই সঙ্গত। ঋকসংহিতায় অনেকগুলি স্বতন্ত্র "গণের" নাম আছে। তন্মধ্যে ভরত-তৃৎস্থ, পূরু, যতু, তুর্ববস, ক্রিবি (পঞ্চাল), মৎশ্য, চেদি বিশেষ প্রসিদ্ধ। এই সকল "গণপালগণের" মধ্যে ভরত-তৃৎস্থ-গণের পতি স্থদাস পৈজবন (পিজবনের পুর্ত্ন) একসময় সর্ববাপেক্ষা পরাক্রান্ত হইয়া উঠিয়াছিলেন। ঋথেদের একটি সূক্ত (৭।১৮) হইতে জানা ধায়,--স্থদাস পরুষ্ণী নদীর (বর্ত্তমান রাবি) তীরে পূরু, যতু, তুর্বস প্রভৃতি গণাধিপগণকে যুদ্ধে পরাভৃত করিয়া ছিলেন। এই যুদ্ধ ঋথেদে এবং অথর্ববেদে "দাশরাক্ত" বা "দশ জন রাজার সহিত যুদ্ধ" নামে উল্লিখিত হইয়াছে ৷ এই একই সুক্তে ম্বদাসের বমুনানদীর তীরে যুদ্ধের জয়লাভের কথাও আছে। এই পকল যুদ্ধের কলে স্থদাস ইরাবতী (রাবি) হইতে বমুনার তীর পর্যান্ত বিস্তৃত ভূভাগে প্রাধান্য লাভ করিয়াছিলেন এরূপ অনুমান করা যাইতে পারে। কিন্তু স্থলাসকর্ত্ব প্রতিষ্ঠিত তৃৎস্থ-প্রাধান্য অধিক কাল স্থায়ী হয় নাই। পূরুগণ সরস্বতী-তীরে বাস করিতেন। পূরুরাজ পূরুরুৎস এবং স্থলাস এক-সময়ের লোক। "দাশরাজ্ঞ" যুদ্ধে পূরুরাজও উপস্থিত ছিলেন। এই যুদ্ধে প্রাজয়ের ফলেই হয়ত পূরুগণের যে তুর্দ্ধশা উপস্থিত হইয়াছিল পূরুরুৎসের পূত্র ত্রসদস্য তাহা হইতে স্বগণকে উদ্ধার করিয়াছিলেন। অপরপক্ষে বিশিষ্ঠকর্ত্বক স্থলাসের পুত্রগণ পরাভূত হইয়াছিলেন।

ঋথেদের পরবর্ত্তী বৈদিক গ্রন্থনিচয়ের রচনাকালে আর্থা, সভ্যতার কিন্তু, সরস্বতা নদার পশ্চিম দিক হইতে সরিয়া যমুনার এবং গন্ধার সলিলথোত "মধ্যদেশে" আসিয়া পড়িয়াছিল। কিন্তু তথনকার আর্থাবর্ত্তিও কত্তকগুলি খণ্ড-রাজ্যেই বিভক্ত ছিল। এই সকল রাজ্য মধ্যে কেকয়, উশীনর, কুরু, পঞ্চাল, মৎস্থা, বশ, সাম্বত, চেদি, কোশলা, কাশী এবং বিদেহই প্রধান। উত্তর-পশ্চিমে গন্ধার এবং পূর্বনিদন্ধিণে মগধ এবং অক্স বৈদিক-আর্থাগণের স্থপরিচিত হইলেও বাহ্যদেশ বিলয়া গণ্য ইইত। ঋথেদোক্ত ক্রিবিগণ পঞ্চালগণে পরিণত হইয়াছিলেন, এবং তুর্ববসগণ তাঁহাদের সহিত মিলিত হইয়াছিলেন। পূরুগণ কুরুগণে পরিণত হইয়াছিলেন এবং ভরতগণ তাঁহাদের সহিত মিলিয়া যাইতেছিলেন। ঋবেদোক্ত বতুগণ সাম্বত নামে পরিচিত হইয়াছিলেন। মহাভারতে বাদবগণকেই সাম্বত বলা হইয়াছে। কিন্তু বৈদিকমুগের এই শেষ-ভাগেও কেহ বে কথন খণ্ড-রাজ্যনিচয়কে ভাঙ্গিয়াচুরিয়া উত্তরাপতে রাষ্ট্রীয় ঐকেয়র উপর প্রতিষ্ঠিত সাদ্রাজ্য গড়িয়া তুলিতে সমর্থ ইয়াছিলেন এরপ প্রমাণ কোথায়ও পাওয়া যায় না।

ঋথেদে, যজুর্বেবদে, এবং ব্রান্ধণভাগে "সম্রাজ্"-শব্দ অনেকবার ব্যবহৃত হইয়াছে; কিন্তু এইসকল শ্বলে সম্রাট্-শব্দ সার্বহর্তাম বা একাধীশ্বর অর্থে ব্যবহৃত হইয়াছে বলিয়া মনে হয় না; অধিকতর বা অসাধারণ পরাক্রমশালী রাজা অর্থে ব্যবহৃত হইয়াছে। ঋথেদের ষষ্ঠ-মগুলে পার্থবগণের অধিপতি অভ্যাবর্ত্তী চায়মানকে 'সম্রাট্' বলা হইয়াছে (২৭।৮)। এই অভ্যাবর্ত্তী চায়মান ব্চীবৎগনের অধিনায়ক বরশিথকে পরাভূত করিয়াছিলেন। কিন্তু এই একই সূক্তে স্প্লেয় কর্মাধকে পরাভূত করিয়াছিলেন। কিন্তু এই একই সূক্তে স্প্লেয় দৈববাতকর্তৃক তুর্বশ এবং র্চীবৎগণের পরাজ্ময়ের কথাও আছে। সম্রাট অভ্যাবর্ত্তী-চায়মান যদি স্প্লেয়-দৈববাত হইতে অভিন্ন ব্যক্তিও হয়েন ত্র্পাপি তুর্বশগণ এবং র্চীবৎগণকে পরাজিত করিয়াই যে তিনি ঋথেদোক্ত "সপ্তসিদ্ধবং" দেশের একাধিপতি হইতে পারিয়াছিলেন, এরূপ মনে করা বায় না। শতপথবাল্পণে (৫।১।১।১২—১৪) বাজপেয় যজ্ঞ প্রসঙ্গে রাজায় এবং সম্রাটে, রাজ্যে এবং সাম্রাজ্যে, তুলনা করা হইয়াছে। যথা—

"রাজার (যজ্ঞ) রাজসূয়। রাজা রাজসূয় যজ্ঞ করিয়া রাজা হয়েন। আক্ষণ রাজ্যের অধিকারী নয়। রাজসূয় যজ্ঞ নিকৃষ্ট (অবর), বাজপেয় যজ্ঞ উৎকৃষ্ট (পর)।

"রাজস্য যজ্ঞ করিয়া রাজা হয়, বাজপেয় যজ্ঞ করিয়া সম্রাট্ হয়। রাজ্য (রাজপদ) নিকৃষ্ট, সাম্রাজ্য (সম্রাজপদ) উৎকৃষ্ট। রাজা সম্রাট্ হইতে কামনা করেন; কারণ শ্বাজ্য নিকৃষ্ট, সাম্রাজ্য উৎকৃষ্ট।

"বে বাজপেয় যজ্ঞ করিয়া সম্রাট হর, সে এই সমস্ত বশীভূত করে (ইদং সর্ববং সংর্গুত্তে)।"

বাজপের সাত প্রকার "সোমসংখা" যজের জগতুন, সপ্তম যক্ত।

ব্রাহ্মণ এবং ক্ষত্রিয় এই ছুই বর্ণ বাঙ্গপেয় যজ্ঞের অধিকারী। তৈত্তিরীয় ব্রাক্ষণে বাঙ্গপেয়কে "সমাট্সব" এবং রাজসূয়কে "বরুণদব" বলা হইয়াছে। আথলায়ন বিধান করিয়াছেন, "রাজা বাজপেয় যজ্ঞের অনুষ্ঠান করিয়া পরে রাজসূয় যজ্ঞ করিতে পারেন, এবং আদাণ বৃহস্পতিস্ব করিতে পারেন।" লাট্যায়ণের মতে "প্রাক্ষণ এবং রাজন্ত-গণ যাহাকে অধিনায়ক নির্বাচন করিবেন, তিনি বাঙ্গপেয় যজ্ঞ করিবেন।" বাজপেয় যজ্ঞের অনুষ্ঠানকারী একরাট্ সম্রাট হইবেন এরপ অভিপ্রায় থাকিলে, যজ্ঞাঙ্গরূপে দিখিজয়ের ব্যবস্থা থাকিত। কিন্তু বাঙ্গপেয়প্রকরণে দিথিজয়ের কোন ব্যবস্থা নাই। চারি ঘোড়ার রথে চড়িয়া "আজিধাবন" অর্থাৎ প্রতিযোগিগণকে দৌড়ে পশ্চাতে ফেলিয়া বান্ধি জিতিয়া লোক-জয়ের কথা আছে। বৈদিক অথমেধ যজ্ঞেও ঠিক দিখিজয়ের ব্যবস্থা দৃষ্ট হয় না। যজ্ঞের গোড়াকে এক বংসরকাল স্বচ্ছদেদ বিচরণ করিতে দেওয়া হইত। শতপথবাদ্ধণে স্বচ্ছন্দে বিচরণকালে ঘোড়ার রক্ষার জন্ম প্রহরীস্বরূপ ১০০ কবচধারী রাজপুত্র, ১০০ অসিধারী রাজগু, ১০০ ধনুর্দ্ধর সূতপুত্র এবং গ্রামণীপুত্র, এবং ১০০ ।দণ্ডধারী সারধিপুত্র এবং ভৃত্যপুত্র নিয়োগের ব্যবস্থা আছে। এইরূপ ৪০০ শত যোদ্ধার পক্ষে তৎকালের কোন স্বাধীন রাজ্য জয় করা সম্ভব ছিল না। ঘোড়া হারাইয়া গেলে অর্থাৎ শত্রুক র্ত **হইলে অন্য একটি ঘোড়া যজ্ঞে অভিষিক্ত ক**রার ব্যবস্থাও ছিল।

"সমাট্" বলিলে বৈদিক যুগে যে বণ্ডরাজ্যের জ্বীশ্বকে
বুকাইও ঐতরের রোক্ষণের "মহাভিষেক"-প্রকরণে তাহার যথেষ্ট
প্রমাণ আছে (৮০৬৮—৩৯)। কিন্তু "মহাভিষেকের" মাহাস্ক্যপ্রসাকেই ক্ষিত হইরাছে, যিনি উহার অসুষ্ঠান করিবেন, এখন

আমরা "সমাট্" বলিলে যাহা বুঝি, তিনি সেইরূপ একরাট্ সার্ব্বভোম হইবেন। যথা—

"ইহা (ইন্দ্রের মহাভিষেক বৃত্তান্ত) জানিয়া কেছ (কোন আচার্য্য) যদি ক্ষত্রিয় পক্ষে ইচ্ছা করেন, যে এই ক্ষত্রিয় সকল বিজয় লাভ করিবেন, সকল রাজার মধ্যে শ্রেষ্ঠতা অভিশয় প্রতিষ্ঠা ও পরমতা লাভ করিবেন এবং সাম্রাজ্য ভৌজ্য স্বারাজ্য বৈরাজ্য পারনেষ্ঠ্যরাজ্য মাহারাজ্য আধিপত্য পাইয়া সর্বব্যাপী হইবেন ও (ভূমির) অন্তপর্যান্ত সার্বভৌম ও পরার্দ্ধকালপর্যান্ত পূর্ণ আয়ুম্মান হইবেন ও সমুদ্রপর্যান্ত পৃথিবীর একরাট্ (একমাত্র রাজা) ইইবেন, তাহা হইলে তিনি সেই ক্ষত্রিয়কে এইরূপে শপথ করাইয়া ঐক্র মহাভিষেক ঘারা অভিষিক্ত করিবেন।" (শ্রীযুক্ত রামেক্রস্কর্মনর ত্রিবেদীর অন্থ্রাদ।)

ঐশ্রেমহাভিষেক কর্মাটি অতি সংক্ষিপ্ত। প্রথমতঃ ক্ষত্রিয় যজমান
শপথ করিবেন, তিনি আচার্য্যের বিরোধাচরণ করিবেন না। তৎপর
আচার্য্য যজমানকে শুগ্রোধ, উচুম্বর, অশ্বথ ও প্লক্ষ এই চারিটি
বনস্পতির ফল এবং ত্রীছি, মহাত্রীছি, প্রিয়ঙ্গু ও যব এই চারিটি ওম্বধি
দ্রব্য অঙ্কুরার্থ সংগ্রহ করিতে বলিবেন। উচুম্বর-কাষ্ঠনির্দ্মিত আসন্দী
বা আসন আনা হইবে এবং উহার উপর যজমানকে আরোহন করাইয়া
দিধি, মধু, স্বত ও আতপযুক্ত বৃত্তির জলম্বারা অভিষেক করা হইবে।
অভিষেকের পর যজমান অভিষেক-কর্ত্তা আক্ষাক্তে সহস্র স্বর্থশুও,
ক্ষেত্র এবং পশু অথবা অসংখ্য ও অপরিমিত দক্ষিণা দিবেন, এবং স্বয়্ম
স্বরা পান করিয়া যজ্ঞের পরিসমান্তি করিবেন। রাজসূর বা থাজপের
যজ্ঞের তুলনার এই "মহাভিষেক" অতি সংক্ষিপ্ত এবং সহজ কর্দ্ম,

অথচ ইহার ফল অতি বৃহৎ, সার্কভোমত্ব লাভ। যে সকল নরপাল ঐস্ত্রমহাভিষেকদারা অভিষিক্ত হইয়া "সর্ব্বদিকে পৃথিবীর অন্ত পর্য্যন্ত জয় করিয়া পর্য্যটন করিয়াছিলেন ও অশ্বদেধ যাগ করিয়াছিলেন" ঐতরেয় ব্রাহ্মণকার তাঁহাদের নামোল্লেখ করিয়াছেন। যথা—জন্মেজয়, পারিক্ষিত, শার্য্যাত মানব, শতানীক সাত্রাজিত, আম্বাষ্ঠ্য, যুধাংশ্রোষ্টি, ওঁগ্রসেন্স, বিশ্বকর্ম্মা ভৌবন, স্থদাস পৈজবন, মরুত্ত আবিক্ষিত, অঙ্গ বৈরোচন, ভরত দৌঃষন্তি, চুম্মুখ পাঞ্চাল এবং অত্যরাতি জানস্তপি। বশিষ্ঠের যজমান স্থদাস পৈজবনের কীর্ত্তিকথা ঋথেদের তৃতীয় এবং সপ্তম মণ্ডলে বর্ণিত হইয়াছে। কিন্তু সেখানে তাঁহার "সর্বাদিকে পৃথিবী জয়ের" কোন আভাস নাই, ইরাবতী (রাবি) তীরে "দাশরাজ্ঞ" যুদ্ধ জয়ের কথা আছে। স্নতরাং হুদাস পৈঞ্বনকর্তৃক পৃথিবী-জয়ের কথা ত্রাহ্মণকারের কল্পনামাত্র। এই ঐক্রমহাভিবেক ছারা অভিষিক্ত নৃপতিনিচয়ের মধ্যে শতপথব্রাহ্মণে (১৩৫।৪) জনমেজ্বর পারিক্ষিত, মরুত্ত আবিক্ষিত, ভরত দৌঃষত্তি, শতানীক সাত্রাজিত অশ্বনেধ্যাক্ষী বলিয়া উল্লিখিত হইয়াছেন। পারিক্ষিত সম্বন্ধে কথিত হইয়াছে ;—তিনি আসক্ষীবৎ নামক স্থানে অশ্বমেধ বাগ করিয়া সমস্ত ভুক্ষার্য্য এবং ব্রহ্মহত্য। নিবারণ করিয়া-ছিলেন। মরুত্ত আবিক্ষিত সম্বন্ধে বলা হইয়াছে, —তিনি অশ্বমেধ ধাগ করিয়া মরুদ্গণ, বিশ্বদেবগণ এবং অগ্নিকে সহায়রূপে প্রাপ্ত হইয়া-ছিলেন। শতানীক সাত্রাজিত সম্বন্ধে কথিত হইয়াছে.—তিনি কাশিরাজ ধৃতরাষ্ট্রের শেতাঙ্গু যজ্ঞাখ ধরিয়া যজ্ঞ করিয়াছিলেন। এই শতানীক সম্ভবতঃ ভরতগণের রাজা ছিলেন। একমাত্র ভরত দৌংবস্তি সম্বন্ধে শতপথত্রাক্ষণে সমস্ত পৃথিবী জয়ের কথা আছে। ত্রাক্ষণকারধৃত

একটি গাথায় এই "সমস্ত পৃথিবী জয়ের" কথা আছে। আক্লণকার স্বয়ং এই মাত্র বলিয়াছেন,—"তদ্বারা ভরত দৌঃষন্তি এক সময় যজ্ঞ (অখ্যমেধ) করিয়াছিলেন এবং বর্ত্তমানে ভরতগণের অধিকৃত যে বিস্তীর্ণ রাষ্ট্র ভাহা লাভ করিয়াছিলেন।"

ভরতগণের রাজ্য যে কতটা বিস্তৃত ছিল তাহারও কতকটা আভাস শতপথব্ৰাহ্মণে পাওয়া যায়। ভরত দৌঃষস্তি সাত্তগণের যভ্জের যোড়া ধরিয়াছিলেন, যমুনাতীরে ৭৮টি এবং গঙ্গাতীরে ৫৫টি যজ্ঞের ঘোড়া বাঁধিয়াছিলেন, এবং ভরতরাজ শতানীক কাশিরাজের সজ্জের ব্যোড়া ধরিয়াছিলেন। ঐতরেয় ব্রাক্ষণে "মহাভিষেক"-প্রকরণে স্পাফীক্ষরে উক্ত হইয়াছে (৮।৩৮।৩) ধ্রুব-প্রতিষ্ঠিত মধ্যমদেশের বশগণের, উশীনরগণের এবং কুরুপঞ্চালগণের যে সকল রাজা আছেন তাঁহারা রাজ্যের জন্ম অভিষিক্ত হয়েন। পাণিনির সূত্রামুসারে (৪।২।১১৮) উশীনরগণ এবং বাহীকগণ অভিন্ন বা একদেশবাসী এবং মহাভারতের কর্ণপর্বামুসারে বাহীকগণ পঞ্চনদ (পঞ্চাব) বাসী ছিলেন। স্থভরাং বর্ত্তমান পঞ্চাবে প্রাচীন উশীনর জনপদ অবস্থিত ছিল। বৈদিক "বশ" পালিপিটকের "বংশ", এবং পরকর্তী সংস্কৃত সাহিত্যের "বৎস" সম্ভবতঃ অভিন্ন। প্রয়াগের নিকটবর্ন্তী কৌশাস্বী এই রাজ্যের রাজধানী ছিল। এই মধ্যম-দেশের দক্ষিণে, কুরুজনপদের দক্ষিণে, সান্বত রাজ্য অবস্থিত ছিল। ঐতরেয় ত্রাক্ষণের এই তালিকায় ভরতজনপদই কুরুনামে অভিহিত হইয়াছে। ঐতরেয় আহ্মণ-রচনার সময়ে এই কুরু-ভরত-রাঞ্চ্য স্বাধীন উশীনর, পঞ্চাল, কোশল, কাশি, বশ বা বৎস এবং সান্ধত জনপদের বারা পরিবেপ্তিত ছিল।

সকল নরপতি এবং প্রধান প্রধান আচার্য্যের কথা আছে ভাঁহাদের সময়েও কুরু-ভরত-রাঞ্চা এই সকল সাধীন রাজ্যের দ্বারা পরিবেপ্লিত ছিল। এই সকল গ্রন্থে দেখা যায়, কেকয়রাজ অশুপতি, পঞ্চালরাজ প্রবাহণ জৈবলি. কাশিরাঙ্গ অজাতশক্র, বিদেহরাজ জনক এবং আচার্য্যগণের মধ্যে উদ্দালক আরুণি এবং যাজ্ঞবন্ধ্য একসময়ের লোক ছিলেন। স্ত্রাং এই জনক্যাজ্ঞবদ্ধ্যাদির সময়ে ভর্তরাজ্য যতটা বিস্তৃত ছিল তাহা যদি ঐন্দ্রমহাভিষেক দ্বারা অভিষিক্ত ভরত দৌঃষন্তির দিখিজয়শ্রামের ফল হয় তাহা হইলে বুঝিতে হইবে ঐতরেয় ব্রাহ্মণকারের উক্ত "পৃথিবী জয়" "একরাট" "সার্ন্বভৌম" প্রভৃতি কথা স্মতি সাবধানে গ্রহণ করিতে হইবে। অবশ্যই ব্রাহ্মণভাগে এতাদৃশ কথার উল্লেখ সপ্রমাণ করে যে, তৎকালের ব্রাহ্মণ এবং ক্ষত্রিয়গণ একরাট্ সামাজ্যের বিষয় ভাবিতে আরম্ভ করিয়াছিলেন। কিন্তু ঋর্থেদের রচনার সময়ে, ঐতরেয় ব্রাহ্মণ রচনার সময়ে বা শতপথব্রাহ্মণ রচনার সময়ে উত্তরাপথে তেমন সাম্রাজ্য ছিল না। অবশ্যই একথা বলা যাইতে পারে যে ঐতরেয় ব্রাহ্মণে যে সকল সার্বভোমের নাম আছে তদ্মধ্যে হয়ত কেহ, ঋথেদের এবং আদাণ রচনার সময়ের 'মধ্যে যে একটা স্থুদীর্ঘ ব্যবধান আছে, সেই প্রাচুর্ভু ভ হইয়া উত্তরাপথে একরাট্ সাম্রাক্স স্থাপন করিয়াছিলেন। এইরূপ অনুমানের প্রভিকৃলে বক্তব্য এই,—বৈদিক সাহিত্যে উত্তরাপথের রাব্রীয় অবস্থার যে আভাস পাওয়া যায় তাহার সহিত রামায়ণ, মহাভার্ত, এবং পুরাণের রাজবংশাবলী একত্র বিচার করিলে মনে হয়,—কুরু, পঞ্চাল, কাশী, কোশল, বিদেহ প্রস্তৃতি রাজ্যগুলি বেন বরাবরই পাশাপাশি স্বাধীনভাবে বিভ্যমান ছিল।

বৈদিক্যুগে উত্তরাপথ বিদেশীর সাক্রমণ হইতে মুক্ত ছিল, এবং বান্ধা ও উপনিষদ রচনার সময়ে অভ্যন্তরেও শান্তি ছিল। সামান্তরক্ষার ছন্চিন্তা হইতে মুক্ত হইয়া জনক, অজাতণক্র প্রভৃতি নরপালগণ ব্রহ্মবিভার সালোচনার অবসর লাভ করিয়াছিলেন। ভরত দোঃমন্তিকর্তৃক সাম্বতগণের এবং শতানীক সাত্রাজিৎকর্তৃক কাশীরাজের যজ্ঞের ঘোড়া কাড়িয়া লওয়া ভিন্ন অন্তর্দ্রোহের আর কোনও পরিচয় পাওয়া যায় না। তাই হয়ত উত্তরাপথে একরাট্ সাম্রাজ্য স্থাপনের প্রয়োজনীয়তা কেহ তখন তীব্রভাবে অমুভব ক্রিতেন না।

বেদের প্রাক্ষণভাগে এবং উপনিষদে যে সকল খণ্ড-রাজ্যের পরিচয় পাওয়া যায়, বৌদ্ধ পালিপিটক হইতে জানা যায় গোতম বুদ্ধের স্থাবির্ভাবের সময়ও ঐ সকল রাজ্য বিগুমান ছিল। পালিপিটকে উত্তরাপথের যোড়শ মহা-জনপদের উল্লেখ দৃষ্ট হয়; লথাঁৎ তংকালে উত্তরাপথ যোলটি খণ্ড-রাজ্যে বিভক্ত ছিল। যথা— অল, মগধ, কাশী, কোশল, বজ্জি (বুজি = বিদেহ), মল, চেতি (চেদি), বংশ, কুরু, পঞ্চাল, মচ্ছ (মৎস্থা), স্থরসেন, অস্সক, অবস্থী, গদ্ধার, এবং কম্মোজ। গোড়ম বুদ্ধের অভ্যুদ্রের সময়ে মগধের সিংহাসনে প্রথমতঃ শিশুনাগবংশীয় বিশ্বিসার, তৎপর বিদ্বিসারের পুত্র অজ্ঞাতশক্র উপবিষ্ট ছিলেন। পুরাণকারগণের মত্তে অজ্ঞাতশক্র পরে যথাক্রমে দর্শক, উদয়ী, নন্দিবর্দ্ধন এবং মহানন্দী এই চারিজন শিশুনাগবংশীয় নৃপতি মগ্রের রাজত্ব করিয়া-ছিলেন। মৎস্থ, বায়ু এবং জ্বল্লাণ্ড পুরাণে কবিত হইয়াছে,— মগমে যথন শিশুনাগবংশীয় নৃপতিগণ এবং তৎপূর্ববর্ক্তিগণ রাজত্ব

করেন, তখন তাঁহাদের সমসময়ে ২৪ জন ঐক্বাকু নৃপতি, ২৭জন পাঞ্চাল নৃপতি, ২৪জন কাশীর নৃপতি, ২৮জন হৈহয় (চেদি) নৃপতি, ৩২জন কলিক্স নৃপতি, ২৫জন অশ্মক নৃপতি, ৩৬ জন কুরু নৃপতি, ২৮জন মৈথিল নৃপতি, ২৩জন শূরসেন নৃপতি এবং ২০জন বীতিহাত্র নৃপতি রাক্স্ম করেন। পালিপিটুকের ষোড়শ-মহাজনপদের মধ্যে এখানে আটটি উল্লিখিত হইয়াছে। তারপর পাঁচখানি পুরাণ (বিষ্ণু, ভাগবত, মহস্ম বায়ু, ব্রহ্মাণ্ড) সমস্বরে বলিতেছে,—শিশুনাগবংশীয় মহানন্দীর শূদ্রা পত্মীর গর্ভজাত পুত্র মহাপত্ম-নন্দ সকল ক্ষত্রিয় বিনাশ করিয়া, একরাট্ একচছত্র হইবেন। গ্রীকলেখকগণের বিবরণ হইছে জানা বায়,—পঞ্জাব মহাপত্ম প্রতিষ্ঠিত সাম্রাজ্যের বহিছুতি ছিল। মৌর্যা চন্দ্রগুপ্ত তাহা মাগধ-সাম্রাজ্যের সামিল করেন। চন্দ্রগুপ্তের পৌর্যু জন্মেক এই সাম্রাজ্যের সহিত কলিঙ্গরাজ্য যুক্ত করিয়াছিলেন। মহাপত্ম, চন্দ্রগুপ্ত এবং আশোক এই তিনজনের ষত্বে উত্তরাপথে সর্বপ্রথমে রাষ্ট্রীয় ঐক্য স্থাপিত হইয়াছিল।

এ পর্যান্ত মহাভারতোক্ত প্রমাণের কোনও উল্লেখ করা হয় নাই।
মহাভারতের, প্রমাণও এই সিদ্ধান্তের প্রতিকূল নহে। মহাভারতে
সম্রাট্ অর্থ সার্বভৌম এবং রাজসূয় যজ্ঞই "সম্রাট্সব।" সভাপর্বের
(১১ আঃ) উক্ত হইয়াছে, "রাজা হরিশ্চন্দ্র সসাগরা সদ্বীপা বস্তুকরার
সম্রাট ছিলেন, পৃথিবীস্থ সমস্ত মহীপাল ভাঁহার শাসনের অমুবর্তী হইয়া
চলিতেন। তিনি কয়শীল স্বর্ণালয়্বত এক রথে আরোহণ করিয়া অক্তশক্তপ্রভাবে সপ্তবীপ কয় করিয়া রাজসূয় যজ্ঞের আয়োজন করেন।"
তারপর (সভা—প, ১৩ অ) কৃষ্ণ মুধিন্তিরকে বলিতেছেন—"হে ভরতসত্তম! ভূমি সম্রাটভূল্য গুণশালী, অতএব ভোমার সম্রাট হওয়া

নিতান্ত আবশ্যক; কিন্তু আমার নিশ্চয় বোধ হইতেছে, জরাসদ্ধ জীবিত থাকিতে তুমি কখনই রাজস্যামুষ্ঠানে কৃতকার্য হইতে পারিবে না। সে বাছবলে সমস্ত ভূপতিগণকে পরাজয় করিয়া সিংহ যেমন পর্বতকন্দরমধ্যে করিগণকে বদ্ধ রাখে, সেইরূপ তাঁহাদিগকে গিরিহুর্গে বদ্ধ করিয়া রাখিয়াছে। ঐ হুরাজ্মা রাজসূয়্য়ভ্জার্থ প্রতিজ্ঞা করিয়া কঠোর তপোমু-ষ্ঠানঘারা দেবাদিদেব মহাদেবকে প্রসন্ধ করিয়াছিল। পরে সমস্ত ভূপতিগণকে পরাজয় করিয়া আপনার প্রতিজ্ঞা পরিপূর্ণ করিল।"

এখানে দেখা যাইবে মহাভারতের রাজসূয় যজ্ঞ বেদের বিহিত 📍 রাজসূর নম্জ হইতে স্বতন্ত্র। বেদে আগে যজ্ঞাসুষ্ঠান, পরে সাম্রাজ্য বা সার্ব্বভৌমত্বলাভ। আর মহাভারতে আগে দিখিজয়, সাম্রাজ্য বা সার্কভোমত্ব-প্রতিষ্ঠা, পরে যজ্ঞামুষ্ঠান। বেদের রাজসূয় যজ্ঞ রাজার অভিবেক-ক্রিয়ার নামান্তর; ছোট বড় সকল রাজারই তাহাতে সমান অধিকার। মহাভারতের রাজসূয়ামুষ্ঠানের অধিকারী কেবলমাত্র একরাট সমাট। বেদে এবং মহাভারতে এরূপ বিধি-বিরোধের কারণ-নির্দ্ধেশ করিতে হইলে বলিতে হয়, মহাভারতের এই সকল অংশ মাগধ-সাম্রাক্ষ্য প্রতিষ্ঠার পরে রচিত হইয়াছিল। ঐতরেয় ত্রাক্ষণে ইক্ষাকুবংশধর হরিশ্চন্দ্রের রাজসূয় যজ্ঞের কথা আছে, কিন্তু পৃথিবীজয় করিয়া যজ্ঞের আয়োজনের কথা নাই (৮:৩০)। হরিশ্চন্দ্র বরুণের উপদেশে রাজসূয় যজ্ঞের অনুষ্ঠান করিয়াছিলেন এবং অভিষেক-অনুষ্ঠানের দিনে শুনঃশেকক পুরুষ পশুরূপে নির্দেশ করিয়া উদররোগ হইতে মুক্তিলাভ করিয়াছিলেন। ছুই মাতার গর্ভ হইতে ছুটি অর্দ্ধকলেবররূপে নির্গত, জরারাক্ষ্সীকর্ত্তক সন্ধিত বা সংযোজিত, জনাসন্ধকে ঐতিহাসিক ব্যক্তি বলিয়া গ্রহণ করা স্ক্রিন। জরাসন্ধ মহাপদ্ম বা মোহ্য চক্সগুপ্তের ছায়া লইয়া পরিকল্লিত

বলিয়া মনে হয়। মগধের জরাসন্ধের সাম্রাজ্যে এবং কুরুবংশীয় যুধিষ্ঠিরের সামাজ্যে প্রভেদও বিস্তর। জরাসন্ধ খণ্ডরাজ্যের নৃপতিগণকে বশীভূত করিয়াই ক্ষান্ত হন নাই; ষড়শীতি জন নূপতিকে ধরিয়া আনিয়া কারাগারে আবদ্ধ করিয়া রাখিয়াছিলেন, এবং আর চতুর্দ্দশ জন সংগৃহীত হইলে ১০০জন নৃপতিকে একসঙ্গে সংহার করিবার জন্য প্রস্তুত ছিলেন। রাজসূয় যজের পুর্নেব যুধিষ্ঠিরের প্রতিনিধিরূপে অর্জ্জুনাদিও দিখিজয় করিয়া-ছিলেন বটে, কিন্তু কোনও দিক্পালকে রাজ্যচ্যুত বা কাহারও স্বাধীনতা হরণ করেন নাই ; যুধিষ্ঠিরের যজ্ঞের জন্ম কর সংগ্রহ এবং যজ্ঞস্থলে উপস্থিত হইবার জন্ম নিমন্ত্রণ করিয়া প্রত্যাবৃত্ত হইয়াছিলেন। ্যে সকল রাজারা যুধিষ্ঠিরের যজ্ঞসভায় উপস্থিত হইয়াছিলেন তাঁহারা প্রকৃতপ্রস্তাবে यूर्धिष्ठित्तत्र अधीनञा श्रीकांत्र करतन नारे। अधीनञा श्रीकांत्र कतिरल कर्नाृष्टि তাঁহার। অর্ঘাভিহরণউপলক্ষে যুধিষ্ঠিরের বিরুদ্ধাচরণে উন্নত হইতেন না। মহাভারতকার রাজসূয়য়াজী যুধিষ্ঠিরের সাম্রাজ্যের যে চিত্র প্রদান করিয়া-ছেন, তাহা প্রকৃত ঐক্যের উপর প্রভিষ্ঠিত নয়। এরূপ যথেচ্ছাচারে অধিকারী নৃপতিসঙ্ঘকে যজ্ঞসভায় উপস্থিত করাকেই যদি সাম্রাজ্য স্থাপন বলিতে হয় তবে তেমন সাম্রাজ্য কখন কখন বৈদিক যুগে দৃষ্ট হইয়াছিল এরূপ মনে করা যাইতে পারে। বৈদিক যুগেও প্রাত্নভূতি ভরত দৌঃষস্তি বা তুর্মুখ পাঞ্চালের মত কোন কোন রাজা স্বীয় যজ্ঞ-সভায় পার্শ্ববর্ত্তী রাজ্যনিচয়ের নৃপতিগণকে উপস্থিত করিতে সমর্থ হইয়া-ছিলেন এমন অনুমান করা অসকত নয়। জরাসন্ধের আখ্যায়িক। এবং মহাপল্ল ও মৌর্য্যচক্রগুপ্তের ইতিহাস সপ্রমাণ করিতেছে মগধেই উত্তরাপথে প্রকৃত রাষ্ট্রীয় ঐক্য স্থাপনের স্ত্রপাত হইয়াছিল।

শ্রীরমাপ্রসাদ চন্দ।

সাহিত্যে আভিজাত্য

কিছুদিন হইতে দেশে একটি কথা উঠিয়াছে যে আধুনিক বাঙ্গলা সাহিত্য "ইংরাজী গন্ধী";—দেশের নাড়ীর সহিত ইহার সংযোগ নাই; দেশের জনসাধারণের আশা, আকাজ্জা—এককথার তাহাদের প্রাণের কথা ইহাতে ব্যক্ত হয় নাই। ইহা কেবলমাত্র একটি সংকীণ , অহিন্দু বা বিজ্ঞাতীয়ভাবাপন্ধ (de-nationalised) সম্প্রদায়ের অন্ধ পাশ্চাত্যামুকরণের ফল। স্কুতরাং ইহা "আেতের শৈবালের মত" অদূর ভবিষ্যতেই দেশ হইতে বহিদ্ধৃত হইবে এবং তাহার হানে দাশুরায়ের পাঁচালি, কৃত্তিবাসের রামায়ণ, কাশীরামের মহাভারত এবং ভারতচন্দ্র ও কবিকঙ্কণ প্রভৃতির রচনা রাজত্ব করিবে। বড়জোর ঈশ্বর গুপ্ত (বর্ত্তমান যুগের লেখকগণের মধ্যে) এই সাহিত্যের রাজ্যে স্থান পাইবেন, কারণ তিনিই "শেষ থাঁটি বাঞ্চালীর কবি।"

"ইংরাজী গন্ধী" ভিন্ন বর্ত্তমান বাজলা সাহিত্যের—প্রধানতঃ কাব্যের—বিরুদ্ধে আর-একটি অভিযোগ এই বে ভাষা অভ্যন্ত aristocratic অর্থাৎ আভিজ্ঞাত্যভাষাপন্ন এবং ভাষা "বস্তুভদ্ধভাবিহীন" ও "ব্যক্তিস্বর্স্তব্দ্ব"। পারিপার্শিক অবস্থার প্রতি দৃষ্টি না করিন্না, দেশের অভাব-অভিযোগের কথা না ভাবিন্না, স্মাজের হিভাহিত্তের দিকে কিছুমাত্র লক্ষ্য না রাখিন্না, কেবলমাত্র নিজের মন হইতে "নৃতাভন্তর মত" কতকগুলি ভাব সৃষ্টি করিন্না বর্ত্তমান কালের লেধকগণ তাহা সাহিত্যে আমদানি করিতেছেন। ইহাতে না আছে "বস্তুগত-সহা," না আছে সমাজরক্ষার প্রতি দৃষ্টি। দেশের "জনসাধারণের নিকট" ইহার না আছে কোনো অর্থ, না আছে কোনো মূল্য।

অভিযুক্ত সাহিত্যিকগণের মধ্যে বঙ্কিমচন্দ্র হইতে আরম্ভ করিয়া প্রায় সকলেই আছেন। তবে রবীন্দ্রনাথকেই যে প্রধান আসামী করা হইয়াছে তাহার প্রমাণ বিস্তর। কেননা বিশেষ-করিয়া কাব্যের বিরুদ্ধেই এই অভিযোগ আনা হইয়াছে।

যাঁহারা আধুনিক বাঙ্গলা সাহিত্যকে "ইংরাজী গন্ধা" বলিয়া নাসিক। কুঞ্চিত করিতেছেন তাঁহাদের প্রকৃত সাহিত্যসন্থন্ধে ধারণা কিরূপ তাহা জানি না। কিরূপ সাহিত্য স্থপ্তি হইলে প্রকৃত বাঙ্গলা সাহিত্য হয় তাহার বিশেষ উল্লেখ তাঁহাদের রচনার মধ্যে কোথাও নাই। তবে তাঁহাদের রচনার ইক্সিত হইতে যাহা বুঝা যায় তাহার মর্ম্ম এই যে, যাহা বহুকাল হইতে দেশে আছে—দেশের সম্পায় লোকের যাহা সাধারণ ভাব ও সম্পত্তি তদভিরিক্ত যাহা-কিছু তাহা সে দেশের সম্পত্তি নহে। এই হিসাবে পাঁচালি, কবির গান, রামায়ণ, মহাভারত প্রভৃতি এবং আর যাহা ঐ সকলের অমুকরণ হইতে উদ্ভূত তাহাই বাঙ্গলার সাহিত্য।

ইংদের নিকট সাহিত্যের মূল্য তাহার জাতীয়তা লইয়া এবং জাতীয়তার criterion অথবা প্রমাণ সর্ববসংধারণের উপলব্ধি লইয়া। বে সাহিত্যে দেশের এবং সামাজের কথা প্রচুর পরিমাণে নাই ভাহা ভাহাদের নিকট আদরণীয় নহে এবং বে সাহিত্য দেশের জনসাধারণের সম্পূর্ণ বোধণম্য এবং আয়রাধীন নহে ভাহা সে দেশের জাতীয় সাহিত্য নহে। স্থতরাং সেরূপ সাহিত্য হয় একেবারে সাহিত্যই নহে, না হয় বড়জোর বিদেশীভাবাপন্ন এবং আভিজাত্যাভিমানী অকিঞিংকর স্বল্প-কালস্থায়ী সাহিত্য।

আমাদের মনে হয় ইহাদের কোনো ধারণাই সত্য নহে। সাহিত্যকে—প্রধানতঃ কাব্য-সাহিত্যকে ক্রাতীয়তার মাপকাটি লইয়া বিচার করিলে তাহার প্রতি অবিচার করা হয়। যিনি প্রকৃত কবি তিনি সত্যের দ্রফী। তিনি আপনার রচনার মধ্য দিয়া সত্যকে ফুটাইয়া তুলেন। যাহা-কিছু ঘটিতেছে, যাহা-কিছু হইতেছে ভাহাকেই সূত্য বলিয়া গ্রাহ্ম না করিয়া তাহার অন্তরালে যে পরম সত্য পদার্থ রহিয়াছে তাহাকেই তিনি নিয়ত ব্যক্ত করিতে চাহিতেছেন। ভিনি রসের মধ্যে দিয়া আনন্দময়ের—স্থন্দরের প্রকৃত রূপকে উদ্বাসিত করিয়া তুলিতেছেন। দৈনিক জীবনের কর্ম্মের মধ্যে মানুষ অন্ধভাবে যাহার অতুসরণ করিতেছে অথচ পাইতেছে না, নানা বন্ধনের মধ্য দিয়া মানুষ যে মুক্তির জন্ম লালায়িত হইয়া ছুটিয়া চলিয়াছে অথচ আপনাকে ক্রমাগতই নব নব বন্ধনে আবন্ধ করিতেছে—কবি তাঁছার দিব্য দৃষ্টিতে সেই সত্যের ও সেই মুক্তির সাক্ষাৎকার লাভ করিয়া তাহার বার্ত্তা প্রচার করিয়া থাকেন। কুদ্রের মধ্যে যাহা মহৎ क्रिकित मर्सा यांश व्यनस्, शतिवर्त्तर्वतन मर्सा यांश मनाजन. বৈচিত্র্যের মধ্যে যাহা এক কবি তাহাকেই আপনার অনুভূতির মধ্য দিয়া মানুষের সম্মুখে উপস্থিত করিয়া দেন।

এই সত্য শিব স্থন্দরের বার্তা প্রচার করেন বলিয়া কবি সাম্প্রদারিক নহেন। তিনি সমগ্র বিশের। কারণ সত্য শিব স্থান্দর ত কোনো দেশকালের গণ্ডীর বারা সীমাবদ্ধ নহে। তাহা সর্বকালের সর্ববসমাজের সর্বনামুষেরই প্রাণের সম্পত্তি:--তাহাতেই মানুষের স্থিতি এবং পরিণতি। কবি যখন তাহা প্রচার তখন বিশ্বমানবের অনন্তকালব্যাপী অনন্ত সম্পদের কথাই প্রচার করেন। Emerson এই জন্মই একম্বলে বলিয়াছেন "The poet is not a contemporary but an eternal man 1" স্তুতরাং যিনি প্রকৃত কবি তিনি কোনো জাতিবিশেষের অথবা কোনো দেশবিশেষের লোক নহেন। তাঁহার বার্তা কোনো বিশিষ্ট সম্প্রদায়ের অথবা শ্রেণীর জন্ম নছে—তাহা মামুষের আত্মার মৃক্তির वार्खा: তাহা সার্বেজনীন, তাহা সর্ববসাধারণের।

কবি এই সার্ববজনীন সত্যকে রসের মধ্য দিয়া প্রকাশ করেন; সেই জন্মই তিনি কোনো সামাজিক অথবা ব্যবহারিক (conventional) প্রয়োজনের নিকট আপনার মস্তক অবনত করিতে বাধ্য নছেন। এইখানেই তাঁহার স্বাধীনতা। তিনি যাহাকে সত্য বলিয়া মনে করেন তাহাকে পারিপার্শ্বিক অবস্থার খাতিরে খর্বন করিয়া প্রকাশ করেন না। তিনি বিশের মধ্যে কেবলমাত্র এক সত্য ভিন্ন অন্থ কিছুর ধারাই আবদ্ধ নহেন। তাঁহার বাণীর প্রভাব দেশের উপর কিরূপ হইবে তিনি যে সত্যের আলোকপাত করিবেন ভাছাতে সমাজের দৃষ্টিবিভ্রম ঘটিবে কিনা, তিনি যে মৃক্তির অমৃতময়ী গাখা প্রচার করিবেন ভাহা জনসংখের মধ্যে বিশৃথলা ও স্বেচ্ছাচারিতা জানিবে কিনা—এ **সক্ল** কিছুই তাঁহার দৃষ্টির বিষয় নহে। প্রয়োজনের সহিত বাস্তবের সন্ধি করিয়া কবি সভ্যের মর্যাদা হানি করিতে প্রস্তুত নহেন। তিনি তাঁহার কবির দিবাদৃষ্টিতে জ্যোতির্মার অমৃতলোকে যে সত্যের অপূর্বব মূর্ত্তি দর্শন করিবেন ছন্দের বিচিত্রভার মধ্য দিয়া তাহাকেই প্রকাশ করিবেন। সেই প্রকাশের ফলাফল তাঁহার দর্শনীয় নহে। কারণ তাঁহার এই প্রকাশ ত সম্পূর্ণরূপে তাঁহার ইচ্ছাধীন নহে। এই বৈচিত্র্যমন্ত্রী, সৌন্দর্য্যমন্ত্রী এবং অনন্ত রহস্তমন্ত্রী প্রকৃতির মধ্যে দাঁড়াইয়া আত্মহারা হইয়া কবি যখন গাহিয়া উঠেন তখন সেই গীতি স্বতঃউৎসারিত। কবি টেনিসন সভাই বলিয়াছেন—"I sing because I must"। কবি গাহেন, কেননা না-গাহিয়া তিনি থাকিতে পারেন না। স্কুতরাং কবি যাহা প্রকাশ করেন প্রকৃতপক্ষে তাহা সভোরই স্কুতঃপ্রকাশ।

এই জন্ম অনেক সময়ে দেখা যায় যে যিনি প্রকৃত কবি তাঁহার সহিত তাঁহার চতুস্পার্শের সমাজের বিশেষ সম্বন্ধ নাই। কারণ তাঁহার দৃষ্টি সমাজের আপাতপ্রয়োজনের সীমা অতিক্রম করিয়া অনন্তের দিকে ধাবিত হয়; সাময়িক দ্বিধাদ্দ, বিরোধ-বিশান্তির বাহিরে যেখানে চির-সামঞ্জন্ম বর্তমান সেখান হইতে তিনি শান্তির বার্তা বহন করিয়া আনেন। এইজন্ম গেটে, সেক্ষপীয়র, ওয়ার্ডস্ওয়ার্থ, আউনিং, কালিদাস, ভবস্তৃতি প্রভৃতি কবির শ্রেষ্ঠ কবিতার সহিত তাঁহাদের দেশের কোনো প্রত্যক্ষ সম্বন্ধ দেখা যায় না।

ইহা তাঁহাদের পক্ষে গোরবেরই কথা—লড্জার কথা নয়।
বর্ত্তমানের কুহেলিক। যে তাঁহাদের দৃষ্টিকে বাধা দিতে পারে
নাই—জাপাতপ্রয়োজনের প্রতি নিজের শক্তিকে নিযুক্ত না
করিয়া তাঁহারা যে সনাতন সত্যের দিকে স্থির দৃষ্টি রাখিতে
পারিয়াছেন তাহা তাঁহাদের পক্ষে নিন্দার কথা নহে—শ্লাঘারই
পরিচায়ক।

এই জন্মই সাধারণতঃ যাহাকে জাতীয় সাহিত্য, জাতীয় কবিতা বলা হয় প্রকৃতপক্ষে যিনি কবি তাঁহার রচনা সেই শ্রেণীভুক্ত নহে : কিন্তু যাহা প্রকৃত জাতীয় সাহিত্য বা জাতীয় কবিতা তাহার দহিত উহা অভিন্ন। জাতীয় সাহিত্য বলিতে যদি জাতীয় কোনো বিশেষ দমাজ রক্ষা ও সংস্কারের উপযোগী সাহিত্য বলা যায় তবে তাহা যে বিশ-সাহিত্য হইবে এমন কোনো কথা নাই। কবি সৌন্দর্যা ক্ষম্প্রি করিবেন, সত্যকে প্রকাশ করিবেন, মঙ্গলকে জীবনে অধিষ্ঠিত করিবার চেন্টা করিবেন: তাহাতে বদি তাঁহার সমসাময়িক সমাজের উপকার হয়, হইল; আর যদি তাহার ফলে দেশবাসী অপকার হইয়াছে মনে করে তাহাতেও তাঁহার ক্ষতিবৃদ্ধি নাই। কারণ তাঁহার স্ঠি ভ कार्ता महीर्व উদ্দেশ্যমূলক নহে—তাহা অহে ছুক অনাবিল আনন্দ ংইতে উৎপন্ন। তবে কবির যাহা বিশিষ্ট বাণী, তাহা যদি কবির দেশের বাণী হইয়া থাকে, কবির যাহা প্রাণের কথা তাহা যদি হাঁহার দেশের প্রাণের কথা হইয়া থাকে তবে তাঁহাকে সামর। দাতীয় কবি বলিয়া অভিহিত করিতে পারি। কিম্ন একপা ার্ববদাই মনে রাখিতে হইবে যে যিনি প্রকৃত কবি তিনি গাতীয় কবিঁ হইতে বাধ্য নহেন: এবং **যখন তিনি জাতী**য় কবি চখনও তিনি অম্যভাবে বিশ্বকবি। মহাকবি গেটে বলিয়াছিলেন —বিশ্বসাহিত্যই কবিদের লক্ষ্য। কিন্তু সেই বিশ্ব-সাহিত্য স্বষ্টি করা মথবানা করা কবিদের স্বেচ্ছাধীন নহে।

পৃথিবীতে কবিরা একটি স্বতন্ত্র সম্প্রদায়ভুক্ত ;—তাঁহারা নিজেদের মধ্যে এমন একটি সম্প্রদায় গঠন করিয়াছেন যাহাদের জীবনের কাজ কবলমাত্র সূত্য ও মক্ষলকে রসের মধ্য দিয়া প্রকাশ করা। কালিদাস, সেক্ষপীয়র, গেটে, দান্তে, ব্রাউনিং, রবীন্দ্রনাথ প্রভৃতি তাই ভাবের দিক দিয়া আহুতে আবদ্ধ।

কিন্তু তাই বলিয়া এই সম্প্রদায়কে যাঁহারা aristocratic অর্থাৎ আভিজাত্যাভিমানী সঙ্কীর্ণ সম্প্রাদায় বলিয়া মনে করিবেন তাঁহারা মস্ত ভুল করিবেন। কবি একহিসাবে যে অভিজাত সম্প্রদায়-ভুক্ত তাহাতে সন্দেহ নাই। কারণ তিনি যাহা প্রকাশ করেন আপামরসাধারণে তাহা সর্বাদা হৃদয়ক্ষম করিতে পারেনা। সংসারের সাধারণলোক জন্ম হইতে মৃত্যু পর্যাস্ত কতকগুলি বিশেষ নিয়মের নিগড়ে আবন্ধ; জীবনসংগ্রামের কঠোরভার মধ্যে ভাহারা এমনি ভাবে নিত্য নিষ্পিষ্ট হইতেছে যে বাহিরের দিকে দৃষ্টিপাত করিবার অবকাশমাত্র তাহাদের নাই; কুদ্র স্বার্থের তাড়নায় এরপ অন্ধভাবে নিশিদিন ভাষারা পরিচালিত যে জীবনকে বৃহৎভাবে দেখিনার সামর্থ্য পর্যাস্ত ভাষাদের লুপ্ত হইয়াছে। ভাষারা কেবল-মাত্র বর্ত্তমানকে লইয়াই জীবন কাটাইতেছে: কেবল আপাত-প্রয়োজনের দিকচক্ররেখার ঘারাই তাহাদের জীবন ম্বতরাং এই সকল বন্ধ সাংসারিকের মধ্যে দাঁড়াইয়া, কবি যখন উর্দ্ধে নিম্নে ও চতুষ্পার্শ্বে প্রকৃতির অনস্ত সৌন্দর্য্য নিরীক্ষণ করিয়া অমৃতরাজ্যের চিরনৃতন অথচ চিরপূরাতন মহাবার্ত্তা ঘোষণা করেন- বখন তিনি মামুষকে মুক্তির অভয় মন্ত্র শুনাইয়া, জীবনের অনস্ত সস্তাবনার আশা প্রদান করিয়া মোহ ও জড়তার জাল ছিল্ল করিয়া দিতে চান তখন প্রথমে সাধারণ মানব তাঁহার সে বাণীর অর্থ ও মর্য্যাদ। সম্যক্ উপলব্ধি করিতে পারে না। তাঁহার কথা ও কার্য্যের সহিত সে আপনার জীবনের কোনো সম্বন্ধ

দেখিতে পায় না। বরং সে দেখে সে বাহাকে শ্রেয় ও প্রেয় মনে করিয়া আসিয়াছে তাহাকে করি অন্তভাবে অভিহিত করিতেছেন। তাই করির রচনাকে সে অর্থহান বাক্য-সমন্তি অথবা আভিজ্ঞাত্য-ভাবাপন্ন বলিয়া আত্মপ্রসাদ লাভ করে। গড্ডলিকাপ্রবাহে করি আপনাকে ছাড়িয়া দিয়া গতামুগতিক হন নাই বলিয়া করিকে aristocratic বল ক্ষতি নাই—কিন্তু তাঁহার aristocracy নিন্দনীয় নহে।

প্রকৃত সাহিত্যে যে আভিজাত্যের লক্ষণ দেখা যায় তাহার সার
একটি কারণ আছে। শ্রেষ্ঠ কবিতার মধ্যে ভাবের দিক ছাড়া শিল্পের
একটি দিক্ আছে। কবিতা একহিসাবে কবির আনন্দ হইতে স্বভাবতঃ
জন্মগ্রহণ করিলেও উহার পশ্চাতে কবির বহুদিনের সাধনা প্রচহন্দ
থাকে। স্থন্দরকে যে আকার প্রদান করিয়া তিনি মানুষের সন্মুখে
বাহির করেন তাহার মধ্যে কবির শিল্পচাতুর্য্যের যথেষ্ট পরিচর্
থাকে। তাই বলিয়া যাঁহারা কবিতার এই form বা আকারকে
নিরবচ্ছিল্ল কৃত্রিম বলিয়া মনে করেন তাঁহারা আন্ত। তবে ইহার
মধ্যেও কবির স্বাতন্ত্র্যের যথেষ্ট অবকাশ ও স্থান আছে। তিনি
যে ভাবে ইচ্ছা করেন আপনার বাণীকে প্রকাশ করিতে পারেন;—
কবির এই যে স্বাধীনতা ইহাকে থর্ব্য করিলে কবির আনন্দকে
ক্ষুণ্ণ করা হইবে, তাহার হৃদয়ের আবেগ বাধা পাইবে।

স্থতরাং কবিকে পাঠকের মনের মত করিয়া রচনা করিতে বলা সম্পূর্ণ অস্থার। যদি তাঁহার বাণী বুঝিতে চাও তোমাকে তাঁহার মত হইতে হইবে। মিল্টনের কবিতার কথা আলোচনা করিতে গিয়া একজন বিখ্যাত সমালোচক ঠিক এই কথাই বলিয়াছেন। স্থবিখ্যাত সমালোচক Walter Raleigh সেক্ষপীয়রের কবিতা সমালোচনা করিতে করিতে একস্থানে বলিয়াছেন—"কবিকে বুঝিতে ছইলে কবির স্থানে দাঁড়াইয়া তিনি যাহা দেখিতেছেন তাহা দেখিতে ছইবে।" অতএব যদি কোনো কবির রচনা সাধারণপাঠকের পক্ষে ত্রমিগম্য হয় তাহা হইলে সে পাঠকেরই তুরদৃষ্ট। ইহাতে যাঁহারা অসম্ভ্রম্ট হইয়া কবিকে তাচ্ছিল্য করিতে চান করিতে পারেন; তাুহাতে কবির কোনও ক্ষতি নাই। কারণ তিনি জানেন যে যদি তাঁহার রচনার মধ্যে সত্য স্থান্দর মন্ত্রলের কোনো বার্তা থাকে তবে তাহা একদিন-না-একদিন কালের পরীক্ষায় উত্তীর্ণ হইবেই।

সর্ববত্রই আছে: জ্ঞানের ও অধিকারীভেদ তারতম্যামুসারে সৌন্দর্য্য-উপভোগের যে প্রভেদ হইবে ইহাতে বিশ্বয়ের কিছই নাই। শ্রেষ্ঠ কবিতা, শ্রেষ্ঠ সাহিত্য যে বিনা আয়াসে, বিনা সাধনায় সকলেই বুঝিতে পারিবে এরূপ আশা করা অস্থায়। Mark Patison একস্থানে Paradise Lost-এর সমালোচনা করিতে গিয়া বলিয়াছেন—"The true apprecia tion of Paradise Lost is the last result of consummate scholarship." অতএব মৃদির দোকানে যে খাতা লেখে. কিম্বা ডাকঘরে বসিয়া যে মণিঅর্ডারের ফরম্ পূর্বণ করে সে যদি হঠাৎ একদিন ক্রন্ধ হইয়া বলে বঙ্কিমচন্দ্র ও রবীন্দ্রনাথ অকবি ভাহাতে হাস্থ ভিন্ন অপর কোনো রসেরই উদ্রেক হয় না। কারণ জগতের মধ্যে কি সাহিত্যে, কি শিল্পে কি ভাস্কর্য্যে যাহা শ্রেষ্ঠ— তাহার মূল্য সাধারণের আদর অথবা অনাদর দারা যদি বিচার করা যায় তবে মূঢ়তাকেই প্রশ্রায় দেওয়া হয়। এম্বলে অনেকে রামায়ণ, মহাভারত, ইলিয়ড প্রভৃতির কথা

উল্লেখ করিয়া যে বকাবকি আরম্ভ করিবেন তাহা জানি। কিম্ব লোক্সাহিত্য এবং আসল সাহিত্যের মধ্যে যে প্রভেদ আছে তাহা ভুলিয়া গেলে চলিবে না। আমরা যে স্থায়ী সাহিত্যের কথা বলিতেছি তাহার মধ্যে জনসাধারণের সাহিত্য থাকিতে পারে—কিন্তু জনসাধারণের সাহিত্য ভিন্ন যে অন্য-কোনোরূপ সাহিত্য স্থায়ী হইতে পারে না এরপ মনে করা ভান্তিমাত্র।

কিন্তু এই সাহিত্য--্যাহাকে আভিজাত্যাভিমানী বলিয়া অনেকে উপহাস করেন—তাহাকে 'আত্মসর্বস্ব' বলিতে পারি না। সাহিত্যে তাহাই 'আত্মসর্ববন্ধ' যাহা আত্যোপান্ত কবির fancy অথবা উচ্ছু ছাল কল্পনা হইতে উন্তুত; তাহাই "বস্তুতন্ত্ৰতাবিহীন" যাহার শুলে কোনো সত্যের অমুভূতি নাই। দেখের বর্ত্তমান কোনো ঘটনার সহিত, সমাজের কার্য্যকলাপ ও গতির সহিত তাহার কোনো প্রত্যক্ষ সংযোগ নাই বলিয়া কবির রচনাকে বস্তবিহীন "আত্মসর্ববস্ব" বলা অন্যায় হইবে। যিনি সমাজের কর্ম্মের সহিত যোগদান করেন, যিনি দেশের সেবক-দিগকে উৎসাহিত করিবার জন্ম গান রচনা করেন, যিনি সমাজের প্রয়োজনামুসারে আপনার বীণার ঠাট বদলাইয়া লন্ তিনি কবি হইতে পারেন: তিনি বরেণ্য সন্দেহ নাই, তিনি দেশের ও জাতির অশেষ উপকার করিতেছেন ভাহাও মানিতে পারি, কিন্তু যিনি বর্ত্তমানের দ্বন্দ্বকোলাহলের মধ্যেও স্থির আত্মসমাহিত থাকিয়া দিব্য দৃষ্টিতে ঋষির মত সত্য শিব ও স্থন্দরকে দর্শন করিতেছেন এবং সেই দিব্যলাকের দিব্য রাগিণীতে আপনার বীণা বাঁধিয়া গান করিতেছেন ভাহাকে অবজ্ঞা করিলে চলিবে না : তিনি সাময়িক কবি নহেন, তিনি চিরদিনকার বিখের কবি; মানুষ তাঁহার মধ্যে আপনার বর্তমানের প্রয়োজনসাধনোপযোগী বস্তু না পাইলেও মানুষের যাহা অন্তরের ধন, যাহা ভাহার প্রিয় হইতে প্রিয়তম বস্তু ভাহার সন্ধান পাইয়া থাকে।

অতএব বর্ত্তমান বাঙ্গলা সাহিত্যের মধ্যে দেশের বর্ত্তমান অবস্থার কথা নাই বলিয়া আক্ষেপের কারণ নাই; যদি এখনকার কাহারও রচনার মধ্যে সভ্য প্রকাশ হইয়া থাকে, যদি তাঁহারা আনন্দের দিব্যধাম হইতে কিছু আনিতে পারিয়া থাকেন তবেই তাঁহাদের রচনা সার্থক। তাঁহাদিগকে গালি দিলে শুধু আমাদেরই কাব্য-উপভোগের অক্ষমতা প্রকাশ করা হইবে।

বাঁহার। সাহিত্যকে ইংরাজী গন্ধী বলিয়া অবজ্ঞ। করেন তাঁহার। জুলিয়া বান যে বিভিন্ন জাতির মধ্যে নিত্যই ভাবের আদানপ্রদান চলিতেছে। তাঁহারা মনে করেন প্রত্যেক জাতিরই যে বিশেষর আছে তাহা অপরিবর্ত্তনীয় অর্থাৎ প্রাণহীন। বাহাজগতের সহিত সংঘর্ষে, বিভিন্ন শিক্ষা ও সভ্যতার ঘাতপ্রতিঘাতে জাতীয় জীবন যে জাগিয়া উঠে তাহা তাঁহার। ভুলিয়া যান। সজীব ও নির্জীবের মধ্যে প্রভেদ এই যে, নির্জীবের পরিবর্ত্তন নাই, হ্রাসবৃদ্ধি নাই, কিন্তু সজীব নিয়ত বাহিরের জগৎ হইতে বস্তু আহরণ করিয়া আপনার প্রাণশক্তির রসে তাহাকে নিষ্কিত্ত করিয়া আপনাকে পুষ্ট করে।

অভএব পশ্চিমের সহিত সংঘাতে আমাদের জাতীয় চেতনা যদি
নূতন ভাবে জাগিয়া উঠিয়া থাকে এবং পশ্চিমের শিক্ষা ও সভ্যতার
সহিত পরিচিত হইয়া দেশের শিক্ষিতসম্প্রদায় যদি মান্ধাতার আমল
হইতে যাহা চলিয়া আসিতেছিল তাহা হইতে জীবনকে একটু অশুভাবে
পরিচালিত করিয়া থাকে তবে তাহাতে ক্রোধের অথবা বিশ্বয়ের কোনো
কারণ নাই। হরতো পশ্চিমের অপরিচিত সভ্যতার প্রথম আলোকপাতে

চোখে ধাঁধা লাগিবে--হয়তো দেশের প্রাচীন গণ্ডিবন্ধ জীবন হইতে বাহিরে আসিয়। প্রথমে পথভ্রুট হইতে হইবে: কিন্তু তবুও ভাহাতে সমাজের ক্ষতির অপেক্ষা বৃদ্ধিরই সম্ভাবনা।

জাতীয় জীবন গতিহীন জড়পদার্থ নহে। শির্ফার সাহচর্গ্যে সময়ের সহিত তাহার পরিবর্ত্তন অবশাস্তাবী--তবে সজীবতার যাহা লক্ষণ, বাহিরের জিনিধকে নিজের মত করিয়া লওয়া, পরিবর্ত্তনের মধ্য দিয়া সাপনার সন্তাকে বিকাশ করা—তাহা অবশ্য তাহার মধ্যে থাকিবে।

জাতীয় জীবনের এই অবশাস্তাবী পরিবর্ত্তন অথবা পরিপুষ্টি अथरम क नमाधातरणत मरधा अकाम भाग्न ना। नवकीतानुतः कातंन কিরণ সংস্পর্শে সমাজের যাঁহার৷ বিশাল মহীরুহস্বরূপ তাঁহারাই প্রথমে জাগিয়া উঠেন এবং নবজীবনের বার্তা চারিদিকে প্রচার করেন। তাঁথাদের বার্তার সহিত, তাঁহাদের রচনার সহিত, তাঁহাদের জীবনের সহিত দেশের প্রাচীনতম কালের সম্পূর্ণ ঐক্য নাই বলিয়া তাঁহাদিগকে অবজ্ঞা করা মূঢ়তা মাত্র। কারণ তাঁহারা সমাজের অগ্রগামী দৃত-সমাজকে যাহা হুইতে হইবে সেই কথাই তাঁহারা প্রকাশ করিতেছেন।

এক্থা মনে করা অভায় হইবে যে পাঁচালি, কবির গান, অপৰা রামায়ণ-মহাভারতই চিরকাল ধরিয়া ভারতবর্ষের ও বাল্ললার সাহিত্য এবং জাতীয়তার একমাত্র নিদর্শন হইয়া থাকিবে। রবীন্দ্রনাথ প্রভৃতির মধ্যে যে শিক্ষা ও সাধনা, যে জীবনের অভিজ্ঞতা ও উদারতা রহিয়াছে মুদী অথবা পূজারী আক্ষণের মধ্যে তাহা নাই বলিয়াই তাহারা_।ইঁহাদিগকে আদর করিতে পারে না। ইহাতে ব**ন্ধিম** ्ञथवा त्रवीखनाथरक निम्मा ना कतिया वतः आमामिरशत लञ्जाय मस्रक অবনত করা উচিত।

যাঁহার৷ ইহাদিগকে বিজাতীয়ভাবাপন্ন বলেন তাঁহাদিগকে আর একটি কথা স্মরণ করিতে অসুরোধ করি। তাঁহারা ভাবেন দেশের প্রকৃত যে spirit ও temper তাহা দেশের জনসাধারণের মধ্যেই নিহিত; অতএব े अनुनर्गाक्षत्रन यांश প্রত্যাখ্যান করে তাগ যে বিদেশীয়ভাবাপন্ন তাগতে আর সন্দেহ নাই। কিন্তু একথা যে সত্য মহে তাহার বিস্তর প্রমাণ ইতিহাসে ষ্ট্রাভে।^{, *}যাহার সহিত দেশের সাময়িক অবস্থার কোনো সম্পর্ক নাই 'তাহা একহিসাবে অবশ্য দেশের কথা নহে ; কিন্তু একটু তলাইয়া দৈখিলে বোঝা যায় কবির কথা দেশের সেই প্রাণের কথা য়ে 🚓 🗝 দেশে সূত্রীত হইতে জন্মলাভ করিয়াছে। বর্ত্তমান ও চিরস্তন, 🦼 বাস্তব ৬ আদর্শ এই চুয়ের মধ্যে যে প্রভেদ তাহা ভুলিলে চলিবে না। দেশের সাধারণলোক বর্তুনানের মধ্যে এমন নিমঙ্ক্তিত থাকে যে তাহার। অনেক সময় সনাতনের কথা ভুলিয়া যায়। দেশের কবি, দার্শনিক প্রভৃতি মহাপুরুষেরাই তথন তাহাদিগকে দেশের প্রকৃত যে লক্ষা, দেশের প্রকৃত যে আদর্শ তাহা বলিয়া দেন। দেশের সাধারণলোক তাঁহাদের কথা দেশের নহে বলিতে পারে : কিন্তু ভাঁহার জানেন যে দেশকে তাঁহাদের কথাই একদিন-না-একদিন গ্রাহণ করিতেই इरेरव। मार्गनिक Emerson कवि शवदम अकञ्चारन विविद्याद्वन

"He is isolated among his contemporaries, by truth and by his art, but with this consoleton in pursuits that they will draw all men sooner or late."

শিষ্টাতোৰকুমান হায়টোৰ্কা

BOUND BY BOSE & C es, Girich Muller is 2000 BHOWAPLY Pur-

3.11.66.